

X X a 19

18. B.

Inclutur cong. f. mauri Romæ 1688

CONSTITVTIONES

FRATRVM
EREMITARVM
DISCALCEATORVM

ORDINIS
SANCTI P. AVGVSTINI
CONGREGATIONIS
GALLIARVM.



BIBLIOTHECA NAZ.
ROMA
VITTORIO EMANUELE



LVGDVN I,

Ex Typographia Viduæ CL. RIGAVD,
& Filiorum eius, in vico Mercatorio,
sub signo Fortunæ.

AN. M. DC. XLII.

2. Check and / or remove from



I
IN NOMINE
DOMINI NOSTRI
IESV-CHRISTI,
A M E N.

*INCIPIT REGVLA
sancti Patris nostri AVGVSTINI
Episcopi, & Ecclesie
Doctoris.*

C A P V T I.

De Amore Dei, & Proximi.



N T E omnia (Fratres charis-
simi) diligatur Deus, deinde
proximus: quia ista præcepta
sunt principaliter nobis data.

Hæc igitur sunt, quæ vt ob-
seruetis præcipimus in Mo-
nasterio constitui.

Primum, propter quod in vnum estis congregati, vt vnanimis habitetis in domo Domini, & sit vobis anima vna, & cor vnum in Deo.

Et non dicatis aliquid proprium: sed sint vobis omnia communia.

Et distribuatur vnicuique vestrum à Præposito vestro, victus, & tegumentum: non æqualiter omnibus, quia non æqualiter valetis omnes, sed potius vnicuique, sicut cuique opus fuerit.

Sic enim legitis in actibus Apostolorum: quia erant illis omnia communia, & distribuebatur vnicuique, sicut cuique opus erat.

Qui aliquid habebant in sæculo, quando ingressi sunt Monasterium, libenter velint illud esse commune.

Qui autem non habebant, non ea quærant in Monasterio, quæ nec foris habere potuerunt.

Sed tamen eorum infirmitati, quod opus est tribuatur: etiamsi paupertas illorum, quando foris erant nec ipsa necessaria poterat inuenire.

C A P V T II.

De Humilitate.

TAmen, non ideò se putent esse fœlices, quia inuenerunt victum, & tegumentum, quale foris inuenire non poterant.

Nec erigant ceruicem, quia sociantur eis, ad quos foris accedere non audebant.

Sed sursum cor habeant, & terrena, ac vana non quærant: ne incipiant esse Monasteria diuitibus

tibus vtilia non pauperibus, si diuites illic humiliantur, & pauperes illic inflantur.

Rursus etiam illi qui aliquid esse videbantur in sæculo, non habeant fastidio Fratres suos, qui ad illam sanctam societatem ex paupertate venerunt : magis autem studeant, non de parentum diuitum dignitate : sed de pauperum Fratrum societate gloriari.

Nec extollantur si communi vitæ aliquid de suis facultatibus contulerint : Nec de suis diuitiis magis superbiant, quia eas Monasterio partiuntur, quàm si eis in sæculo fruerentur.

Alia quippè quæcumque iniquitas, in malis operibus exercetur, vt fiant : superbia verò etiam bonis operibus insidiatur, vt pereant.

Et quid prodest dispergere, dando pauperibus, & pauperem fieri ; cum anima misera superbior efficitur, diuitias contemnendo, quàm fuerat possidendo?

Omnes ergo vnanimiter, & concorditer vivite : & honorate in vobis Deum inuicem, cuius templa facti estis.

C A P V T I I I.

De Oratione, & Ieiunio.

ORationibus instate, horis, & temporibus constitutis : In Oratorio, nemo aliquid agat, nisi ad quod factum est vnde & nomen accepit.

Vt si fortè aliqui, etiam præter horas consti-

tutas, si eis vacat, orare voluerint, non eis sint impedimento qui ibi aliquid agendum putauerint.

Psalmis, & hymnis cum oratis Deum, hoc versetur in corde, quod profertur in voce.

Et nolite cantare, nisi quod legitis esse cantandum: quod autem non ita scriptum est, ut canetur, non canetur.

Carnem vestram domate ieiuniis & abstinentia escæ & potus, quantum valetudo permittit.

Quando autem aliquis non potest ieiunare, non tamen extra horam prandij, aliquid alimentorum sumat, nisi cum ægrotat.

C A P V T I V.

De refectione Mentis, & Corporis.

CUm acceditis ad mensam, donec inde surgatis: quod vobis secundum consuetudinem legitur, sine tumultu & contentionibus audite. Nec solæ vocis fauces sumant cibum sed & aures esuriant Dei verbum.

Qui infirmi sunt, ex pristina consuetudine, si aliter tractantur in victu, non debet aliis molestum esse, nec iniustum videri eis, quos fecit aliquam consuetudo fortiores: Nec illos feliciores putent, quia sumunt, quod non sumunt ipsi, sed sibi potius gratulentur, quia valent, quod non valent illi.

Et si eis, qui venerunt ex moribus delicatioribus

ribus ad Monasterium, aliquid alimentorum, vestimentorum, operimentorum datur, quod aliis fortioribus, & idè scèlicioribus non datur: Cogitare debent, quibus non datur; quantum de sua sæculari vita illi ad istam descenderint: quamvis vsque ad aliorum, qui sunt corpore firmiores, frugalitatem peruenire nequiverint.

Nec debent velle omnes, quod paucos vident amplius non quia honorantur, sed quia tolerantur, accipere. Ne contigat detestanda peruersitas: vt in Monasterio, vbi quantum possunt fiunt diuites laboriosi, fiant pauperes delicati.

C A P V T V.

De cura infirmorum.

SANè quemadmodum ægrotantes, necesse habent minus accipere, ne grauentur: ita & post ægritudinem, sic tractandi sunt vt citius recreentur: Etiam si de humillima sæculi paupertate venerint: tanquam hoc illis contulerit recentior ægritudo, quod diuitibus, anterior consuetudo.

Sed cùm vires pristinas reparauerint: redeant ad scèliciores consuetudinem suam, quæ famulos Dei, tantò amplius decet, quantò minus indigent: Nec cibi eos teneat voluptas iam vegetatos, quos necessitas leuarat infirmos.

Illos æstiment ditiores, qui in sustinenda parcitate fuerint fortiores: melius est enim minus egere, quàm plus habere.

CAPVT VI.

De exteriore, & interiore habitu.

Non sit notabilis habitus vester ; nec affecte-
tis vestibus placere : sed moribus.

Quando proceditis, simul ambulate : cū v-
neritis quō itis, simul state.

In incessu, statu, habitu, & in omnibus mori-
bus vestris , nihil fiat quod cuiusquam offendar
aspectum, sed quod vestram deceat sanctitatem.

Oculi vestri, Et si iaciantur in aliquam fœmi-
narum , & figantur in nullam : Neque enim,
quando proceditis , fœminas videre prohibemi-
ni ; sed appetere, aut ab ipsis appeti velle, crimi-
nosum est.

Nec solo tactu, sed affectu, & aspectu quoque
appetitur: & appetit concupiscentia fœminarum.

Nec dicatis, vos habere animos pudicos, si ha-
beatis oculos impudicos : quia impudicus oculus
impudici cordis est nuncius. Et cū se inuicem
sibimet (etiam tacente lingua) conspectu mutuo
corda nunciant impudica, & secundum concupi-
scentiam carnis alterutro delectantur ardore,
etiam intactis ab immunda violatione corpori-
bus, fugit castitas ipsa de moribus.

Nec putare debet, qui in fœminam figit ocu-
lum, & illius in seipsum diligit fixum , ab aliis
se non videri cū hoc fecerit, videtur omnino,
& à quibus se videri non arbitratur.

Sed etsi lateat, & à nemine hominum videatur:
quid

quid faciet de illo desuper inspectore quem latere nihil potest? An ideo putandus est non videre: quia tantò videt sapientius, quantò patientius.

Illi ergò vir sanctus timeat displicere, ne velit foeminae, malè placere.

Illum cogitet omnia videre, ne velit foeminam malè viderè.

Illius namque & in hac causa commendandus est timor, vbi scriptum est; abominatio est Domino defigens oculum.

Quando ergò simul estis in Ecclesia, & vbi-
cumque foeminae sunt, inuicem vestram pudici-
tiam custodite: Deus enim, qui habitat in vobis,
etiam isto modo custodiet vos ex vobis.

C A P V T V I I.

De correctione Fraterna.

ET si hanc, de qua loquor vobis, oculi petulantiam in aliquo vestrum aduerteritis; statim admonete ne coeptà progrediantur: sed de proximo corrigantur.

Si autem & post admonitionem iterum, vel alio quocumque die, idipsum eum facere videritis: iam velut vulneratum sanandum prodatur quicumque hoc potuerit inuenire.

Prius tamen est alteri; vel tertio demonstrandum, vt duorum, vel trium possit ore conuinci, & competenti seueritate coerceri.

Nec vos iudicetis esse maleuolos, quando hoc

indicatis : magis quippe innocentes non estis , si Fratres vestros , quos indicando corrigere potestis , tacendo perire permittitis.

Si enim Frater tuus , vulnus haberet in corpore quod vellet occultari , cùm timeret secari : nonne crudeliter abs te sileretur , & misericorditer indicaretur ? Quantò ergo potius debes manifestare , ne deterius putrescat in corde ?

Sed antequam aliis demonstretur , per quos conuincendus est : si negauerit . Priùs Præposito debet ostendi , si admonitus neglexerit corrigi : ne fortè possit secretiùs correptus non innotescere cæteris.

Si autem negauerit : tunc neganti adhibendi sunt alij , vt iam coram omnibus possit , non ab vno teste argui : sed à duobus , vel tribus conuinci : Conuictus verò , secundum Præpositi , vel etiam Presbyteri (ad cuius dispensationem pertinet arbitrium ,) debet emendatoriam subire vindictam.

Quam si ferre recusauerit (etiamsi ipse non abscesserit) de vestra societate proiciatur : Non enim hoc fit crudeliter , sed misericorditer , ne contagione pestifera plurimos perdat.

Et hoc quod dixi de oculo non figendo : etiam in cæteris inueniendis , prohibendis indicandis , conuincendis , vendicandisque peccatis , diligenter & fideliter obseruetur : cum dilectione hominum , & odio vitiorum.

Quicumque autem in tantum progressus fuerit malum ; vt occultè ab aliquo litteras , vel quodlibet munus accipiat : si hoc vltro confiteatur , parcat ei illi , & oretur pro illo : si autem deprehenditur

prehenditur atque conuincitur, secundum arbitrium Presbyteri, vel præpositi grauius emendetur.

C A P V T V I I I.

De Communitate rerum & Custodia.

VEstes vestras in vnum habeatis, sub vno custode, vel duobus, vel quot sufficere potuerint, ad eas excutiendas: ne à tinea lædantur.

Et sicut pascimini ex vno cellario: sic induamini ex vno vestiario.

Et si fieri potest, non ad vos pertineat, quod vobis indumentum pro temporum congruentia proferatur, vtrum hoc recipiat vnusquisque quod deposuerat; an aliud quod alter habuerat; dum tamen vnicuique prout cuique opus est, non negetur.

Si autem hinc inter vos contentiones & murmura oriuntur, & conqueritur aliquis, deterius se accepisse, quam prius habuerat; & indignum se esse qui non ita vestiatur, sicut alius Fratres vestitur: hinc vos probate, quantum vobis desit in illo sancto interiore habitu cordis: qui pro habitu corporis litigatis.

Tamen si sic vestra toleratur infirmitas, vt hoc recipiatis quod posueratis: in vno tamen loco, sub communibus custodibus, habete quod ponitis.

Ita sanè, vt nullus sibi aliquid operetur: sed omnia opera vestra in vnum fiant, maiori studio

& frequentiori alacritate, quàm si vobis singulis faceretis propria.

Charitas enim, de qua scriptum est, quod non quærit quæ sua sunt, sic intelligitur: quia communia propriis, non propria communibus anteponit.

Et ideò quantò plus rem communem, quàm propria vestra curaueritis, tantò vos amplius profecisse noueritis: vt in omnibus, quibus vtitur transitura necessitas, superemineat, quæ permanet, Charitas.

Consequens ergo est, vt si quis filiis suis, aut aliqua necessitudine ad se pertinentibus in Monasterio constitutis aliquam contulerit vestem, siue quodlibet aliud inter necessaria deputandum, non occultè accipiatur, sed sit in potestate Præpositi, vt in rem communem redactum, cui necessarium fuerit præbeantur.

Quod si aliquis, rem sibi collatum cælaue-rit, furti iudicio condemnetur.

C A P V T I X.

De munditia vestium, & lauacro infirmorum.

Indumenta vestra secundum arbitrium Præpositi, lauentur, siue à vobis, siue à fullonibus. Ne interiores animæ sordes contrahat munda vestis nimius appetitus.

Lauacrum etiam corporis (cum infirmitatis necessitas

neccssitas cogit) minimè denegetur : fiat tamen siue murmure de consilio medici : ita vt etiam si nolit , iubente Præposito , faciat quod facendum est pro salute.

Si autem velit , & fortè non expedit , suæ cupiditati non obediatur : aliquando enim , etiam si noceat , prodesse tamen creditur quod delectat.

Denique si latens est dolor in corpore famulo Dei dicenti , quid sibi doleat , sine dubitatione credatur. Sed tamen vtrum sanando illi dolori , quod delectat expediat , si non est certum , medicus consulatur.

Nec eant ad balnea , siue quocúmque ire necesse fuerit , minus quam duo , vel tres. Et ille qui habet aliquò eundi necessitatem , cum quibus Præpositus iusserit ire debet.

Ægrotantium cura , siue post ægritudinem rescificiendorum siue aliqua imbecillitate , siue etiam febribus laborantium , vni alicui debet iniungi ; vt ipse de cellario petat , quod cuique opus esse perspexerit.

Siue autem qui cellario , siue qui vestibus , siue qui Codicibus præponuntur : sine murmure seruiant Fratribus suis.

Codices certâ horâ , singulis diebus petantur , extra horam qui petierit , non accipiat.

Vestimenta verò , & calceamenta , quando indigentibus fuerint necessaria , dare non differant , sub quorum custodia sunt , quæ poscuntur.

CAPVT X.

De veniæ petitione, & offensa remissione.

Lites aut nullas habeatis, aut quàm celerrimè finiatis: ne ira crescat in odium, & trabem faciat de festuca & animam faciat homicidam, sic enim legitis: qui odit Fratrem suum homicida est.

Quicumque conuitio, vel maledicto, vel etiam criminis objectu aliquem læserit, meminerit satisfactione, quantociùs curare quod fecit. Et ille qui læsus est, sine disceptatione dimittere.

Si autem inuicem se læserint, inuicem sibi debita relaxare debebunt, propter orationes vestras quas vtrique; quantò crebriores habetis, tantò sanctiores habere deberis.

Melior est enim, qui quamuis ira sæpè tentatur, tamen impetrare festinat, vt sibi dimittat, cui se fecisse agnoscit iniuriam, quàm qui tardius irascitur, & ad veniam petendam tardius inclinatur.

Qui autem nunquam vult petere veniam, aut non ex animo petit: sine causa est in Monasterio, etiamsi inde non proiciatur.

Proinde vobis à verbis durioribus parcite, quæ si emissæ fuerint ex ore vestro non pigeat ex ipso ore pro ferre medicamenta, vnde facta sunt vulnera.

Quando autem necessitas disciplinæ in moribus coercendis, dicere vos verba dura compellit: si etiam ipsi modum vos excessisse sentitis, non à vobis exigitur vt à vobis subditis, veniam postuleris,

letis, ne apud eos quos oportet esse subiectos, dum nimium seruetur humilitas, regendi frangatur authoritas.

Sed tamen petenda est venia ab omnium Domino qui nouit etiam eos, quos plus iusto fortè corripitis, quanto beneuolentia diligatis.

Non autem carnalis, sed spiritalis inter vos, debet esse dilectio.

C A P V T X I.

De obedientia.

PRæposito tanquam patri obediatur: multò magis Presbytero, qui omnium vestrùm curam gerit.

Vt ergo cuncta ista seruentur: & si quid seruatum minus fuerit, non negligenter prætereatur: sed vt emendandum, corrigendumque curetur: ad Præpositum præcipuè pertinebit, vt ad Presbyterum (cuius est apud vos maior auctoritas) referat quod modum, vel vires eius excedit.

Ipse verò qui vobis præst, non se existimet potestate dominante, sed charitate seruiente fœlicem.

Honore coram vobis Prælatus sit: timore coram Deo substratus sit pedibus vestris.

Circa omnes, seipsum bonorum præbeat exemplum. Corripiat inquietos, consoletur pusillanimes, suscipiat infirmos, patiens sit ad omnes.

Disciplinam libens habeat, metuendus imponat: Et quamuis vtrùmque sit necessarium: tamen plus à vobis amari appetat, quàm timeri: semper cogitans

cogitans Deo se pro vobis redditurum esse rationem.

Vndè vos magis obediendo, non solum vestri, sed etiam ipsius miseremini, qui inter vos quanto in loco Superiore, tanto in periculo maiori versatur.

CAPVT XII.

De fine, & frequenti lectione huius Regule.

Donet Dominus vt obseruetis hæc omnia tanquam spiritualis pulchritudinis amatores: & bono Christi odore, de bona conuersatione fragrantés non sicut serui sub lege: sed sicut liberi sub gratia constituti.

Vt autem vos in hoc libello, tanquam in speculo possitis inspicere: ne per obliuionem aliquid negligatis, semel in septimana vobis legatur.

Et vbi vos inueneritis ea, quæ scripta sunt facientes, agite gratias Domino, bonorum omnium largitori.

Vbi autem sibi quicumque vestrum videt aliquid deesse: doleat de præterito; caueat de futuro: orans vt & debitum sibi dimittatur, & in tentationem non inducatur. Amen.

Finis Regule.

Quicumque hanc Regulam sequuti fuerint, pax super illos. *Galat. 6.*



VRBANVS

PP. VIII.

Ad perpetuam rei memoriam.



IVINÆ Majestatis prouidentia ad summi Apostolatus fastigium euecti super vniuersos Orbis regulares Ordines, & in eis voto religionis adstrictos nostræ dirigentes considerationis intuitum ad ea per quæ regularis vitæ, institutio olim à sanctis viris piè & religiosè inuenta & constituta temporum lapsu sese remittente religionis deuotione relaxata & aliquatenus deformata restrictionem, & reformationem suscipiat, & in pristinum reflorescat statum, propensis studiis intendimus, & quæ pro illorum foelici statu & directione facta fuisse solerti indagine comperimus, vt firma & illibata perdurent Apostolico præsidio fauorabiliter communimus & alias desuper disponimus, prout in Domino conspiciamus salubriter expedire. Exhibita siquidem vobis nuper pro parte dilecti filij Hyacinthi à sancta Margarita, Procuratoris generalis in Romana Curia fratrum Eremitarum reformatorum discalceatorum nuncupatorum ordinis sancti Augustini, Congregationis Galliarum, & Visita

Vifitatoris Generalis, eiuſdem Congregationis p  titio continebat quod dicta Congregatio qu   in Prouincias antea diſtincta non erat diuerſas litteras Apoſtolicas, obtinuit, vnas videlicet pro eius Confirmatione, & in ſuo huiuſmodi ſtatu directione & manutentione datas Rom   apud ſanctam Mariam Maiorem, die vigefima prima Iulij, anni Domini 1628. creſcente ver   eius Fratrum & Conuentuum in pluribus Gallia   partibus numero per alias litteras datas die xviij. Martij, anni eiuſdem Domini 1635. in tres Prouincias diuiſa fuit, & in ea Capitula Prouincialia, & per conſequens aliud gubernij genus applica auctoritate Statuta & ordinata fuer  t vnde cum dicti Fratres eorum Statuta, & Conſtitutiones ad noui huiuſmodi ſtabilim  ti formam reducere cogerentur licentiam antiqua eorum ſtatuta & ordinationes, necn   ceremoniale ad meliorem formam reducendi per alias noſtras litteras datas die 27. Aprilis, anni eiuſdem Domini 1637. obtinuerunt, provt in ſingulis litteris pr  fatis in ſimili forma breuis expeditis plenius continetur, cuius licenti   vigore multa in pr  fatis litteris, & aliis hic non expreſſis contenta nouo huiuſmodi viuendi generi, & ſtabilimento non conuenientia mutare, & alia iam executioni mandata, aut pro tunc inutilia intermittere, c  tera ver   & neceſſaria ex illis deprompta hic ſuo loco inferere coacti fuerunt & illa in capita & paragraphos diſtincta in hanc completam formam redegerunt.



PARS PRIMA.

*DE TRIBVS VOTIS,
& alijs ad mores pertinentibus.*

C A P V T I.

De receptione Nouitiorum.

§. I.



VANDO quidem iubet Pater Augustinus in regula, vt in vnũ Congregati vnanimis habitemus in domo Domini æquum sanè est vt, & habitemus Vniiformes, & sicut nobis vna in esse debet anima, ita & vna à nobis obseruetur viuendi ratio, & hæc est quæ præsentibus, ac subsequenti- bus statutis designabitur. Ac primum cum ad regularem disciplinam in singulis religiosorum monasterijs propagandam nouitiorum electio sit maximè necessaria, & nihil ad grauem illam, ac laudatissimam priscorum Patrum viuendi rationem relaxandam maiorem vim habuisse comper- tum sit quam nimiam in Nouitijs recipiendis facilitatem, vel negligentiam in examinando, &

& probando eorum spiritu an ex Deo sit. Idcirco, vt huiusmodi incommodo in Congregatione nostra occurratur in Nouitiorum delectu maxima prudentia vtendum est, nec tam eorum consolationi quam Congregationis vtilitati consulendum.

§. 2.

Quapropter statuimus in primis, vt recipiantur Nouitij sub qualitate clericorum, conuersorum, vel commissorum, recipiantur autem regulariter, & approbentur per vota secreta indiffinitotiis, Capituli Generalis, Prouincialis vel intermediij, & extra illa post licentiam Vicarij Generalis, aut Prouincialis in scriptis obtentam à Conuétualibus vocalium Capitulis in quibus sicut, & in primis si recipiendi mediam tantum partem suffragiorum habuerint reprobatif censeantur, nec prius approbentur, Imo nec proponantur nisi præuia sufficienti noritia de spiritu, & vocatione eorum, de vita antea, moribus ætate, patria, & parentibus, & quod nullis detineantur impedimentis quibus iuxta sacros Canones summorum Pontificum Decreta, & subsequentes Constitutiones nostras ad Religionem præcluditur aditus.

§. 3.

Ætas eorum qui recipientur si sint choro deputandi sint ad minus quindecim annorum, ita vt anno probationis elapso, & XVI. anno completo, professionem emittere possint, ætas conuersorum itidemque commissorum sit annorum viginti, Nullus autem Conuersus, vel Commissus post trigésimum sextum, ætatis suæ annum

num admittatur nisi de consensu definitoriij
Capituli Prouincialis.

§. 4.

Ad religionem accedentes passim , & statim
non recipiantur , sed prius aliquoties a priore,
Magistro nouitiorum, & alio aliquo Patre ad hoc
deputato , priuatjs colloquijs explorentur in ip-
sis vocationis motiua, iudicium , indoles, mens,
docilitas, valetudo corporis & membrorum sa-
nitas , quod si post hæc ad bonum propensi, & ad
Religionis labores ferendos idonei facile Credan-
tur ; Prior Congregatis Capitulariter omnibus
vocalibus signo solito & representata eis præ-
sentis conuocationis causa coram ipsis secularem
recipiendum aduocabit , ipsum de statu & fine
religionis breuiter admonebit : eique publicè per
se , vel per alium præleget , & explicabit impe-
dimenta sequenti paragrapho subnotata.

§. 5.

Nullus in nostra Congregatione recipiatur
quin sine dubio sit bonus, & Confirmatus Chri-
stianus , atque catholicus. Nullus qui aliquando
morbo comitiali , vel contagioso , aut quouis
alio incurabili, siue etiam aliquo iudicij defectu
laborauerit, nec qui aliqua notabili corporis de-
formitate sit signatus. Nullus etiam admittatur
criminosus , exul , vel ob delictum publicum
merito difamatus , ære alieno in notabili quan-
titate , & supra facultatum suarum vires op-
pressus, aut rationi reddendæ obnoxius. Nullus
qui ad pauperum parentum sustentationem sit
obligatus , aut matrimonio consummato liga-
tus. Nullus quoque recepti possit illegitimus, &

ad hoc teneatur quilibet nouitius ante ingressum vel professionem suam exhibere baptismi fidem, vt in libro ad hoc deputato registretur.

§. 6.

Si quis verò post susceptionem habitus aliquo prædictorum impedimentorum detineri deprehensus fuerit, illico ex nostra congregatione expellatur tanquam ad profitendum inhabilis, imò, & si professus iam fuerit expellatur à Capitulo generali cum eius professio sub fraude, & dolo fuerit acceptata, & Vicarius Generalis, Prouincialis, aut quilibet alter superior qui vel aliquem cum impedimentis supradictis, aut infra dicendis paragrapho 8. scienter receperit, vel etiam ignorantes receptum post cognitum impedimentum tempore nouitatus non eiecerit ab officio deponatur, & de cætero maneat inhabilis ad omnia officia in posterum obtinenda donec cum ipso per Capitulum Generale fuerit dispensatum.

§. 7.

Si audito hoc præcedenti paragrapho responderit postulans se nullo omnino impedimento detineri illud coram capitularibus iurciurando confirmabit, eique intimabitur eiicendum fore quandocumque de aliquo prædictorum contrarium constiterit, & si quidem fuerit clericus, præterea præsentabitur ei à superiore, vel ab examinadoribus legendum, & lingua vulgari exponendum caput aliquod Latinum, Bibliæ sacre, aut quid simile, cum ampliori ibidem (si opus fuerit) examine, vt de eius scientia, & capacitate ad sacros ordines suo tempore recipiendos omnibus

hibus vocalibus pateat, & de hoc examine non fiet per examinatores alter actus à generali approbatione distinctus, si autem recipiendus conuersus fuerit illi etiam hoc loco insinuabitur quod nunquam poterit ad statum Clericalem promoueri, neque nouitiatus tempore, neque post professionem emissam, neque si fuerit commissus ad statum Conuersi.

§. 8.

Qui aliquando ex nostra vel aliena Religione, aut Congregatione ante professionem suam recesserit in solo Capitulo Prouinciali recipi possit, qui verò fuerit in altera Religione, aut Congregatione professus vix admittatur ad Congregationem nostram, & non nisi de solo, & vnanimi consensu patrum definitorijs generalis.

§. 9.

Ob nimiam Congregationis paupertatem Nouitius sibi comparet vestes, & vtenilia personalia consueta nisi ob singulares alicuius dotes, & ob impossibilitatem vellet Prouincialis vna cum Capitulo Conuentuali cum aliquo dispensare.

§. 10.

Si extra Conuentum Nouitiatus de licentia Vicarij Generalis, vel Prouincialis aliquis habitu nostro induatur (quod tamen rarissime fiet,) intra primum mensem à receptione habitus ad Nouitiatus Monasterium transmittatur vna cum vestimentis secularibus, cæterisque ipsi necessariis, quod & similiter obseruetur, quotiescumque Nouitium aliquem de vno Conuentu

in alium transmittere vrgens necessitas expulabit.

§. 11.

Qui recipientur in Conuentu Nouitiatus approbati, vt supra per dies aliquot, si priori videbitur, non tamen vltra quindecim, admittantur ad communes Nouitiorum exercitationes vt noscant Religionis asperitates, & eorum constantia experimento comprobetur.

§. 12.

In Collatione habitus obseruetur ritus consuetus & conferens mutabit recipiendis nomen proprium, & cognomen, quibus in sæculo utebantur imponendo illis nomen alterius alicuius Sancti, & pro cognomine Sanctæ, vel Sancti, & in hoc maxime cauebit prior ne Nouitij cum aliis prouinciæ fratribus in nomine proprio conueniant, vt quantum fieri poterit tollatur æquiuocatio.

§. 13.

Denique vestimenta eorum secularia, & alia quæ secum portauerint tempore Nouitiatus non necessaria sub clauē conseruabuntur in loco tuto vsque ad professionem factam, & si emptis utensilibus necessariis pecunias aliquas permodum depositi conuentui remiserint. Inhibetur Superioribus quibuscumque vt eis sub quouis prætextu vtantur, sub pœna priuationis officiorum. Nouitij vero tam pecuniarum huiusmodi quam vestium secularium, librorum, & aliorum quæ secum tulerint, dent Magistro Nouitiorum memoriale manu propria conscriptum, vel aliena si scribere nesciuerint.

§. 14.

§. 14.

Magister Nouitiorum statim notabit in libro ad hoc deputato annum, mensem, diem, & horam quibus ipsi habitum nostrum susceperint, cum ipsorum ætate, patria, parentibus, nomine, & cognomine tum eo quo vivebantur in sæculo, tum eo quod ipsis de nouo impositum est.

§. 15.

Ne autem ad habitum vel ad professionem admittantur inhabiles, Præcipimus per meritum salutaris obedientiæ ne nostri congregationis Religiosi cuiquâ suffragentur, tam pro receptione habitus quam pro professione nisi quem teste conscientia aptum & idoneum esse cognouerint, ac prædictum qualitatibus hoc capite deductis, aliisque iuxta summorum Pontificum decreta necessariis vt autem præscriptum hoc facilius obseruetur, nec ignoranter ab vilo initio cuiuslibet ballotationis Nouitiorum vocalibus à Priore prælegatur.

C A P V T II.

De educatione Nouitiorum.

§. I.

Designabuntur in vnaquaque Prouincia à Capitulo Prouinciali, aut intermedio Monasteria, vnum, vel plura pro numero Nouitiorum apta, & commoda, in quibus locus Nouitiatus ab altera conuentus parte sit se-

gregatus, & clauē Clausus, ita vt nullus siue
 secularis, siue professus intrare, nec vllus Nouitio-
 rius inde exire possit inscio priore, vel Nouitio-
 rum Magistro. In eo autem iuxta decretum feli-
 cis recordationis Clementis VIII. præter alias
 commoditates sit locus aptus ad spirituales col-
 lationes, & exhortationes, & ad quem hyemis
 tempore (si fieri possit) ad calefaciendum se
 igne communi recipiant.

§. 2.

Subprior regulariter erit Magister Nouitio-
 rum, qui eligetur vir saltem ætatis annorum
 triginta quinque iuxta cōstitutionem fœlicis re-
 cordationis Clemētis octaui mediocriter doctus,
 orationis & mortificationis operibus addictus,
 zelo, prudentia, mansuetudine, ac pierate in-
 signis, & in omnibus vitam spiritualem, & sta-
 tum religionis spectantibus sufficienter versatus,
 ad quem nouitij in dubiis, & in tentationibus
 confugere, & ab ipso consilium, solatium, &
 auxilium in domino sperare Valeant, & accipere
 quique eos, cum omni sanctimonia, & bona
 doctrina iuxta Congregationis statuta, & cere-
 monialia diligenter erudiat, & doceat. In primis
 benè; & fructuosè confiteri, & intra primum
 mensem à susceptione habitus per generalem om-
 nium peccatorum confessionem totius anteaetæ
 vitæ conscientiam discutere & expurgare, & (si
 fieri possit) ante susceptionem habitus. Præterea
 Sacramenta, cum debita præparatione percipere
 vocaliter, & mentaliter orare, diuinum officium
 recitare, ab illusionibus & tentationibus damo-
 num cauere, easque superioribus fideliter dere-
 gere,

gere, sensus suos tum externos, tum internos prudenter regere, animæ suæ passiones generosè moderari, & tam cum sæcularibus, quam cum fratribus religiosè conuersari, ita vt in omnibus potiores partes aliis deferant, & singulis honorem, & reuerentiam quam exigit cuiusque status cum simplicitate, & religiosa moderatione ubique exhibeant, libentius audiant, quam loquantur, nec ambulent extento collo, sed fixis in terram oculis, & manibus intra manicas inclusis, demum doceat eos omnium passionum, mortificationum, omniumque virtutum acquisitionem, & similia quibus in via Domini in dies progrediantur.

§ 3.

In hunc finem Magister Nouitiorum habebit circa ipsorum regimen, plenam, & absolutam potestatem iuxta decreta fel. record. Clementis octauæ, ter in septimana audiet ipsorum culpas, & si quas ipsis ordinationes, aut pœnitentias iniunxerit, nullus poterit imò nec Prior eo incio, & inconsulto tollere, minuere, vel mutare. Quod si Prior in causa maximè rationabili, aut in eius absentia aliquid mutandum iudicauerit, eum quantocitius admonebit, & cum eo hac de re conferet, vt quod utilius fuerit determinetur.

§. 4.

Nouitij singulis feriis sextis ante prandium disciplinam apprehendant super nudas scapulas in obscuro extra refectoryum durante Psalmo *Miserere*, & ibi adsit Magister Nouitiorum, aut ubi magister. In choro nunquam sedeant, nisi tempore lectionum, & martyrologij, pallium in-

tra conuentum non deferant, & ad differentiam professorum, donec professionem actualiter emisserint habeant particulam panni nigri quæ patientia nuncupatur, pendentem tam ex anteriori, quam posteriori parte capucij digitos quatuor subtus corrigiam, & latitudinis dimidij palmi.

§. 5.

Nouitiorum Magistro socius si per nouitiorum instruendorum multitudinem sit necessarius, vita & moribus, quoad fieri poterit consimilis, & ætate annorum tringinta iuxta constitutionem Clementis octauæ, deputetur à Prouinciali, qui socius dictum Magistrum pro viribus adiuuabit, & Magister sæpè cum eo de Nouitiorum statu rem habebit, ita vt in ipsorum directione vna sit eorum mens & intentio.

§. 6.

Nec sufficiet curare, vt addiscant Nouitij quæ conueniunt, sed etiam vt exerceant quæ didicerint. Fratres conuersi, & commissi specialiter in operibus manualibus exercitabuntur ab ipsorum Magistro, vel quouis alio fratre eiusdem vocationis professo, qui eos intra vel extra clausuram nouitiorum doceat omnia, quæ ad parsimoniam, & quotidianum nostrorum conuentuum ministerium attinent, & moneat continuo, vt in huiusmodi operibus manualibus, & externis, orationibus iaculatoriis Dei præsentiam faciliè conseruantibus frequenter vtantur.

§. 7.

Non liceat Nouitiis litteris incumbere, sed tantum rerum spiritualium lectioni, & meditationi, extra conuentum absque necessitate inuitabili non

non mittantur, neque intra illum, cum secularibus loquantur, si tamen aliqua rationabilis causa aliter iusserit, id fiat breuiter, præsentem semper, & audiente priore, vel eorum Magistro, aut alio Patre ad hoc per Priorem deputato, soli autem sæcularibus nunquam loquentur, nisi de vocalium consensu.

§. 8.

Nullus Religiosus professus sine licentia ipsos audeat alloqui, & ipsi & nouitij continuum inter silentium obseruare teneantur, nisi quando eorum Magister cum ipsis animi relaxandi gratia dispensauerit, & tunc quidem sine clamore loquantur, ut submissè loqui assuescant, quod si extra recreationem huiusmodi vrgens aliqua necessitas expostulet, ut inter se, vel cum quocumque professo loquantur, non fiet aliter quàm genibus flexis & de licentia Magistri.

§. 9.

Ipsi magistro, & socio nouitiorum confessiones audiendi cura committatur, dummodo ter ad minus in anno Prior hoc officium committat vni vel pluribus ex grauioribus patribus sui conuentus (puta) saltem in paschate, in Natiuitate Domini & in Assumptione Beatæ Mariæ.

§. 10.

Prior ipsos inuiset quoties in Domino iudicauerit expedire, eo tamen casu aliquem semper ex senioribus conuentus vel monasterij patribus assumat socium, iuxta decretum Clementis octauī Culpas eorum singulis feriis sextis coram cæteris suis inferioribus capitulariter audiet, nihil tamen circa eos notabiliter disponet inscio eorum magistro

magistro, cuius zelum & authoritatem semper,
& vbique tuebitur.

§. 11.

Ter intra nouitiatus annū singuli nouitij con-
uentuali vocalium capitulo proponantur, scilicet
in fine mensis quarti, & octauī & circa medium
duodecimi, ita vt in fine capituli immediate præ-
cedentis surgat eorum magister, & intinet priori,
& vocalibus, primam, secundam, & tertiam
approbationem instare, quo facto prior in Ca-
pitulo subsequenti interrogabit magistrum noui-
tiorum, vel socium eius, & postea reliquos vo-
cales, vt pro bono congregationis exponant li-
berè, quæ circa nouitium ballotandum nouerint
discutienda, præcipue autem magister nouitio-
rum, & socius de moribus eius siue pro eo, siue
contra eum postposito odio, vel amore fidele
testimonium reddere teneantur, Nouitius qui in
ballotatione quarti mensis medietatem suffra-
giorum habuerit approbatus censeatur, in secun-
da vero, & tertia nisi vltra medietatem habuerit
improbatu sit.

§. 12.

Statuimus insuper vt ante vltimam ballota-
tionem prior in Capitulo immediate præcedenti
successiue, & disjunctim adnocet coram voca-
libus omnes professos non vocales cuiuscumque
conditionis sint, vt si quis aliquod nouerit con-
tra bonos mores, vel alios defectus nouitij bal-
lotandi ibi fideliter referat, ac præterea præle-
gat vocalibus præceptum expressum in para-
pho vltimo capituli præcedentis immediate ante
ballo

ballotationem hanc, & alias quascunque tempore de nouitio faciendas.

§. 13.

In approbandis, vel reprobandis nouitiis maius spirituale bonum semper minori, & publicum priuato præferendum est, ac in dubiis tutior pars est eligenda repellendo eum de quo probabilius timetur quod futurus sit noxius Religioni quam profuturus.

§. 14.

Quod si etiam ante, vel post præfata tempora Nouitius, approbatus ita inhoneste se gesserit, vt professione censeatur indignus ad instantiam prioris, vel magistri nouitiorum, siue etiam duorum, aut trium vocalium statim iterum ballotetur, & si de eius emendatione non sit spes probabilis eiiciatur.

§. 15.

Dum vero decretum fuerit, vt Nouitius aliquis habitu priuatur illico à nouitiorum consortio, & & dormitorio separetur, & prior sic reprobatum consoletur, eumque expellat tam modeste, caute, & occultè, vt si fieri possit ipse, & parentes, eius sine dedecore maneant, & bonum erga congregationem affectum non deponant.

§. 16.

Magister nouitiorum hinc statim scribet in libro ad hoc deputato præfatas approbationes, vel improbationes, cum anno, mense, & die, post teritiâ vero approbationem coram patribus nouitiis aduocabitur, & ei iterum sicut, & in receptione religionis impedimenta legentur, & inquiretur ab eo sub præstito iuramento an aliquo
illorum

illorum teneatur, qui si adhuc responderit nullo se detineri, de sua ad professionem aprobatione moneatur, tum ad exercitia solitaria se disponat vt iubetur infra caput 11. §. quinto, tum vt de testamento (si opus est) faciendo prudenter recogitet, iuxta consilium euangelicum vel aliter prout sibi in Domino videbitur expedire, si vero hoc testamento libere, & prorsus nullo suadente aliquid ex bonis suis siue mobilibus siue immobilibus congregationi legauerit, legatum huiusmodi ad conuentum illius loci pertineat à quo Nouitius oriendus est, & si nullus ibi fuerit congregationis conuentus ad arbitrium capituli Prouincialis, aut intermedij illius prouinciæ pro necessitate aliorum conuentuum prouideatur.

C A P V T I I I .

De Professione, & nouis professis.

§. 1.

Nouitij elapso die, & anno à susceptione habitus omnino vel professionem solemnem emittant, vel ad sæculum remittatur iuxta Consiliū Tridentinum, eorū autem professio fiat iuxta Breue Urbani octauī sub datum vigesima octaua martij, millesimi sexcentissimi trigesimali quinti. In ea vero modus, & forma seruetur, pro vt in libro Ceremoniarum congregationis disponitur.

§. 2.

Quia vero parum refert bene cæpisse, & in
via

via Dei, non progredi retrogredi est summopere cauendum ne mores quos in probatione didicerunt nouitij negligent seruare iam professi, quia quod in probatione impendebant pro libito nunc reddere teneantur ex voto, Quapropter vt huiusmodi noui professi cuiuscumque conditionis sint etiam sacerdotes melius in bono spiritali, & disciplinæ regularis obseruantia stabiliantur, & confirmentur, statuimus, vt saltem per aliquod tempus remaneant (si fieri possit in eodem, conuentu Nouitiatus, & sub eodem Magistro, cuius omnibus lectionibus, & culparum capitulis vna cum nouitiis primo post professionem anno interesse tenebuntur: quod si Angustia conuentus non patiatur strictè præcipimus vt in capitulo Prouinciali, vel intermedio assignetur aliud Monasterium nouitiatus persimile vbi in dormitorio clauso, & ab antiquorum professorum habitatione, distincto commorentur sub directione, subprioris seu magistri nouitiorum, vt dicitur in tertia parte cap. 16. paragrapho secundo, hic autem lectiones spirituales & exhortationes ad eos aliquando habebit, & ipsos quocumque tempore si delinquentes aduerterit corrigere eisq; pœnas leues, & medias imponere poterit, non tamen vnquam eorum culpas capitulariter audire, extra conuentum nouitiatus, nec intra illum nisi per primum à professione annum durante quo feria tantum sexta ibunt ad culpâ prioris. Verum post primum illum à professione annum etiam in Conuentu nouitiatus, & extra illum quocumque tempore solis, & omnibus culpis prioris intererunt.

§. 3.

Stabunt in choro ante pulpitem, disciplinam singulis sextis feriis ante prandium more nouitiorum apprehendent, ibi semper adsit subprior, aut in eius absentia alter pater grauis à priore deputatus, nec vnquam superiores nisi flexis genibus alloquentur: expleto autem à professione triennio ab his omnibus liberi sint, excepto quod nisi fuerint sacerdotes vsque ad septennium inclusiue adhuc subprioris directioni, & iurisdictioni, & clausulæ subiicientur; si verò sacerdotes fuerint post hoc triennium etiam à subprioris iurisdictione sint exempti.

§. 4.

Et licet his omnibus non omnino interdica-
tur exitus è domo nec cum secularibus congregatus, tamen quantum fieri poterit euitetur, nec possint indispensabiliter à quocumque promoueri ad studia Philosophiæ, vel Theologiæ, quæ totam animi attentionem exquirunt, nisi expleto post professionem primo anno in quo tamen poterunt vacare iuniores linguæ Latinæ, Græcæ, vel Hebraicæ, prouectiores verò Historiæ Sacræ, vel Theologiæ mysticæ.

CAPVT IV.

De voto obedientiæ.

§. 1.

Iubet Pater Augustinus in regula, vt preposito obediat tanquam patri ad differentiam scilicet obedientiæ seruilis, quæ ad oculum parer, non

non virtutis amore, sed formidine pœnæ; verus enim obediens non respicit cui, vel quam ob causam obedit, sed propter quem obedit Iesu Christo dicente qui vos audit me audit, qui vos spernit me spernit, & qui pro nobis factus est obediens vsque ad mortem perdendo vitam ne perderet obedientiam. Idcirco post patris Augustini mandatum, & Christi consilium, & exemplum omnibus congregationis superioribus obediatur tamquam veris eiusdem Domini nostri Iesu Christi locum tenentibus, & patris Augustini successoribus legitimis.

§. 2.

Quia autem obedientia alia generalis, quæ debetur præsentibus statutis officium, vel actum aliquem, siue communem, siue particularem nobis imperantibus, alia particularis, quæ debetur superioribus aliquid pro bono regimine præcipientibus, admonemus fratres omnes pro maiori conscientiarum quiete, quod quavis tum constitutionum, tum etiam superiorum mandata ad culpam non obligant, sed tantum ad pœnam, nisi in virtute Spiritus sancti, seu per meritum salutaris obedientiæ, & sub formali præcepto iniungantur, aut ad votorum essentiam pertineant, veri tamen obediens omnia observare debent, ac si ad culpam mortalem obligarent.

§. 3.

Dum autem prior vel quilibet superior pro re aliqua graui intendit sibi subditum obligare ad aliquam obedientiam sub pœna peccati mortalis; id nunquam faciet præcipitanter, sed cum debita consideratione, & maturitate vtendo sequen-

tibus , vel similibus verbis , præcipio tibi , vel vobis in meritum salutaris obedientiæ , aut in virtute Spiritus sancti,

§. 4.

Quæ autem singulis nostræ Congregationis professis generaliter præcipientur in virtute Spiritus sancti , & per meritum salutaris obedientiæ tum ipso iure, tum per præsentia statuta, tum per summorum Pontificum decreta ad Capitula diuersa reduximus iuxta diuersitatem materiæ de qua est præceptum.

§. 5.

Si quis verò superbia ductus priori suo insolenter renuerit obedire , aut culpam suam post sufficientem probationem agnoscere , & religionis disciplinam subire noluerit. Prior talem intra propriam cellam includi præcipiat , & postea paterne ad eum mittat aliquos ex patribus, vel fratribus , qui eum piis sermonibus ad resipiscentiam charitativè inducant , si autem ipse sic admonitus, & per vingintiquatuor horas expectatus obstinato corde permanserit. Prior eum iubeat incarcerari, eique iniungat ieiunium in pane , & aqua feria secunda, quarta, & sexta, donec obedientiæ humiliter se submittat.

§. 6.

Vt autem inobedientiæ non solum particulares, sed & vniuersales multo deteriores euitentur præcipimus in virtute Spiritus sancti ne fratres iuramento , aut fide præstita colligationem , vel confœderationem faciant, quod sibi contra Superiores mutuò non deficient in suis sustentationibus defensionibus, & aliis huiusmodi, quæ no-

am conspirationis ostendūt, nec de facto contra-
liquem prælatus, vel subditum malitiosè conspi-
ent, aut signaturas recipiant, aut procurent, nec
quouis alio modo sibi ultra auctoritatis suæ li-
nites ius vindicent sub pœnâ excommunicatio-
is ipso facto incurrendæ.

CAPUT V.

De voto paupertatis.

§. I.

Licet ad exactam Euangelicæ paupertatis ob-
seruantiam velimus vt nobis in quantum
eri poterit incerta mendicitas victum præbeat,
& vestitum. Quia tamen potest nostra religio
x priuilegio sedis Apostolicæ nonobstante titulo
mendicitatis bona stabilia & fructifera in com-
muni legitimè possidere, vixque potest, ob-
seruari rigorosa mendicitas sine maximo disci-
plinæ regularis, & vitæ solitariae detrimen-
to redditus annuales, siue perpetuos pro quo-
bet conuentu licebit acceptare, verum fiet
 hæc acceptatio à Capitulo Prouinciali, vel in-
termedio, si redditibus, & foundationibus hu-
iusmodi sit annexa obligatio aliqua notabi-
lis, vel perpetua, aut excedens plusquam duo-
um annorum terminum, ac præterea obligatio,
& fundatio huiusmodi acceptata ad diffinitorium
Capituli generalis per discretum prouinciæ suo
tempore deferatur, vt ab eo confirmetur, præci-

pimus autem , vt si aliquid cum perpetua missarum, vel officiorum obligatione concedatur fundum perpetuò reseruetur.

§. 2.

Bona mobilia, siue immobilia legata, & pecuniæ vnius conuentus à nullo tum inferiore, tum superiore transferri vnquam ad alium poterunt, licet de licentia Prouincialis mutuò dari possint de consensu prioris & vocalium ea tamen conditione, vt promisso tempore restituantur. Conuentus autem sancti Patris nostri Augustini licebit acceptare, & reformare, & in eis vices, & ministeria aliorum religiosorum supplere.

§. 3.

Nullus omnino (Commissis exceptis) pecunias audeat contrectare sub pœna culpæ grauis, aut grauioris, aut suspensionis ab officio, si pro tunc superior extiterit, si tamen nullus adfuerit in conuentu Commissus, & eas numerate & contrectare necesse fuerit, tunc prior poterit hanc licentiam concedere cuiuslibet alteri sibi subdito.

§. 4.

Vt itinerando paupertatem euangelicam perfectius imitemur, nec Christo sic iubente solliciti simus quid manducabimus, aut quid bibemus, hæc enim omnia gentes inquirunt, nulli cuiuscumque gradus, & dignitatis existat, liceat in via per se, vel per personam interpositam pecunias ad proprium vsum deferre sub pœna culpæ grauis, aut grauioris, nec vllō modo equitare sub eadem pœna. Si alterutrum fiat absque licentia Vicarij generalis, vel Prouincialis in scriptis obtenta, & non nisi in maxima, & inuitabili necessitate

cessitate concedenda, si tamen talis, & tam prompta occurreret necessitas, quod licentia huiusmodi à Vicario generali, vel Prouinciali peti non posset petetur saltem à Priore locali, & à Patribus Consilij, & in libro Conuentus registrabitur, à Vicario generali, vel Prouinciali suo tempore examinanda, quòd si fortè aliquis in via ob superuenientem infirmitatem, aut causam huiusmodi maximè vrgentem sine supradicta licentia equitare cogatur, statim atque in Conuentum sibi assignatum peruenerit, talem necessitatem, aut infirmitatem Prouinciali manifestare teneatur, aut in eius absentia Priori locali, qui Prouincialem admonebit, vt de tali necessitate maturè iudicet. Quicumque aliter quam secundum supradictas formalitates ausus fuerit equitare pœnam grauiorem, sine vlla remissione subibit.

§. 5.

Si quis inferior aliqua contraxerit debita, sine superiorum licentia in scriptis obtenta ea Conuentus soluere non teneatur, & contrahens tanquam transgressor sui voti iuxta qualitatem, & quantitatem debiti grauitè puniatur, questoribus, & Conuentuum procuratoribus exceptis, qui vsque ad decem aureos poterunt contrahere debita pro necessitate Conuentuum, non tamen vltra inscio Priore, & Patribus Consilij sub pœna culpæ grauioris.

§. 6.

Reliquiaria, Cruces, & similia à fratribus portari non improbamus, imò laudamus, sed ex auro, vel argento fieri prohibemus, alia quoque huiusmodi pretiosa nimis curiosa, vel superflua, &

simplici paupertatis statui minimè congrua pœnitentia interdiciamus, & qui contra fecerit præter priuationem talium rerum seuerè puniatur, paruuli autem cultri, & thæcæ itinerantibus, & quibuscumque indigentibus Superiorum iudicio de eorundem licentia facillè concedantur.

§. 7.

Qui rem aliquam etiam ad deuotionem pertinentem, quæ excedat valorem octo, vel decem solidorum: sine licentia sui superioris donauerit, vel sibi donatum etiam intuitu propriæ personæ laboris vel industriæ ad vsum proprium acceperit, nec intra vnginti quatuor horas superiori consignauerit tanquam voti transgressor castigetur, in rebus verò minoris pretij sic donans, vel accipiens pœna arbitraria puniatur leuius.

§. 8.

Qui aliquid leuè surripuerit fratri, vel sæculari pœnam grauem sustinere cogatur, si autem rem notabilioris quantitatis, aut valoris scriptæ seriatim, siue res sacras pœnam grauiorem, vel grauissimam iuxta qualitatem rei sublata.

§. 9.

Si quis proprietarius esse conuictus fuerit, id est, si alicuius rei, vel pecuniæ dominium, vsum, aut titulum propria authoritate sibi vendicauerit præter, aut contra intentionem suorum Superiorum, talis ipso facto sit iuxta Concilium Tridentinum voce actiua, & passiuæ per biennium priuatus simul, & officio, quo pro tempore potitur, ac præterea pœnam grauiorem sine dispensatione sustineat.

§. 10.

§. 10.

Si quis autem (quod Deus auerrat) in tantum progressus fuerit malum quod proprietarius moriatur, si hoc fuerit euidens beneficio sepulturæ Ecclesiasticæ priuetur, nec pro eo fiant consueta suffragia, vt viuentes terreantur iuxta Canonem secundum de statu Monachorum. Quod si post sepulturam tantum innotuerit eius proprietates effodiatur è terra, si fieri potest, & si quid ex officio defunctorum restet adhuc pro eo recitandum omittatur.

§. 11.

Vt autem omnis priuatæ proprietatis amputetur occasio strictè præcipimus Superioribus, vt singulis fratribus quasi quilibet Christus esset in infirmitate, & in sanitate omnia necessaria cum omni charitate, & humilitate subministrare conentur.

§. 12.

Deinde vt certius obediamus Patri nostro Augustino qui iubet nè etiam nomine tenus dicamus aliquid proprium, sed sint nobis omnia communia, & nemo sibi aliquid operetur, sed omnia opera nostra in vnum fiant. Mandamus omnibus, & singulis Religiosis cuiuscumque gradus, & conditionis existant per meritum salutaris obedientiæ ne pecunias pænes se, vel alios, vestes, libros impressos, aut quid simile valens decem circiter solidos à quocumque & quocumque modo acceperint, vel acquisuerint ad vsum proprium habeant, & conseruent, sed ea Superiori, aut in officinis, & locis ad similia deputatis, efficaciter, & cum effectum resignent intra viginti qua-

tuor horas ab acceptione rei , vel à reuersione inconuentum nisi ad contrarium peculiari Superiorum permissio fuerit obtenta.

C A P V T V I.

De voto castitatis , & de egressuris è Conuentu.

§. 1.

Quamuis castitas suomet splendore animum alliciat quia tamen continuò aduersus spiritum pugnat caro eúmque prauis & inhonestis imaginibus deturpare conatur. Ideo sensuum exteriorum custodia , & carnis mortificationi summopere inuigilandum est, è conuentu difficile egrediendum , cum mulieribus rarò loquendum, imò & sibi inuicem maximè cauere debent fratres iuxta præceptum Sancti Patris nostri Augustini dicentis (*quando simul estis in Ecclesia, aut ubicumque ubi fœmina sunt inuicem vestram pudicitiam custodite , & iterum :*) *quando proceditis, simul ambulate, cum veneritis , quo itis , simul state.*

§. 2.

Quapropter præcipimus omnibus superioribus, vt præter Commissos nullum omnino Religiosum solum, & sine socio extra Conuentum mittant , vel ipsi soli exeant sub pœna culpæ grauioris, quæ etiam infligetur ei qui licet per modicum tempus sine socio extra Conuentum fuerit

fuerit egressus, vel cum socio sine licentia sui Superioris, vltra quam licentiam tenebuntur etiam inferiores exeuntes sicut, & redeuntes coram eo genuflectere, & benedictionem sumere de osculando corrigiam eius, & dicendo, *Benedictus Pater*, Superior verò localis benedictione dabit, his verbis *ille vos benedicat, qui sine fine viuit, & regnat*, nisi tunc ibi præsens esset Vicarius generalis, aut Prouincialis, ad eos enim pertinebit hæc benedictio, quam nunquam dabit prior coram illis, nec Prouincialis coram Vicario generali, vt autem dirigat Dominus gressus eorum in viam puritatis, & pacis, erit iuxta portam oratorium, in quo tam in ingressu, quam in egressu recitabunt orationes ibi descriptas.

§ 3.

Nullus extra Monasterium egressurus socium ex nomine postulabit, sed vt iubet Regula cum quibus Præpositus iusserit ire debebit, hi autem qui simul mittentur, honestè & compositè capitibus coopertis, manibus intra manicas inclusis, & oculis demissis incedant. Vt omnibus sint ædificationi; & exemplo, dum vnus loquetur secularibus taceat alter, vt vnus verbo alter exemplo proximum ædificet, seruato in conuersationibus præcepto infra posito capite decimo, paragrapho septimo, & nunquam sic recedant ab inuicem, vt mutuò priuentur aspectu, qui verò contra hoc statutum se à socio cum muliere locuturus vltro subtraxerit tanquam voti transgressor à superiore puniatur.

§. 4.

Hortamur Priores ne faciles sint in concedenda

egredendi facultate maxime diebus Dominicis, & festiuis præcipuè verò caueant ne nimis frequenter eisdem licentiam concedant, cum eisdem mulieribus colloquendi, vel eas ad proprias domos visitandi, nunquam verò domos personarum infamium inuisent, sicut nec alia loca ubi fiunt comedix, ludi prophani, & similia vitæ religiosæ, & bono exemplo contraria, quas etiam leges obseruabunt superiores ipsi; & super cuius obseruatione Vicarius generalis, & Prouincialis seriò inuigilabunt.

§. 5.

Fratres extra conuentum missi ad nulla loca, vel domos accedant, vel quæcumque negotia tractent, tum pro se, tum pro aliis nisi ad quæ specialiter, & nominatim fuerint missi; Et si quidem aliquando casus aliter tulerit, omnino volumus, vt post reditum intra diem naturalem illud priori fideliter indicent, quod si facere omiserint absque vlla remissione pœnam grauẽ inò grauiorem si se emendare neglexerint sustinere cogantur, nec vnquam sub eadem pœna secularibus negotiis se immisceant, vel apud ipsos pro consanguineis, & aliis personis promouendis, vel in domum aliquam introducendis elaborent, aut pro ipsis respondeant sine expressa superiorum licentia.

§. 6.

Fratres siue per urbem incedendo, siue itinerrando in quantum fieri poterit mulieribus se non associabunt. Cætera autem quæ extra Conuentum, & itinerando obseruari debent exprimentur in secunda parte capite secundo, & in

in quarta parte capite decimo tertio.

§. 7.

Ad ostium conuentus nullus cum Mulieribus loquatur sine licentia Prioris, & socio, quem illi Prior poterit assignare si ita iudicauerit, qui contra fecerit pœna graui puniatur, vel etiam grauiori si hoc euenerit dum Conuentus est in Refectorio, aut de nocte dormit, vel de die manet in silentio, & quod hic de porta communi dictum est multo magis in Ecclesiis nostris debet obseruari.

§. 8.

Si quis autem (quod Deus avertat) siue Prælati, siue subditi Mulierem cuiuscumque Status gradus, ordinis, & conditionis sit (priuilegiatis exceptis) in Monasteria nostra introducere, vel admittere præsumpserit, pœnam ipso facto excommunicationis incurrat, ac præterea priuationem officiorum, quæ in præsentia obtinuerit, & cæteras pœnas Canonibus prætaxatas.

§. 9.

Qui in locutione, tactu, gestu, vel aliquouis modo honestatem & puritatem leuiter læserit, graui pœna sine remissione plectatur, nec non grauiori si se emendare neglexerit, qui verò suæ professionis oblitus in aliquem lapsum carnis realiter inciderit, & fornicationis crimine se maculauerit per tres menses carceri mancipetur, ibique feriis secundis, quartis, & sextis in pane, & aqua ieiunet, & in postremo mense tribus dictis diebus sic ieiunabit in medio Refectorij comedens in terra, & sumpta prius disciplina, post-

Ita verò mutetur loco & conuentu, in quo peccauerit, & ad illum vltcrius non mittatur, nisi per longa postea tempora ita religiosè conuersatus fuerit, officiis etiam priuetur, & de cætero ad alia inhabilis permaneat, donec definitorium, generale, vel prouinciale cum eo dispensandum esse iudicauerit. Si autem secundo in idem peccatum quis inciderit, vel semel tantum cum magno secularium scandalo, & Congregationis dedecore pœnæ subiaceat grauissimæ, & per sexcentium voce priuatus existat. Tertio reincidens carceri perpetuo mancipetur, vel tanquam incorrigibilis à Capitulo generali Congregationis habitu priuetur, seruato decreto Sanctissimi Domini nostri Urbani Papæ octauæ, simile sit iudicium de eo, (quod Deus aduertat) qui inciderit in grauiora carnis scelera, quæ nec nominari quidem decet, qui autem aliquem effectum non sequuto ad illa perpetranda sollicitauerit per duos menses carceri mancipetur, ieiuniis & disciplinis plectendus ad arbitrium superioris.

C A P V T V I I.

*De humilitate, & ordine precedentie
regiminis, & presidentiæ.*

§. I.

Quia Religiosorum humilitas ordini non contradicit, ideo vtrumque intendentes hortamur in primis fratres, vt si velint cum Patre Augustino

Augustino peruenire ad fastigium Sanctitatis
 eius cogitent de fundamento humilitatis, & sa-
 taria eius exercitia humiliter amplectantur
 malint subesse, quam præssæ, omnes fratres
 etiam inferiores præsertim vero antiquiores sa-
 cerdotes, & infirmos, aliorum ordinum Reli-
 giosos, & Ecclesiasticos quoslibet honore præ-
 ueniant, pauperum, & hospitem pedes lauent,
 & osculentur, primos accubitus, & vanos homi-
 num applausus effugiant, Domum verrant, vt en-
 filia mudent, mensæ, & ægrotis charitatiue
 inseruiant, & nouissimo loco libenter recum-
 bant.

§. 2.

Quia tamen vt supra dictum est, humilitas or-
 dinem non destruit, vt omnis confusionis ma-
 teria deuitetur, expulsis à Congregatione pro-
 motionibus ad Magisteria doctoratus, Baccalau-
 reatus, & aliis huiusmodi gradibus hunc locum,
 & ordinem ab omnibus obseruari iubemus.

§. 3.

Extra Capitulum generale congregationis Vi-
 carius generalis, semper, & vbique primum lo-
 cum obtinebit, & eo absente eius commissarij,
 secundum, Prouincialis in sua prouincia, tertium
 habebunt regulariter superiores locales, quam-
 uis enim duo procuratores, & assistentes gene-
 rales sint dignitate longe priores ipsis, tamen
 propter politiam & præsidendam Conuentus ce-
 dent eis primum locum extra tempus assignandum
 paragrapho sequenti, & ideo regulariter extra
 Capitulum generale congregationis quartum lo-
 cum habebit Procurator generalis pro Curia
 Romana

Romana , quintum Procurator generalis procuria Gallia; Sextum assistentes generales , qui iuxta antiquitatem professionis erunt inter se ordine primi ; Septimum Prouinciales aliarum Prouinciarum iuxta antiquitatem professionis Octauum subprior localis scilicet in praesentia Prioris : quando verò abfuerit per viginti quatuor horas tunc subprior ipsius vices tenebit , & locum , & praecedet quos praecedebat Prior , exceptis duobus Procuratoribus , & Assistentibus generalibus , quos subprior etiam absente post viginti quatuor horas Priore , nec Vicarius ad tempus constitutus vnquam praecedent , nec coram ipsis vlla signa praesidentiae in actibus communibus habebunt , sed solum regimen Conuentus , & in Capitulis Conuentualibus propositionem ; Nonum ceteri Sacerdotes professi , & Nouitij iuxta antiquitatem professionis , aut receptionis . Decimum Clerici professi & Nouitij . Vndecimum conuersi professi & Nouitij . Duodecimum commissi professi & nouitij , & hi omnes in gradu suo praecedent secundum ordinem professionis , aut receptionis si fuerint nouitij , si autem eodem tempore recepti , vel professi fuerint , ille praecedet qui aetate alterum anteibit , & super hoc inuigilabit Prior , vt ex duobus simul profitentibus aetate prouectior prior profiteatur baptismi fide inspecta . Si autem Vicarius generalis aliquos ex quinque praefatis officialibus generalibus , sibi in adiutorium , & consilium adiunctis secum duxerit ad visitationem , tunc illi quandiu erunt in eo Conuentu cum Vicario generali , quem pro visitatione committantur

tantur præcedent omnes superiores locales excepto superiore locali Conuentus residentia, in quo ipsimet visitabuntur. In Capitulis vero generalibus sedebit primo præsidens, secundo Vicarius generalis electus, tertio absolutus, quarto duo Procuratores, & assistentes generales ordine quo supra, deinde Prouincialis prouinciæ in qua celebratur Capitulū. Deinde Prior localis, & post eum alij Prouinciales iuxta ordinem professionis, postmodum diffinitores post quos sequuntur Secretarius Congregationis, Priores, & Discreti, ita vt diffinitor in sua Prouincia præcedat alios diffinitores, alij vero inter se iuxta ordinem professionis: idem sit iudicium de prioribus, & discretis, ita vt gremiales omnes Capituli generalis eo durante præcedant cæteros Patres Conuentus cuiuscumque gradus sint excepto Priore locali qui seruabit ordinem supradictum. Quando autem officiales de nouo electi debent sumere locum suum, & veteres officiales ipsum perdere dicitur in terra parte, capite quarto, paragrapho octauo. Quandiu autem diffinitorium generale durabit Patres qui sunt de corpore ipsius quoscumque alios officiales præcedent.

§. 4.

In Capitulis prouincialibus Vicarius generalis, vel Præsidens ab eo missus cæteros præcedet, deinde Prouincialis prouinciæ electus, & absolutus, tertio Procuratores, & Assistentes generales (si qui adsint) quarto Prior localis, quinto Diffinitores, sexto Priores, & Vicarij iuxta antiquitatem Conuentuum, demum Secretarius Vicarij generalis (si adfuerit) cæteri vero iuxta ordinem

dinem professionis, quem post electionem nouorum diffinitorum resument & alij omnes nisi fuerint de corpore diffinitorij, vel officiales generales, qui sedebunt ordine supra posito vsque ad solutionem Capituli, si verò aliqui pro absentia alterius substituti fuerint sument semper locum post eos quorum corpori substituti sunt etiamsi Priores fuerint illi pro quibus substituuntur, & hoc in omnibus capitulis etiam generalibus locum habere volumus pro substitutis.

§. 5.

Verum quia aliud est præcedentia quoad locum, aliud præsentia quoad signa in actibus communibus facienda, & aliud regimen vt potè quæ sæpe in diuersis separata reperiuntur, postea quæ de præcedentia dicta sunt, & dicentur capite sequenti, paragrapho septimo, habeat Vicarius generalis extra Capitulum generale semper, & vbique omnia signa præsentia, & eo absente, illius Commissarius, deinde Prouincialis, & in eorum absentia Prior, Priore autem absente, semper ad eos quicumque sint modo professi pertineant præsentia signa ad quos pertinet locorum præcedentia in actibus communibus: signo, & benedictioni Vicarij generalis omnes subiiicientur indifferenter, signo Prouincialis & prioris dum præsidebunt, ceteri omnes exceptis Procuratoribus, & Assistentibus generalibus, qui solius Vicarij generalis signum, & benedictionem expectabunt tum in refectorio, tum in choro, & à quibus in huiusmodi actibus communibus præter ea quæ supra dicta sunt paragrapho secundo benedictionem sument, reliqui omnes etiam Subpriors

priores, nisi in absentia Prioris post viginti quatuor horas, & Vicarij ad tempus constituti, & sic successiue de cæteris professis, nec enim volumus, vt professi à nouitiis etiam præcedentibus signa & benedictionem accipiant, sicut nec Clerici Nouitij à Conuersis, aut Commissis professis, extra quem casum nulli liceat ab vlllo Communitatis actu recedere nisi cum venia Præsidentis, & post osculatam corrigiam eius.

§. 6.

Regimen verò Conuentus, & fratrum regulariter ad solum Priorem pertineat, & in eius absentia etiam breuissima ad subpriorem, & in absentia vtriusque successiue pertinet ad Patres, & alios professos, qui ibi sunt post subpriorem loco, & ordine primi.

C A P V T VIII.*De officio Diuino, orationibus, &
Disciplina.*

§. 1.

QVoniam regula nostra iubet orationibus instare horis & temporibus constitutis, & vetat aliquid cantare nisi quod legitur esse cantandum, præsentì constitutione declaratur Sacerdotes, & clericos in Congregatione nostra professos teneri ad recitationem diuini officij, vel publicè vel priuatim, iuxta Ritum Sanctæ Romanæ Ecclesiæ, & peculiaria nostri ordinis officia

officia à sede Apostolica approbata.

§. 2.

Prioris erit providere vt habeantur Missalia, Breuiaria, Magnum psalterium, Martyrologium, Calendarium sanctorum ordinis, festorumque diæcesalium, ordo diuini officij recitandi, & cætera ad debite officiandum vel celebrandum necessaria.

§. 3.

Mattutinum regulariter decantabitur media nocte, exceptis tribus vltimis diebus maioris hebdomadæ in quibus aliarum Ecclesiarum morem sequemur, Aliæ horæ decantabuntur temporibus alibi præscriptis.

§. 4.

Quicumque a Matutino absuerit in pane solo, & aqua prandeat, si ab aliis horis pitantia, & vino priuetur, & Prior qui super hoc non inuigilauerit grauiter puniatur.

§. 5.

Totum officium tam nocturnum, quam diurnum, in omnibus Conuentibus, in quibus erunt ad minus decem fratres de familia intra chorum cantetur sine nota cum summa veneratione, voce distincta, & mediocriter elata interiectis pausis debitis in principio, medio, & fine sine nimia tamen sillabarum protractione. In locis autem vbi minor est numerus fiat sicut dicitur tertia parte capite decimo septimo paragrapho secundo. Hebdomadarius autem, & cæteri omnes a professione vsque ad septennium inclusuè semper præ manibus Breuiarium, aut Diurnale habeant, volumus præterea, vt qui in diuino

uino officio cantando, vel legendo, aut ceremonias faciendo in aliquo errauerit, toties genuflexo culpam suam recognoscens terram deosculetur.

§. 6.

Qui triennium à professione expleuerit sedebunt alternatim per psalmos, ita ut ad vniuersitatem seruandam sedeant vterque chorus in primo, stet in secundo; Coeteri vero non triennales stabunt ante pulpitum, nec sedebunt cum cæteris nisi tempore lectionum; & Martyrologij, ut in capite tertio iam dictum est.

§. 7.

Auditò primo signo cuiuscunque officij omnes ab aliis negotijs & occupationibus statim se expediant quatenus ante finem vltimi signi reperiuntur in choro, si quis vero inferior inchoato aliquo officio accesserit genuflexus signum surgendi, à Præsidente chori expectabit à quo etiam veniam semper, & benedictionem sumet, si ante finem exeat, sicut de cæteris Communitatis actibus dictum est supra capite septimo paragrapho quinto.

§. 8.

Psalmus exaudiat post vespervas semper decantabitur pro Christianissimo nostro Galliarum Rege, vel pro ducibus, & Principibus Prouinciæ in qua situm fuerit Monasterium, post hunc vero psalmum, sicut, & post finem matutini, fiet pausa, & pia super officium recitatum reflexio per spatium vnius *Miserere* vsque ad signum præsentis post quod singuli ad cellas suas cum silentio pergent, quod & idem obseruari strict-

præcipimus quoties fratres è choro sine cantu egrediuntur,

§. 9.

Orationi mentali regulariter vacabimus bis in die singulis vicibus per spatium trium horæ quadrantium: horis assignandis.

§. 10.

Denique vt Davidis exemplo antequam demus somnum oculis, & requiem temporibus nostris locum domino præparemus. Post cœnam, vel collationem tempore præscripto pulsata campana pro signo silentij omnes, tum superiores, tum inferiores imò, & hospites ipsi dummodo non fuerint infirmi in choro cum silentio conueniant, ibique genuflexi saltem per octauam horæ partem examen conscientiaæ suæ faciant, eo verò finito incipiat Prior, vel Præsiciens orationem serotinam in ordinario contentam, qua peracta, & dicto quinquies *Pater & Ave*, pro lucrandis corrigia indulgentiis benedicat omnes facie in terram prostratos dicendo. *Noctem quietam, & finem perfectum, &c.*

§. 11.

Feria autem secunda, quarta & sexta ante benedictionem illam apprehendent omnes disciplinam in choro decantando orationes, & psalmos præscriptos, nisi æstiuo tempore ad finem Matutini à Priore transferenda iudicetur ob defectum chori, vel alterius loci sufficienter obscuri, verum feria sexta in parasceue apprehenderetur in refectorio indifferenter ab omnibus immediate ante prandium sicut eam apprehendunt Nouitij, & iouei professi singulis feriis sextis.

§. 12.

§. 12.

Dicetur quotidie Missa Conuentualis ab hebdomadario, cui omnes non Sacerdotes imò, & Sacerdotes nouitij intererūt, qui verò cum licētia Superioris nō interfuerint aliam omnino missam audire teneātur. (Excepta autē Missa conuentuali) soli Vicario generali cum superpellicio seruiatur.

§. 13.

Habebimus adhuc præter hæc statuta, ordinarium, quo de ceremoniis omnibus tum in Choro, tum in Ecclesia, tum in Refectorio seruandis vniformiter instruantur, & in quo contineatur officium dicendum à fratribus Conuersis, & Commissis, quibus prohibemus litteras addiscere sub pœna culpæ grauium infligenda, & addiscentibus, & docentibus, ipsi autem in chorum Cantatuti accedent diebus Dominicis, & festiuis ad vesp̄as, & quotidie Matutino aderunt ab initio vsque ad psalmum *Venite exultemus*, ab hymno, *te Deum laudamus*, vsque ad laudes exclusiue, & ab Antiphona Virginis quæ dicitur post laudēs vsque ad finem: aderunt quoque Litaniis Sanctorum, & Orationi mentali vsque ad primam, Missæ Conuentuali, gratiarum actionibus post prandium, orationi mentali post Completorium, & orationi serotinæ.

C A P V T IX.

De ieiunio & abstinentia.

§. 1.

Quia bona est oratio cum ieiunio teste Tobia, ideo cum dixisset Sanctus Pater Augusti-

nus in regula, *orationibus instate horis, & temporibus constitutis*, protinus subdit, *Carnem vestram domate ieiuniis, & abstinencia esca, & potus quantum valetudo permittit*. Quoniam verò periculum foret vniuscuiusque iudicio relinquere quid, & quantum valetudo permittit, statuimus, & ordinamus, quod præter illa ieiunia quæ ab Ecclesia generaliter, vel in particularibus prouinciis ab Episcopis præcipiuntur Christi fidelibus fratres nostri ieiunare teneantur omnibus sextis feriis totius anni, nisi in illis inciderit aliquod festum in cuius vigilia ieiunauerint. Ieiunent præterea feria secunda, & tercia post dominicam quinquagesimæ, & à festo omnium Sanctorum exclusiue vsque ad natiuitatem Domini, in vigilia sancti Patris Augustini, & natiuitatis beatæ Mariæ, nec non omnibus vigiliis dierum in quibus datur absolutio generalis, feria verò sexta in parasceue fratres pane, & aqua reficiantur in prandio.

§. 2.

Vtemur in diebus ieiuniorum Religionis, & Ecclesiæ his cibis, quibus in illa regione cæteris Christi fidelibus licitum est vesci dum ieiunant, ne autem ieiuniorum rigor debiliores obruat, præcipimus Prioribus, vt iuxta locorum possibilitatem aliquid plus solito in diebus ieiuniorum fratribus ad prandium ministrari procurent.

§. 3.

Infirmos, itinerantes, & obedientia multum laborantes, & vacantes quibuslibet exercitijs in quibus ad ieiunia non obligat Ecclesia, nec nos obligare

obligate ad ieiunia Religionis intendimus, ea tamen nemo etiam cum causa violare præsumat sub pœna graui, nisi prius habuerit licentiam superioris, qui cum toto Conuentu super ieiuniis huiusmodi dispensare nunquam poterit, imò nec ipse Prouincialis, sed tantum cum iis qui non ieiunandi causam habuerint legitimam.

§. 4.

Vespere diebus ieiuniorum nè potus noceat, Ministrabitur in colatione frustum panis circiter trium vnciarum, & parum fructus, vel aliquid simile pani superadditum, & in ea seruetur inuolabiliter quod iubetur in secunda parte de refectione, paragrapho ultimo.

§. 5.

Denique feriis quattor totius anni nisi in illis festum Natiuitatis Domini, vel Sancti Patris Augustini occurrerit, & diebus Sabbati a Natiuitate Domini vsque ad Purificationem in locis vbi esus carniū conceditur fratres nostri à carnibus abstineant intra, & extra Conuentum nisi in casu itineris, aut infirmitatis sub pœna graui transgressotibus infligenda.

§. 6.

Qui verò ratione infirmitatis, & cum licentia indiebus ieiuniorum vel abstinentiæ carne vescantur non id faciant permixtini inter fratres, sed in tabula separata, & ad hoc, ad calcem Refectorij deputata.

CAPVT X.

De silentio , conuersatione , & exercitiis manualibus.

§. 1.

VT secundum Prophetam *in silentio ; & spe sit fortitudo nostra* , teneantur Superiores sub pœna suspensionis ab officio silentium inuiolabiliter obseruandum curare locis , ac temporibus assignandis , ac primò diù , noctuque seruetur in choro , in Sacristia maximè tempore Missarum , in Dormitorio in quo lampadem per totam noctem lucere volumus , in Cellis secretis , in primo claustro vbi duo reperiuntur , & regulariter in Refectorio tam in prima , quam in secunda mensa , Deinde ab oratione Serotina usque ad primam sequentis diei , & per horam circiter post recreationem meridianam , ita vt tunc Religiosi non solum a verbis , sed etiam ab omni strepitu abstineant , quod si aliquando Superiores , Magistri nouitiorum , vel alij de superiorum licentia ob aliquam ineuitabilem necessitatem hoc silentium locale vel temporale violare cogantur de his quæ expedierint , breuiter & submissa voce loquantur.

§. 2.

Mandamus præterea Superioribus , vt etiam extra præfata loca , & tempora subditos suos otiosos per domum vagantes , vel inanes sermones miscentes omnino cohibeant , permittant tamen

tamen ipsis aliquādo solos, vel cum socio ad hor-
tum pergere deuotionis, vel consolationis causa.

§. 3.

Poterunt etiam fratres cum benedictione Do-
mini, honestos & viles sermones adinuicem con-
ferre singulis diebus immediate post prandium
per vnam horam, & per totum tempus quod inter
cœnam, seu colationem, & orationem Seroti-
nam intercedit, Moderatè tamen sine tumultu,
vociferationibus, contentionibus, siue quouis
alio excessu sub pœna priuationis huius confe-
rentiæ per quindecim dies, plus, vel minus ad
arbitrium Prioris; In his autem conferentiis
Nouitij cum Magistro Nouitiorum seorsim con-
ueniant, cæteri noui professi extra Nouitiatus
Conuentum vsque ad septennium cum subprio-
re vel alio ad hoc deputato: sacerdotes verò &
alij cum superiore, qui omnes audito signo silentij
tacebunt, & sine mora recedent, contrauenien-
tes indispensabiliter puniantur.

§. 4.

Vt autem aliquando Religiosi à laboribus con-
tinuis animum parumper relaxare valeant per-
mittimus, vt eis semel saltem in mense honesta
& modesta recreatio concedatur, in qua pote-
runt fratres habere in Refectorio modestas inter
se colloctiones, imo & aliquando, in agrum
simul progredi, si ita superioribus visum fuerit,
ibi tamen nunquam pernoctare licebit.

§. 5.

Exerceantur aliquando fratres in operibus
Manualibus quibus otium vitiorum Pater eui-
retur, & Conuentum necessitatibus omnium, &

singulorum ope congruè prouideatur, præsertim vero in his instruantur conuersi, & Commissi, qui ad ea principaliter sunt deputati: propterea statuimus, vt ab omnibus fratribus (si ita Priori visum fuerit) fiat saltem bis in hebdomada exercitium Manuale per horam, vel dimidiam:

§. 6.

Ne autem tum silentij, tum officij, tum laboris, tum etiam recreationis, & conferentiæ tempore, fratres secularium concursu perturbentur, in Conuentu commoda aliqua, & segregata assignentur loca in quibus de Superiorum licentia fratres cum secularibus summissè loquantur, & religiosè conuersentur, sicut, etiam præcipimus in capite sexto fieri ab his, qui extra Conuentum cum extraneis conuersantur.

§. 7.

Ne autem vilius conuersatio in extraneorum scandalum, & in Congregationis seu peculiaris alicuius Conuentus, aut fratris detrimentum vergere possit, præcipitur omnibus Religiosis per meritum salutaris obedientiæ, ne quis reuelet alicui extra congregationem nostram quidquid cognouerit Congregationi, Prouinciæ, vel priuato alicui Conuentui, aut etiam fratri, infamiam, damnum, vel aliquoduis graue incommodum allaturum esse.

CAPUT XI.

De cellis, solitudine, & clausura.

§. 1.

Quia de Cella in cœlum facile itur, maneant libenter fratres in Cellis a Priore sibi concessis, ibique cœlestia meditentur, cellæ autem huiusmodi regulariter & nisi loci commoditas, vel incommoditas aliter iusserit nec fiant minores nouem pedibus, vel maiores decem, earum fenestræ sint altitudinis saltem trium pedum & latitudinis duorum: portæ sint in altitudine quinque pedum, & semi vel circiter, & in latitudine duorum & semi ad plus, illæ sint semper (si fieri potest) ordinatim in vno, vel pluribus Dormitoriis quorum latitudo intermedia sit saltem pedum septem, nec vnquam excedat octo, claue claudantur, ita tamen vt Prior cum claue communi ea ingredi facile possit.

§. 2.

Cellarum suppellex simplicitatem, & paupertatem redoleat in omnibus, sit in eis sedile, & tabula lignea libris sustinendis apta sit, lectulus peculiaris à terra eleuatus palmo vno, cum pallearicio, & puluinari plenis palea, & vna coopertura lanea, vel pluribus pro temporum congruentia, & singulorum necessitate, sint quoque tres, aut quatuor imagines ex charta ad excitandam deuotionem opportunè, & si fieri commodè possit oratorium aliquod ligneum, & simple

plex ubi imagines huiusmodi affigantur, exculenta verò, & poculenta, & omnia comestibilia, & superflua pœnitus ibi prohibemus sub pœna graui, vel grauiori.

§. 3.

Præter superiores, aut Magistros nouitiorum pro sibi subditis nulli omnino liceat cellam alterius diu noctûque ingredi; sine licentia Prioris difficilè danda: qui contra fecerit irremissibiliter subire cogatur pœnas taxatas in quarta parte, capite septimo, paragrapho primo.

§. 4.

Prior sæpè visitet Religiorum tellas: ad hoc autem teneatur saltem bis in anno assumptis secum duobus Patribus consilij, vt si quid professioni, & simplicitati nostræ minimè congruum adinuenerit, illud auferat, fratres verò semper & vbique teneantur Priori petenti per se, vel per alium clauēs quascumque promptè resignate sub pœna culpæ grauis.

§. 5.

In quolibet Conuentu sit cella aliqua sita in loco aliquo maxime solitario, quæ sit multo spatiosior aliis, & in qua fratres possint de licentia Prioris semel, in anno per decem, vel pauciores dies commorari ad plenè colligendas, & reficiendas vires spirituales, feriat interrim ab omnibus communitatis exercitiis, vt soli Deo vacare valeant, exceptis horis Matutinis quibus ad arbitrium Prioris interessè debebunt, & licet hæc exercitia spiritualia nemini præcipiamus, nisi nouitiis immediatè antè eorum professionem tot diebus quot Magistro Nouitiorum visum fuerit:

Ad ea tamen omnes quantum possumus exhortamur in Domino, præcipue autem Superiores in principio suorum officiorum, Concionatores ante quadragesimam, & Sacerdotes ante primæ missæ celebrationem.

§. 6.

Quod verò attinet ad clausuram nostrorum Monasteriorum, præcipimus ut quantò citius fieri poterit sic muris undique muniantur, ut ex inde fratres, nisi per portam communem exire non possint: omnibus autem tam Superioribus, quam inferioribus nostræ Congregationis interdiciamus scæminas introducere intra cæpta nostrorum Conuentuum, hospiciorum, vel domorum, etiam si muris integre cincta non sint sub pœnâ culparum grauiorum pro qualibet vice infligenda, & circa hanc materiam legatur præterea paragraphus octauus, capitis de castitate.

§. 7.

Portæ communis custodia iniungatur Patri alicui, vel fratri qui sit in quantum fieri poterit ætatis maturæ, ac præterea exemplaris, mitis, & prudens, qui venientes verbis & factis ædificare valeat, iuxta portam continuò resideat, ut cum pulsatur citò adsit, non tamen aperiat quin prius per portæ fenestellam aspexerit dicens (*Aue Maria*) & si pulsantes fuerint tales, qui non debeant introduci, illis extra satisfaciât, si sint Pauperes mendicantes ipsis eleemosinas distribuât, iuxta paupertatem Conuentus, nisi prior hoc charitatis officium alteri commiserit: si verò pulsantes fuerint persone authoritatis mediocris, intro

introd iuxta portam remaneant in loco destinato, ipse interim desideratos fratres de licentia Prioris citò aduocet, vel citò responsum reddat, ne ob tarditatem venientes perturbentur, caueat autem Ianitor quantum honestè poterit ne fratres in silentio hora debita manentes, vel existentes in choro ad Diuina, aut in scholis ad lectiones, aut in refectorio hora comedendi, aut hora Capituli molestantur: Si postulantes ad expectandum tantisper induci possint, nolumus tamen, vt ad Conuentum venienti, & aliquid, vel aliquem postulanti, quidquam denegetur inconsulto Priore sub pœna graui Ianitori infligenda. Quod si fuerint personæ nobiles vel singulares Benefactores, Prælati, aut Religiosi aliorum ordinum in primum claustrum, aut in Capitulum siue in quemlibet alium honestum locum ad hoc designatum introducantur, & sine mora moneantur, & aduocentur qui monendi fuerint, & aduocandi.

§. 8.

Nec Ianitor, nec alter sine Prioris licentia quemquam extraneum ad interiora Monasterij deducat, si quis autem postulet ea lustrare, Prior admonitus provideat illi de Patrè, aut fratre aliquo graui, & modesto qui eum semper, & vbique comitetur, & cum eo præcipuè in Dormitorio, & in omnibus silentij locis summissè loquatur.

§. 9.

Nocte imminente ostiarius portam communem, & alias portas exteriores conuentus si quæ sint claudat, & hoc regulariter faciat post
signum

fignum salutationis Angelicæ , & clauēs illarum sicut clauēs Ecclesiæ per noctem custodiendæ Priori tradantur , neq̃ enim transacta luce , sæculares in Monasterio , aut fratres extra illud , sine plusquam vrgenti necessitate reperiri volumus , & si noctu pulsatur ad portam ostiarius ad eam aperiendam non ibit nisi cum socio , quem illi prior tenebitur assignare. Cætera quæ ad ostiarij officium pertinent tum pro receptione Peregrinorum tum pro alijs in ordinario videantur.

§. 10.

Denique prior qui in Clausuræ , & supradictarum custodia negligens extiterit à Vicario generali , vel à Prouinciali seuerè puniatur.

* * *





SECUNDA PARS CONSTITVTIONVM.

De officiis Religiosæ charitatis.

C A P V T I.

De refectiōe.

§. 1.



QUONIAM parte præcedenti dictum est qualis quisque debeat esse erga Deum, & erga se ipsum, nunc dicendum est, quales esse debemus erga proximum, Primo Itaque prouidere debet. Prior, per se, vel per officiales suos iuxta conuentus possibilitatem de cibo, & potu quibus confortati fratres diuinis laudibus alacrius insistere possint.

§. 2

Si fratres à choro ad Refectorium pergant, bini, & bini incedent, alternatim dicentes psalmum *Miserere*, & facta reuerentia Imagini in medio Refectorij, omnes per Choros ad vtramque partem distincti, stent in silentio vsque ad signum Præfidentis, cum quo genua flectet, & brachiis ad modum

modum Crucis extensis dicant secreto *Pater & Ave*, quo finito ad signum eiusdem Præsidentis incipiat hebdomadarius benedictionem mensæ, ut in Breuiario Romano continetur.

§ 3

Finite benedictione omnibus ab vnâ tantum parte confedentibus ad signum Prioris, vel Præsidentis fratres Mensam deosculantes aperiant mantilia ne ut ait Pater Augustinus solæ fauces sumant cibum, sed & aures esuriant dei verbum, lector incipiat lectionem quæ per totum prandium vel cœnam sit ab vno solo in formatis Conuentibus, in Cœteris verò ab omnibus incipiendo ab vltimis. In nullo autem nostræ Congregationis Refectorio mappis licebit uti, sed solum vnicuique mantile dabitur cum gladio, & cœteris ad Refectionem iuxta institutum necessariis.

§. 4.

Regulariter legetur initio prandij caput aliquod Bibliæ, & initio cœnæ caput aliquod Sancti Patris Augustini, vel alterius Doctoris latino idiomate, vsque ad signum Præsidentis; In reliquo vero tempore legetur vita sancti occurrentis illa die, vel alter aliquis liber vulgaris & deuotus, quem prior magna cum prouidentia assignabit.

§. 5.

Feriis sextis ne per obliuionem aliquid negligatur, legatur Regula Sancti Patris Augustini, & si supersit aliquid temporis legantur definitiones, & ordinationes, quæ tunc fuerint in obseruantia, diebus vero sabbati in prandio constitutio-

nes, & in cœna liber ceremoniarum, & ideo habeat quilibet prior in suo Conuentu ad minus, duplex exemplar regulæ, constitutionum, definitionum, & Cœremonialium.

§. 6.

Lector mensæ semper lectioni præmittat hæc verba. *In Nomine Domini nostri Iesu Christi benedicti, Amen. Incipit, vel prosequitur tale Caput N. talis libri N. & in fine, explicit tale Caput N. vel manet lectio in Capite tali N. talis libri N.* legat voce alta, & distincta præuideat lectionem latinam, & eum errantem nullus præter Priorem, aut Præsidentem, siue Patrem ad hoc a Prior deputatum corrigere præsumat, qui vero sic correctus fuerit repetat lectionem de proximo male pronuntiatam.

§. 7.

Prior discumbentes fratres subinde respiciat, & si aliquem incompositè, & minus religiosè se habere aduerterit eum statim per ministrum, vel tempore capituli admonebit Ad sint pendente refectione vnus vel duo ministri iuxta numerum fratrum qui factis cœremoniis alibi præscriptis suo muneri ita sint intenti vt nihil ex necessariis desit discumbentibus alioquin is cui aliquid deerit, vel socius illi collateralis facto modesto aliquo signo super utensilia moncat Ministros.

§. 8.

Strictè prohibemus particularitates pitarum in mensa communi, exceptis infirmis, hospitibus, vel aliis huiusmodi alicui exercitio supra modum laborioso, & necessario vacantibus, quibus iuxta cuiusque necessitatem Prioris iudicio

iudicio committendam cum omni charitate providebitur.

§. 9.

In Cellis nunquam, in Refectorio raro seculares cum fratribus comedent, & tunc id fiet in mensa comuni, ita tamen ut coram ipsis lectio nunquam dimittatur, nec in eorum præsentia aliquis reprehendatur, nisi culpa ipsis videntibus esset commissa, nec vlla fiet pœnitentia quæ ab ipsis videri possit, sed ad alterum diem transferatur.

§. 10.

Qui aliquid in Refectorio negligenter commiserit, ut vinum, vel aquam effuderit, aut quid simile surgat statim in loco suo, & capite discooperto, & inclinato dicat secreto orationem dominicam, deinde sedeat, si verò fuerit ex ministrantibus genua flectat, nec surgat usque ad signum Prioris à quo refectio aliquamdiu protrahetur, ut debiles, & seniores qui lentius comedunt eam interrompere non cogantur.

§. 11.

Qui prius pransi fuerint, aut cœnauerint fragmenta colligant, & ex his Prior iniungat alicui continuationem lectionis, ac demum refectione, quasi completa det signum super tabulam quo audito Ministri pulsent Campanellam pro signo secundæ mensæ, deinde collectis omnino fragmentis præsides duplici super tabulam signo finiet refectionem, & lector lectionem, & tunc omnes surgentes facta consueta imagini, & superiori reuerentia gratias agant iuxta rubricas, & in prandio diebus quibus non ieiunatur cum per-

uentum fuerit ad psalmum bini, & bini processionaliter cant ad Chorum, vel ad Capitulum pro consuetudine, & commoditate loci.

§. 12.

Quicumque domi existens primæ mensæ sine euidenti necessitate defuerit, à Priore ad eam aduocetur, & puniatur, si quis autem cum licentia abfuerit simul cum ministris intersit secundæ mensæ, quam omnino fieri præcipimus in principalioribus conuentibus in qua etiam silentium, & lectio continuentur, nec quidquam Ministretur cibi, vel potus, quod in prima non fuerit ministratum. Nulli extra Refectorium, nec extra Conuentum præterquam in itinere liceat comedere nisi de licentia expressa Prioris, quàm non nisi difficilè, & in causa maximè rationabili concedet.

§. 13.

Ad Cœnam ferè eadem forma obseruabitur, quæ in prandio præterquam quod ad Capitulum, vel chorum non itur, finitis gratiis omnes professi cum silentio recedant: Magister autem nouitiorum cum nouitiis recedendo recitet Litanias, vel quid simile, quod & faciet quoties cum illis pendente die ad aliquem locum peculiarem intra Conuentum perget.

§. 14.

Ad colationem in diebus ieiuniorum fratres dicto *Pater*, & *Aue*, vt in prandio sedeant in silentio, & lectione ad primum Prioris signum incepta, & ad secundum finita dicat lector. *Benedicite*, & Præsides subiungat, *largitor omnium bonorum benedicat colationem seruorum suorum,*
omnibus

omnibus respondentibus, *Amen*. Colatione finita, & fragmentis collectis Prior dicat, *Adiu-
rium nostrum in nomine Domini*, & tunc fratres respondendo, *qui fecit Cælum & terram*, deoscu-
lata tabula surgant, & agant gratias, Hebdoma-
dario dicente, *Sit nomen Domini benedictum*, cum
reliquis quæ dicuntur in fine prandij.

§. 15.

Ad colationem nulla sit secunda mensa, nec
post primam ulli quidquam detur absque licen-
tia Prioris, qui in ea lectionis faciendæ signum
non faciet quin prius per aliquem ex presenti-
bus absentes aduocauerit, ipse etiam ab ea reli-
ctis quibuscumque negotiis nunquam se dispen-
set nisi in necessitate urgentissima, & ineuitabi-
li; alioquin à Vicario generali; aut à Prouincia-
li grauiter puniatur.

C A P V T I I.

De receptione hospitem, & via- torum.

§. 1.

Quoniam Christus Dominus in cuius perso-
na recipiuntur Peregrini dicturus est in die
iudicij *hospes fui, & suscepistis me*, cum maxima
cordis, & vultus iucunditate recipiantur & tra-
ctentur apud nos iuxta facultatem Conuentus
pauperes hospites quales sunt nostri, & aliorum
ordinum Religiosi non habentes in illo loco Mo-

nasterium, & alij quicumque pij peregrinantes. Ne autem inquietudinem fratribus hospitalitas generet sint duæ vel plures Cellæ à Dormitorio si fieri potest segregatæ, hospitibus honestè, & charitatiuè recipiendis præparatæ.

§. 2.

Præterea quæ Ianitori alibi in Capite de clausura, & in Capite de ostiario in admittendis extraneis præcipiuntur, Prior aliquem de suis subditis pium & modestum ad hospitem Ministerium deputabit, & præter eum, aut alios in adiutorium ei adiunctos, si opus fuerit, nullus sine licentia hospites alloquetur sub poena culpæ mediæ erga huiusmodi hospites geret se receptor hospitum sicut ei in ordinario præscriptum est, & Prior iuxta qualitatem eorum consideratis meritis, & laboribus.

§. 3.

Nullus Religiosus alterius ordinis sine sui superioris obedientia recipiatur iuxta Bullam piæ memoriæ Sixti Quinti: probata autem eorum obedientia honorificè admittantur, & pedes eorum cum omni humilitate lauentur, præcipiunt si de remotis venerint.

§. 4.

Hospites extranei maximè seculares regulariter in Monasteriis nostris ultra vnum diem non commorentur nisi aliqua vrgens necessitas, infirmitas, aut alia causa rationabilis aliter exegerit. Si verò Prior ultra tres dies detinere aliquem in suo Conuentu quacumque de causa voluerit, tenebitur ad hoc habere consensum Patrum Consilij sui Conuentus. Prohibemus autem

tem Superioribus localibus sub pœna depositionis ab officio ne vltra quindecim dies extraneos in suis Conuentibus commorari permittant sine licentia Prouincialis, nec Prouincialis vltra mensem sine licentia Vicarij generalis.

§. 5.

Item malefactoribus, & sceleratis ad domos nostras metu pœnæ confugientibus nullo modo pateat aditus, & si fortè casu aliquo sine Patrum consensu ad Ecclesias vel domos nostras confugerint, Prior eos quam primum nittatur expellere, ea tamen prudentia, & dexteritate, vt loca nostra, neque sint criminoforum refugium, neque vlllo pacto violetur Ecclesiarum, & Conuentum immunitas.

§. 6.

Hospites verò, & viatores Congregationis nostræ præter supradicta, & alia quæ de egressuris è Conuentu dicta sunt in prima parte capite sexto, & pro non ferendis in itinere pœcuniis capite quinto, paragrapho quarto, ac quæ dicuntur in quarta parte capite de Apostatis secum ferre tenebuntur in scriptis obedientiam, & facultatem superiorum in qua contineatur annus; mensis, dies, Conuentus à quo exeunt sicut, & locus ad quem vadunt, imo, & si fieri possit in ea redeundi terminus exprimatur: qui sine tali obedientia extra Conuentum suæ familiæ repertus fuerit tanquam sui instituti desertor à quouis Priore apprehendi possit, & in loco tuto conseruari donec Vicarius generalis, vel Prouincialis prouiderint quid de eo agendum sit.

§. 7.

Vt autem huius incommodo facilius occurratur, præcipimus in virtute Spiritus sancti, & mandamus ne aliquis frater nostræ Congregationis professus absque sui Superioris licentia in scriptis obtenta aliquo discedere præsumat. Si autem (quod Deus auertat) fratrem aliquem sine prædicta licentia ab aliquo Conuentu discedere, seu fugere contingat illum primo, secundo, & tertio monemus, inducimus, & hortamur, eique præcipimus per obedientiam salutarem, vt per totam illam diem qua prædictum Conuentum reliquit, & quam ei pro termino peremptorio assignamus ad ipsum Conuentum de facto redeat; quod si ea die non redierit, scientes ex hoc illum contumacem, & Apostatam, vel saltem fugitiuum, ex nunc pro ex tunc excommunicationis vinculo innodamus.

§. 8.

Viatores autem nostri qui præfatam habuerint obedientiam, & superiori locali exhibuerint, ei præterea negotium ad quod venerint exponere fideliter, nisi aliter aliquis Prioris superior ordinauerit, nec prius ad interiora Monasterij introducantur quin à Priore, vel alio per eum deputato recepti, & recogniti fuerint, & ab eo ad salutandum Vicarium generalem, & Prouincialem (si adsint) missi, vel conducti, vt ipsis debitam salutationem reddant, & aduentus facultatem eamque exhibeant, si autem viatores huiusmodi fuerint Vicarius generalis, Prouincialis, Procuratores, aut Assistentes generales ostiarius superiorem statim admonebit, qui relictis omnibus
eos

eos salutaturus accurret, ac deinde solito Campanellæ signo fratres omnes aduocabit, vt ipsi eos cum simili salutatione recipiant. Hæc autem sit communis viatorum nostræ Congregationis salutio, vt cum humili, & hilari genuflexione sacerdotibus detur osculum in manu dextra, non Sacerdotibus verò in corrigia.

§. 9.

Venientes in locum aliquem in quo nostræ Congregationis Monasterium reperitur, extra illud data opera prandere, vel cœnare non audeant sub pœna graui; nec pernoctare sub grauiori, quæ etiam augebitur; vel carcer addetur per mensem si bis, cum ter extra illud pernoctauerint; illis autem expressè interdicitur ne sine licentiâ superiorum litteras tum secularium, tum fratrum suscipiant transferendas sub pœna culpæ grauioris. Prohibetur insuper eis, & cœteris omnibus ne circa ea quæ in vno conuentu fiunt, in alijs spargant falsos rumores, vel etiam veros, fratrum quieti famæ, & ædificationi notabiliter nociuos; & si quem talia declarasse contigerit Prior circa huiusmodi relationem, & declarationem informabit, & informationem ad Vicarium generalem, vel Prouincialem mittet, vt relatores huiusmodi grauitè puniat.

§. 10.

Viatores nostri regulariter hospitum priuilegijs gaudebunt tribus diebus, plus vel minus habitatione itineris peracti & peragendi, & siquidem ibi pro modico tempore commorentur intra refectory in Mensa ad hoc peculiariter deputata refectionem sument, qui verò vltra hebdomadam

in eodem Conuentu moram trahere debuerint siue sint alterius Conuentus, siue etiam alterius Prouinciæ ad instar aliorum Conuentualium omnibus actibus communitatis, & Capitulis culparum, officiisque tam diurnis, quam nocturnis intersint, nisi legitimè impediuntur expeditione negotij ad quod venerint, cui incumbere omnino concedat Prior, & vt quamprimum expediantur collaboret, imò & si fuerint vocales poterunt capitulis vocalium interesse, eo excepto in quo discretus eligendus est, vt amplius dicitur in tertia parte capite de discretis.

§. 11.

Si frater hospes aliquam commiserit culpam Prior localis poterit eum non tantum monere, sed & punire, nisi mallet Priori proprio, vel Prouinciali puniendum relinquere, & ad eos plenam, & fidelem informationem mittere.

§. 12.

Superior Conuentus vnde exhibunt fratres prouidebit eis de vestimentis, tunicella, sudariolis, & aliis ad itinerandum necessariis, tum pro itineris solatio, tum etiam ne Conuentui ad quem accedunt fiant onerosi: Superior qui in hoc peccauerit puniatur, & ad vestem mittendam, vel saltem pretium eius à Vicario generali, aut Prouinciali cogatur. Quis autem Superior, aut quousque possit quilibet Religiosos mittere in Superiorum officio exprimeretur.

§. 13.

Superior qui debitam hospitibus non exhibuerit humanitatem, & in consuetudinem duxerit, eos minus charitatiuè quam par est recipere

recipere, nec supradicta pro viribus obseruauerit, ita ut viatores, & hospites consolati, & ædificati non recedant, à Vicario generali, vel Prouinciali seuerè puniatur, & si alias conuictus, vel punitus se emendare neglexerit ab officio suspendatur, & demum priuetur.

CAPVT III.

De vestiendis Fratribus.

§. I.

DOminus Iesus etiam dicturus est, *nudus fui, & operuistis me*, secundum autem mentem sancti Patris Augustini ad Præpositum pertinet suis subditis de vestibus prouidere, ait enim Regula, *distribuantur unicuique vestrum à praposito vestro victus & tegumentum*, è conuerso interdiximus fratribus vestimenta sibi emere, vel à quocumque sibi collata portare, vel retinere, sine expressa Superioris licentia, nec etiam ea distrahere, vel quouis modo alienare sub pœna culparum grauiorum. Consequens enim est, ut inquit Pater Augustinus, ut etiam *cum quis filiis suis, aut aliqua necessitudine ad se pertinentibus aliquam contulerit vestem siue quodlibet aliud inter necessaria deputandum non occultò accipiat, sed sit in potestate prapositi ut in rem communem redactum cui necessarium fuerit prabeatur.*

§. 2.

Prior qui neglexerit pro possibilitate sua opportuno

portuno tempore fratribus sibi subditis de vestimentis necessariis providere si hoc ex eius culpa, vel negligentia acciderit visitationis tempore graviter arguatur, vel etiam puniatur, & si se emendare neglexerit ab officio suspendatur ac denique priuetur.

§. 3.

Et quoniam præterea in regula nobis præcipitur vesci ex vno cellario & indui ex vno vestuario, statuimus, ut vestimenta nostra in materia & forma conueniant ut sequitur.

§. 4.

In primis quoad materiam pertinet; habitus exterior pallium, & Capucium erunt composita ex panno nigro grossiori, qui in prouincia, & locis in quibus degimus inueniri poterit, cuius etiam lana, si fieri possit eleemosinariæ collecta sit.

§. 5.

Quoad formam habitus erit sine collari, & plicaturis, longitudine ad tertiam ferè pertingens, in anicarum longitudo manuum digitos attingat, latitudo verò oris earundem erit circiter vnus palmi, pallium ad genua circiter vsque protendet, Capucium latitudine scapulas non excedet, eritque rotundum in anteriori parte cum cuspidem in posteriori, ad corrigiam vsque pertingens, in summitate vero parumper acutum, Capucium contra pluuiam quod ab itinerantibus portabitur, (cum opus fuerit) Priori Capucio longius, & largius, quatenus illud & summitatem pallij complecti possit sit autem rotundum tam in anteriori, quam in posteriori parte. Tunica quæ defertur subtus habitum tempore hyemis

mis poterit quidem constare ex materia delicatio-
re quam habitus, non autem pretiosiore, & eius
longitudo ad medias tibias circiter vsque, per-
tingens, & erit coloris nigri. Tunicella, quæ
fertur iuxta carnem constabit ex fargia alba, &
vltra genua non extendetur.

§. 6.

Fratrum habitus cingatur zona nigra, & pel-
licea cuius latitudo sit circiter duorum digito-
rum, longitudo ad medias vsque tybias pertin-
gens, & fibia illius sit ex osse nigro, ab ea au-
tem dependeat corona Beatissimæ Virginis
Mariæ, quæ sit etiam nigri coloris, cum simplici,
& paruula cruce.

§. 7.

Incedent fratres nostri nudis pedibus calceati
tantum sandaliis Christi & Apostolorum exem-
plo, quod calceamentorum genus ita se habet te-
ste eodem Patre Augustino, vt pes neque rectus
desuper sit, neque nudus ad terram, nec eum
cooperiat, sed tantum suffulciat, si vero ali-
quando necessitas postulauerit cum aliquo dispē-
sare, vt calceos ferat, & caligas, fiet ad tempus
per Vicarium generalem, aut Prouincialem in
scriptis, si autem ad vitam scilicet quando præ-
fato necessitas durauerit per diffinitorium Capi-
tuli Prouincialis, & si quis contra hanc constitu-
tionem aliter caligas, aut calceamenta portauerit,
nisi forte in extrema necessitate culparum grauior-
um pœnæ subiaceat, Commissis tamē lōgius iter
suscipiētibus propter negotia ad tempus, & extra
Conuentum calcemanta permitti poterunt, si ita
Vicario generali, vel prouinciali visum fuerit.

§. 8.

Fratres commissi nunquam ferent Capucium, nec illud quisquam eis concedere poterit, imo nec ipsum Capitulum generale, gestabunt habitum cum collari, & decenti apertura ante pectus, & pro cœtero vestientur sicut alij fratres, loco autem Capucij tam intra quam extra Monasteriũ vtentur galero, quem cœteris omnibus Religiosis interdiciamus sub pœna culparum grauiorum.

§. 9.

Fratres nostri exceptis femoralibus, seu metandis, & sudariolis vestibus linteis non vtantur, alia etiam quælibet linteamina tam intra quam extra Conuentum omnino interdiciamus sub pœna culparum grauium, vel grauiorum, si cum scandalo secularium deferantur, sed illis in sola infirmaria locum dari volumus. Matelasium concedatur senibus circiter sexagenariis, & debilibus de consensu saltem Patrum Consilij. Tunica autem qua vtentur ægroti, sit ex sargia, vel alio aliquo panno leui, & retro scapulas aperta. Sint præterea in quolibet Conuentu duæ, vel tres cucullæ nigri coloris ad scapulas apertæ, ita vt cum illis possint facile fratres se disponere, (cum opus fuerit) ad disciplinam sibi in refectorio infligendam.

§. 10.

Præcipimus fratribus nostris cubare saltem cum tunica nigra, & scapulari albo, & paruula corrigia sub pœna culpæ grauis, pro qualibet vice. Habitus, scapularia, & corrigiæ antequam à fratribus deferantur semper à Priore, vel subpriore benedicantur,

§. 11.

§. 11.

Si quis capicio ex panno nigro vti infirmitate rogatur, ipso solo tectus coram secularibus nunquam apparebit: si tamen aliquando ita sit grauis infirmitas, vt de consilio Medici omnino id fuerit necessarium, fiet de sola Prouincialis licentia.

§. 12.

Superiores locales super sibi subiectis fratribus, & tum Vicarius generalis, tum Prouinciales super vniuersis diligenter inuigilent, in meteria & forma vestimentorum, vt supradicta seruentur, & si quidem aliquem præsentium statutorum infractorem repperint, matura castigatione quantocius ad supradictam formam redigant.

§. 13.

Cura vestimentorum ne atinea lædantur committetur vni sacerdoti, Clerico, Conuerso, vel commissio qui ea excutiat, mundet, & conseruet, fratres vero teneantur purgare, & ad vestiarium referre vestimenta vetera cum noua accipiunt.

§. 14.

Vestimenta vetera quandiu vtiliter refici poterunt, reficiantur pro cæteris reficiendis inferuiant ad Religiosos, si quidem omnino pertinere non debet quod ipsis vestimentum pro temporum congruentia conferatur, vtrum scilicet hoc accipiat vnusquisque nouum, vel vetus quod deposuerat, an aliud quod alter habuerat, dummodo vnicuique prout cuique opus fuerit non regetur, dum fratres accipient vestem, vel quid simile à suo superiore, vel illius officialibus dicant

dicant genibus flexis, *Benedictus Deus in donis suis, & sanctus in omnibus operibus suis qui vivit, & regnat in secula seculorum. Amen.*

§. 15.

Fratres à Superiore in quem omnem sui curam conicere debent vestimenta exteriora, quæ in eius conspectu sunt nunquam postulent; interiora verò sicut vniuscuiusque valetudo, vel temporis ratio exigit postulare possint.

§. 16.

Prohibemus etiam ne Religiosi nostri propter quascumque culpas vestiario priuentur, sed volumus, ut aliis pœnis puniantur excepto dum ad patientiam condemnabuntur, tunc enim intra Conuentum palliorum vsus eis interdicatur. Nolumus etiam, ut fratres vestes laceratas, & sordidas deferant, & paupertatem quidem eorum volumus apparere, sed mundam; ita etiam ne interiores animæ sordes contrahat mundæ vestis nimius appetitus, indumenta nostra ad arbitrium superioris lauentur, siue à nobis intra Monasterium, siue foris à fullonibus, si commoditas Conuentus non patiatur, ut mudentur à fratribus intra Monasterium. Interdicimus præterea omnibus cuiuscumque conditionis illi sint, ne aliquod vestimentum laneum, vel linneum, neque strophiola & similia alicui particolari personæ lauanda consignent sine superiorum licentia sub pœna culparum grauium.

§. 17.

Prohibemus omnibus Vicariis Conuentuum tempore Capituli Prouincialis in absentia Superiorum electis ne quidquam noui attentent, ne ve
fbi

sibi, vel aliis nouas vestes, aut alias huiusmodi villo modo emant, vel emere faciant, sub pœna priuationis talis rei, & præterea culpæ grauioris tam Superiori, quam inferiori qui rem huiusmodi, vel attentauerit, vel habuerit imponenda, poterunt tamen fieri, resarciri sandalia ad præueniēda itinera,

§. 18.

Sacerdotes tantum, & Clerici coronam tonsuræ deferant in capite, quæ duos circiter digitos latitudinis habeat, Conuersi verò, & Commissi supra pectinem in capite tondeantur eodem tempore quo cœteri nimirum semel in mense, vel bis æstiuo tempore si ita visum fuerit Superiori, sine cuius licentiâ nullus differet, vel præueniet tempus ad hoc ordinatum, nec præter quam in itinere extrâ Conuentum tonsuram sibi fieri quiscumque procurabit sub pœna culpæ grauis. Barbæ autem tonsura nulla fiat.

C A P V T I I I I.

De cura fratrum infirmorum.

§. 1.

Ægrotantium cura, siue post ægritudinem reficiendorum, siue aliqua infirmitate laborantium, vni alicui debet iniungi, vt ipse de Cellario petat quod cuique opus esse perspexerit, qui etiam sit patiens ad infirmorum molestias perferendas, & dulcis eloquio, vt cum opus fuerit

cos inter dolores consolari facile possit, non sit tenax in dispensando, non prodigus in largiendo, & quamuis ipse non teneatur ad silentium in infirmaria, curare tamen debet ne multiloquio cuiusquam infirmi grauentur, sæpè Priorem faciat certiore de remissione, vel ingrauescentia morborum, & ab ipso confidenter petat quidquid opus fuerit ad infirmorum valetudinem recuperandam, demum nihil omittat eorum quæ ei præter infra dicenda præscribuntur, cogitans semper se in illis seruire soli Christo dicenti *quod uni ex minimis meis fecistis mihi fecistis.*

§. 2.

Prior circa fratres infirmos siue Nouitios, siue professos, siue suæ familiæ sint, siue non sint maximam adhibeat sollicitudinem tam in spiritualibus, quam in temporalibus ipsis de consensu suorum vocalium prouideat de Medico sufficiente, & infirmaria sana quæ lectulos habeat linteamine, vel panno (si fieri possit) circumcinctos, & alia superlectilia, & utensilia necessaria iuxta qualitatem Conuentus, quæ etiam sit à fratrum dormitorio segregata, iuxta quàm (si fieri possit) sit Capella in qua saltem diebus festiuis missam audire, & sacrosanctum Iesu-Christi, corpus quoties opus fuerit deuotè sumere possint.

§. 3.

Curet quoque sollicitè Prior nè aliquid desit quod infirmorum expediat necessitati, quod ei tam strictè præcipimus, vt etiam mandemus ei de consensu Patrum Consilij potius apud creditores debita contrahere, vel etiam Conuentus supellectilia distrahere, & vendere quam remedia

Infirmis

Infirmis necessaria negligere.

§. 4.

Eos sæpè, & quotidie visiter, & discat ab eis si quid ipsorum necessitati, vel consolationi Infirmarij, aut alterius negligentia desit, ipsosque ad patientiam exercendam, & ad sacramenta sæpè, ac ritè sumenda hortetur, eosque pro viribus consoletur in Domino, & si talis fuerit eorum infirmitas, vt orationi serotinæ interesse nequeat strictè præcipimus Priori, ne cubitum eat quin prius ad cuiuslibet infirmi cellam fuerit, ibique dicto. *Pax huic domui*, cum oratione, *visita quesumus Domine*, &c. Aspergat eum aqua benedicta, eique dicenti per se, vel per infirmarium, aut alium qui pro tunc ibi adest, *Benedicite Pater*, benedicat dicendo, *noctem quietam*, &c. Postea verò si morbus sit grauis, vel periculosus de fratre, vel patre propè ægrotum vigilante, si quis sit charitatiuè prouideat.

§. 5.

Prior qui in supradictis negligens extiterit, ægrotos rarò visitauerit, eisque necessaria non subministrauerit, suspendatur ab officio, imò indispensablem priuetur, atque inhabilis fiat ad omnia officia, quousque per Capitulum generale, vel Prouinciale cum ipso fuerit dispensatum, si ex hac negligentia, & incuria sufficienter probata, mors, defectus Sacramentorum, vel graue aliquod incommodum infirmo subsecutum sit, quod si Prioris Superiores in eo puniendo negligentes extiterint, ipsi quoque, eadem inhabilitatis pœna afficiantur, & à diffinitorio Capituli generalis, vel Prouincialis grauiter puniantur.

§. 6.

Cum autem in infirmorum persona visitatum censeat se Christus sitque in ultimo tempore dicturus, *infirmus fui & visitastis me*, ne in hoc opere misericordiae deficiant ceteri fratres etiam subditi hortamur eos in Domino, ut infirmos sapè visitent horis & temporibus commodioribus, habita tamen prius Superioris licentia, qui eam rarò denegabit, præcipue tamen concedet iis quos nouerit hoc postulare, non tam ob recreationem propriam, quam ob consolationem, & obsequium infirmorum, & illos potius, & sæpius mittet quibus infirmos maxime crediderit ædificari, affici, & oblectari.

§. 7.

Quia autem *virtus in infirmitate perficitur* (teste sancto Paulo) tunc se prædicante fortiorum cum erat infirmior, fratres infirmi patientiam, tum interiorem, tum exteriorem conseruare conentur ne exhibendo se impatientes Deo displiceant, & fratres pro Christi amore sibi inferuientes contristentur, & ideo in ciborum, & remediorum vsu, vel delectu, & in cæteris, quæ ad ipsos pertinent tam infirmario, quam Medico libenter obediant: Quando verò primam sanitatem recuperauerint, redeant ad fœliciore conseruetudinem suam, si quis autem aliquas habuerit infirmitates ex leui causa prouenientes, quæ nec vires minuunt, nec comedendi appetitum perturbent, talis nec consueta ieiunia frangat, nec cibos Refectorij respuat, nisi omnino aliter Superior, vel Medicus præceperint, & præscripserint.

§. 8.

Quando balnea Medico iubente fuerint infirmis necessaria (si sit possibile) fient intra Monasterium: si verò propterea egrediendum sit infirmo provideatur de vno, vel duobus probatis sociis: Cæteris autem fratribus balnea omnia, etiam naturalia interdiciamus sub pœna culparum grauium vel etiam grauiorum iuxta circumstantias occurrentes, nisi Superior pro qualibet vice expresse permiserit.

§. 9.

Nemini liceat medicamina secularibus ordinare sine licentia Vicarij generalis, vel Prouincialis, sub pœna culpæ grauis, vel grauioris iuxta circumstantias.

C A P V T V.

*De cura circa moribundos, & mortuos
adhibenda.*

§. 1.

Quia ideo tantum Mundo crucifigimur, & morimur, vitam nostram abscondentes in Christo. vt cum Christo viuentes, in Christo mori facile possimus, curemus in primis vt morte imminente, & Sacramentis iam antea humiliter petitis, & piè receptis fratribus adstantibus patientiæ, fortitudinis, fidei, & pœnitentiæ præbeamus exemplum, expectantes beatam spem, & aduentum Domini.

§. 2.

Curent præterea Priores, vt ingrauescente subditorum morbo, præsertim si talis fuerit, vt vsum rationis probabiliter impedire possit, & iuxta iudicium Medici vitam extinguere antequam rationis usu priuetur, illos de statu Morbi, & vitæ periculo prudenter admoneant, omnibusque Sacramentis ad hunc transitum necessariis muniri faciant, & inquirant ab eis, an teneantur alicui restituere bona, vel famam, aut si aliquis teneatur eis, si sciant aliquid per quod possit, nisi provideatur Congregationi scandalum generari, aut si alicubi habent aliquid repositum quod ipse Prior ignoret.

§. 3.

Diù, noctûque custodem habeat, qui est in euidenti periculo mortis, quando vero infirmus laborat in extremis, prior per se, vel per alios Patres ad hoc aptiores diù, noctûque propè ipsum aderit, & eum ad pugnam instruat, & confortet iuxta scripturam dicentem, *consolare mortuum in exitu spiritus sui.*

§. 4.

In hora transitus ad signum infirmarij conueniant omnes pro commendatione animæ simul recitanda.

§. 5.

Paulò post transitum exuatur vestibus, & lauetur à fratribus quibus hoc charitatis opus Prior iniunxerit, & post lotionem habitu iterum indutus ponatur in feretro vt deferatur ad locum ordinatum habens præ manibus crucem, & si fuerit Sacerdos stolam in loco solito, apponantur
iuxta

iuxta eum luminaria, Crux, & vas cum aqua benedicta, & aspersorio, fratresque bini successuè à Priore per horas diuidantur, qui iuxta cadauer simul orent, ita vt nunquam deferatur vsque ad sepulturam, quæ in casu mortis subitanæ, & improuisæ (quod Deus auertat, non fiet nisi post viginti quatuor horas, & tunc vtemur cæremoniis in ordinario præscriptis.

§. 6.

Post sepulturam Prior in proximo Capitulo hortabitur fratres, vt debita suffragia soluant, monebit præterea Vicarium Generalem & Prouincialem de fratris decessu, vt ille per suam Prouinciam, & ille per alias omnes consueta suffragia pro eo fieri procuret.

§. 7.

Hæc autem sunt suffragia, quæ pro quolibet fratre defuncto fieri præcipimus. In Conuentu quo obiit diem suum, qui à Sacrista & Priore notabitur, recitabitur quinquies in choro officium defunctorum sub ritu duplici, nimirum in die obitus, in medio Ecclesiæ circa corpus, deinde in die tertio post obitum, septimo, trigesimo, & anniuersario, In cæteris autem totius Congregationis Conuentibus semel tantum. Quoties autem recitabitur officium duplex toties, & dicetur pro eo missa Conuentualis, in qua omnes non sacerdotes accedant ad sacram Synaxim. Post hæc quilibet sacerdos Prouinciæ in qua mortuus est tres missas pro eo quauicinius celebrabit, & quilibet non Sacerdos ter officium defunctorum iuxta modum vnicuique præscriptum in ordinario, & semel sacram Eucharistiam

sumet vt supra. In aliis autem Prouinciis, & Conuentibus earum, præter officium chori, Missam Conuentualẽ, & Communionem quilibet sacerdos vnã pro eo missam celebrabit, & quilibet non sacerdos vnum officium: Si autem qui decessit esset Vicarius generalis, pro eo in quolibet Conuentu Congregationis dicentur eadem officia quæ in Conuentu decessus ordinata sunt, & idem pro Prouinciali in Conuentibus suæ Prouinciæ intelligendum est: Si verò qui decesserit fuerit Nouitius in Prouincia cuius est Nouitius dicentur officia, & Missæ tanquam pro professo, sed aliæ Prouinciæ ad nihil obligabuntur.

§. 8.

Cum mortuorum sepultura tamquã maximum misericordiæ opus fidelibus commendetur, in Ecclesiis nostris etiam seculares mortuos sepeliri non prohibemus: Præcipimus tamen Priori ne aliquos admittat nisi de consensu vocalium, nec totam familiam, nisi de licentia diffinitorij Capituli Prouincialis, ita tamen vt fratrum Sepultura à sepultura secularium sit distincta.

§. 9.

Præcipimus præterea, & mandamus nè vtrquam ad sepeliendos seculares fratres nostri vltra Monasterij clausuram egrediantur, sed tantum eorum corpora recipiant ad portam Ecclesiæ sub pœna culpæ grauioris transgressoribus infligenda, & priuationis officij superioribus qui in hoc consenserint; si tamen aliquando cum Religiosis aliarum Congregationum, & similis reformationis fuerimus inuitati ad sepulturam alicuius Episcopi, Principis, & similium illustrium perso-

narum, vel etiam fundatoris alicuius nostri Con-
uentus ire non recusabimus.

CAPVT VI.

*De correptione fraterna, & offensa
remissione.*

§. 1.

Quoniam ex sola charitate ortum debet ha-
bere charitas, præter ea quæ in capite de vi-
sitationibus exprimuntur, caueant fratres nostri
nè per vindictam, vel alium motum vitiosum li-
cere sibi putent contra charitatis ordinem præci-
puè lethalia fratrum suorum, vel etiam aliorum
peccata detegere, in medendis enim animæ vul-
neribus non minus caute, & prudenter agendum
est quam in corporeis: Medici siquidem leuiora
primum medicamenta adhibent; ad adustiones
autem, & membrorum abscisiones non nisi tar-
dè, & inuitè progrediuntur; ita fratres nostri
quantùm fieri poterit medeantur animabus, &
parcant delinquentium famæ: sequentes in hac
parte formam nobis in regula à sancto Patre Au-
gustino præscriptam videlicet.

§. 2.

Vt antequam occultum alicuius peccatum aliis
manifestetur prius correptionem fraternam ad-
hibeant, si quouis modò profuturam sperent in-
ter se, & ipsum delinquentem solum, vel certè
Præposito ostendant, à quo tanquam Patre se-
cretius accipiatur.

§. 3.

Vbi verò in idipsum facere iterum viderint; iam velut vulneratum sanandum prodat quicumque hoc potuerit inuenire; nè tamen talis in sua probatione deficiat, prius est alteri, vel etiam tertio demonstrandum, vt duorum vel trium possit ore conuinci, & competenti seueritate coerceri.

§. 4.

Qui contra prædictam formam alicuius peccatum non publicum prodidisse conuictus fuerit; pœnam grauem, vel omninò grauiorem subire cogatur iuxta peccati sic detecti grauitatem, & circumstantias.

§. 5.

Qui verò contra aliquem falsos sparserit rumores à Vicario generali, vel Propinciali grauitèr puniatur; imò si per rumores huiusmodi famâ notabiliter læserit grauioris culpæ pœnæ subiaceat.

§. 6.

Quod verò attinet ad offensæ remissionem docet Sanctus P. Augustinus in Regula qualiter nos habere debeatnus, scilicet, aut nullas lites habentes, aut eas quam celerrimè finientes, adeo vt si aliquis conuitio, vel maledicto, vel etiam criminis obiectu aliquem læserit; meminerit quanto citius satisfactione curare quod fecit ne ira crescat in odium, & trabem faciat de festuca, ille etiam qui læsus est debet sine disceptatione offensam dimittere, & vt ait Apostolus, *vincere in bono malum.*

§. 7.

Si autem inuicem se læserint, inuicem etiam sibi

sibi debita relaxent; quod si offendens in venia petenda negligens fuerit, vel offensum in offensæ remissione, hortamur seriò fratres omnes, vt orationibus, suasionibus, vel etiam increpationibus suis eos quamcitus reconcilient; considerantes quod qui odit fratrem suum homicida est, & in statu continuo damnationis.

§. 8.

Qui post offensam non vult petere veniam, aut ex animo non petit, sine causa est in Monasterio, & qui offensam fratri remittere pertinaciter recusat, non Religiosi, sed nec Christiani quidem nomine dignus est: & si cohortatus se emendare neglexerit à cœterorum consortio reiciatur, & carceri mancipetur; vbi pane, & aqua solû reficiatur quovsq; fratri suo veniam petere, vel debitum remittere sit paratus. Si vero (quod Deus aduertat) hanc iram sequatur percussio seuerius puniatur iuxta caput vndecimum quartæ partis.

CAPVT VII.

*De studentibus, & litterarum
Professoribus.*

§. 1.

Aliud charitatis officium est ignorantes docere, & ideo statuimus, vt in Capitulo Provinciali; intermedio, vnum, vel plura Monasteria deputentur iuxta numerum studentium in quibus

quibus Philosophia & Theologia prælegantur:

§. 2.

Priores horum Conuentuum tamen si non probamus (si aliter fieri possit) vt ipsi lectoris , & Prioris officio simul fungantur, debent tamen, vt plurimum tales eligi, qui in hoc genere studiorum maxime sint versati, ita vt studiis, etiam & disputationibus quandoque cum fructu interesse, vel etiam præesse possint, eos autem quicumque sint, hortamur in Domino, vt sicut Congregationis honorem, & statum diligere debent, ita litterarum studium sollicitè, & ardentè sequeantur tum studentibus, tum lectoribus, pij & fauorabiles assistant, nec studia siue totius Classis, siue cuiuslibet peculiaris studentis impendant, aut perturbent, nisi quasi inuiti, & in necessitate prorsus inuitabili.

§. 3.

Et idè in familiarum dispositionibus prouideatur Conuentibus ad studia deputatis de sufficientibus Confessariis, Clericis, Conuersis, & Commissis pro manutentione domus necessariis, nè Priores locales studentibus vti necessitate cogantur.

§. 4.

Lectores à Capitulis Prouincialibus siue intermediis eligantur, qui sint ingenio, & doctrina præstantes, pietate verò præstantiores, qui primò doceant discipulos initium sapientiæ, id est timorem Domini, quique eos continuò ad cultum diuinum, ad bonos mores, ad pacem inter se, & cum aliis, & ad obedientiam Superioribus præstandam verbo inducant, & exemplo, plurimum siquidem refert quibus committantur te-

nera

nera & flexibilia iuuenum ingenia ; sicut enim Magistri sanctitas redundat in discipulos , ita etiam nimia morum ipsius libertas in eorum perniciem tendit.

§. 5.

Lectoribus autem huiusmodi subsidia temporis , corporis , librorum , & alia quælibet lectionibus præmeditandis , & faciendis necessaria pro possibili concedantur.

§. 6.

Ad hæc studia Philosophiæ vel Theologiæ illi tantum admittantur qui valetudine , modestia humilitate, aliisque virtutibus præstabunt, & qui vnum à professione annum, (nisi propter inchoationem cursus per duos menses dispensetur à Prouinciali ,) expleuerint super quo aliter , nec ipsis Capitulis generalibus dispensare licitum sit, & ideo dum nouus studiorum cursus inchoandus erit , si studentes in Capitulo prouinciali non electi fuerint, & nominati, Prouincialis eos eligat , si vero cursu iam incepto aliquis addendus fuerit, id fiet à Prouinciali , modo tamen prædictas conditiones habuerit , nec alias fuerit à Capitulo Diffinitorio nominatum improbatum.

§. 7.

Studentes officio diuino , & orationibus semper intersint Prouincialis cum illis alternatim aliquando dispensare possit : Eis ante matutinum studere cum lampade non liceat , neque post Matutinum nisi de licentia superioris.

§. 8.

Circa medium cursus quotannis à Prouinciali, vel alio ab eo deputato Priore locali , & lectore examen

examen fiet super profectum studentium, tam quoad mores, quam quoad scientiam, per vota secreta, & quos in aliquo eorum non proficere iudicauerint à studiis amoueant,

§. 9.

Ad foelicem etiam progressum studiorum monemus lectores, cæterosque fratres omnes à questionibus superfluis: & inutilibus, & à nimis subtilitatibus abstinere: opiniones malè fundatas, & nouitatem præse ferentes fugere, & præcipuè Diui Thomæ, & ægidij nostri Romani doctrinam sequi tam in Philosophicis, quam in theologicis excepta opinione de Conceptione Virginis, & paucis aliis, ac quæ in summa docuit præferant, iis quæ alibi docuit.

§. 10.

In omnibus etiam Conuentibus nostris fiet iuxta mandatum foelicis recordationis Clementis Octauī lectio scripturæ sacræ, Theologiæ moralis omnibus diebus dominicis, & festiuis, cui omnes interesse tenebuntur, nec ab ea ullus se absentare possit sine expressa Prioris licentia, ut amplius dicetur in Capite de confessariis.

§. 11.

Quod si aliquis præfatorum lectorum tam Philosophiæ, quam Theologiæ, vel quicumque alius lector extra tempus Capituli morte præuentus fuerit, vel ob culpam suam eo munere priuatus, aut suspensus Prouincialis poterit alium in ipsius locum substituere, vsque ad Capitulum Prouinciale, vel intermedium,

CAPVT VIII.

De Sacerdotibus & ordinibus.

§. 1.

QVamuis Cletici de sola Prioris licentia minores ordines suscipere valeant, ad nullum tamen ex sacris promoueri possint nisi ætatem habeant pro quolibet ordine præfixam, & alia à Concilio tridentino requisita; ac præterea vocalium Conuentus approbationem, & Prouincialis licentiam in scriptis obtentam.

§. 2.

Ante susceptionem cuiuslibet ordinis Prior localis promouendum proponet omnibus vocalibus sui Conuentus; deinde propositum aduocabit, vt ibi in omnium præsentia ab examinatore examinetur, eo autem examinato, & egresso de scientia & moribus simul fiet ab omnibus vocalibus vnica ballotatio ad eum approbandum, vel reprobandum iuxta scientiæ sufficientiam, & morum probitatem, & si fuerit approbatus approbationis eius actus registrabitur in libro Conuentus eiusque extractum mittetur à Priore ad Prouincialem: quod si neque ab illo improbatus, vel dilatus fuerit cum eius obedientia Episcopo præsentetur, nec fiet vnquam prædicta ballotatio quin prælegatur vocalibus præceptum quod habetur hac de re in tertia parte capite primo, paragrapho decimo quinto, neque quin

quin prius eis de promouendorum ætate in scriptis constiterit.

§. 3.

Dum clericus aliquis ab vna familia in aliam transmittetur, teneatur Prior vocales sui Conuentus capitulariter congregare, vt si in Conuentu à quo discedit piè, & religiosè vixerit, dent ei simul circa probitatem, & bonos mores litteras testimoniales omnium nomine subscriptas, & Conuentus sigillo munitas: Clericus qui huiusmodi litteras obtinuerit præsentabit eas Priori locali ad cuius conuentum accedit; vt ipsas in librum Conuentus inserat, & registret: qui non obtentis huiusmodi litteris ab vno Conuentu in alium iuerit, in hoc non nisi post sex menses pro sacris ordinibus ballotari possit, & approbari.

§. 4.

Nullus etiam ad Sacerdotium in nostra Congregatione promoueaturnisi compleuerit tertium post professionem annum, & super hoc quidem triennio Vicario generali post primum professionis annum dispensare licebit, non tamen ante, nec post sine causa plusquam rationabili, & non nisi in maxima Congregationis necessitate, ac præterea dummodo præfatæ approbationes non omittantur; intra annum vero Nouitiatus omnino interdiciamus quoscunque ordines cuiquam conferri.

§. 5.

Nec Vicario generali, nec Prouinciali liceat contra prædictam formam mittere ad aliquem sacrum ordinem; alioquin sic ordinatus ab executione

cutione suscepti ordinis suspensus maneat usque dum per Capitulum generale, vel Prouinciale cum eo dispensatum fuerit. Prior autem qui aliquem sine expressa Vicarij generalis, aut Prouincialis licentia etiam cæteris seruatis ad sacros ordines miserit officio suo sine remissione priuetur.

§. 6.

Qui iam fuerint Diaconi ab aliquo Sacerdote maximè experto exercebuntur in Missarum cæremoniis, & rubricis, nec quisquam Sacerdos factus accedat ad altare quin eas perfectè, & expeditè sciuerit iudicio Prioris.

§. 7.

Prima Missa celebrabitur in publico; octo verò immediatè sequentes priuatim, & assistente semper alio Sacerdote, vt præueniantur pericula, quæ in principio faciliè emergunt; & si quas Missas nouo Sacerdoti iniunxerit dicendas Episcopus ordinans satisfaciat quantociùs, & imposteorum ipse, & cæteri iuxta ritum Missalis Romani, & ordinis nostri quotidie celebrare teneantur; semper autem secundum intentionem, & applicationem Prioris nisi ipse, vel illius Superiores aliter permiserint, exceptis tamen quatuor anni festiuitatibus, in quibus Missas ad libitum

applicari concedimus. In die cœnæ

Domini omnes Sacerdotes
de manu Superioris
communicent,

* *
* *

CAPVT IX.

De Confessariis, & Confessionibus.

§. 1.

VT etiam Confessarij nostri docere possint ignorantēs, & dubitantibus rectè consulere, examinationes, atque approbationes in præcedēti capite, paragrapho secundo requisitas, atque etiam strictiores iuxta periculosioris officij rationem circa eos eodem modo fieri præcipimus, sicut & prælectionem præcepti quod habetur in tertia parte, capite primo. Conscientiam Vicarij Generalis, Provincialis, Priorum, examinerum cæterorumque vocalium super hoc specialiter onerantes, quatenus ad tam graue, & tam arduum munus non admittant nisi Religiosos professos; ac præterea doctrina, pietate, moribus, ac ætate etiam quantum fieri poterit præstantes, qui post vocalium approbationem, & Vicarij Generalis, vel Prouincialis licentiam in scriptis obtentam tenebuntur etiam præsentare se Episcopis Diocesanis, aut eorum Vicariis.

§. 2.

Ad Confessiones mulierum nullus admittatur ante trigésimum suæ ætatis annum, nisi de speciali licentia admodum Reuerendi Patris Vicarij Generalis ab eodem cum magna consideratione concedenda: iis tamen exceptis, qui officiis generalibus, & prouincialibus funguntur.

§. 3.

Nullus præterea ex Confessariis supra appro-

batis,

batis, actualiter in Ecclesiis nostris vel alienis secularium personarum etiam priuilegiatarum Confessiones audire possit sine speciali pro qualibet vice (si Priori videbitur) ad hoc ab eodem ob-
tenta licentia quam etiam si ipsi visum fuerit quandoque reuocare possit. Qui aliter Confessiones audierit pro prima vice priuetur voce acti-
ua, & passiva per mensem, pro secunda suspen-
datur ab hoc munere usque ad tempus visitatio-
nis; vel donec Vicarius Generalis, aut Prouincia-
lis aliter ordinauerint.

§. 4.

Prior etiam non erit facilis in concedenda sibi subditis Confessariis crebriori licentia extra Mo-
nasterium egrediendi Confessiones audiendi gra-
tia; & in tali casu providebit confessario de fidei
approbatoque socio, qui eum semper in prof-
pectu habeat, & si loci angustia non patiatur, vt
in eodem cubiculo remaneant, à porta saltem
non recedat, ita vt ipsum videat, & verba ta-
men Confessionis non audiat, & in hoc præfati
socij conscientiam maxime oneramus.

§. 5.

Nulli ex nostris liceat excipere Confessiones
Monialium sine licentia in scriptis Prouincialis,
in casu tamen aliquo particulari poterit hoc fieri
semel, aut bis de licentia Prioris, & per spa-
tium vnus mensis de consensu patrum Consilij,
sed non ultra.

§. 6.

Confessarij nostri extra confessionalia pœni-
tentium conuersationem, & familiaritatem præ-
sertim mulierum deuitent, super quo etiam Prio-

res diligenter inuigilabunt, nè dum subditi aliorum salutem inuigilant animæ suæ patiantur detrimentum. Gratis etiam pœnitentiæ Sacramentum conferant, & ab aliis etiam munusculis abstineant.

§. 7.

Confessionalia sint in loco patenti habentia in lateribus laminas, vel aliquid simile ferreum, aut ligneum cum foraminibus, per quæ vox pœnitentium commodè audiri possit; nec extra ea in Ecclesia cuiusquam Confessiones liceat excipere.

§. 8.

Præterea quæ de confessionibus Nouitiorum dicta sunt in Capite secundo primæ partis, Prior selegit duos, aut tres confessarios, vel quotquot opus fuerit ad audiendas Confessiones aliorum fratrum sibi subditorum, tam sacerdotum quam aliorum, præter quos nullus in Conuentu Confessiones cuiusque audire præsumat sub pœna culpæ grauis infligenda tam Confessario, quam pœnitenti, qui sic sciens alteri confessus fuerit. Ad hoc autem superior localis approbare, & nominare poterit sine alterius autoritate, & consensu quoslibet sacerdotes sibi subditos quos in conscientia aptos iudicabit, & idoneos.

§. 9.

Locus pro Confessionibus fratrum audiendis designabitur à Priore in Ecclesia, Choro, Sacristia, vel alio loco publico, exceptis confessionibus infirmorum decumbentium.

§. 10.

Fratres nostri tam sani, quam infirmi confiteri,

teri, & Eucharistiam sumere tenebuntur omnibus diebus Dominicis, & festis quæ colantur: in quatuor principalioribus festis nostri ordinis; nec non titularis Ecclesiæ, & duabus feriis diem cinerum immediatè præcedentibus; & in omnibus festis Deiparæ, etiamsi in illa diocesi non solemnifentur: si verò nullum occurrerit festum in hebdomada ad confessionem, & communionem accedent semper feria quinta, nisi aliquando (quod rarò fiet) de consilio confessarij, & licentia Superioris humiliter abstinere visum fuerit: qui verò sine prædicta licentia ab his sacramentis abstinuerit pane solo, & aqua in prandio reficiantur.

§. 11.

Inhibemus omnibus Religiosis confiteri Sacerdotibus extraneis dum copiam nostrorum Sacerdotum habere possunt sub pœna culpæ gravis; Itinerantes tamen præsertim, si socius non fuerit Sacerdos liberè, & licitè omnibus sacerdotibus tam regularibus, quàm non regularibus dummodo sint ab ordinariis admissis confiteri possint, vel confessariis sui Conuentus (si qui adfuerint,) vel confessariis deputatis pro Conuentu ubi hospitantur.

§. 12.

Solis Superioribus in Congregatione nostra licebit absolvere à Casibus reservatis ad normam decreti sælicis recordationis Clementis octavi, qui etiam dabunt absolutionem quam vocamus generalem sequentibus diebus. In prima Dominica aduentus, Natiuitatis Domini: In die Epiphaniæ In Purificatione Beatæ Mariæ.

In Prima, & quarta Dominica quadragesimæ;
 In Annunciatione Beatæ Virginis : feria quinta
 in Cœna Domini : In Dominica Resurrectionis:
 In festis Ascensionis, & Pentecostes : In festo
 Corporis Christi ; In Natiuitate Sancti Ioannis
 Baptistæ : In festo Apostolorum Petri, & Pauli
 In Assumptione Beatæ Mariæ Virginis : In festo
 Sancti Patris Augustini : & in festo Natiuitatis
 Beatæ Mariæ Virginis : Michaëlis Archangeli ; In
 solemnitate omnium Sanctorum : & in mensibus
 in quibus non occurrit festum pro hac absolu-
 tione generali destinatum, fiet Dominica prima
 eiusdem mensis. Per Superiores autem intelli-
 gimus Vicarium Generalem, Prouincialem, & Com-
 missarios eorum, ac præterea Priores locales, &
 in eorum absentia plusquam per diem naturalem
 eorum Subprios, Vicarios Conuentuum, &
 hospitiorum, nec non primum patrem, qui post
 supradictos in illis præsidet : Si autem Prior in
 vigilia alicuius absolutionis generalis egrederetur
 e Conuentu, & extra urbem pro illa danda suo
 tempore non reuersurus etiamsi subprior non-
 dum locum, nec Præsidentiam Prioris sumpserit
 viginti quatuor horis nondum elapsis, absolutio
 tamen generalis ipsi reseruatur. In omnibus die-
 bus absolutionis generalis omnes fratres vel ce-
 lebrent, vel communicent ; & post celebratio-
 nem, vel communionem genibus flexis dicant
 orationem, *Deus omnium fidelium*, &c. aut
 orationem Dominicam si prædictam nesciuerint
 pro conseruatione status Sanctæ Matris Ecclesiæ,
 ac Romani Pontificis pro tempore existentis.

§. 13.

In absolutionibus generalibus quæ dant potestatem Confessariis etiam inferioribus pro absolutione casuum referuatorum poterunt fratres eligere sibi confessarium quemlibet etiam si non sint ex nominatis à Superiore, imò quamvis ibi sint tantum per transennam, modo tamen alias saltem ad Religiosorum Confessiones audiendas alicubi fuerint approbati, & tunc non sint privati, aut legitimè suspensi.

§. 14.

Extra diem absolutionis generalis si Superiores se nimis difficiles præbuerint facultatem concedendi, ut quis absoluatür à referuatis postquam fuerint, vel à confessariis, vel à pænitentibus primò, aut secundò rogati ex nunc confessariis approbatis, & nominatis ab eis absoluedi pro ea vice facultatem concedimus.

§. 15.

Cauebunt & Priores, & Confessarij in pænitentis iniungendis ne alicui publicam assignent, aut talem perquam iudicium, aut suspicio peccati alicuius oriri possit, alioquin cuilibet Confessario facultatem impertimur, ut eam in aliam commutare possit.

§. 16.

Conscientiæ casus, vel à venerabili lectore, vel ab aliquo alio ex Patribus ad id munus idoneo, & deputato exponantur quam lectionem ne dum in Gymnasiis omnibus, sed etiam in omnibus Monasteriis ubi decem fratres ad minus commorantur haberi volumus & mandamus, huic autem lectioni omnes Sacerdotes inferio-

res interesse teneantur, & si quis sine licentia Prioris ab ea se absentauerit, vel interesse renuerit à Priore puniatur, & ad confessiones non admittatur, & si iam fuerit admissus suspendatur, imò si durauerit pertinacia priuetur, poterit etiam Prior si voluerit aliquem clericum modestum, & iam ætate prouectum, & ad Sacerdotium proximè accedentem admittere vt ibi dubiorum resolutiones audiat, & addiscat.

§. 17.

Hoc autem fiet in hunc modum, tres casus ab aliquo idoneo, & à Priore assignato proponantur, quibus respondebunt ij quos Prior, vel Præsident tunc nominabit, post responsionem verò, & agitationem alicuius casus is cui incumbit casus proponere determinationem leget alta voce, in aliqua summa docta, & approbata, cuius opinionem sequi proposuerit de consilio, & consensu Prioris, vel alterius cui Prior hoc commiserit, Prior qui in hac conferentia facienda negligens fuerit à Vicario Generali, aut Prouinciali seuerè corrigatur imò, & suspendatur.

C A P V T X.

De Concionatoribus.

§. 1.

Omnia quæ supra de Sacerdotibus, & Confessariis fuerunt dicta tum quoad Vicarij generalis, aut Prouincialis, tum quoad examen, &

& vocalium approbationem pro doctrina , & pietate volumus in eligendis Concionatoribus obseruari , eorum enim officium maximam vitæ sinceritatem , & diuinarum rerum cognitionem exposcit , & ideo hi tantum eligantur & approbentur in quibus maximus pro Dei , & honore , & animarum salutè zelus apparuerit , & qui per aliquot annos , vel priuatim , vel publicè Theologiæ scholasticæ operam dederint , ac præterea aliquam coram fratribus in refectorio , vel alibi coram vocalibus concionem habuerint , nè defectu scientiæ , pietatis , & exercitij Concionando errores spargant , & publicè eorum conciones cedant in detrimentum populorum , & Congregationis derisum. Superiores autem qui contra prædictas approbationes , & formas aliquem ex subditis ad prædicandum miserint , ab officiis suspendantur , & pœna grauiori mulcentur ; idem iudicium sit de subditis ante prædictas licentias , & approbationes prædicantibus.

§. 2.

Post supradictam Vicarij Generalis , aut Prouincialis licentiam , & vocalium ballotationem , & approbationem , cui semper præmittetur lectio præcepti quod habetur in Capite de electionibus , paragrapho decimo quinto poterunt Concionatores actualiter prædicare per annum , siue in Ecclesiis nostris , siue alienis etiam octauas integras de sola Prioris licentia , & ordinariorum benedictione , vel licentiæ respectiue , Prouinciali expresse non contradicente. Nulli tamen licebit ad totum aduentum , vel quadragesimam

integrā se, vel alium alicubi adstringere, nec vlliliceat Diacono actualiter prædicare quin Vicarij generalis, aut Prouincialis licentiam obtinuerit sub pœna culpæ grauioris infligenda tam secus facienti, quā Priori id permittenti.

§. 3.

Concionatoribus qui per aduentum, vel quadragesimam prædicare debuerint concedantur à Priore necessaria temporis, corporis, librorum, & animi subsidia, vt Conciones suas præmeditentur quatenus facilius, vtilius; & diutius hoc officium ad Dēi gloriā & Congregationis honorem exercere valeant, quod & in aliis omnibus Concionibus per annum faciendis proportionaliter locum habere volumus.

§. 4.

Meminerint autem Concionatores se de talento sibi credito rationem reddituros coram supremo iudice; si vel labori suo pepercerint, vel ei finem debitum non proposuerint, & ideo solum diuini numinis cultum; & salutem animarum intendentes à superfluis, curiosis, & fabulosis abstineant, & iis tantum studeant quæ peccatorum conuersioni, vel iustorum solatio vtiliora videbuntur; & vna cum Hieremia propheta vitiis bellum verbo, & opere simul indicentes euellant, & destruant, disperdant, & dissipent, ædificent, & plantent, famæ tamen singularem personarum maximè Ecclesiasticarum parcant.

§. 5.

Vt autem liberius prædicatores nostri huic chari

charitatis officio insistere possint, in quantum fieri poterit, immunes sint ab officiis eum cura animarum quæ residentiam personalem exquirunt nisi, Congregationis bonum aliter exigere videatur.

§. 6.

Qui ad prædicatorum officium electi sunt postmodum actualiter prædicare recusant, vel quia de facto non sunt idonei, vel quia nolunt, officio prædicatorum priuentur: qui verò errores inter prædicandum seminauerit, Inutilia, vel vana prædicare in vsum duxerit inter prædicandum irreligiosè vixerit, aut alias tum corporis, tum animi dotes huic officio rectè faciendo necessarias non habuerit debet per Prouincialem, vel etiam per Priorem de consensu vocalium suspendi, donec iterum huic muneri per Capitulum prouinciale, vel intermedium fuerit restitutus.

§. 7.

Nè autem Concionatorum talentum mortuum & inutile, tum Ecclesiæ, tum Congregationi relinquatur quilibet Prouincialis in sua Prouincia stationes quadragesimales, & Aduentus, vt iubetur ei in tertia parte, capite vndecimo, paragrapho quarto iuxta numerum, & qualitatem suorum Concionatorum retinere conetur, poterunt etiam aliquando Concionatores vnius Prouinciæ alteri communicari de consensu & licentia Vicarij generalis; vt per illam communicationem Prouinciæ indissolubili charitatis vinculo vnitæ mutuo se adiuuent, & in locorum distantia, & diuisione veram cordis coniunctionem, & vnicam pro Dei, & Congregationis

tionis zelo intentionem conseruent.

§. 8.

Nullus Concionator extraneus in Ecclesiis nostris actualiter concionetur nisi de vocalium consensu, si tamen ageretur de Aduentu, aut Quadragesima tunc etiam consensus Prouincialis haberi debet.

C A P V T X I.

De Libraria.

§. 1.

ERit in singulis Conuentibus Bibliotheca clauē clausa in qua omnes libri aptè disponi possint, cuius etiam cura committatur alicui fratri, qui libros à puluere, tinea, & humiditate conseruet, & eos petentibus, sine murmure Priore saltem non contradicente ministret.

§. 2.

Bibliothecarius initio officij sui cum Priore, & Patribus consilij, vel aliquo eorum rationem ineat librorum qui in inuentario continentur, quod, & idem faciet, quando ipsum officio cedere contigerit, quod similiter à sacrista, & infirmario, & similibus officialibus obseruari volumus.

§. 3.

Nullus fratrum librum ex libraria extrahere audeat

audeat, Bibliothecario absente, vel infcio sub
pœna culpæ grauis, quotiescumque contingeret
fratrem aliquem librum de licentia illius ex libra-
ria secum asportare ipse, vel certè Bibliothecarius
tenebitur in Cathalogo ad hoc deputato notare
nomen suum, librum, annum, diem, & mensem
quibus eum ex Bibliotheca extraxit, quem etiam
ad nutum Prioris reddet: quod à fortiori in per-
sonis secularibus locum habere volumus, nec
etiam illis quibus libri commodabuntur, nisi de
consensu Patrum Concilij, & habita schædula
receptionis à recipiente signata, & à Priore, vel
Bibliothecario tenenda dentur.

§. 4.

Si quis verò fratrum librum aliquem deturpa-
uerit, vel in eo nomen suum, vel aliud quidquam
scripserit: Bibliothecarius eum Priori indicet pu-
niendum; ipse autem scribet initio omnium li-
brorum nomen Conuentus cuius Cathalogo in-
scripti sunt, vel etiam nomen benefactoris, qui
talem librum Conuentui donauerit, scribendo
ex dono talis N.

§. 5.

Quod si in dicto Cathalogo reperiantur aliqui
libri duplices, & non necessarij vendi poterunt,
& eorum prætium in alios vtiliores conuerti de
expressa licentia Capituli Prouincialis, illam-
que vocalibus requirentibus, sed non aliter. Si
vero aliqui libri vnus Conuentus alteri Conuen-
tui commodandi fuerint, sufficit consensus Prio-
ris, & vocalium.

§. 6.

Vt autem præfata facilius obseruentur, & li-
bri

bri in quolibet Conuentu conseruentur præcipitur per meritum salutaris obedientiæ Prioribus, ac etiam officialibus cuiuscumque conditionis, & aliis quibuslibet fratribus nè aliquem librum Conuentus ad librariam pertinentem alienare, vel subpignorare præsumant, nisi in casu supraposito; si quis autem contra fecerit excommunicationem eo ipso incurrat.

§. 7.

Interdicimus præterea sub eadem excommunicationis pœna omnibus, & superioribus & inferioribus alicuius scripta Philosophica, Theologica, Casuistica, Conciones, Collectiones, & alia huiusmodi notabilia per se, vel per alios dilacerare, deperdere, surripere vel detinere.

§. 8.

Vt autem fratrum scripta tam in absentia, quam in præsentia conseruentur, præcipimus Superioribus, vt si illa à fratribus iter aliquod suscipientibus consignata fuerint, ipsi eorum Curam gerant, & in hoc conscientiam eorum oneramus: ac præterea hortamur eos, vt cum omni diligentia, & charitate ea ad locum vbi religiosi commorantur transportari procurent.

TERTIA



TERTIA PARS CONSTITVTIONVM.

*De Capitulis, electionibus, &
officiis.*

CAPVT I.

De Capitulis in genere.

§. 1.

PRÆTER conuocationem omnium Religioſorum tam vocalium quam non vocalium quæ communiter capitulum vocatur, & à Vicario generali Pro uinciali, vel eorum Commiſſariis, aut à Superiore locali fieri ſolet pro iſtis corrigendis, exhortandis, & admonendis, aut pro exhibendis aliquibus mandatis, & bullis aut ſimilibus. Alia ſunt in Congregatione noſtra Capitula, de quibus hic agitur ad quæ ſoli, & certi quidã vocales per ſtatuta determinati concurrere, & ſuffragari poſſunt. Et hæc ſunt Capitulũ Generale Congregationis, Prouinciale, intermediũ & Conuentuale, quæ Capitibus particularibus explicabuntur.

§. 2.

Quicumque à Capitulis temerè exierit , aut præsens interesse renuerit ingressu talis Capituli iudicio Capituli per vota secreta priuetur , & ad ea quæ præposita sunt in eius absentia procedatur.

§. 3.

Præcipimus per meritum salutaris obedientiæ nequis vnquam reuelet extra Capitulum quælibet quæ intra illud relata , vel dicta fuerint , quæ alicui quocumque modo obesse , vel nocere , siue inter fratres discordias seminare possint , nisi Prouincialis , & diffinitores , & quicumque alij à Vicario Generali , Priores , & vocales à Prouinciali , aut eorum Commissariis de his quæ in eorum Capitulis acta fuerint iuridicè interrogentur.

§. 4.

Vt verò sciat vnusquisque vocalium quomodo in qualibet ballotatione , electione , consultatione , & quouis negotio in Capitulis tractando gerere se debeat , nec contra conscientiam , & Congregationis statuta aliquid agat , initio cuiuslibet Capituli Præsidens proposito negotio pertractando , vel electione facienda perlegat semper caput præsentium statutorum , in quo de re huiusmodi agitur , vel in genere , vel in particulari , vt si nouitius sit recipiendus , Concionator approbandus , officialis eligendus , Conuentus dononum assumendus , aut quid simile faciendum sit , perlegatur Caput tractans de his rebus , nè ignorantia iuris actum aliquem particularem inualidum , aut Congregationi minus vtilem reddat.

§. 5.

Præsidentes denique Capitulorum nunquam poterunt eligi ad aliquod officium in eo Capitulo in quo præsident, qui autem in eiusdem Capitulis, & electionibus debeant suffragia scrutari, dicetur dum in Capitulis in particulari.

CAPUT II.

De electionibus in genere.

§. 1.

Electiones in Congregatione nostra sub duplici sunt differentia, prima & principalior dicitur Canonica: quando scilicet maior eligentium pars in vnus alicuius personæ electionem conuenit, verbi gratia, ex viginti suffragantibus vndecim, vel plura suffragia in vnum conueniunt, tunc enim in electione vltius non fiet progressus, sed scrutatores calculatis suffragiis, & collatis cum numero suffragantium quem scire semper debebunt; si quidem inter se conueniant, primus scrutatorum sic electum publicabit, dicens alta voce. *In nomine Domini nostri Iesu Christi. Amē. Anno Domini N. die verò N. Ego scrutator presentis electionis nomine meo, & omnium ad quos presens electio pertinet eligo, & pronuncio R. P. N. electum esse in N. & illico facta electio notabitur.*

§. 2.

Altera electio dicitur non Canonica in supple-

mentum primæ introducta: solet enim plerumque contingere ut voces, seu suffragia eligentium hinc & inde dispergantur, ita ut nullus eligendorum habeat ultra medietatem suffragiorum ut supra: In hoc casu post primam, & secundam experientiam super hoc factam, si electio canonica esse non possit, tunc ex omnibus eligentur illi duo Patres, qui præ cæteris plura suffragia in secunda experientia habuerint, vel vnus quidem plura, alij verò paria, tunc ex sic paribus præferendus erit ille, qui prior in nostra Congregatione professus fuerit, & horum duorum nomina scribentur, & proclamabuntur à primo scrutatore dicente; *Hi sunt illi duo Patres in quos plura suffragia conuenerunt, scilicet R. P. N. & R. P. N. vnus ex ipsis ad propositum officium eligite.* Hinc illis à Capitulo, si præsentibus fuerint exeuntibus eorum nomina affiguntur super duabus distinctis bursulis, seu vasis, & vnusquisque qui suffragari voluerit, illi fabam, vel ballotulam albam dabit, & nigram illi quem desiderat improbare, & tunc qui plura ex eis suffragia obtinuerit etiam citra medietatem publicabitur electus, ut supra; Quod iterum in paritate vocum conueniant, ille publicabitur electus qui antiquior fuerit in Religione, & confirmabitur à Præsidente dicente, *Ego auctoritate qua fungor confirmo te, vel vos in N. dans tibi, vel vobis, auctoritatem omnem, & potestatem quam ceteri in Congregatione nostra secundum statuta habere consueuerunt qui hoc officio funguntur. In nomine Patris, & Filij, & Spiritus sancti. Amen.*

§. 3.

In electione superiorum quorumcumque, & aliorum

aliorum officialium quo omnia rectè, & sine fraude fiant inhærentes decretis Sacrosancti Concilij Tridentini strictè præcipimus omnes supradictos eligi debere per schedulas, & vota secreta, ita vt singulorum eligendorum nomina nunquam publicentur, præterea non liceat ad effectum electionis faciendæ aliquem constituere, aut voces, & suffragia absentium supplere; si autem quis ex gremialibus fuerit præsens in Conuentu in quo Capitulum celebratur; propter infirmitatem verò Capitulo interesse non possit, mittantur duo ex Patribus diffinitorij, qui in vase clauso votum secretò accipiant, & fideliter deferant cum cæteris perscrutandum.

§. 4.

Nullus autem in electionibus, aut alibi in Congregatione nostra vocem actiuam, vel passiuam habere possit quin sit Sacerdos, & iam triennium post professionem expleuerit super quo nullo modo dispensari possit sub pœna nullitatis. Sacerdotes verò non triennales & Clerici, qui vocem actiuam, vel passiuam habere contenderint ea perpetuò priuentur: Conuersi verò, & Commissi qui pro ea habenda elaborauerint iuxta Bullam, nuper, Urbani Octauj, sub die vigesima octaua Martij, Millesimo sexcentesimo trigesimo quinto, ipso facto priuati sint Capucio quoad vixerint, & Vicarij generalis, seu Prouincialis arbitrio castigentur.

§. 5.

Voce etiam actiua, & passiuua penitus excludimus omnes excommunicatos, irregulares, suspensos, vel interdictos à diuinis, malæ famæ Re-

ligiosos, infames, seu quouis alia de causa inhabiles declaratos,

§. 6.

Præterea nullus vocem actiuam habere possit, nisi sit præsens, nec possint absentes pro se procuratores, vel quouis alio modo deputatos ad effectum alicuius electionis constituere. Nullus etiam in vna, & eadem electione plures voces actiuas habere possit, nec voci suæ renunciare sub pœna priuationis actiuæ per biennium indispensablem. Nulli quoque liceat suffragium ferre in electione in qua ipse fuerit propositus, vel nominatus, neque sibi quouis alia via suffragari.

§. 7.

Duo vel plures in primo vel secundo gradu consanguinei, vel affines nullatenus Capitula siue Generalia, siue Prouincialia, siue Conuentualia, neque etiam diffinitorium simul ingredi, & concurrere etiam ad tertium vsque gradum eodem biennio vel triennio valeant, quod si plures huiusmodi consanguinei, vel affines votum casu aliquo simul habuerint, ille tantum qui ratione officij locum digniorem habuerit accedat.

§. 8.

Nullus omnino dignitatem, seu superioritatem habere possit si diu noctuque vna cum aliis fratribus choro non intersit, itinerando pedes incedat, nec ferat, aut per alios ferre curet monetam pro suis vsibus, ac in omnibus, & per omnia disciplinam regularem, & communitatem seruare possit, aliter electionum incapax existat, excepto tamen aliquo Congregationis Patre senne, & infirmitate supra quinquagesimum suæ ætatis annum

annum constituto, qui alias per Capituli generalis, aut Prouincialis electionem superior fuerit; ac in regimine vitæ, innocentia, & regulari disciplina, se laudabiliter gesserit, & cuius consilio multum prodesse valeat, tunc eo casu Capitulum generale cū illo dispensare, vt ad officia Procuratorum, & Assistentium, & Diffinitorum promoueri possit, sicut, & ad officium Vicarij in hospitiiis quæ maximè requirunt hominem senem, & expertum, & in quibus nondum viget stricta obseruantia modò punctim facere possit obseruantias quæ ibi fieri solent.

§. 9.

Nullus ad officium Vicarij generalis, vel Prouincialis poterit eligi minor triginta annorum, & nisi aliquando à Diffinitorio generali, vel à Capitulis Congregationis, vel Prouinciæ fuerit electus ad aliquam dignitatem, vel superioritatem habentem votum in dictis Capitulis, si quis verò aliter assumptus, vel electus fuerit, ipso facto electio irrita sit.

§. 10.

Vicarius generalis in tota Congregatione, & Prouincialis in Prouincia cuius est; absoluto eorum officio ineligibiles ad quodcumque officium (lectoris & magistri nouitiorum exceptis) per biennium iuxta Constitutionem sanctissimi Domini nostri Vrbani octauij, die vigesima octaua Martij, millesimi sexcentessimi trigessimi quinti remaneant, eorumque reelectiones pænitus prohibemus sub pœna nullitatis, nisi fortè casu aliquo fuissent tantum electi octo circiter mensibus antè Capitulum: quod etiam locum habere vo-

lumus in illis , qui per duo Capitula immediate subsequētia , & completa ad aliquod officium habens votum promoti fuerint , aut officiis renūciauerint , quibus per sex menses intra supradictum tempus in eadem Prouincia functi fuerint : ad officium tamen Vicarij generalis poterit eligi quicumque ex supradictis excepto Vicario generali absoluto, hic autem per officium habens votum non intelligitur , officium discreti , quod deputatio potius est quàm officium , & ad quod possunt eligi omnes vocales indifferenter.

§. 11.

Reelectiones in Congregatione nostra ad eadem numero officia p̄nitus prohibemus , sine maxima necessitate , aut personæ eligendæ experientia , tuncque reeligendi duas ex tribus partibus suffragiorum habere debeant , saluo semper in officiis generalibus iure prouinciarum. Ex Diffinitoribus nunquam possint reeligi plusquam duo , nec possit fieri reelectio plusquam semel , vt quilibet tempore præscripto ad inferioritatem redeat. Omnis autem supradicta reelectionum prohibitio intelligenda non est , nisi pro officiis votum habentibus , Subp̄iores enim , lectores , Magistri nouitiorum , & huiusmodi officiales reeligi poterunt quoties bonum commune ita postulare videbitur.

§. 12.

Vt autem maledictus ille officiorum ambitus à Congregatione facilius expellatur , & suffragiorum libertas conseruetur , statuimus vt bulla Clementis octauī de fauoribus non procurandis legatur , & obseruetur in Capitulis generalibus & Prouin

Prouincialibus ante omnem electionem, & in
Conuentialibus ante electionem discreti.

§. 13.

Deinde præcipimus per meritum salutaris obedientiæ nè fratres nostri Capitulares cuiquam suffragentur intra Congregationem nostram pro quocumque officio, vel prælatura, sacris ordinibus, prædicationis, vel confessionis munere, & similibus; quæ per vota secreta fieri mandantur nisi quem nouerint teste conscientia fore ad simile officium, vel munus aptum, & idoneum.

§. 14.

Præcipimus secundò per meritum salutaris obedientiæ, nè quis per gratiam, vel fauorem quatumcumque personarum extra Congregationem nostram procuret, vel procuranti adhæreat promoueri se, vel alium intra vel extra Congregationem ad quâmcumque prælaturam, officium lectoratus, Munus prædicationis, vel confessionis, & similia; vel ab huiusmodi officiis muneribus, & locis ad nutum Superiorum non posse amoueri.

§. 15.

Cum iuxta doctrinam Apostolicam debeat quisque immobilis in vocatione sua permanere, omnibus, & singulis nostræ Congregationis fratribus præcipimus per meritum salutaris obedientiæ nè quis ad Prioratum, Abbatiam, Episcopatum, siue aliam huiusmodi dignitatem extra Congregationem eligi consentiat sine licentia speciali Vicarij generalis, aut alterius qui talem licentiam de iure dare possit.

§. 16.

Præcipimus quartò omnibus & singulis fratribus cuiuscumque status, & conditionis sint in meritum salutaris obedientiæ, & in virtute Spiritus sancti, nè quis eorum directè, vel indirectè pro se, vel pro alio, neque tempore Capituli, neque alio quocumque pro promotione ad aliquod officium subornatione vtatur; nec non sub pœna excommunicationis latæ sententiæ, à qua extra mortis articulum nullus absoluerè possit præter summum Pontificem, Vicarium Generalem, & Prouincialem; licebit tamen interrogare vel respondere simpliciter de qualitatibus eligendorum nulla adhibita persuatione, aut inductione.

§. 17.

Cæterùm quamuis pateat, ex supradictis quod fratres nostri eligere potius debeant aliis subesse, quam præesse: cum Superior, vt ait S. P. Augustinus in regula in quantò maiori honore, tantò etiam in maiori periculo versatur. Canonicè tamen electi ad aliquod officium ab iis ad quos, iuxta præsentium statutorum decreta pertinet, illud acceptare tenebuntur, nè quoddè deplorandum foret dignis, & idoneis officia recusantibus incapaces promouerentur: & idèd si quis officio ad quod electus fuerit pertinaciter renuntiauerit, & sine causa rationabili, & euidenti ad similla, & ad maiora inhabilis remaneat, donec per Capitulum generale, vel Prouinciale cum eo dispensatum fuerit; de hac autem pertinacia, aut renuntiationis causa iudicabit Diffinitorium Capituli cuius fuerit electio, & cuius erit tantùm hanc renuntiationem acceptare, si eam rationabilem esse iudica

iudicauerit : extra autem tempus Capituli erit Vicarij generalis aut Prouincialis.

C A P V T III.

De apertura Capituli generalis & eius Presidente.

§. 1.

Capitulum generale congregationis de triennio in triennium alternatim in vnâquaque Prouincia, & in Conuentu per diffinitorium generale, tribus mensibus immediatè Capitulum præcedentibus assignato celebretur. Ad quod suffragaturi conueniant Vicarius generalis, Procuratores Generales Curix Romanæ, & Franciæ, Assistentes generales, Prouinciales, & ex qualibet Prouincia vnus Diffinitor, vnus Superior localis, & vnus Discretus, ac Secretarius Congregationis, præter quos nullus ibi audeat apparere sine licentia in scriptis obtenta Vicarij generalis, qui aliter venire præsumpserit carceri mancipetur. Pro hoc autem itinere Prouinciales Prouinciarum in quibus non celebratur Capitulum socium gratum assumant.

§. 2.

Qui ex præfatis gremialibus propter ægritudinem, aut aliud iustum impedimentum personaliter loco, & tempore Capituli comparere non potuerit, mittet ad dictum Capitulum litteras, quibus euentem absentix suæ causam significet,

ac præterea si fuerit ex officialibus ibi absoluentis, petet humiliter absolui ab officio suo, cuius etiam litteras, & sigillum mittet, alioqui talis sit ipso facto absolutus, sicut & eum absoluimus, & causam ipsius absentiae Diffinitorio Capituli generalis examinandam, & si iustum fuerit puniendum committimus.

§. 3.

Quod si talis Vicarius generalis fuerit ex tunc ipsius vices geret in omnibus Assistens Prouinciae cuius est, vel in eius absentia antiquior ex aliis, si verò Prouincialis aliquis aut Diffinitor deputatus ex negligentia, vel inobedientia non accesserit, ipso facto incurrat excommunicationem latae sententiae, à qua non nisi à Vicario generali absolui possit, ac præterea officio priuetur, & de altero Prouinciali, aut Diffinitore in eodem Diffinitorio Capituli generalis provideatur; si etiam ex deputatis Prouinciarum aliquis culpabiliter abfuerit ad eiusdem Diffinitorij arbitrium puniatur.

§. 4.

Feria igitur sexta ante festum sancti Michaëlis Archangeli celebrabitur à Vicario generali Missa sollemnis de Spiritu Sancto cui omnes qui eo die celebrare non potuerunt deuotè assistant, implorantes eiusdem Spiritus Sancti gratiam pro foelici praesentis Capituli successu, eodemque mane inchoabuntur in cæteris Conuentibus Congregationis Missæ, & præces præscriptæ.

§. 5.

Absentibus iam non amplius expectatis, etiam si praesentium numerus minor fuerit quam ab-

sentium

sentium Vicarius generalis consueto Campanæ signo Capitulum conuocabit, vbi omnibus consedentibus ordine supradicto in prima parte, Capite septimo, paragrapho quinto Vicarius generalis dicto versu, *Adiutorium nostrum &c.* per se, vel per alium leget caput immediatè præcedens de electionibus, postea verbum aliquod habeat opportunè per se, vel per alium.

§. 6.

Quo expleto omnibus, & singulis, semel atque iterum præcipiat in virtute Sanctæ obedienciæ, vt si quis eorum litteras præsidentiae habeat ad Capitulum generale directas protinus ostendat, atque legendas consignet, quod si adhuc nullæ fuerint ostensæ, illud tertio præcipiet, & quidem sub pœna excommunicationis latæ sententiæ, si verò quispiam huiusmodi litteras præsentauerit, cum debita veneratione suscipiantur, & post diligentem sigilli inspectionem, & superscriptionis prælectionem, à Vicario generali antiquiori ex Assistentibus generalibus consignentur aperiendæ, atque legendæ, & quicumque ex Congregatione virtute earum præsidentis nominatus fuerit, is cum omni authoritate, & potestate toto Capituli tempore præsidentis officio fungetur, dummodò ordinationes Pontificum, & Congregationis statuta ei non aduersentur.

§. 7.

Quod si huiusmodi litteræ nullæ fuerint publicè, & efficaciter præsentatæ, & debito tempore exhibitæ, tunc Vicarius generalis viua voce Assistentem Prouinciæ cuius fuit Vicarius generalis penultimi triennij in Præsidentem Capituli
gene

generalis virtute præsentium statutorum , aut in
eius absentia alterum antiquiorum proclamabit,
& sic de cæteris , & statim qui præsidens nomi-
natus fuerit genua flectat, in loco suo, cui omnes
Patres assurgant , & ipse Vicarius generalis, cum
reuerentia accedens erigat eum , & locum illi ce-
dat priorem , deinde genuflectens ante ipsum , in
signum obedientiæ , & reuerentiæ manum eius
dexteram reuerenter deosculetur , postea surgens
ad sinistram eius sedeat , & post eum ordinatè si-
militer facient omnes Patres successiuè , quibus
Præsidens imperabit, nè quis vsque ad finem Ca-
pituli , eo inscio egrediatur è Conuentu , deinde
finiens hanc primam stationem dicet. *Sit nomen
Domini benedictum* , respondentibus omnibus,
ex hoc nunc & vsque in sæculum , quod similiter
faciet in solutionem omnium sessionum.

§. 8.

Post prandium verò illius diei , horæ quæ vi-
debitur opportunior , Præsidens Congregabit
Vicarium generalem , Procuratores , & Assisten-
tes generales qui adfuerint ad examinandas lit-
teras testimoniales Diffinitorum , Priorum , &
Discretorum qui à qualibet prouincia deputati
sunt, eosque (si iustum fuerit) priuabunt voce acti-
ua , & passua tum pro ipso Diffinitorio , tum pro
substitutione quæ facienda esset ante idem Diffi-
nitorium Capituli generalis , si debuissent , aut
substitui, aut interesse tum pro electione iudicum
causarum, non tamen priuabuntur ob vllum de-
fectum personale , nisi actu legitimè suspensi ab
officiis reperiantur , sed tantum ob defectum
deputationis , & litterarum testimonialium, quæ
iterum

iterum suo tempore præsentabuntur examinandæ à Iudicibus causarum , pro reliquis electionibus faciendis,

CAPUT IV.*De diffinitorio Capituli generalis.*

§. 1.

QVandoquidem diffinitiones , decisiones , declarationes ; sententias , & omnia alia quæcumque ad statum Congregationis , Prouinciarum , & fratrum pertinentia , ante Vicarij generalis , & aliorum electiones fieri volumus expletis quæ præcedenti capite mandata sunt. Præfidens congregabit diffinitorium , quod post eum constabit ex Vicario generali , duobus procuratoribus , Assistentibus generalibus , & vno Diffinitore cuiuslibet Prouinciæ ; quod si ex his aliquis adesse non possit , vel in præfidentem nominatus sit , substituetur à reliquis Diffinitorij patribus aliquis alter per vota secreta ex Diffinitoribus Prouinciarum (si præsentibus sint) si verò absentes tunc substitutus sit Discretus Prouinciæ cuius est Diffinitor absens , & in defectu discreti , diffinitorij erit substituere quemlibet ex gremialibus , seruato semper in omnibus iure Prouinciarum , in hoc autem Diffinitorio scrutabuntur suffragia Præfidens , Vicarius generalis , & alter post eos , ordine , & dignitate primus.

§. 2.

Locus Diffinitorij secretus sit , & honestus , in quo

quo si fieri possit sit altare, vel saltem imago magna coram qua Patres Diffinitorij conuenientes dicant genuflexi, initio omnium sessionum hymnum, *Veni Creator Spiritus*, addente Præsidente, *Emitte Spiritum, &c. Domine exaudi. Dominus vobiscum, &c. Deus qui corda fidelium, &c. Actiones nostras, &c. Adesto supplicationibus, &c.* In fine verò sessionum, *Sancta Maria succurre miseris, &c.* cum versu & oratione *defendo quassumus.*

§. 3.

Deinde surgentes ad tabulam ibi paratam, suprà quàm scribere commodè possint, ordinatim sedebunt, & primò quidem loco Præsidentis solus in titulo tabulæ, & ab ipsius dextris Vicarius generalis, à sinistris Procurator generalis in Curia Romana, & sic de cæteris ordine præscripto prima parte capite septimo: substituti autem vltimum locum tenebunt, qui etiam eodem ordine ad interrogata respondebunt.

§. 4.

Congregabuntur autem bis in die cum Congregationis Secretario fidelissimo, qui tamen non sit de corpore Diffinitorij, sed tantum quæ in eo erunt proposita, & decisa, diligenter notabit, & ad mandatum Præsidentis suo tempore publicabit, si tamen casus occurreret quod de aliquo ex Patribus Diffinitorij aliquid proponeretur, quod per vota secreta fieri consueuerit, ille in hoc casu suffragium suum feret, & non aliter.

§. 5.

Postea Pater Præsidentis præcipiet per meritum salutaris obedientiæ de secreto seruando in omnibus

nibus his quæ in præfenti Diffinitorio pro animarum salute, cum libertate, & zelo Religionis à quocumque dicta, proposita, vel agitata fuerint, & super hoc iuramentum præstabunt, super sancta Dei euangelia, & Primus omnium iurabit Pater Præfident, deinde Vicarius generalis, & reliqui successiue, & postremo Secretarius de fidelitate scilicet, & secreto simul seruandis,

§. 6.

Deinde aduocabitur discretus Prouinciæ in qua celebratur Capitulum, postmodum alij discreti qui tradent litteras Diffinitorij Capituli Prouincialis, vel intermediij (si quas habuerint) clausas, & sigillatas sigillo prouinciæ, eas præleget Secretarius, præfente discreto qui eas derulit, & si opus fuerit earum intentionem exponet, vel pro eis exponendis Diffinitoribus præfens interrogabitur, aut prouincialis aduocabitur vt Diffinitorio visum fuerit; postea ante egressum tradet idem discretus litteras Conuentuum, vel fratrum particularium (si quas detulerit) : Illo autem egresso, Diffinitorij Patres simul conferent si quid in prædictis litteris necessarium, aut vtile videatur, & quidem quod Pater Præfident, vel duo ex aliis Patribus tale iudicauerint à Secretario registrabitur suo tempore maturius discutendum.

§. 7.

Post discretos aduocabuntur Prouinciales, Priores, & alij omnes gremiales successiue vt deferant Diffinitorio, quæ Congregationis, & prouinciarum bono expedire iudicauerint, postmodum prælegantur litteræ, vel earum summaria

ria tum fratrum, tum sæcularium, & decretum, responsum breuiter notetur à Secretario.

§. 8.

Denique Vicarius generalis producet primò omnes declarationes, & ordinationes, quas vnà cum Assistentibus generalibus fecit pendente triennio, vt si à Diffinitorio Capituli generalis fuerint approbatæ in libro Congregationis scribantur; deinde producentur acta visitationum totius Congregationis, & Prouincialium.

§. 9.

Tandem ipsi Patres qui sunt de corpore diffinitorij verbo tenens, vel in scriptis incipiendo à postremis proponant quæ à cæteris fuerint ommissa, & sibi occurrerint deliberatione digna, quæ similiter notabuntur à Secretario.

§. 10.

Si verò aliquid legi, vel determinari contigerit, quod tangat Patrem aliquem diffinitorij, hic pendente illa determinatione, aut lectione exire teneatur, postea verò iterum aduocetur, quod si plures egredi teneantur cæteri huiusmodi Diffinitorij Patres, etiam si minor pars supersit, nihilo minus sententiam ferant diffinitiuè, & rem propositam concludent.

§. 11.

In sessionibus sequentibus Patres Diffinitorij aggredientur quæ sic à Secretario notata, ac conscripta interuenerint deliberatione digna in proponendo, discutiendo breuitatem, claritatem, & modestiam obseruabunt. Nullus cum altero contendat, nec extra locum sibi dicendi proprium loquatur, absque venia Præsidentis, postquam

quam vnusquisque rationes sibi occurrentes allegauerit, propositio formabitur cathegoricè, ita vt affirmando, vel negando decidi possit, & sic formata propositio registrabitur per Secretariũ, & lecta decidetur per vota secreta, seu ballotulas; fiet autem hoc modo omnium, & singulorum certa, & euidens conclusio ex omnibus quæ hucusque delata, proposita, agitata, decisaque fuerint. Patres Diffinitorij faciliè conditionem, & statum præsentem totius Congregationis, vel Prouinciarum iam perspicientes videbunt etiam quibusnam remediis, & auxiliis indigeant, & iuxta necessitatem prouidere conentur.

§. 12.

In hunc finem statuent, confirmabunt, annullabunt, irritum facient quicquid hucusque irrepserit sinceris moribus, ac regulari disciplinæ quouis modo periculosum, noxium, vel contrarium.

§. 13.

Declarabunt, ac etiam decident dubia omnia si quæ emergant, & dispensabunt pro singularibus personis cum omni dilectione, & charitate, veris tamen, & iustis concurrentibus causis pro dispensatione concedenda secundum breuia, & statuta.

§. 14.

Deinde perlegent definitiones præteritorum Capitulorum generalium, & siquidem illis mutandum, delendumque, vel iuxta temporum varietatem de nouo diffiniendum fuerit mutetur, vel difiniatur, & reliqua quæ intacta remanserint, de nouo semper confirmentur per hanc clausulam generalem, *Cæteris in suo robore permanen-*

ibus, quæ omnia fideliter à Secretario registrantur.

§. 15.

Monemus autem hoc loco à multitudine legum quoad fieri poterit abstinere, defectus particulares particularibus remediis curando. Si quidem certum est ad bonam obseruantiam plurimum conferre, vt ea quæ sanciantur pauca sint, & stabilia; quapropter statuimus quomodo ordinationes, & constitutiones nouæ fieri debeant.

§. 16.

Ordinationes igitur, seu Diffinitiones nouæ nullatenus fieri possint nisi concurrentibus ad minus duabus ex tribus suffragiorum partibus, & quæ constitutionibus nunquam aduersentur: Ac præterea mandamus, vt in singulis Capitulis generalibus Congregationis reexaminentur, & de nouo per secreta suffragia maioris saltem partis Patrum Capituli approbentur, ordinationes verò quæ sic per tria immediata capitula fuerint semper corroboratæ, atque confirmatæ vim habeant constitutionum, & semper, ac inuiolabiliter obseruentur, donec per tria subsequencia Capitula annullatæ, & improbatæ fuerint.

§. 17.

Erunt autem duo libri originales huiusmodi ordinationum, atque constitutionum, quorum primus conseruabitur in Archiuiò Congregationis in Conuentu Parisiensi, alter in quocunque nostro Conuentu ad arbitrium Vicarij generalis quem etiam secum deferre tenebitur ad Capitulum generale Congregationis, & in vtroque præfatis ordinationibus, atque constitutionibus
sub

subsignabuntur Pater Præsidens cum omnibus Patribus Diffinitorij Capituli generalis.

§. 18.

Post ordinationes huiusmodi fiet consultatio vtrum facienda sit diuisio aliqua Prouinciarum, quæ nequaquam fieri possit nisi ad minus sint in vnaquaque Prouincia octo Conuentus : vtrum aliqua Monasteria de nouo recipi debeant, ac possint, salua regulari obseruantia, & si quæ oblata fuerint, & acceptanda : super hoc fiet decretum sicut, & supra de diuisione prouinciarum. Si autem extra hoc tempus nouus aliquis Conuentus sit acceptandus : hoc fiet de solo Diffinitorij generalis consensu in scriptis habito : Nec ullus in posterum acceptabitur, nisi ad minus duodecim fratres de familia commodè sustentari possint aliter quam de sola mendicatione campestris, sub pœna priuationis officiorum, & vocis tum actiue, tum passiuæ à prioribus, & contrafacientibus ipso facto incurrenda,

§. 19.

Ibidem etiam determinabitur, si quis fuerit ex aliqua Prouincia licentiandus, & mutandus, siue etiam è Congregatione nostra eiiciendus, ne sua contagione pestifera plurimos perdat, seruato decreto Domini nostri Urbani Papæ octauæ. Denique hic omnia alia Congregationis negotia quæcumque sint maturè discutientur cum summa congregationis potestas huic Capituli generalis Diffinitorio committatur : & ideo nihil indecisum, & indeffinitum relinquatur ; quatenus omnibus ritè ordinatis ; Congregatio tutò requiescere possit in sancta pace.

Assignabit familiam Vicario generali, ac cæteris officialibus generalibus absolutis vsque ad proximum Capitulum Prouinciale.

C A P V T V.

De electione iudicum causarum, Vicarij generalis, & omnium officiorum generalium.

§. 1.

PEractis omnibus quæ Diffinitorio generali committuntur Præsident sessione sequenti conuocabit non tantum Patres Diffinitorij generalis, sed etiam gremiales omnes, vt eligantur per vota Secreta ex dictis gremialibus (solo Vicario generali excepto) tres fidelissimi iudices causarum siue arbitri ex diuersis Prouincijs vt ipsi omnem controuersiam dirimant super his, qui in cæteris electionibus faciendis vocem habere debebunt, ac præterea vna cum Præsidente scrutentur lata suffragia in electionibus huiusmodi, quæ per omnes gremiales fiunt, tres antiquiores gremiales professione, vbi verò primus fuerit electus, minus antiquus ex gremialibus recedens ipsi talia suffragia scrutanda relinquet, & sic de cæteris. Præsident sic electus hortabitur super summa fidelitate, & integritate in hoc munere seruanda, atque super hoc ab ipsis iuramentum exqui

exquiret ; deinde ipsos confirmabit.

§. 2.

Postea præcipiet Præsidentis omnibus, & singulis Capituli vocalibus, vt si quis eorum nouerit causam propter quàm aliquis ex gremialibus non debeat habere vocem actiuam, vel passiuam maturè dictis iudicibus causerum denunciaret ante primam sessionem, & indictione facta sessionis sequentis, omnes discedent præter deputatos prouinciarum: nempe Diffinitores, Priores, & discretos, qui ordinatim exhibebunt dictis iudicibus causerum litteras testimoniales legitimæ missionis. Ipsi verò simul cum Præsidente visis videntis absolutè secundum Deum, & conscientiam sententiam ferent in scriptis contra illos qui merito voce aliqua priuandi fuerint ob defectum deputationis, vel litterarum testimonialium, non tamen ob defectus personales, & omnes parere tenebuntur sub pœna priuationis vocis actiuæ, & passiuæ ipso facto incurrendæ.

§. 3.

Post electionem iudicum causerum die sequenti Præsidentis post missam solemnem de Spiritu sancto quàm ipse celebrabit; & cui omnes intererunt, & ad communionem accedent etiam gremiales; qui celebrare ea die non potuerint: consueto campanæ signo congregabit omnes tam vocales, quàm non vocales: & facta lectione præsentis Capituli Vicarius generalis surget à latere Præsidentis, & ante eum genua flectet, ibique humiliter inclinatus dicet culpam suam coram omnibus, & renunciabit officio suo sigilla illius resignando inter manus Præsidentis: deinde sut-

gens redibit ad locum suum, & post eum ordinationem accedent etiam genuflectentes, & resignantes sigilla sua duo Procuratores generales, & Assistentes generales.

§. 4.

Postea primus ex iudicibus causarum surget pronuntians clara voce suo, & omnium nomine vocales hoc modo. *Hi sunt illi Reuerendi Patres qui in prasentis Capitulo vocem habere debent, scilicet admodum R. P. N. Prasidens. R. P. Vicarius generalis, R. P. N. Procurator generalis in curia Romana, R. P. N. Procurator in Curia Gallia, Reuerendi Patres Assistentes, scilicet R. P. N. R. P. N. R. P. N. & sic de cæteris: deinde dicat Præsident, qui non fuerint nominati inter vocem habentes egrediantur: his egressis iubeat Præsident, & prælegantur definitiones, & ordinationes factæ in præfenti Diffinitorio generali; si aliqua ex illis respiciat statum præsentium electionum ut ibi si à Capitulo pro maiori parte approbatæ fuerint, sine vlla contradictione incipiant obseruari: postquam lectionem immediatè, & silentio facto, Vicarius generalis, flexis genibus incipiat deuotè, *Confiteor Deo omnipotenti*. quod cum eo prosequantur cæteri, gremiales similiter genuflexi. Pater autem Præsident super eos dicet, *Misereatur, &c.* sicut in absolutione generali continetur.*

§. 5.

Finita absolutione Præsident publicè per se, vel per alium legat caput de electionibus in genere à paragrapho octauo, ad finem vsque: Postquam lectionem adhuc præcipiat eis Præsident per

per meritum salutaris obedientiæ, & in virtute Spiritus sancti, vt semotis omni similtate, fauore, amore, timore, atque odio in Vicarium generalem, in Procuratores generales, & Assistentes, aliósque officiales nullum eligant, nisi quem teste Deo, & conscientia digniorem, atque vtiliorem cognouerint, & omnibus prædictum conditionibus per Bullas Apostolicas, & præsentès Constitutiones, requisitis; & post hæc omnes ordine accedentes suprà hanc veritatē ita se facturos coram Deo, & hominibus iuramentum præstabunt inter manus Præsidentis suprà Sancta Dei Evangelia: qui etiam ad instar cœterorum primus iurabit.

§. 6.

Postmodum procedetur ad electionem Vicarij Generalis, qui eligetur alternatim ex vnaquaque Prouincia: electio autem sic fiet accipiet à scriba deputato vnusquisque in diuersis schedulis separatim nomina & cognomina diuersorum patrum qui possunt eligi in Vicarium generalem; & qui vt dictum est capite secundo paragrapho primo, & secundo, plura suffragia habuerit publicabitur electus: deinde eligantur eodem modo separatim, & successiuè procurator Generalis pro Curia Romana, & alter pro Curia Galliæ; demùm Assistentes generales, vnus scilicet ex qualibet Prouincia; ita vt prima electio sit de Assistente Prouinciæ in qua celebratur Capitulum; Aliæ verò ad nominationem Præsidentis. Procurator generalis pro Curia Romana, & Procurator generalis in Curia Franciæ sint ex aliis Prouinciis, ex quibus non est Vicarius generalis; ita vt quæ-

libet Prouincia habeat omnes officiales generales alternatim ; nisi fortè aliquando pro officio alicuius Procuratoris generalis, quod maximam requirit experientiam vellet aliqua Prouincia pro bono communi cedere iuri suo. Poterunt autem omnes officiales, Priores, Diffinitores, & quilibet alij ad officia Procuratorum, & Assistentium eligi, & ipsi acceptare tenebuntur. (Prouinciali excepto, qui ad solum Vicarij generalis officium eligi poterit.) Deinde eligatur vnus in visitatorem totius Congregationis ex officialibus generalibus alterius Prouinciæ ex qua non est Vicarius generalis.

§. 7.

Deinde procedatur ad electionem secretarij Congregationis pro Vicario generali electo, cui licebit proponere gremialibus tres Patres suæ vel alterius Prouinciæ, quos ad hoc officium aptiores esse iudicauerit ; & ex his tribus aliquem in scriptis eligant vt suprà.

§. 8.

Si verò contigerit aliquem ex Prouincialibus in Vicarium generalem electum fuisse ibidem à gremialibus eligatur Prouincialis qui sit eiufdè Prouinciæ cuius est Vicarius generalis electus, & qui suo fungatur officio, vsque ad proximū Capitulū Prouinciale. Si verò alter officialis alicuius Prouinciæ eligeretur ad aliquod officium generale de altero eo modò quo de Prouinciali prouidebitur.

§. 9.

His electionibus factis Pater Præsicens incipit Hymnum. *Te Deum laudamus*, quem omnes prosequuntur processionaliter pergentes ad Chorum,

rum, vel Ecclesiam, vbi iam debent esse omnes fratres, & vbi quilibet sumet locum officij ad quod electus est, cæteri verò sedebunt ordine professionis, excepto Vicario generali absoluto, qui vsque ad solutionem Capituli seruabit locum immediatè post Vicarium generalem electum. Hymno finito Pater præsidens cōfirmabit primò Vicarium generalem, deinde duos Procuratores generales & Assistentes, ac demum Prouincialem. (si quis ibi fuerit electus) dicens. *Ego auctoritate qua fungor in hoc presenti Capitulo, confirmo te in Vicarium generalem Congregationis nostræ discalceatorum sancti Augustini dans tibi omnem auctoritatem, & potestatem quàm ceteri Vicarij generales huius Congregationis secundum Bullas summorum Pontificum, & statuta habere consueverunt. In nomine Patris, & Filij, & Spiritus sancti. Amen. Vel in Procuratorem, & sic de cæteris: & eodem tempore tradet cuilibet sigillum officij sui addens. Et hæc sunt insignia quibus insigniri solent, qui tali officio funguntur. Quo facto Vicarius generalis manibus præsidentis Capituli emittet professionem fidei iuxta decretum Sacri Concilij Tridentini. Ac deinde incipiente Vicario generali absoluto, cæteri omnes fratres manus Vicarij generalis electi in signum obedientiæ osculentur. Si ex electis aliquis abfuerit ille qui eum in officio immediatè antecedit accepto sigillo suo adhuc genu flexus expectabit confirmationem illius, & sigillum eius nomine suscipiet: aut si abfuerit Vicarius generalis electus, sigillum, & confirmationem eius suscipiet ille, qui eum immediatè sequetur dicetque ei Præsidens. Ego auctori-*

te qua fungor in hac parte confirmo Reuerendum Patrem N. in &c. vt supra. hac confirmatione, & traditione facta dicet Præsident alta voce Saluos fac seruos tuos. Mittere eis Domine auxilium de sancto. Domine exaudi &c. Dominus vobiscum; Oremus. Omnipotens sempiternè Deus qui facis mirabilia magna solus, preatende super famulos tuos, & super Congregationem illis concessam Spiritum gratia salutaris, & vt in veritate tibi complacent perpetuum eis rorem tue benedictionis infunde. Per Christum Dominum nostrum, &c. Hac oratione finita Pater præsident iniunget omnibus, & singulis per meritum salutaris obedientiæ, vt si aliquid suo, vel prouinciarum nomine habuerint dicendum contra Vicarium generalem absolutum, & alios officiales generales, vel si quid noverint in eis correctione dignum inter diem naturalem denuncient; & quæ contra aliquem eorum producta fuerint ipse cum officialibus generalibus electis qui adfuerint hac de re conferet, & de eorum consilio, & assensu sententiam feret, ne scilicet delicta cuiusquam maneant impunita.

C A P V T VI.

De solutione Capituli generalis.

§. I.

Die immediatè sequenti electionem Vicarij generalis post vespervas Præsident conuocabit omnes tam vocales, quam non vocales, &

& coram ipsis publicabuntur ex libro congregationis omnia acta Capituli magno sigillo confirmata per eum qui fuit secretarius Diffinitorij generalis sic : *In nomine Domini nostri Iesu Christi benedicti. Amen. Anno Domini N. die N. mensis N. in Conuentu nostro N. celebratum est Capitulum generale fratrum Eremitarum discalceatorum ordinis sancti Augustini Congregationis Gallia, in quo fuerunt de Corpore Diffinitorij generalis Admodum R. P. N. Præsident. R. P. N. Vicarius generalis absolutus, & reliqui sic alternatim nominandi per nomina, & cognomina, qui omnes unanimi consensu autoritate eis per constitutiones concessa ea quæ sequuntur statuerunt, & publice notificari mandarunt N. nunc inferantur, & legantur Diffinitiones, & ordinationes, quæ in hoc Capitulo de nouo factæ fuerint, vel retractatæ ex veteribus cum clausura confirmatoria eorum, quæ in suo robore voluerint permanere his terminis : Reliquis hic specialiter non expressis in suo robore permanentibus. Deinde publicabuntur omnes personæ electæ in hoc Capitulo generali, & nomina & cognomina vocalium, qui ad has electiones concurrerint.*

§. 2.

Post hæc Præsident omnes benefactores orationibus fratrum commendabit : Iniungens Prothierialibus, vt in vno quoque Conuentu tres missas quamtotius celebrare faciant : vnā scilicet pro summo Pontifice ; alteram pro Rege, aut Principe sub quorum dominio erunt Monasteria ; tertiam pro benefactoribus viuīs, atque defunctis : Clerici ter psalmos pœnitentiales cum
litaniis;

litanis; conuersi verò centum quinquaginta *Pater noster*, in eadem intentione qua supra recitabunt: deinde in præsentiarum breuitatis causa dicet cum aliis alternatim per choros psalmum, *Deprofundis clamauit, &c.* & in fine dicent duo Cantatores *Kyrie eleison*, ipse verò *Pater noster*, & ne nos inducas in tentationem. *Domine exaudi, &c. Dominus vobiscum, &c. Oremus. Omnipotens sempiterne Deus qui viuorum simul, & mortuorum, &c. Deus venia largitor, &c. Fidelium, &c.*

§. 3.

His expletis prædictus Præsidentis breui, & succincta exhortatione habita super perfecta obseruantia decisionum, Diffinitionum præsentis Capituli, Regulæ, statutorum, dabit absolutionem generalem, quæ in officiis ordinis continetur, & postea intonabit alta voce hymnum, qui incipit. *Magne Pater Augustine* quem alternatim duo chori prosequuntur, & in fine duo Cantores in medio chori. *Ora pro nobis sancte Pater Augustine.* Præsidentis verò dicet. *Domine exaudi. Dominus vobiscum. Oremus. Adesto supplicationibus nostris omnipotens Deus, de sancto Augustino, &c.* Postea concludet Capitulum, & formando signum sanctæ Crucis super omnes genuflexos dicet *Benedictio Dei Patris, & Filij, & Spiritus sancti descendat super vos, & maneat semper.* Omnibus respondentibus. *Amen.*

§. 4.

Hinc vnusquisque quantotius fieri poterit proficiscetur ad Prouinciam, & Conuentum suum, & Prouinciales secum deferent litteras in forma patenti manu Præsidentis, & omnium Patrum

Patrum qui fuerunt de corpore diffinitorij generalis subscriptas , & maiori Congregationis sigillo munitas : in quibus omnes diffinitiones , & electiones in eo Capitulo factæ , & reliqua scripta necessaria contineantur : quæ , & quælibet eorum in libro Prouinciæ suæ faciat registrari , & per omnes Conuentus quamcitus publicari , & obseruari , & in eorum libris registrari curabit sub pœna priuationis ab officio.

C A P V T VII.

De officio Vicarij generalis

§. 1.

Vicario generali iuxta seriem nostrarum constitutionum canonicè electo , & confirmato tanquam Patri , & legitimo Pastori omni cum reuerentia , & subiectione officiales generales , Prouinciales , & vniuersi , ac singuli fratres in omnibus (vt decet) obediant memores professionum suarum in quibus eidem obedientiam solemniter promiserunt , qui verò mandatis Vicarij generalis obedire recusauerit , & in ipsa inobedientia obstinatus per diem , & noctem permanferit omni officio , & voce vtraque per triennium careat.

§. 2.

Ipse verò totius Congregationis curam geret , & inuigilabit , vt omnia quæ in regula , constitutionibus , & Capitulorum ordinationibus nobis

bis præscripta sunt debite executioni mandentur. Triennale erit ipsius officium. Habebit plenam authoritatem præterquam in casibus Diffinitorio generali, vel Capitulo generali reservatis, & per præsentis constitutiones prohibitis, & poterit per se quidquid possunt Superiores subalterni.

§. 3.

Culpas omnes usque ad grauiorem inclusiue per se poterit tam in suis visitationibus quam extra imponere. In omnibus communitalis actibus præsidebit, & signa necessaria faciet sicut & in omnibus Capitulis quibus voluerit interesse excepto Capitulo generali ubi alter aderit præsidens. Extra tempus visitationis (in quarta parte exprimendum capite primo) regulariter residebit in Conuentu Parisiensi nisi aliter pro bono Congregationis expediri iudicauerit: dum aberit Prouinciales admonere de loco ad quem tendit, ut in negotiis occurrentibus ipsum consulere possint.

§. 4.

Quærelas fratrum libenter audiat eisque charitatiue provideat, caueat, ut in omnibus Prouinciis, & Conuentibus seruetur vniiformitas: superiorum authoritatem protegat ne contemnantur, & inferiorum innocentiam ne vexentur; litterarum studia sollicitè foueat: Caueat quod Prouinciales concionatoribus de pulpitis conuentibus suo tempore providere conentur: inuigilet præcipue, ne frequentiora sint fratrum itinera, & si hoc Prouincialium negligentia euenierit, & sine maxima necessitate corrigat.

§. 5.

In his quæ ad statutam Congregationis gubernationem spectant, neque per se, neque coniunctim cum assistentibus generalibus dispensare poterit; in cæteris vero quæ ad mores spectant, & ei à constitutionibus specialiter non prohibetur plenam habebit authoritatem: non poterit tamen alicuius Conuentus esse Prior localis; nec alicuius Prouinciæ Prouincialis; neque aliquid præcipere toti Congregationi sub pœna excommunicationis, sed tantum alicui Prouinciæ, vel aliquibus Conuentibus, aut fratribus. Non debet etiam extra limites Congregationis proficisci ad aliquod tempus sine consensu Assistentium, nec diutiùs extra illam commorari, quam ab illis concessum fuerit: in quo etiam casu vnum ex Procuratoribus, aut Assistentibus generalibus Vicevicarium relinquet; aliter nullam habeat authoritatem constituendi Vicevicarium pro tota Congregatione: poterit tamen in Prouinciis quoties opus fuerit Commissarios constituere.

§. 6.

Nullus sine eius licentia, neque Romam, neque extra limites Congregationis ire poterit. Nullus è sua prouincia in aliam, nec ipse Vicarius generalis poterit sibi subditos obligare, vt ibi de familia commorentur, nisi de ipsorum consensu, non renuente Prouinciali Prouinciæ ad quam transire debent, nisi fortè in casu criminis, in quo ipse solus pendente visitatione poterit hoc absolute, & Prouincialibus, & inferioribus imperare pro congregationis honore: extra tempus verò visitationis de consensu Assistentium.

§. 7.

§. 7.

Ille autem cui Vicarius generalis permiserit in aliena prouincia remanere. Poterit, & sine vllius consensu ad propriam reuocari ab eodem, vel alio Vicario generali dum libuerit. Si autem à Capitulo generali Congregationis huiusmodi licentia data fuisset, tunc enim à solo Capitulo generali poterit reuocari; nisi in dicta Capitulari licentia certum tempus limitaretur, aut eum ad libitum reuocandi potestas Vicario generali committeretur. Qui autem ita de licentia Vicarij generalis, aut Capituli in aliena Prouincia commorabitur gaudebit loco, voce, officiis, & priuilegiis omnibus, quibus ipsimet originales potiuntur.

§. 8.

Si quis aliquam facultatem dispensationem, aut obedientiam à Vicario generali, Diffinitorio, aut Capitulo generali obtinuerit, non ea utetur, quin prius eam Prouinciali, aut in eius absentia Priori significauerit; nisi in tali licentia aliter exprimeretur.

§. 9.

Vicarius generalis Capitulis Prouincialibus personaliter præsidere, aut interesse non tenebitur, quod si de facto præsidere noluerit, constituat Præsidentem qui sit alterius Prouinciæ quam eius cuius Capitulo præsidere debet. Archiuij Congregationis curam habebit, illud autem sub tribus clauibus reseruabitur, quarum vnâ ipse tenebit, alias verò antiquiores Assistentes aliarum Prouinciarum. In hoc Archiuio conseruabuntur constitutiones, Breuia, concessiones, Priuile

Privilegia, scripturæ, & contractus notabiliores ad vniuersam Congregationem pertinentes, & quicumque sine Vicarij generalis, & Assistentium licentia, aliquam scripturam ex hoc Archivio extrahere præsumperit, vel extrahi fecerit, vel extractum intra terminum sibi assignatum non restituerit excommunicationem ipso facto incurrat, à qua absque prædictæ scripturæ restitutione absolui minimè possit.

§. 10.

Habeat præterea librum quem semper secum deferat in quo registrentur à Secretario obedientiæ, licentiæ, determinationes, dispensationes, declarationes, sententiæ, affiliationes, & alia huiusmodi, quæ vel per se, vel vnà cum Assistentibus generalibus fecit, & cœtera notabiliora, quæ durante ipsius regimine acciderint, tam visitationis tempore, quam alio quolibet: hunc autem librum Diffinitorio Capituli generalis producer, & si quid reprobatum fuerit, delebitur, deinde ipsum successori suo tradet, successor iterum alteri; & sic successiuè.

§. 11.

Nullus ipso contradicente habitu nostro indui, profiteri, ad sacros ordines promoueri, de vno ad aliud Monasterium transferri, Confessarij, aut concionatoris, aut lectoris officio fungi poterit. Nullus etiam libros sine eius licentia typis mandare, quam licentiam, & examinatorum approbationem in ipsis inferere tenebuntur sub pœna Canonis. Solus amicos, & benefactores toti Congregationi affiliare poterit.

CAPVT VIII.

*De Diffinitorio generali, & eius
auctoritate.*

§. 1.

VT Vicarius generalis Congregationem facilius, & prudentius gubernare possit, Procuratorum Curiae Romanae scilicet, & Franciae (quando aderunt) & Assistentium generalium adiutorium illi adiungimus quorum officium per triennium, & usque ad novorum officiorum electionem durabit.

§. 2.

Ipforum erit post Vicarium generalem inuigilare super observantia Regulae, Constitutionum, ordinationum, & similium ad Congregationis honorem, Prouinciarum vtilitatem, & fratrum perfectionem, & quietem spectantium; & de omnibus Vicarium generalem certum facere, ac praeterea in omnibus adiuuare auctoritatem eius sustinere, eique omnium reuerentiam, & obedientiam pro viribus procurare, imo & ipsum cum omni reuerentia, humilitate si in eo aliquem defectum aduerterint cum charitate commonere.

§. 3.

Semel in mense congregabuntur simul cum Vicario generali, & quotiescunque negotiorum necessitas exegerit, quod si forte Procuratores generales, aut vnus Assistens decissent, aut abessent

sent à Prouincia à qua huiusmodi Congregationes fieri debent , in re maximè argenti , & quæ moram non pateretur , non spectentur , nec aduocentur , dummodo saltem quinque numero in prædicta Congregatione interueniant , & ad numerum prædictum complendum qui præsentés fuerint ex Diffinitorio eligant ex patribus grauioribus in eodem Conuentu , vel ex aliquo viciniore , & quidquid à Prædictis decretum fuerit , non minus quàm si omnes conuenissent executioni mandabitur ; quod si paritas vocum interuenerit Secretarius admittatur suffragaturus.

§. 4.

Diffinitorium hoc eandem habebit auctoritatem , quam Capituli Congregationis : præterquam quod in illo leges pro tota Congregatione condere , vel infringere non poterit , ipsius autem erit renunciationem cuiuscumque officij à quocumque factam efficaciter cum sigilli resignatione acceptare , & ad idem officium vacans aliquem sufficere quoscumque Religiosos de grauamine : aut de cuiuscumque tribunalis sententia reclamantes ; seu appellantes charitatiuè excipere , & iudicare resistentes , officio priuare ante tempus completum ob causam urgentem. Capitulum generale Congregationis ; aut Prouinciale conuocare. Capitula Prouincialia , & intermedia approbare , & confirmare & quando contigerit vnum , & eundem Patrem à duabus Prouinciis simul in Prouincialem eligi , in Prouincia in qua ipsum vtiliorem iudicauerit stabilire , & pro altera Prouincia alium eligere. Prouinciales personaliter citare (& si opus fuerit) suspendere,

imò & priuare : ipsis autem accedere renuentibus contra eos via iuris procedere , & de alio prouidere : & quidquid per sententiam diffinitiuè iudicauerit supplere. Noua loca iuxta intentionem Capituli Congregationis acceptare. Pœnam vltra grauiorem imponere. Voce vltra annum intra Capitulum Congregationis priuare , & similia pro tempore occurrentia , ad quæ sicut , & ad omnia prædicta maiorem partem suffragiorum concurrere sufficit , nisi in aliquo casu maior suffragiorum numerus à Constitutionibus requiratur.

§. 5.

Declaramus autem quod in omnibus quæ Capitulis Prouincialibus committantur , aut iurisdictionibus particularibus subiiciuntur passim in Constitutionibus siue quoad gratias , siue quoad pœnas ad Diffinitorium generale etiam pertineat absolute , licet non exprimantur quæ prout iustum esse iudicauerit , annullare potest , & diffinitiuè cognoscere , & iudicare , modo expresse Diffinitorio Capituli generalis non reseruentur.

§. 6.

Ad Diffinitorium etiam erit decreta , exemptiones , gratias , fauores , dispensationes , priuilegia generalia , & particularia , Breuia Apostolica , litteras patentes , & alia similia ad statum vniuersæ Congregationis , Prouinciarum , aut Conuentuum pertinentia , & pro futura obtinenda. Procuratoribus generalibus dirigere , sine quibus nullus , nec ipse Vicarius generalis poterit eis talia committere , sub pœna nullitatis , ac præterea

præterea priuationis, graduum, & officiorum tam ab impetrante, quam ab imperante ipso facto incurrenda.

§. 7.

Ipsi quoque tantum erit patrem aliquem senem, aut infirmum, & alias superiorem licet non quinquagenarium qui in regimine vitæ innocentia se laudabiliter gesserit ad quascumque commissiones generales, prouinciales, Conuentuales, & particulares eligere, & promouere, nec non si opus sit in necessariis cum illo ad ea quæ illi pro tempore committentur exequenda dispensare valeant, secundum Breue Urbani octaui subdatū vigesima septima Aprilis, millesimi sexcentissimi trigessimi septimi.

§. 8.

Denique superuenientibus quibuscumque difficultatibus pro expositione vel declaratione, definitionum, aut statutorum: statuimus, & ordinamus, quod de cætero dispositio, & declaratio huiusmodi ad eos tantum, cum inhibitione expressa omnibus, & singulis aliis fratribus eiusdem se Congregationis cuiuscumque conditionis ne illis immisceant, sicut & omnium eorum quæ pro tempore extra etiam Capitulum generale ordinanda fuerint spectare, & pertinere debeant, iuxta Breue Urbani octaui. *Ad futuram rei, &c.* vt suprâ.

§. 9.

Nullus eorum nisi grauiter impeditus, & de licentia Vicarij generalis expressa absit ab hoc Diffinitorio, sub pœna depositionis; neque hæc venia dari possit plusquam vni, Vicarius gene-

alis in hoc Diffinitorio proponet quæ tractanda fuerint , & quilibet alius petita prius venia , si quæ proponenda habeat ; grauiora etiam dubia, sicut in Capitulo Congregationis ab vna sessione in aliam deferri poterunt strictissimo secreti sigillo omnia agitata , silebuntur. Quidquid autem in hoc Diffinitorio decisum , & conclusum fuerit dummodo non sit contra determinationem Capituli generalis , aut contra præsentia statuta inuiolabiliter obseruetur , & Vicarius generalis executioni mandare teneatur, iuxta eiusdem Diffinitorij mentem , tempus , modum , & alias constantias , quod nisi præstiterit reuerenter admonebitur ab aliquo ex Diffinitorio , & nisi admonitus paruerit in sequenti Congregationis Capitulo pro culpæ modo puniatur.

§. 10.

Si autem Vicarius generalis (quod absit) ita se malè gesserit in officio suo vt merito priuandus sit , puta , si in disciplina regulari quo ad se , vel alios admodum negligens fuerit , & obseruantia potius dissipator , quam conseruator. Si notoriè proprietarius , vel alterius voti transgressor euidenter extiterit : vel ob aliquod delictum meritò apud seculares , vel Religiosos diffamatus. Si Capitulum generale tempore præscripto celebrari non curauerit. Si ter , quateruè ea quæ expressè Diffinitorio , aut Capitulo generali referuantur , aut quæ non nisi de consensu Assistentium generalium iuxta statuta facere potest , per se expedierit : aut in materia graui decreta in Capitulo generali facta admonitus executioni mandari neglexerit , ob hæc , & similia.

§. 11.

§. 11.

Antiquior Assistens generalis alios Assistentes, & Procuratorem in Curia Galliæ, imò & Procuratorem generalem in Curia Romana, si tunc fuerit intra limites Congregationis, & non aliter poterit per se congregare, imò ad requisitionem aliorum Assistentium, ad hoc tenebitur, & si ex quatuor tres, & ex quinque quatuor consentiant, idem antiquior Assistens conuocabit Prouinciales, & primos Diffinitores cuiuslibet prouinciæ, vt cum ipsis procedatur ad depositionem Vicarij generalis, & ad electionem alterius eiusdem Prouinciæ vsque ad proximum Capitulum generale. Ad hanc autem depositionem, vt valida sit, statuimus, vt ex quatuor partibus suffragiorum tres concurrant omnes autem conuocati adesse tenebuntur sub eadem pœna quam incurrerent, si ad Capitulum generale nollent accedere, & in ipsorum absentia procedetur, & hunc etiam paragraphum proportionaliter obseruari volumus in casu mortis, donec autem facta fuerit supradicta conuocatio, & electio. Assistens Prouinciæ Vicarij generalis defuncti locum, & auctoritatem eius habebit, & conuocationi faciendæ præsidebit, in qua tamen, quæ non propriè locum Capituli generalis habet. Præsides poterit eligi in Vicarium generalem, si ita visum fuerit.

§. 12.

Quod si Procuratorum, aut Assistentium generalium aliquis morbo præuentus fuerit, vel cum causa rationabili officio suo renunciauerit Vicarius generalis cum reliquis qui ibi aderunt

de successore eiusdem Prouinciæ prouidebit. Si autem (quod Deus aduertat) quis eorum ita malè se gesserit, vt meritò priuandus foret, ad hanc quidem priuationem, & ad electionem alterius concurrent supradicti; & insuper aduocabitur Prouincialis prouinciæ ex qua priuandus fuerit, & ipse tum in priuatione, tum in electione suffragetur.

§. 13.

Deponentur autem regulariter, & priuabuntur tum Procuratores, tum Assistentes generales pro iisdem defectibus, pro quibus Vicarius generalis, ac præterea si se vltro officio Vicarij generalis intromiserint cum aliqua notabili fraude, & iniuria, & si ipsi obedire renuerint.

C A P V T IX.

De officio Procuratorum generalium, & Assistentium generalium.

§. 1.

PROcurator generalis in Romana Curia, & Procurator generalis in Curia Franciæ omnes alios superiores præcedent exceptis tamen Prouincialibus in eorum Prouinciis, & Priore locali, vt in Capite de præcedentiis: ita tamen vt dictus Procurator generalis in Romana Curia Procuratorem Curia Franciæ præcedat, & ambo ad residentiam sub pœna priuationis teneantur, nisi
pro

pro inëuitabili aliquo negotio; & pro breui tempore Vicarius generalis de Affistentium consensu aliquando dispensare vellet.

§. 2.

Ipsorum officium est Congregationis, Prouinciarum, & Conuentuum honores, bona, dona, fauores, & Priuilegia pro viribus sustinere imò, & augere: Vicarium Generalem de omnibus quæ in vniuscuiusque curia se offerunt Congregationi pro futura, aut nocitura fideliter admonere, atque breuia, litteras patentes, & alia huiusmodi statum vniuersæ Congregationis, Prouinciarum, & Conuentuum respicientia procurare, de mandato tamen Diffinitorij generalis, & non aliter.

§. 3.

Nullas etiam exemptiones, dispensationes, & priuilegia personalia, siue pro se, siue pro aliis sine licentia Diffinitorij generalis procurabunt quinimò potius viriliter resistent illis qui res huiusmodi sine Superiorum licentia obtinere conati fuerint super quibus, & cœteris ad eorum officium pertinentibus dum confirmabuntur in officio iurabunt super sancta Dei Euangelia inter manus præfidentis, aut si abfuerit inter manus Vicarij generalis, aut alterius ab illo deputati.

§. 4.

Habebunt librum in quo registrabunt præfata, quem deferent ad Capitulum Congregationis: si quæ fiant à procuratoribus expensæ soluentur ab iis in quorum fauorem factæ fuerint, ita vt si negotia respiciant totam Congregationem, ad expensas tota Congregatio concurrat: Si Pro-

uinciam aliquam, sola Prouincia. Si Conuentum, solus ille Conuentus, quas Prouinciales, Conuentuum superiores, teneantur ad mandatum Vicarij generalis subministrare sub pœna priuationis officiorum.

§. 5.

Fratres nostri Romam euntes Procuratori generali Congregationis ibi degenti immediatè se se præsentare, suamque obedientiam exhibere, recedentes illam ab eo recipere, eique negotia quæ tractaturi venerint communicare teneantur. Et quamdiu Romæ commorabuntur sint illi in omnibus subditi; nec quidquam absque illius licentia, aut eo inscio procurare, tractare, aut impetrare præsumant iuxta Breue Sanctissimi Domini nostri Urbani octauæ. Nuper, &c.

§. 6.

Assistentes generales erunt ex vnaquaque Prouincia, qui officium quod prius Diffinitores generales exercebant exerceant, & Vicario generali suis consiliis assistent, & inseruiant iuxta breuia Apostolica, & Congregationis statuta.

§. 7.

Tum Procuratores, tum Assistentes generales, præter ea quæ de ipsis dicta sunt in prima parte cap. de præcedentiis, in secunda parte de Confessariis, in tertia parte de litteris, & sigillis, & de Capitulis vocaliis, & Consilij Patrum in omnibus Capitulis generalibus, Prouincialibus, & Conuentalibus interesse poterunt, & suffragari, non tamen ad quoduisque officium in Prouincia assumi poterunt. Nullius licentiæ, benedictioni, aut iurisdictioni submittentur vt iam dictum est in prima

ma parte, capite septimo, paragrapho quinto, siue in actibus communibus, siue alibi nisi solius Vicarij generalis à quo egrediendi è conuentu licentiã accipiant, & socium si voluerit assignatum, aut relinquet assignandum Priori; qui ipsis petentibus sine vlla cunctatione concedere tenebitur socium aptum, & gratum: conentur tamen ipsi ita prudenter Prioris, & Conuentus necessitati se accommodare, ne politia perturbetur, & super hoc inuigilet Vicarius generalis ne sit ex vlla parte abusus. In Choro si quando ipsos officio hebdomadarij fungi contigerit benedictionem quæ ad primam, & completorium dari solet soli Vicario generali dandam relinquent: & in oratione ferotina aspersorium præsentabunt soli Vicario generali.

C A P V T X.

De Capitulo Prouinciali.

§. I.

PRæter ea quæ de electionibus in genere, & alia multa quæ de Capitulo generali dicta sunt, & quæ in hoc Capitulo proportionaliter intelligi & obseruari debent, nisi præsentī capite diuersum quid exprimat. Statuimus quod singulæ Prouinciæ authôritate Apostolica actualiter diuisæ singulis bienniis feria sexta ante tertiam Dominicam post festum Resurrectionis Domini celebrent Capitulum Prouinciale in Conuentu in præcedenti Capitulo Prouinciali assignato

gnato : ad quod suffragaturi conuenient Vicarius generalis , vel Præsidens quem ipse nominauerit , Prouincialis , Diffinitores , Priores & Vicarij hospitiorum cum Discretis , vt infra , deinde socius Prouincialis , præter quos (exceptis officialibus generalibus) nullus ibi audeat apparere sine licentia Vicarij generalis , aut Prouincialis in scriptis obteuta : qui aliter comparuerit toto tempore Capituli carceri mancipetur , & alia pœna ad arbitrium Diffinitorij puniatur.

§. 2.

Quod si quis ex præfatis propter ægritudinem , vel simile impedimentum loco , & tempore Capituli comparere non potuerit , agat ipse , & agatur cum eo sicut dictum est de officialibus generalibus in capite tertio , de apertura Capituli Congregationis , paragrapho secundo : ac præterea si sit superior localis mittet per discretum debita , & actus conuentuales , & interim cum solita autoritate Conuentum suum reget , donec superior de nouo electus vel ab iis missus , ad quos de iure pertinet actualiter accesserit . Quod si Prouincialis abfuerit ex tunc vices eius geret primus diffinitor : in eius absentia secundus , & sic de cæteris.

§. 3.

Feria igitur sexta ante Dominicam tertiam post Resurrectionem si Vicarius generalis (cuius est inchoare Capitulum , & ei præesse) tunc abfuerit , celebrabitur Missa à Prouinciali cum reliquis , quæ de Vicario generali dicta sunt Capite tertio huius partis paragrapho quarto , & absentibus amplius non expectatis , etiam si numerus præsentium

sentium minor sit quam absentium: faciat proportionaliter quod ibidem paragrapho quinto, & sexto Vicario generali iussum est pro lectura præsentium statutorum, & circa litteras pro nominatione & recognitione Præsidentis à Vicario generali ad Capitulum directas,

§. 4.

Præsidentis missus à Vicario generali perget ad locum ubi Prouincialis est, aut si malit ad Conuentum Capitulo Prouinciali destinatum ante inchoationem eius, & ibi intimet Prouinciali habere se litteras Vicarij generalis publicè præsentandas, vt legantur in apertura Capituli cui intererit, & post primum mandatum exhibebit, & Prouinciali consignabit, vt seruatis seruandis à primo Diffinitore aperiantur, & publicè legantur, quod si huiusmodi litteræ nullæ fuerint publicè, & efficaciter præsentatæ, tunc Prouincialis viua voce pronuntiabit præsentem auctoritate præsentium statutorum primum Diffinitorem, in eius absentia secundum, & sic de cæteris.

§. 5.

Post hæc Pater Præsidentis hora qua libuerit congregabit Prouincialem, & quatuor Diffinitores ad examinandas litteras testimoniales discretorum, quos pro defectu tantum litterarum testimonialium poterunt priuare voce actiua, & passiuæ pro electione iudicum causarum; Post electionem verò dictorum iudicum, tenebuntur eas præsentare eisdem iudicibus causarum iterum examinandas simul cum Præsidente.

§. 6.

Post prandium illius diei Præsicens consueto campanæ signo congregabit vocales omnes, quibus ordine confedentibus (si videbitur) breuem sermonem faciet ; quo expleto , legi curabit sequentem paragraphum, vsque ad caput quod incipit die Sabathi.

In hac sessione in primis eligentur per vota secreta ex omnibus gremialibus (solo Prouinciali excepto) tres fidelissimi iudices causarum, siue arbitri, quorum officium & electio præscribitur in capite quinto huiusce partis paragraho primo, & secundo, quæ omnino obseruabuntur, & à Præsidente, & à Iudicibus causarum: intelligendo hic de discretis, quod ibi de deputatis Prouinciarum dictum est.

C A P V T X I.

De electione Prouincialis, & quatuor Diffinitorum.

Die Sabathi post Missam solemnem Spiritus sancti, quam celebrabit ipse Præsicens, & cui omnes intererunt, & sacram synaxim sument, etiam gremiales, qui eodem die celebrare non potuerint consueto Campanæ signo congregabit omnes tam vocales, quàm non vocales, & facta pro more lectione præsentis Capituli vsque ad paragraphum sextum post vespervas illius diei, ea finita

finita Prouincialis surget à latere præfidentis, & ante eum genua flectet, vna cum quatuor Diffinitoribus, ibique humiliter inclinatus, dicet culpam suam coram omnibus, & renunciabit officio suo, sigilla illius resignando inter manus Præfidentis; deinde surgentes redibunt ad locum: & post eos ordinatim accedent similiter genua flectentes omnes priores, & Vicarij Conuentuum, sigilla resignantes. Postea primus ex iudicibus causarum surget clara voce pronuncians suo, & omnium nomine vocales hoc modo. *Hi sunt illi Reuerendi Patres qui in præfenti Capitulo vocem habere debent. Scilicet admodum R. P. Præfidentis, R. P. N. Prouincialis absolutus, Reuerendi Patres Diffinitores R. P. N. R. P. N. R. P. N. R. P. N. & sic de cæteris, qui omnes in posterum suæ professionis ordinem tenebunt excepto Prouinciali absoluto.*

§. 2.

Post hæc Pater Præfidentis nominabit aliquem, vel aliquos quorum imperio Conuentus localis regi debeat vsque ad finem Capituli mandans vt omnes obediant: deinde dicet alta voce. *Qui non fuerint nominati inter vocem habentes egrediantur.* His egressis, & silentio facto Prouincialis absolutus incipiet deuotè flexis genibus *Confiteor Deo, &c.* Quod cum eo prosequantur cæteri gremiales, quibus Præfidentis dicet, & dabit benedictionem sicut in absolutione generali continetur.

§. 3.

Absolutione finita Pater Præfidentis per se, aut per alium leget publicè caput de electionibus
in

in genere à paragrapho octauo ad finem vsque, quo peracto adhuc præcipiat omnibus in virtute Spiritus Sancti, vt semotis. omni simultate, timore, fauore, , atque odio in Prouincialem, & Diffinitores nullum eligant nisi quem teste Deo, & conscientia digniorem & vtiliorem cognouerint, & omnibus præditum conditionibus per Bullas Apostolicas, & præsentia statuta requisiti, & post hæc omnes ordine accedentes super hoc coram Deo, & hominibus iuramentum præstabunt super sancta Dei euangelia inter manus Præsidentis, qui etiam primus iurabit.

§. 4.

Deinde procedatur ad electionem Prouincialis, qui poterit eligi ex quacumque Prouincia, & quatuor Diffinitorum, quorum duo tantum poterunt eligi in Superiores locales; alioquin extra Capitulum Prouinciale, & intermedium (in quibus tantum omnes præcedent) Superioris localis correctioni & regimini subiicientur sicut & cœteti Sacerdotes; electio autem eorum sic fiet, accipiet vnusquisque pro voluntate à scriba deputato in diuersis schedulis nomina, & cognomina diuersorum Patrum, ex quibus illam tantummodò mittat in bussulam quæ in medio Capituli erit, in qua fuerit separatim nomen, & cognomen illius quem intendit eligere in Prouincialem Prouinciæ talis N. & qui maiorem partem, vel vt dictum est capite secundo paragrapho primo plura suffragia habuerit publicabitur electus eodẽ modo eligentur separatim, & successiue vnus post alterum quatuor Diffinitores, post quorum electionem, & publicationem publica-
buntur

buntur etiam alij tres Patres, qui post Diffinitores plures quàm alij pro eorum officio voces habuerint seruato in eis ordine pluralitatis suffragiorum, & antiquitatis professionis inter patres, quorum nomina scribentur in libro Prouinciæ, vt ex illis possit aliquando suppleri defectus Diffinitorum, (si casus euenerit.)

§. 5.

Prouinciali, & quatuor Diffinitoribus electis, Pater Præsiciens incipiet hymnum *Te Deum laudamus*, quem omnes prosequuntur processionaliter pergentes ad chorum vel Ecclesiam. Hymno finito Præsiciens confirmabit Prouincialem vnà cum quatuor Diffinitoribus dicens : *Confirmo te in Prouincialem, & vos in diffinitores huius Prouinciæ, dans vobis omnem auctoritatem quàm ceteri Prouinciales, & Diffinitores habere consueuerunt secundum præsentia statuta nostra. In nomine Patris, & Filij, & Spiritus sancti. Amen.* Deinde tradens Prouinciali officij sui sigilla dicet. *Hæc sunt insignia quibus insigniri solent, qui tali officio funguntur.* Postea intonabit alta voce. *Saluos fac seruos, &c. Mitte eis Domine, &c. Domine exaudi, &c. Dominus vobiscum, &c. Oremus. Omnipotens sempiterne Deus qui facis mirabilia magna solus, præstende super famulos tuos, & super Prouinciam illis commissam Spiritum gratia salutaris, & ut in veritate tibi complacent perpetuum eis rorem tuæ benedictionis infunde per Christum Dominum nostrum : omnibus respondentibus, Amen.*

§. 6.

Post vespervas autem illius diei si Prouincialis, aut Diffinitores electi fuerint ex absentibus, ita

vt infallibiliter die lunæ adesse nequeant, vel quacumque de causa absentes fuerint Patres Diffinitorij congregabunt rursus omnes gremiales, & ab illis per vota seclera eligentur alij qui locum absentium tempore Diffinitorij Capituli supplere possint, & in eadem sessione Præsiciens monebit discretos, & reliquos omnes, vt qui litteras habent ad diffinitorium directas, eas porrigant duobus postremis diffinitoribus, qui eas sedulo perlegent, & earum summam in marginè, vel dorso connotent, & suo tempore diffinitorio exhibeant: post quod Præsiciens terminabit sessionem dicens (sicut, & in fine omnium) *Sit nomen Domini benedictum, &c.*

§. 7.

Die Dominica post nonam Pater Præsiciens congregabit fratres omnes vocales, & non vocales, quibus ordine consedentibus (dicto promore) *Adiutorium, &c.* faciet lectionem præsentis paragraphi septimi, quo expleto discretus localis surget recitans nomina fratrum in biennio defunctorum in suo Conuentu, sicut & principallium benefactorum, & personarum Prouinciæ affiliatarum, quæ diem suum obierunt, post hæc surget secundus discretorum scilicet antiquioris Conuentus similiter factururus, & sic alij. Deinde pater præsiciens omnes illos orationibus fratrum commendabit iniungens illis in particulari aliquas missas, vel præces pro ipsis recitandis: in præsentiarum verò breuitatis causa dicet cum aliis alternatim *De profundis*, & in fine addent Cantores *Kyrie, &c.* ipse verò *Pater noster, &c.* *A porta inferi, &c.* *Requiescant in pace, &c.* *Dominè*

*mine exaudi, &c. Dominus vobiscum, &c. Oremus.
Omnipotens sempiterne Deus qui vinorum, &c.
Deus venia largitor, &c. Fidelium Deus, &c.*

CAPVT XII.

De diffinitorio capituli Prouincialis.

§. 1.

Diebus sequentibus congregabitur solum diffinitorium, quod constabit ex præsidente Prouinciali electo, & absoluto, & quatuor diffinitoribus, aut ex his qui in eorum absētia canonicè substituti fuerint, vt dictum est capite præcedenti, paragrapho septimo, ita vt numerus septem patrum semper integer remaneat.

§. 2.

Pro loco autem diffinitorij, ordine, tempore, precibus, (excepto quod hic fiet electio secretarij) præcepto formali præsidentis pro non eligendis indignis, iuramento, aduocatione discretorum, & omnium gremialium, & aliis huiusmodi, quæ continentur in capite quarto de diffinitorio Capituli generalis, à paragrapho secundo, ad vndecimum inclusiue, seruabuntur proportionaliter, intelligendo hic de prouinciali diffinitoribus & discretis conuentuum, quod ibi de Vicario generali, Assistentibus, diffinitoribus, & discretis Prouinciarum dicitur.

§. 3.

Quia autem tùm per litteras, tùm per discretorum, cœterorumque gremialium propositiones

à secretario notatas, ac conscriptas, Patres diffinitorij statum Prouinciæ facile perspicient. Videbunt in posterum quibusnâ remediis, & auxiliis indigeat, vt iuxta necessitatē providere conentur: videbunt etiam & rescindent si quid irrepsit regulari disciplinæ quouis modò noxium, & contrarium: dispensabunt pro singularibus personis cum omni dilectione, & charitate in his quorum dispensatio specialiter diffinitorio Capituli generalis, aut diffinitorio generali non reseruatur, & quamuis vt seruetur inter Prouincias vniformitas non liceat diffinitoriis Prouincialibus facere diffinitiones & declarationes; poterunt tamen in iis, quæ pro bono Congregationis diffinienda, & declaranda esse iudicauerint; facere propositiones ad Capitulum generale per discretum mittendas, & petitiones per litteras Vicario generali, aut diffinitorio generali faciendas, ac præterea poterunt pro Conuentuum politia, & œconomia iuxta diuersitatem & necessitatem locorum facere ordinationes aliquas quas vnâ cum electionibus, & aliis Capituli actis mittent ad Vicarium generalem, vt confirmentur, nec antè prædictam confirmationem publicentur, nec executioni mandentur, hanc autem Prouincialis in libro Prouinciæ registrare tenebitur de verbo ad verbum sub pœna suspensionis ab officio.

§. 4.

Tandem procedetur ad electionem Priorum localium secundum antiquitatem Conuentuum, quoniam verò illis peculiaris incumbit animarum cura, volumus, hic reiterari iuramentum super sancta Dei Euangelia, quo omnes de corpore

pore diffinitorij iurabunt se ad hoc officium non electuros, nisi quos teste Deo & conscientia aptiores nouerint, & digniores: eligatur autem cum schedulis ad instar Prouincialis, & diffinitorum.

§. 5.

In Priorum etiam electionibus delectum haberi volumus iuxta proportionem Conuentuum quibus fuerint præficiendi, ita ut principalioribus Conuentibus digniores etiam Priores destinentur, præ omnibus autem principalis ratio, ac cura habebitur de Prioribus Conuentui nouitiatus destinatis.

§. 6.

Prioribus omnibus electis similiter, & eodem ordine, & modo eligentur hospitiorum Vicarij; deinde eligentur similiter Subpriores, sacre Theologiæ, ac Philosophiæ lectores, Magistri Nouitiorum, & socius Prouincialis, quæ omnia à Secretario Capituli studiosè conscribentur.

§. 7.

Disponentur postea familiæ, ita ut in omnibus Conuentibus respectiue sint Sacerdotes, & Confessarij sufficienter, vnus, vel plures Concionatores: ex quibus omnibus duo rectè etiam eligi possint in examinatores nouitiorum, & promouendorum ad sacros ordines, sicut, & ad munus Confessionis, & prædicationis: sintque etiam respectiue sufficienter Clerici, Conuersi, & Commissi. Cauendum erit præterea ne fratrum copia quoad possibile fuerit Conuentus aliquis grauetur. Nouitiatus etiam, & nouis locis, siue Conuentibus de selectis fratribus provideatur scilicet, ut tanto citius regularis obseruantia vigor & bona Religionis fama inibi accrescant.

Demum designabitur Conuentus in quo Capitulum Prouinciale immediatè subsequens celebrandum erit, idem fiat pro intermedio.

§. 8.

Habebuntur duo libri originales in qualibet Prouincia, vnus pro Constitutionibus, & definitionibus Capituli generalis: alius pro electionibus, & ordinationibus Capituli Prouincialis, quorum primus conseruabitur in quocumque Conuentu Prouinciæ ad arbitrium Diffinitorij Capituli Prouincialis; & alter conseruabitur in quocumque Conuentu ad arbitrium Prouincialis, quem etiam tenebitur secum asportare ad Capitulum Prouinciæ. Præfatis tamen electionibus & ordinationibus subsignabuntur Pater Præsidens cum omnibus Patribus Diffinitorij Capituli Prouincialis.

CAPYT XIII.

De solutione Capituli Prouincialis.

§. 1.

HIs peractis vel tunc immediatè, vel hora quæ Præsidenti videbitur opportunior coram omnibus tam vocalibus quàm non vocalibus publicabuntur ex libro Prouinciæ tantum, electiones officialium per Secretarium dicentem. *In nomine Domini nostri Iesu Christi benedicti. Amen. Anno Domini N. mense N. die N. & loco N. celebratum est Capitulum Prouinciale in quo canonicè electi*

electi fuerunt in tres indices causarum hi Reuerendi Patres scilicet in primum R. P. N. in secundum R. P. N. in tertium R. P. N. pro corpore autem Diffinitorij electus est in Pronuincialem R. P. N. in primum Diffinitorem R. P. N. in secundum R. P. N. in tertium R. P. N. in quartum R. P. N. qui omnes unà cum R. P. N. Præsidente, & R. P. N. Prouinciali absoluto, scribente R. P. N. in Secretarium dicti Capituli electo, ea qua sequuntur unanimi consensu ordinarunt publicari.

§. 2.

Hic legentur nomina, & cognomina vocalium qui ad has electiones concurrerint. Deinde substituti Diffinitorum officium quocumque tempore suppleturi (quod si euenerit) vltimum semper locum habebunt: postea Priores, & Vicarij Conuentuum: deinde Subpriores, & Lectores Sacræ Theologiæ; & Philosophiæ; Magistri Nouitiorum; & Socius Prouincialis. Dum publicabuntur Priores, & Vicarij (si præsentibus fuerint) statim, ac se senserint nominari accedent ad Præsidentem, & genuflexi ab eo confirmabuntur, & accipient sigilla sui officij; deinde obsecrata manu Præsidentis ad locum suum reuertentur. Si autem Prior nominatus absens fuerit discretus illius Conuentus ad Præsidentem accedet, & sigillum illius nomine suscipiet, vel (eo absente) Prior Conuentus vicinioris; & Præsidens eum licet absentem cōfirmabit dicens: *authoritate qua fungor confirmo R. Patrem N. in Priorem Conuentus N.* Demum publicabuntur familiæ singulorum Conuentuum exprimendo vniuscuiusque nomen, cognomen, ordinem, &

officium, vt si sit Sacerdos, Diaconus, Subdiaconus, Clericus, Conuersus, vel Commisſus; Vltimò publicabitur locus Capituli Prouincialis immediatè ſubſequentis, nec non Capituli intermedij.

§ 3.

Postea Præſidens habita breuī aliqua exhortatione dabit abſolutionem generalem & poſtea intonabit hymnum. *Magne Pater Auguſtine* cum præcibus quæ iubentur in abſolutione Capituli generalis ſupra capite ſexto paragrapho tertio.

§ 4.

Hinc omnes quantocitiùs proficiſcentur ad locum assignatum. Superiores autem locales, vel in eorum abſentia Diſcreti, aut Superiores viciniſſimi Conuentus accipient à Præſidente priuſquam recedant litteras in forma patenti eiùſdem manu propria ſubſcriptas, & ſigillo maiori Prouinciæ munitas, in quibus præmiũ conſuetum, & omnes ordinationes, & electiones in eodem Capitulo factæ clarè contineantur. Assignatio item Prioris, & Subprioris, ac totius familiæ, quas litteras poſtquam ad proprium Conuentum peruenierint ſubprior localis, aut alter ex vocalibus eadem die omnibus illius familiæ fratribus Capitulariter congregatis præleget, & prælectione facta omnes alternatim ad Priorem nominatim accedent, & antè eum genuflexi in ſignum obedientiæ ipſius manum dexteram oſculabuntur, & officiales Clauẽs cum inuentariis reſignabunt. Quod ſi tunc Prior, aut Subprior præſentes non fuerint, lectio, & publicatio litterarum ad alterius aduentum reſeruabuntur.

CAPVT XIV.

*De officio , & authoritate
Prouincialis.*

§. 1.

PRouinciali (saluo semper mandato & reuerentia Reuerendi admodum, Vicarij generalis) Priores, & fratres omnes suæ Prouinciæ tanquam Patri, & Pastori promptè obediunt, & debitam subiectionem, & reuerentiam cum humilitate vbique locorum exhibeant qui verò Prouinciali obedire recusauerit, & in ipsa inobedientia obstinatè per diem, & noctem permanserit, per annum voce careat. Ipse verò in principio sui regiminis cum timore, & tremore incedat quovsq; magis per experientiam, quam per aliam sapientiam sit edoctus; in primis diligenter legat, & notet quæ de officio Vicarij generalis scripta sunt, & quæ ipsi competunt secundum suum officium opere adimplere non desinat.

§. 2.

Ad officium eius pertinet totius Prouinciæ curam gerere, & saltem semel idque primis sex mensibus sui biennij omnes Conuentus personaliter visitare, & in eis corrigere ac reformare, quæ contra bonos mores, ac regularem observantiam, & disciplinam iuxta Sacros Canones, & Bullas, ac decreta Apostolica, & secundum

regulam, constitutiones nostras, & diffinitiones Capituli generalis inuenerit corrigenda, & reformanda. Apostatas suos, seu fugitiuos infra quatuor menses à die commissæ apostasiæ (salua congregationis disciplina) recipere, & absolueri poterit: ultra verò istum terminum ad Vicarium generalem pertinebit.

§. 3.

Nullus Vicario generale non contradicente sine illius licentia habitu nostræ Congregationis indui, ad sacros ordines promoueri, ad Confessarij, siuè Prædicatoris munus assumi, nullus ab vna familia in aliam transmutari, vel adscribi, imò nec ab vno Conuentu in alium se transferre poterit: fratribus tamen nè Romam, imò neque extra suam Prouinciam, nec ad Conuentum alterius Prouinciæ etiam minus remotum concedere non poterit sine licentia Vicarij generalis in scriptis habita, nihil etiam poterit circa conclusiones, seu determinationes Conuentuales vocalium, nisi vel in Capitulo Prouinciali, vel intermedio.

§. 4.

Vocem habeat, & locum assignatum in prima parte capite septimo, ad Capitulum generale cum deputatis suæ Prouinciæ accedere teneatur, & acta visitationum suarum secum asportare, suo tempore exhibenda, quod si ipse non accesserit per discretum mittet sigillata, & tunc si Capitulum in alia Prouincia celebraretur in sua Prouincia Commissarium constituat, qui sit ex Diffinitoribus, quod etiam faciet quoties cum licentia Vicarij generalis exibat è Prouincia, aliter Com-

missarium

missarium pro tota Prouincia constituere non possit, bene tamen pro certis quibusdam negotiis, & particularibus Conuentibus (si opus fuerit) Nullum aliud officium simul habere possit: nec aliquid præcipere toti prouinciæ sub pœna excommunicationis, aut per meritum salutaris obedientiæ, nec Conuentibus particularibus nisi de consensu Dissinitorij Capituli Prouincialis, aut intermedij.

§. 5.

Si lectores Theologiæ, aut Philosophiæ, Magistri, Nouitiorum, aut etiam Superiores moriantur, aut renuncient antè Capitulum intermedium eius erit alios nominare vsque ad dictum Capitulum vbi fiet noua electio, aut iam nominati confirmatio. Si intra sex menses post intermedium ipse nominabit vsque ad Capitulum Prouinciale, & sic nominatus vocem habebit in Capitulo superioris, ad cuius officium substitutus fuerit (nisi tamen aliter suspensione, aut priuatione dignus iudicetur). Si etiam sumeretur nouus Conuentus eius erit nominare Vicarium vsque ad Capitulum intermedium, vel Prouinciale. Post Vicarium generalem ipse solus poterit benefactores affiliare suæ Prouinciæ.

§. 6.

Stationes quadagesimales, & aduentus in sua Prouincia procuret, & retineat iuxta numerum, qualitatem, & meritum prædicatorum pro tempore quo iudicauerit expedire etiam vltra terminum sui Prouincialatus: quarum stationum numerum, tempus, & prædicates, si quos nominatim promisit ad Capitulum Prouinciale deferat

deferat, & succedentes Prouinciales suorum prædecessorum promissa punctim seruare, & dictis stationibus prouidere tenebuntur, & super hoc inuigilet Vicarius generalis, nè Prouinciales inferiorum suorum talenta mortua, & tum Congregationi tum animarum saluti inutilia relinquant.

§. 7.

Quilibet Prouincialis semel in mense per litteras certum faciat Vicarium generalem de statu Prouinciæ suæ. Extra tempus Visitationis in Conuentu aliquo formato ubi stricte vigeat regularis obseruantia commorari teneatur, vt ibi se bonorum præbeat exemplum, nisi aliquando vrgentia negotia pro aliquo tempore aliter iusserint, familiarum dispositionem à Diffinitorio Capituli Prouincialis factam nequaquam mutet, quin prius executioni mandetur, & postea non nisi cum maxima, & euidentissima necessitate, nè frequenti mutatione molestetur corporea fratrum sanitas, & spiritualis recolectio detrimentum patiatur, & Conuentuum negotia perturbentur.

§. 8.

Dum egredietur cum aliquo, quam cum eo qui sibi à Capitulo assignatus est socius, nouus ille socius exeundo simpliciter Ianitorem monebit, vt nunciet Priori se exiisse cum Prouinciali; nisi aliter Prouincialis iusserit.

§. 9.

Si aliquod oriretur dubium à Vicario generali, & Assistentibus declarandum quancitius eos admonerebunt vt prouideant.

§. 10.

§. 10.

Archiuji Prouinciæ curam habebit & clauim vnâ ; alteram Primus Diffinitor ; Prior localis tertiam. In eo conseruabuntur omnia scripta, & contractus Prouinciæ peculiâres ; quod si aliquis ex hoc archiuio scripturam sine licentia extraxerit pœnam incurrat vt supra capite septimo, paragrapho decimo. Habebit præterea librum quem feret secum in quo registrabuntur à socio omnes obedientiæ, licentiæ ab eo inscriptis datæ , & cætera notabilia , quæ durante ipsius regimine acciderint , siuè visitationis tempore, siuè alio quolibet.

§. 11.

Si Prouincialis absens à Prouincia nullum constituerit Commissarium eius vices geret primus Diffinitor , & in ipsius absentia secundus, & sic de reliquis , sicut & in casu mortis. In casu morbi grauis, in subsidium pro negotiis Prouinciæ ; quem voluerit assumet ex Diffinitoribus : quod si mors euenerit tantum sex mensibus circiter ante Capitulum Prouinciale, ipsemet Diffinitor locum , & authoritatem habebit vsque ad dictum Capitulum. Sin autem quouis tempore aduenerit Vicarium generalem admonebit vt prouideat de Vicario Prouinciali , qui vsque ad Capitulum Prouinciale potestatem habebit : socius autem Prouincialis defuncti , erit Vicarij Prouincialis electi socius.

§. 12.

Privabuntur Prouinciales ab officiis præter casus expressos presentibus statutis pro manifesta rebellionem , aut inobedientia , & si mandatis Vicarij

Vicarij generalis, & Diffinitorij generalis non paruerint, & ea executioni mandari non curauerint, & pro iisdem casibus, pro quibus deponi debet Vicarius generalis.

§. 13.

Prouincialis absolutus nec in Capitulo in quo absoluitur, nec in sequenti poterit eligi in Prouincialem eiusdem Prouinciæ, bene tamen in altera postquam per biennium à præfato officio omninò vacauerit.

C A P V T X V.

De Capitulo intermedio.

§. 1.

Capitulum intermedium eodem tempore, quo Capitulum Prouinciale in medio biennij celebrabitur in Conuentu, à Diffinitorio Prouinciali assignato. Illud constabit ex Prouinciali, & quatuor Diffinitoribus tantum, & si quis eorum abest Prior localis substituatur; si verò ab sint duo substituatur Prior vicinioris Conuentus, & nullus eorum nisi grauiter impeditus, & de licentia Prouincialis, & reliquorum Diffinitorum absit ab hoc Capitulo sub pœna depositionis.

§. 2.

Ad hoc Capitulum pertinebit renunciationem cuiuscumque officij Prouincialis à quocumque factam efficaciter cum sigilli resignatione acceptare,

tare, indignum priuare, & alios sufficere Priores, Vicarios, Subprios, Magistros nouitiorum ab vno Conuentu amouere, & alteri cum simili officio præficere non nisi ex iusta, & rationabili causa iuxta Sacros Canones, Bullas, & decreta Apostolica, ac regulas & constitutiones Congregationis, Vicarios nouorum Conuentuum creare, pœnam grauiorem imponere voce vsque ad Capitulum priuare, & peragere similia negotia pro tempore occurrentia, quæ tamen his, quæ in Capitulis Prouincialibus acta fuerint nunquam aduersentur, ad quæ maiorem partem suffragiorum concurrere sufficit, nisi in aliquo casu, maior suffragiorum numerus hisce Constitutionibus requiratur.

§. 3.

Prouincialis in hoc Capitulo proponet, quæ tractanda fuerint, & quilibet alter ex Diffinitoribus quæ iudicauerit agitanda strictissimo secreti sigillo omnia ibi agitata silebunt. Congregabuntur autem bis in die, vt negotia quantocius expediantur: & regulariter hoc Capitulum vltra tres dies, & ad summum vltra octo non durabit: & quidquid ibi actum fuerit Prouincialis executioni mandare teneatur.

§. 4.

Peracto Capitulo Prouincialis de omnibus quæ in illo acta fuerint Vicarium generalem per litteras admoneat: & acta mittat, vt ad instar Capituli Prouincialis confirmetur, quod si neglexerit eadem pœna qua supra puniatur, capite duodecimo, paragrapho tertio: quidquid autem extra Capitulum Prouinciale, & intermedium
sub

sub quouis prætextu , aut quæſito colore ſinè licentia Vicarij generalis ab illis actum fuerit irritum ſit, & inane.

C A P V T X V I.

De officio Priorum localium.

§. 1.

PRiori tanquam patri fratres ſui Conuentus cum omni ſubiectione , (ſaluis ſemper mandatis Superiorum,) in omnibus obediant, ab eifque in ſingulari reuerentia habeatur , non tamen ſe exiſtimet, vt ait regula poteſtate dominante, ſed charitate ſeruiente ſcèlicem : ſubditis ſuis omnia neceſſaria, tum animarũ ſaluti , tum corporum ſanitati ſubminiſtrare teneatur ; eoſque frequenter hortetur , & inducat ad charitatem mutuam, & ad perfectam ſtatutorum obſeruantiam , quod vt efficacius conſequatur debet ſe ipſum bonorum præbere exemplum officio diuino , reſectioni communi; & aliis , communis actibus quoad fieri poterit libenter intereſſe. In reſectione ſua , in veſtibus , in cella , & aliis nihil præſeferat quod cuiuſquam offendaſt aſpectum.

§. 2.

Vicarium generalem, Prouincialem, Procuratores, & Aſſiſtentes generales ſtatim ad ingreſſum Conuentus honorificè , & charitatiuè ſuſcipiat, ac ſibi ſubditos ad reuerentiam vel obedientiam illis debitam iuxta dignitatem vniuſcuiuſque

cuiusque diligenter adducat in suo Conuentu toto Prioratus tempore personaliter resideat, & cum extra monasterium voluerit egredi, id illi per se, vel per alium significet qui in sua absentia Conuentum regere debet, & si in hoc negligens fuerit ab officio suspendatur. Absentia illius à Conuentu ultra triduum non durabit sine consensu Patrum Consilij, nec ultra octo dies nisi de consensu Capituli Conuentus per vota Secreta habito, & scripto, si autem Prouincialis fuerit in Conuentu; vel absente Prouinciali Vicarius generalis, ab eis ultra octo dies licentiam petet; & non à vocalibus qui nunquam ei ultra viginti dies licentiam concedere poterunt. Quoties autem Prior pro se ipso aliquam licentiam petere tenebitur à Patribus Consilij, vel vocalibus id nunquam faciet nisi per vota secreta sub pœna nullitatis, & priuationis. Prior qui contra supradictas formalitates à Conuentu ultra tres dies absentauerit ab officio suo indispensabiliter suspendatur per duos menses pro prima vice, secunda verò priuetur.

§. 3.

In absentia Prioris Subprior Conuentum gubernabit; in absentia vtriusque (vt dictum est in prima parte capite septimo de præcedentiis) regent successiuè cœteri omnes qui in ordine primi sunt post Subpriorem, qui etiam Priorem in redditu de rebus notabilioribus, quæ in eius absentia euenerunt seriò informabunt. His autem præcipimus in omnibus obediri ad instar Priorum si præsentibus essent quod similiter obseruari volumus, si quando Prior ab officio suspensus fuerit,

vel morte præuentus plusquam sex mensibus ante Capitulum Prouinciale, vel alio quouis modo ad gubernandum inhabilis, & alio quocumque tempore donec aliter ordinatum fuerit à Prouinciali, vt supra in capite decimo quarto, paragrafo quinto: qui etiam in absentia Prioris ultra quindecim dies poterit Vicarium constituere, qui Conuentum regat etiam præfente Subpriori cum loco, & authoritate omnimoda Prioris.

§. 4.

Prior ægrotus, vel in vrbe in qua est eius Conuentus Concionator per Aduentum, aut quadragesimam non censeatur absens, quia in necessariis recursus ad eum haberi potest; censeatur tamen notabiliter impeditus, & ideo interim Subprior, vel alius ad quem de iure pertinet reget Conuentum: Capitulo suo tempore conuocabit; & si Prior non accesserit omnium inferiorum culpas audiet, & faciet quæcumque faceret si adesset Prior.

§. 5.

Porro sicut Prior disciplinam libens habere debet iuxta intentum Pattis Augustini, ita, & illam metuendus subditis suis imponere debet, cogitans se Deo pro ipsis redditurum esse rationem, & ideo corripiat inquietos, consoletur pusillanimes, curet infirmos, corrigat errantes, veneretur antiquos, & de religione benè meritos, ac omnium humoribus cum omni charitate, patientia, & prudentia compatiatur, exhibeat se patrem plusquam iudicem, subditos sustinendo, humiliando, roborando, corripiendo, docendo, & obseruando in omni patientia, & doctrina
habita

habita ratione , & cognitione certa (si fieri possit) Morum , humorum , laborum , officiorum , inclinationum , talentorum , & meritorum vniuscuiusque.

§. 6.

Ipse circa quotidiana ministeria minoris ponderis , quæ per officiales fieri solent , (nisi voluerit) non occupabitur , vt magis seriis negotiis Conuentus facilius inuigilare possit , officia Sacristæ , Quæstoris , Infirmarij , Hospitarij , vestium curam habentis , Ianitoris , Bibliothecarij , & similia iis Patribus , & Fratribus assignabit , qui hiscè melius fungi poterunt pro fratrum consolatione , Conuentus vtilitate , & sæcularium ædificatione , & si in hoc circumspectus non fuerit Prouincialis erit providere ; officialis hebdomadales per se ipsum faciet , & non per alium nisi abfuerit à Conuentu.

§. 7.

Prouincialem suum semel in mense per litteras certum faciet de statu sui Conuentus , & ad eum referat , quod modum , vel vires eius excedit. Toti suo Conuentui præceptum sub pœna peccati mortalis imponere non poterit sine consensu saltem Patrum Consilij : Excommunicationem verò nullo modò fulminare poterit contra quemquam ex subditis suis sine Prouincialis licentia in scriptis habita , & præmissa trina Canonica monitione. Nullum poterit ex suis subditis in alium Conuentum mittere : nec in loca vbi nostra Congregatio Conuentum habet , sine licentia Prouincialis ; nisi fortè pro eo adiuvando in processione aliqua generali imprævisa

si non sint sufficientes Religiosi , & responsum Prouincialis expectari non posset , & tunc adhuc vocalium consensus haberi debet , tum in Conuentu petente, tum in concedente. Nullum etiam poterit Prior mittere in alium quemcumque locum ultra decem leucas : nec cuiusquam absentiam protrahere ultra quindecim dies sine consensu vocalium , nec ultra mensem sine licentia Prouincialis.

§. 8.

Non poterit etiam Missas ultra sui Conuentus vires acceptare , nec recipere obligationes perpetuas Missarum , imò nec annuales , quæ plusquam anno excedant terminum officij sui sine licentia Prouincialis , vt dictum est in prima parte capite quinto , paragrapho primo , sub pœna priuationis officij sui , & nullitatis omnium eorum quæ secus facta fuerint. Non poterit viridarium , hortum , vel simile quid magni momenti , sicut arbores euellere , nec vllam nouam fabricam Conuentus inchoare , aut iam inchoatam mutare , sine dicta Prouincialis licentia in scriptis obtenta sub pœna priuationis officij ; sub qua etiam pœna non poterit fundamentum aliquod ex quatuor claustris lateribus , vel officinas integras ponere , ædificare , immutare ; neque Ecclesiæ fundamentum iam positum destruere reædificare , vel deferere : poterit tamen de consensu Patrum Concilij cœptam , & approbatam fabricam continuare , & perficere.

§. 9.

Subpriorem ab officio deponere non poterit , sed si necessitas ita exquirere videatur eum suspendere

pendere donec Capitulum intermedium ; vel Prouincialis habita rei informatione aliter ordinauerit.

§. 10.

Quæstores cogat singulis mensibus de acceptis , & expensis rationem reddere coram Patribus consilij , & strictè præcipiat eis manifestare quidquid vltra decem aureos in sua potestate habuerint à quocumque , vel quomodocumque acquisiuerint intimando eis paragraphum quintum capitis quinti primæ partis.

§. 11.

Habeat præterea quilibet Prior quatuor libros, in quorum primo scribantur eleemosinæ pecuniariæ , vel donationes notabiliores , quæ Conuentui fuerint collatæ, sicut etiam sumptus , & expensæ de quibus omnibus singulis primis feriis sextis cuiuslibet mensis rationem reddet , sicut , & de Missis per se, vel per Sacristam coram Patribus Consilij, qui rationi debitè redditæ subscribent vnà cum ipso: In secundo scribentur Missæ dicendæ, foundationes, & obligationes : In tertio registrabuntur in vna parte omnia acta Capitulorum Conuentualium, & in alia concessiones seu prohibitiones à Vicario generali , vel Prouinciali factæ siuè in visitatione, siuè extra, & ordinationes Capitulorum tum generalium , tum Prouincialium, Commissiones etiam, & litteræ communes. In quarto scribentur omnes contractus, & alia huiusmodi ad Conuentum spectantia , sicut omnia inuentaria Conuentus , & eorum copia dabitur singulis officialibus Conuentus iuxta officium. Cætera quæ per se non potest,

vel potest mixtım, exprimuntur in proprijs materijs ; & præcipue infra Caput decimum sextum.

§. 12

Officium Prioris regulariter durabit vsque ad futurum Capitulum Prouinciale nisi fortè impegerit in aliquem subsequenter defectum. Si Capitulum frequenter non tenuerit iuxta præsentium statutorum tenorem : Si diuino officio , & refectioni Communi ex consuetudine non inter sit : si sine Prouincialis licentia Nouitium induerit , vel autoritate propria ad professionem receperit : si per se aliquem ad Ordines sacros miserit : si fratribus suis ex consuetudine verba contumeliosa dixerit : si bis , aut ter Constitutiones generales , & ordinationes Prouinciales in notabili parte à toto Conuentu sciens transgredi permiserit vel si transgressores pœnis debitis coercere nihil , vel parum curauerit : Si schisma quo Congregationis , vel prouinciæ pax perturbari possit , per se vel per alios procurauerit : Si communis vitæ rationem cibi , & potus quantum ipsius velerudo permittit cum alijs fratribus non seruauerit : si fratribus infirmis solatia , remedia , & alimenta necessaria ex negligentia non subministrarit : Si culpam aliquam commiserit propter quam Prouincialem priuandum diximus ; ac præcipue si bis , aut ter per se fecerit , quod sine Patrum Consilij , vel vocalium consensu facere non debet : Si suis Superioribus inobediens , & rebellis fuerit ; ac demum si aliquid commiserit propter quod præsentia statuta priuandum esse alibi duxerit.

§. 13.

De quouis prædictorum confessus vel legitimè conuictus Prior à Vicario generali vel à Prouinciali tempore visitationis, siuè quocumque alio suspendatur, & à Diffinitorio generali, siuè Prouinciali; & intermedio penitus deponatur.

C A P V T X V I I .

De officio Vicariorum, seu Superiorum localium.

§. 1.

COnuentibus siuè hospitiis nostræ Congregationis in quibus erunt minus quam decem fratres de familia, prouidebitur de Vicario qui subditos suos prudenter regere, & benefactores non solum conseruare, sed etiam augere possit. Is autem habebit tam in temporalibus, quam in spiritualibus circa suos subditos etiam hospites eandem auctoritatem, & eandem obligationem, quam Prior localis, & sicut ipse vocem habebit in Capitulis Prouincialibus, modò sit electus in illis vel alibi eo modo quo iussum est supra capite vndecimo paragrapho tertio. Quapropter diligenter aspiciat quæcumque de Prioris officio dicuntur.

§. 2.

Quotidie Missam Conuentualem, & officium diuinum recitare faciet, vel in tono consueto, (vel si paucitas fratrum non permittat) in tono

officij Beatæ Mariæ Virginis, vel (si nec hoc possibile sit) summissa voce in communi; tamen horis quæ ipsi, vel Prouinciali commodiores apparuerint. Cæteræ verò ordinis obseruantia, quæ non ex multitudine fratrum dependent, & à paucis æquè ac multis practicari possunt nullatenus in hisce hospitiiis præteriri, vel negligi volumus: præcipuè autem commendamus fratribus in hospitiiis degentibus ne orationem mentalem vniquam deferant, vt ea muniti negotia exteriora facilius, & securius expediant. In refectione si sint saltem quinque Sacerdotes, aut clerici legent librum spiritualem alternatim incipiendo à postremis: si verò fuerint minus, vltimus legat circiter paginam vnā plus, vel minus ad arbitrium Superioris; & postmodum qui primus pranderit, aut cœnauerit leget iterum vsque ad finem, & regulariter pendente tota refectione silentium seruabitur.

C A P V T X V I I I.

De officio Subprioris.

§. 1.

Quilibet Conuentus in quo fuerint ad minus decem fratres de familia Subpriorem habebit aptum, & idoneum, vt Priorem præsentem cum omni fidelitate & diligentia adiuuare possit & absentia vices proinde supplere.

§. 2.

Hic in primis Prioris mandata custodiat, & ultra

vltra potestatem sibi ab eo, & per statuta præscriptam nullatenus se extendet, eum cum omni modestia, humilitate, & reuerentia monebit si statuta vel Capitulorum aut Superiorum ordinationes transgrediatur, aut transgredi permittat: Inter fratres semper pacem procurabit: pro his in licitis, & honestis apud Priorem intercedat; & omnes vt ei debitam obedientiam, & reuerentiam exhibeant verbo, & exemplo efficaciter inducat: horas canonicas, aliasque ceremonias suo tempore præuidere faciat, & officio diuino aliisque actibus communibus semper interfuit: caueat vt omnia loca Conuentus munda sint, & honesta: si officiales rectè officiis suis perfunguntur: si silentium, & solitudo locis, & temporibus constitutis debitè seruentur, & si fratres delinquentes inuenerit eos charitatiuè admoneat, imò corripiat, & referat Priori quod modum, & vires suas excedit: præcipuè autem nouorum professorum curam gerat modò, & tempore præfinito in prima parte, capite tertio; nisi in Conuentu studiorum Philosophiæ, vel Theologiæ Prouincialis hanc curam lectori committendam prudentius iudicaret pro bono Conuentus, & vt Subprior Priorem in aliis negotiis commodius adiuuare possit: maxime autem caueat ne per Conuentum discurrant; aut cum Sacerdotibus conuersentur præsertim tempore recreationis, sed in cellis sibi assignatis remaneant, & tum pietatis, tum litterarum studiis suo tempore, siuè etiam operibus manualibus se exercent iuxta conditionem vniuscuiusque.

§. 3.

In absentia Prioris nihil innouabit, neque fieri permittet quoddam verisimiliter nouerit Priorum (si adesset) non permissurum, & eo tempore quantum minus fieri poterit fratres extra Conuentum licentiaabit; ipse verò tunc non egrediatur, nisi ob plusquam urgentem necessitatem in quo etiam casu exitum suum communicabit ei qui in sua absentia Conuentum regere debet.

§. 4.

Religiosi omnes licet non subditi (etiam Priore presente) exhibeant ei debitam reuerentiam, & Prior auctoritatem eius in omnibus tueatur, & si casus euenerit quod in vigilia absolutionis generalis Prior exiuerit pro ea danda etiam ante viginti quatuor horas ad eum pertinebit.

§. 5.

Si Prior sex mensibus tantum ante Capitulum moriatur Subprior sine alia declaratione Vicarius censeatur, & ad Capitulum Prouinciale loco Prioris suffragaturus accedat: idem iudicium sit de antiquiore vocali, si Vicarius moriatur, ubi non adest Subprior.

§. 6.

Cœtera quæ ad officium eius pertinent alibi mixtim dicta sunt, tum capite de officio Prioris, tum aliis.

CAPVT XIX.

*De officio Secretarij Congregationis, &
socio Prouincialis.*

§. 1.

Secretarius Congregationis vt supra in Capitulo Congregationis electus maturus sit, & grauis quem sine consensu, & non nisi ex iusta causa propter illius culpam, vel inhabilitatem maioris partis Assistentium, Vicarius generalis officio priuare, aut alium assumere non poterit; regulariter residebit in eodem Conuentu in quo Vicarius generalis, qui eum semper secum habebit quando actualiter visitauerit nisi in casu infirmitatis, aut simili.

§. 2.

Ipse subditorum inter se, & cum Vicario generali vnionem conseruare, & procurare conetur, & illi non solum in omnibus humiliter obediat, sed etiam alios ad debitam obedientiam, & reuerentiam cohortetur.

§. 3.

Dum Vicarius generalis, & Assistentes capitulariter congregabuntur, ipse scribet quidquid ibi determinatum, aut declaratum fuerit: Ac præterea obedientias, litteras, & alia huiusmodi quæ ipsi Vicarius generalis iniunxerit: Vocem habebit in Capitulis generalibus, Prouincialibus, & Conuentualibus dum aderit; & de eo nullus Superior

perior infcio Vicario generali notabiliter disponet, & nec à Conuentu vsquam exire possit sine licentia Vicarij generalis.

§. 4.

Prouinciali quoque assignabitur socius à Difinitorio Prouinciali, in quo primum, & secundum præsentia statuta capitis duodecimi, paragraphi sexti proportionaliter locum habere volumus: eius erit scribere obedientias, dispensationes, litteras, & alia huiusmodi à Prouinciali sibi iniuncta; ac præterea in Capitulis intermediis eandem functionem, & authoritatem habeat, quàm Secretarius Capituli Prouincialis; in quo & ipse vocem habebit: de eo Prior notabiliter non disponet infcio Prouinciali; sine eius licentia à Conuentu non egrediatur.

C A P V T XX.

De officio Patrum Consilij, examinatorum, & aliorum vocalium.

§. I.

VT possit Superior localis negotia Conuentus faciliùs expedire adiungimus ei tres Patres Consilij, qui erunt semper tres primi patres de familia, qui post Subpriorem locum, & vocem habebunt actiuam, & passiuam: Ad eorum autem officium pertinet, præterea, quæ in officio Prioris, vel alibi propriis locis dicta sunt vnà cum Priore, & Subpriore nomine totius Conuentus

uentus disponere, & ordinare de bonis alicuius momenti Conuentus acquisitis, & acquirendis, mobilibus, & immobilibus seruatis tamen his, quæ in hac materia per præsentia statuta iubentur infra, vel alibi.

§. 2.

In quibuscumque etiam aliis negotiis, rebus & occurrentiis grauibz Prior consilium eorum exquirer; In his verò in quibus iuxta præsentia statuta consensus eorum necessarius est, nisi omnes in idipsum consenserint consultatio fiet per vota secreta, rationibus prius hinc, & inde discussis, & quod tres ex quinque deciderint executioni mandabitur: In grauioribus etiam quandoque negotiis adhuc duo, vel etiam quatuor ex grauioribus patribz poterunt aduocari, qui in hoc casu suffragium ferant: In his autem sicut, & in aliis Capitulis vocalium, sicut etiam in Capitulo de discreto scrutabuntur suffragia cum Priore duo Patres Consilij professione antiquiores.

§. 3.

In bonis emendis, vel alienandis quæ præter triginta aureorum excedant, vnica ballotatio non sufficiat, sed ipsa die postera reiteretur, & quod hac secunda vice fuerit conclusum executioni mandetur; seruata tamen forma, quæ in Bulla scælicis recordationis Gregorij decimi tertij, & Urbani octauj præcipitur, & continetur quoad bonorum stabilitum alienationem.

§. 4.

Tamen si Prior pro sumptibus ordinariis, & simpliciter necessariis, victus, & vestitus quibus ratione officij sui, & vi præsentium statutorum
sibi

sibi subditis debet providere, illorum consensum habere non teneatur; pro maiori tamen œconomia consilium eorum non negligat, & si præterea ad aliquos extraordinarios sumptus extēdere se voluerit, si tres aureos excedant in vno mense consensum eorum per vota secreta habere tenebitur, sub pœna suspensionis ab officio, & horum trium aureorum rationem reddere tenebitur coram præfatis Patribus.

§. 5.

Sic non poterit sine ipsorum consensu, exemptionem aliquam notabilem concedere fratribus sibi subditis, rem aliquam Monasterij quæ sit consideratione digna mutuo dare, vel apud quicumque extra Conuentum deponere, nec etiam extraneorum deposita intra Monasterium recipere; viridarium, hortum, vineam, vel simile quid plantare, neque alicuius momenti arborem euellere.

§. 6.

Item sine ipsorum consensu non poterit debitum aliquod contrahere vltra decem aureos, pro debito verò excedente aureos centum, vel in bonis Conuentus alienandis, distrahendis, impignorandis, vel commutandis circiter centum aureis appretiatis, vltra præscripta à sacris Constitutionibus, seu Decretis Apostolicis, non illorum tantum, sed etiam Prouincialis consensus haberi debet sub pœna priuationis ab officio, & vtraque voce per biennium quod etiam irritum sit, nisi à Diffinitorio generali approbetur.

§. 7.

Interdicimus etiam Priori sine consensu corundem

rundem Patrum processum aliquem iudicarium formare, aut litem incipere. In processibus verò maioris momenti etiam consensum Prouincialis, imò & Diffinitorij Capituli Prouincialis, aut intermedijs, si res sit maximè notabilis interuenire volumus, sub eadem priuationis pœna.

§. 8.

Præcipimus præterea vt in omnibus formatis Conuentibus sit Archiuum in quo scripturæ, contractus, & omnia iura ad Conuentum pertinentia tutò conseruentur, & hoc tribus clauibus sit clausum, vnâ habeat Prior; alteram subprior, tertiam primus Patrum Consilij; & in eius absentia secundus, & sic de cæteris, in eodem etiam Archiuo referuabuntur pecuniæ eleemosinariæ, & aliæ: quando autem eas extrahere necessarium fuerit, id fiet per commissum, vel in eius absentia per alium deputatum iuxta paragraphum tertium capitis quinti primæ partis, præsentibus Priore, Subpriore, & primo Patrum Consilij, & notantibus summam extractam in libro ad hoc deputato, & illic referuato: de qua summa expressa dictus commissus, vel alius deputatus Priori, & Prior Patribus Consilij rationem reddat, vt supra dictum est in capite de Priore, qui autem præsumpserit sine licentia præfatorum ab hoc Archiuo quidquam subtrahere pœnæ præscriptæ subiaceat in capite septimo paragrapho decimo.

§. 9.

Denique quemadmodum Prior in initio sui regiminis bonorum mobilium sui Conuentus inuentarium suscepisse debet, ita cum ipse ad Capitulum

tulum proficiscitur, vel alio quocumque modo cedit officio, vel suspenditur ab ea coram Patribus Consilij eorundem bonorum rationem, & inuentaria reddere tenebitur, sub pœna priuationis vtriusque vocis per biennium.

§. 10.

Curabit etiam Prior initio sui biennij, vt eligantur per vota secreta ab omnibus vocalibus sui Conuentus duo ex illis in examinadores, qui sint scientia, & pietate maximè commendabiles, & hi poterunt etiam esse ex Patribus Consilij, vel Subprior localis.

§. 11.

Ad officium examinerum pertinet vnà cum Priore examinare quoad scientiam eos qui fuerint ad aliquem sacrorum ordinum, & ad Confessionis, vel prædicationis munus promouendi, & eorum officium ad instar Patrum Consilij biennium durabit: & si aliquis ex duobus examineribus intra biennium mortuus, priuatus, vel in aliam familiam translatus fuerit de alio prouidebitur à vocalibus, & inter duos examinadores primus semper erit professione antiquior. In Conuentibus autem studiorum examineris munere lectores fungentur.

§. 12.

In Conuentibus adhuc imperfectis, in quibus præter Superiorem tres tantum vocales, vel pauciores de familia fuerint, illi tres; vel pauciores fungentur officio Patrum Consilij, nec non examinerum, nisi in hoc casu Prouincialis talem examinationem, sibi vel patribus deputatis reservare voluerit.

§. 13.

§. 13.

Examen autem quoad scientiam fiet semper ab examinаторibus tūm natis, vt infra dicetur paragrapho decimo sexto, tūm electis in præsencia omnium vocalium quorum erit postea iudicare, tūm de scientia, tūm de moribus, & pro vtroque simul vnica ballotatione approbare, vel reprobare, eo prorsus modo quo præscriptum fuit in secunda parte capite de sacris ordinibus, paragrapho secundo.

§. 14.

Vocalium omnium officium est ad Capitulum Conuentuale signo consueto conuenire, & ibi suffragari in iis in quibus statuta eorum consilium, aut votum requirunt. Vocales autem sunt omnes Sacerdotes triennales, qui etiā si non sint de familia, imò nec de prouincia: tamen si per integram hebdomadam in Conuentu remanserint cum Superiorum licentia: sicut Capitulis culparum interesse debent; ita, & poterunt interesse Capitulis Conuentualibus, vt dictum est in capite de viatoribus: illo excepto in quo Discretus eligendus est; pro hac enim electione seruari debent, quæ alibi dicuntur.

§. 15.

Vicarius generalis, & Prouincialis quandoque Conuentuum Capitulis, Consiliis, & ballotationibus interesse voluerint semper præsdebunt, imò Prior dum res aliqua grauis, & extraordinaria in consilium cadet, vel dum aliqua approbatio, vel electio facienda erit, ipsos prius vel paulò ante Capitulum admonebit; tūm vt mentem eorum audiat (si opus fuerit), tūm

etiam vt ipsi de re facienda admoniti, audito Capituli signo accedant (si ita expedire iudicauerint) & tunc ipsis præsentibus, & præsidentibus, Prior erectus cum reuerentia, & honore Vicario generali, vel Prouinciali rem agitandam proponat his terminis admodum Reuerende Pater offert se talis ballotatio facienda pro qua Capitulum conuocauit si ita libuerit suæ Reuerentiæ, & tunc Vicarius generalis, vel Prouincialis ibi præsident (si velit) aliquam rei informationem petet; & postmodum cæteris patribus proponet: vt procedatur, audiendo ante ballotationem rationes vniuscuiuscumque (si opus fuerit.)

§. 16.

Duo Procuratores, & Assistentes generales in omnibus Conuentibus Congregationis etiam si ibi sint tantum per modum transitus, omnibus consiliis, examinibus, & Capitulis Conuentualibus interesse poterunt, & sunt tanquam Patres Consilij, & examinatores nati: Ita tamen consiliis, & examinibus intererunt; vt ipsis, & aliis quibuscumque præsentibus semper, & simul cum illis suo vtantur iure tres Patres Consilij, & duo examinatores electi in consulendo, examinando, & suffragando. Vt autem omnes supradicti ad Capitulum accedere possint. Prior sub pœna nullitatis illud semper solito Campanæ signo conuocare debet; & in loco aliquo ordinario, & honesto ad hoc semper destinato cum imagine, tabula, tapete, scrutinio, ballotulis, constitutionibus, & aliis necessariis: & si quis ex vocalibus abfuerit, per vltimum qui tunc adest aduocetur.

CAPUT XXI.

*De Discretis, & aliis qui ad Capitulum
generale Congregationis, vel
Prouinciale deputati sunt.*

§. I.

PRæter eos qui ad Capitulum generale, siue Prouinciale iure officij accedere debent vt suffragentur; sunt, & alij quidam deputandi à Prouinciis pro Capitulo generali, vel à Conuentibus pro Capitulo Prouinciali, vt virtute illius deputationis, Prouinciarum, vel Conuentuum nomine in his suffragentur; & tùm Prouinciârum, tùm Conuentuum, tùm fratrum peculiariū litteras, & necessitates exponant: & ideo tenebitur Prouincialis significare Conuentibus locum residentiæ discreti ad Capitulum generale deputati. In qualibet itaque Prouincia in Diffinitorio Capituli Prouincialis, aut intermedij (si istud præcedat immediatè Capitulum generale) eligentur vnus Diffinitor, vnus Superior localis, qui non sit de corpore Diffinitorij, & vnus discretus assumendus ex simplicibus vocalibus, qui (in quantum fieri poterit) sit, aut fuerit lector. Isti autem ad Capitulum generale accedant cū Prouinciali suffragaturi. Si quis verò ex deputatis ante tempus Capituli generalis è vita discederet: Præcipimus Prouinciali vnâ cum Diffi-

nitoribus, vt petita licentia Vicarij generalis de altero prouideant.

§. 2.

In Capitulis etiam vocalium cuiuslibet Conuentus eligeretur ab omnibus vocalibus vnus discretus, qui Capitulo Prouinciali vnà cum Priore suffragentur, & ideò teneantur Prouinciales prouidere de vocalium eligibilium numero sufficienti ad electionem Discreti in Conuentibus in quibus est Prior, & Subprior, in hospitiiis verò iuxta commoditatem Conuentus, & possibilitatem Prouinciæ. Eligantur autem per vota secreta, seu schedulas, ita vt canonicè censeatur electus in Diffinitorem, Priorem, aut Discretum Capituli generalis, aut Prouincialis, in quem plura suffragia conuenerunt. Electio discreti non fiat nisi sint tres vocales eligibiles. Eligibiles autem non sint pro officio Discreti, licet possint esse eligentes, qui iam iure alicuius officij vocem habere debent in Capitulo Prouinciali.

§. 3.

Vicarius generalis, Procuratores, & Assistentes generales, & Secretarius Congregationis vocem actiuam habebunt in vna tantum electione Discreti in quocumque Conuentu Congregationis, etiam si ibi non fuerint per quatuor menses. Idem sit iudicium de Prouinciali in quolibet Conuentu Prouinciæ, in quo etiam coniunctim cum Prouinciali suffragabitur socius eius etiam si non fuerit ibi per quatuor menses: Suffragaturus verò in altero Conuentu quam Prouincialis non nisi ad instar aliorum vocalium.

§. 4.

§. 4.

Tempore quo eligentur Discreti Conuentuales Vicarius generalis, & Prouinciales in eo Conuentu commorabuntur in quo pro tali electione cupiunt suffragari; ab aliis autem tempore electionis se absentabunt.

§. 5.

Ex cæteris vocalibus Conuentualibus in hoc Capitulo de electione Discreti nullus poterit habere vocem actiuam, nec passiuam, qui per quatuor menses ibi non fuerit commoratus, nisi fortè Capitulum Prouinciale anticipari contingerit; tunc enim in Conuentu in quo erunt etiam à breui tempore modo sint de familia suffragabuntur. Illi autem censentur de familia, qui ad aliquem Conuentum missi sunt, sine mandato reditus in obedientia expresso. Si autem non sint de familia, statim post receptionem litterarum Prior illius Conuentus in quo sunt prouidebit eis virtute præsentium statutorum de socio non vocali, vt ad familiam pergant. Vt autem ibi sint ante electionem factam; præcipimus, vt semper saltem triginta diebus ante celebrationem Capituli Prouincialis moneantur Conuentus de anticipatione eius, nec si desit aliquis de familia fiat electio Discreti, nisi saltem post decem dies integros à publicatione anticipationis; quo tempore monebuntur, & vocabuntur absentes. Si verò Capitulum Prouinciale non anticipetur quatuor mensibus ante electionem Discreti nullum vocalem de vna familia in aliam transmutare poterit; post electionem verò mutabit ad libitum.

§. 6.

Discretus Conuentualis fiet in hunc modum, octo saltem diebus antequam à Conuentibus suis recedant ad Capitulum profecturi, vniuersis fratribus à Priore Capitulariter congregatis inuocabitur Spiritus Sancti gratia per hymnum. *Veni Creator, &c.* cum suo versu, & oratione Beatæ Mariæ Virginis, *Defende*, & versu cum oratione Sancti Patris Augustini. *Adesto Domine supplicationibus, &c.*

§. 7.

Deinde egressis non vocalibus legatur Caput de electionibus in genere cum præceptis ibi contentis; & postmodum vocales iuramentum præstent super sancta Dei Euangelia de secreto seruando, & non eligendo in discretum nisi quem in conscientia crediderint ad hoc aptiorem, & incorruptibiliorem, & omnis practicæ, & subornationis inimicum, & in hac electione scrutabuntur suffragia, qui supra assignati sunt: quod si aliquis cuiuscumque conditionis sit, huic electioni quocumque prætextu se opponat modo supradicta seruentur. Per Priorem localem incarcerationitur donec per Capitulum Prouinciale fuerit aliter determinatum.

§. 8.

Discretus electus, & à Priore Conuentus confirmatus, hora qua sibi videbitur congregabit omnes vocales Conuentus, præter Priorem, breuiterque hortabitur vt vnusquisque referat, quæ operè prætium fuerit Diffinitorio proponere: deinde quilibet incipiendo à postremis proferet ea quæ sibi occurrerint talia cum argumentis, & rationibus

tionibus (si visum fuerit :) pro tempore tamen nulla conclusio fiet , sed solum nudæ propositiones , vt ab vnoquoque examinentur ; & postmodum egredientur omnes.

§. 9.

Post spatium verò trium dierum, iterum iidem vocales congregabuntur , & dictis hymno , & orationibus , vt supra ; proponenda iterum ab vnoquoque proferentur in medium & rationibus hinc, & inde discussis, fiet conclusio per vota secreta , siuè ballotulas , & ea quæ sic à maiori parte digna iudicata fuerint , vt diffinitorio deferantur registrabuntur in litteris , quæ postea à Discreto ad dictum Diffinitorium deferantur.

§. 10.

Quod si Subprior localis in Discretum electus fuerit , antequam præfati vocales à loco Capituli discedant immediatè post electionem Discreti eligetur Vicarius qui præsit Conuentui vsque ad noui Prioris aduentum : quod similiter faciet ei qui debet regere Conuentum quotiescumque aberit vltra viginti quatuor horas.

§. 11.

Si Prior aliquis infirmitate, vel alio iusto impedimento detentus ire non possit ad Capitulum, præter ea quæ dicta sunt supra in capite septimo, paragrapho secundo, Discretus illius, sigillum deferet Diffinitorio cum litteris quibus petat humiliter absolui , & causam suæ absentix , & statum sui Conuentus repræsentet , & ipse interim cum solita authoritate , & loco solito Conuentum regat.

Discreti Conuentuum pro Capitulo Prouinciali, secum ferent nomina, & cognomina, qualitates & officia omnium, & singulorum Religiosorum Conuentus tam viuorum, quam etiam defunctorum ab vltimo Capitulo, nec non etiam benefactorum. Discreti verò tùm Prouinciarum, tùm Conuentuum ferent duas litteras, quarum prima Diffinitorio generali, aut Prouinciali consignabitur, & eius forma talis erit. *Admodum Reuerendi Patres nos infra scripti gremiales Diffinitorij Prouincialis (aut intermedij) fratrum discalceatorum Sancti Augustini Prouincia talis N. vel nos infra scripti vocales huius Conuentus N. vel Patres Diffinitorij huius Prouincia notum facimus paternitatibus vestris quatenus Pater N. iuxta Congregationis statuta per eos ad quos pertinebat electo Discreti, electus fuit in Discretum eiusdem Prouincia (vel Conuentus) tali die N. talis mensis huius anni N. cui quidem authoritatem & potestatem damus quam cœteri Discreti eiusdem Prouincia (vel Conuentus) habere consueuerunt in Capitulis nostra Congregationis (vel Prouincia :) proponere verò, vel procurare nomine istius Prouincia (vel Conuentus) coram Paternitatibus vestris nihil poterit prater ea quæ sequuntur.*

Videlicet pro reformatione, vel utilitate Congregationis, (aut Prouincia) si Paternitatibus vestris visum fuerit : scilicet quod, &c. Quod verò attinet ad Prouinciam istam vel Conuentum istum in particulari, tanquam legitimus, & sufficiens procurator nostrorum omnium nomine ea quæ sequuntur efficaciter

efficaciter, & de facto procurabit, cui gratam audientiam præstare, & postulata concedere pro sua benignitate dignentur; ea autem sunt videlicet, &c. In fine autem addetur. Siquid autem præter hac que dicta sunt nomine istius Prouinciæ (vel Conuentus) postulauerit ne eius postulationi quouis modo satisfiat humiliter supplicamus paternitatibus vestris, quibus nos, & istam Prouinciæ, seu (istum Conuentum) intimè commendamus. Si autem nihil velint petere facta simpliciter fide electionis (vt supra) dicatur statim: si quid autem nomine istius Prouinciæ (vel Conuentus, &c. Postea subscribant gremiales, & litteræ claudantur; ac sigillo Prouinciæ (seu Conuentus) muniantur: superscriptio verò sic habeat.

§. 14.

Admodum Reuerendis in Christo Patribus Disfinitorijs Capituli generalis Congregationis (vel Prouinciæ N.) fratrum Eremitarum Discalceatorum ordinis Sancti Augustini proximè celebrandi in Conuentu nostro N. atque hæ litteræ sic subscriptæ, clausæ, & sigillatæ consignabuntur inter manus Discreti, præter quas litteras si quis etiam ex non vocalibus Capitulo scribere voluerit, (quod tamen non nisi rarò, & cum maxima necessitate fieri debet) has etiam litteras discretus ferrè teneatur.

§. 15.

Secunda littera sicerit in forma patenti per modum obedientiæ, quæ fidem faciat ritè eos electos esse in Discretos cuius tenor erit vt supra. *Admodum Reuerendi Patres, &c. vsque ad verbum proponere exclusiue; quàm litteram suo tem-*

pore tradent Vicario generali, & Assistentibus, (siuè Prouinciali & Diffinitoribus) nec non iudicibus causarum examinandam, cui Præsident Diffinitorij vel Prior Conuentus, & cæteri vocales subscribent, & sigillum Prouinciæ (vel Conuentus) apponent in inferiori parte; sed eam nequaquam claudent: hæc vltima littera dabitur etiam proportionaliter eadem in forma etiam patenti, non tantū Discretis Prouinciarum, sed etiā Diffinitoribus, & Prioribus pro Capitulo generali deputatis, vt fides fiat deputationis.

C A P V T XXII.

De Superiorum sigillis, & litteris.

§. 1.

VT vera Superiorum nostrorum: sigilla à falsis dignoscantur. Illa sic præscribimus: sigillum Vicarij generalis tam maius, quam minus continebit in se Imaginem Sancti Patris Augustini Episcopi, cum Pluuiiali, mitra, Cuculla ordinis, & corrigia simul, & cum baculo pastoralis in manu dextera; & Ecclesiam in sinistra cum hac circumscriptione. *Vicarius generalis fratrum Discalceatorum Sancti Augustini Congregationis Galliarum.*

§. 2.

Quotumcūque aliorum Superiorum sigilla continebunt figuram Sancti Patris Augustini habitu Monachali induti, vnā manu portantis Ecclesiam, & altera cor sagitta transfixum cum
cir

circumscriptione officij vniuscuiusque.

§. 3.

Hi autem sunt Superiores, quibus post Vicarium Generalem hæc sigilla concedenda sunt; scilicet duobus Procuratoribus, & Assistentibus generalibus, Prouincialibus, omnibus Superioribus localibus. Prouincialibus autem duo sigilla concedantur, minus scilicet quod est illis commune cum cæteris officialibus pro sigillandis litteris, & aliis ad officium spectantibus, ita tamen vt maius sigillum Prouincialis minus sit sigillo Vicarij generalis.

§. 4.

Cæteris fratribus nostræ Congregationis priuata quæcumque sigilla interdiciamus sub pœna culpæ grauioris. Omnibus autem supradictis quibus sigilla conceduntur, conceditur etiam litteras scribere, & à quocumque scriptas recipere, & legere sine cuiusquam subscriptione, & licentia.

§. 5.

Nullus omninò cuiuscumque gradus, & conditionis sit Vicarij generalis, duorumque Procuratorum, Assistentium generalium, & Prouincialium litteras, siuè ab eis scriptas, siuè ab aliis ad eos missas malitiosè aperire, legere, retinere, retardare, aut falsificare præsumat, alioquin pœnæ grauissimæ subiaceat, & ipso facto excommunicationem incurrat. Idem, & sub eadem pœna interdicitur inferioribus Conuentualibus pro litteris Superiorum suorum localium; qui tamen suorum inferiorum litteras legere, & retinere potèrunt, modo ad Vicarium generalem, Prouincialem & alios

alios supra nominatos non dirigatur; aut ab illis ad inferiores scribatur: unicuique enim ad eos scribere, & ab eis scripta legere præfenti Constitutione permittitur.

§. 6.

Nullus iuxta regulam litteras siue à Religiosis, siue à secularibus scriptas legat, & aperiat, nec à se scriptas mittat sub pœna graui, aut grauiori, sine licentia Superioris, qui missas leget, & mittendas præleget, ac sigillo Conuentus sigillabit tanquam de eis rationem redditurus: ac præterea si ad Religiosos dirigantur ipsis subscribet.

§. 7.

Demum etiam præcipimus ne vllus inferior alterius inferioris, nec Superior fratrum sibi non inferiorum litteras retineat, legat, aut aperiat, qui contrafecerit puniatur pœna grauiori.





QVARTA PARS CONSTITVTIONVM.

De Correptione culparum.

C A P V T I.

De visitationibus.

§. I.



RÆTER ea quæ dicta sunt de correctione fraterna in secunda parte capite septimo, vt nullius delicta maneant impunita visitationes statuimus ; in quibus non tantum Inferiores , sed & præcipuè Superiores ipsi, tum de vita, tum de regimine corrigantur (si fortè deliquerint.) Ac primò Reuerendus admodum Vicarius generalis personaliter totâ Congregationē visitare saltē semel in triennio teneatur : verumtamen visitationem incipiet sex mensibus post visitationem Provincialis faciendam primis sex mensibus sui biennij.

§. 2.

Vicarius autem generalis visitandi gratia aliquis Prouinciæ limites ingrediens Prouincialem de aduentu suo admonabit; & de Conuentu in quo ipsum visitare desiderat, vt ex tunc nullum Patrem Prouinciæ de familia mutet. Hunc autem modum seruabit cum ad visitandum proficiscetur secum assumet Congregationis Secretarium, & saltem duos ex Assistentibus generalibus quorum consilio vteretur. Cum Assistentium præsentiam sibi pro re aliqua graui, aut negotiis occurrentibus prouiderit esse necessariam poterit eos secum ducere, vel ad se vocare. Cum autem ad Conuentum peruenerit, eo tempore quo libuerit, & consueto Campanæ signo fratres omnes capitulariter congregabit, & genibus flexis incipiet hymnum *Veni Creator Spiritus*: cæteris illum alternatim prosequētibus: quo finito addet *Kyrie eleison &c. Pater noster. & inemento nostri Domine in &c. &c. Visita nos in salutari tuo. Domine exaudi, &c Dominus vobiscum, &c. Oremus. Deus virtutum cuius est totum: quod est optimum, insere pectoribus nostris amorem tui nominis, & presta in nobis Religionis augmentum, vt qua sunt bona nutrias, ac pietatis studio, qua sunt nutrita custodias. Per Christum Dominum nostrum. Amen.*

Deinde breui sermone hortabitur fratres ad perfectionem Monasticam, & morum reformationem, ac præterea instruet eos de pertinentibus ad actum visitationis, præcipuè, ne quis in præiudicium correctionis Euangelicæ peccata alterius occulta aperiat, & deregat, & ne deponat friuola,

friuola, & inutilia, vel alias debite correcta: & & ideo vel iubeat eis antequam ad visitationem accedant legere quæ de correctione fraterna dicuntur supra in secunda parte, capite septimo, paragrapho primo, secundo, & tertio; & quarto; vel tunc præcipiat Secretatio legere in ipsemet Capitulo quatuor illos paragraphos, & lectos explicet; deinde per Secretarium ferat, & legat sententiam præscriptam.

§. 4.

Frater N. Vicarius generalis fratrum Eremitarum Discalceatorum Sancti Augustini vos omnes, & singulos Patres, & fratres huius Conuentus N. eiusdem Congregationis, ac voti, hortor ac moneo primo, secundo, & tertio, & precipio vobis in virtute Spiritus Sancti, & per meritum salutaris obedientia quatenus remotis odio, amore, timore, pretio, & precibus dicatis nobis quantum in Domino poteritis veritatem in omnibus de quibus à nobis requisiti & interrogati fueritis, & insuper aperiatis nobis quidquid notabile scineritis, vel audieritis de Reuerendo Patre Prouinciali; Priore, vel alio quocumque fratre, quod tolerari non debeat: quod si quis vestrum hoc præsens mandatum obseruare contempserit ex nunc pro ut ex tunc eum excommunicationis vinculo innodamus, lecta, & lata fuit hæc sententia Anno Domini N. die N. mensis N. in Capitulo Conuentus N.

§. 5.

Postea prosequatur: hæc autem sunt de quibus ex nunc pro ut ex tunc vnumquemque vestrum à nobis requisitum, & interrogatum esse volumus. Si in hac Prouincia, & Conuentu à
Prouin

Prouinciali, à Priore, & cœteris fratribus (prout par est) mandata Dei obseruantur & custodian-
 tur. Si diuinum officium ; tam diurnum, quam
 nocturnum debite secundum Ecclesiæ ritum de-
 uotè , & distinctè persoluitur. Si orationibus
 mentalibus, & aliis exercitijs diligenter assistitur.
 Si res sacræ cum debito honore, & reuerentia ab
 omnibus tractantur. Si fratrum infirmorum
 cura debite suscipitur. Si hospites pauperes iuxta
 Conuentus possibilitatem recipiuntur, atque tra-
 ctantur. Si fortè votum paupertatis obedientiæ
 & castitatis ab aliquo violatum est. Si in collo-
 cutione cum mulieribus statutorum forma ob-
 seruatur. Si aliquis frater nimia familiaritate
 mulierum notatur. Si quotidiani fratrum ser-
 mones honesti sunt , & modesti. Si quis fortè
 aliquem sollicitauit ad effectum electionis facien-
 dæ de se, vel alio ad officium aliquod in Congre-
 gatione nostra obtinendum. Si Ecclesiæ ieiunia,
 & Congregationis nostræ infringantur. Si soli-
 tudo, & silentium locis , & temporibus constitu-
 tis excoluntur. Si fratres extra Monasterium missi
 impunè ad alia loca , vel personas se conferant,
 quàm ipsis fuerint à Priore specificata , atque
 concessa. Si prior Capitulum de culpis tenet suo
 tempore. Si aliquis pacem publicam Conuentus
 sæpius perturbare conetur. Si quis admonitus
 offensam fratri suo remittere recusauerit , vel ei
 loqui noluerit cum scandalo aliorum. Si Theo-
 logiæ moralis conferentia ex negligentia defera-
 tur. Si litterarum studia debite foueantur. Si Su-
 periores , vel subditi præceptum suorum Supe-
 riorum obedientiam, vel quoduis aliud punctum
 notabile

notabile præsentium statutorum, diffinitionum, & ordinationum nostrarum impunè transgressi fuerint, vel transgredi fecerint, aut permiserint etiam in minimis ne ad maiora labantur. Deinde præcipiat vt vsque ad finem visitationis nullus tum Superior, tum Inferior extra Conuentum egrediatur, sine expressa sua licentia pro qualibet vice.

§. 6.

Hinc visitationem suam incipiet, & in primis alba indutus & stola cum duobus cantoribus superpelliceum habentibus, accensis omnibus candelis cum omni reuerentia, & honore visitabit coram omnibus fratribus Sanctissimum Eucharistiæ Sacramentum, & sepulturam fratrum iuxta pontificale Romanum. Deinde Prior porriget illi in charta omnium, & singulorum fratrum nomina cum eorum officiis, & qualitatibus quos ordine, quo sibi videbitur per fratrem aliquem fidelem coram se aduocare faciat, alternatim, vt ea quæ sibi in conscientia, & veritate iudicauerint visitatione, & correctione digna, in scriptis deponant, & propria nominis sui subscriptione confirmant, qui dicet se nihil habere depositione dignum, hoc ipsum subscribet nomine suo; cauebit Secretarius nè fratres inter scribendum aliorum depositiones legere possint.

§. 7.

Qui fratrem aliquem iudicialiter accusauerit ex sola Suspensione, & in probatione defecerit, poenam subibit talionis: poterit tamen aliquis non per viam accusationis, sed denunciationis admonere Superiorem, non tanquam iudicem,

sed tanquam patrem de alicuius defectu , etiamsi illum legitime probare non possit , nihil aliud intendens quam ipsius fratris salutem , vt saltem , qui creditur delinquens in secreto moneatur vt caueat impofterum.

§. 8.

Nulla autem modo aduocentur , vel audiantur falsi testes , falsi accusatores , detractores , maledici , vino subditi , Infames , & similes scilicet qui tales per Capitulum aliquod aut in aliqua visitatione iudicati , & condemnati fuerint , similibus enim testimonium nihil omnino valere volumus imò tales de facto voce priuamus actiua , & passiuam quousque per aliquod Capitulum , aut Diffinitorium generale fuerint famæ pristinae restituti.

§. 9.

Iuxta etiam indultum Apostolicum non requirimus vt ordinis nostri Visitatores , & alij Superiores in Iudiciis , & sententiis suis procedant secundum apicem iuris , sicut in forensi loco fieri solet , sed simpliciter , & de plano sola rei veritate inspecta secundum confessa , vel sufficienter probata , caueant tamen ne sine plusquam legitima causa contra charitatem licere sibi putent propalare sibi commissa , & credita peccata.

§. 10.

Si frater peccatum aliquod commiserit de quo sit graue scandalum apud sæculares , neque aliter sufficienter probare possit , poterunt super hoc recipere testimonium sæcularium personarum , de quibus non sit suspicio odij erga ordinem , vel dictum fratrem.

§. 11.

§. 11.

Visitationibus personalibus peractis sacrificium visitabit, & eius tum inuentaria, tum obligationes inspiciat, & si communibus Missarum obligationibus, (vt par est) satisfat, & cauebit quod oleum infirmorum, Reliquiæ Sanctorum, vasa, sacra, & ornamenta quælibet debite conseruentur. Visitabit etiam librariam, vestiarium, & cœtera Conuentus officinas inspectis omnium Inuentariis: Postea visitabit, & ipsum depositum, legetque librum accepti, & expensi, vt puniat si quid de bonis Conuentus male insumptum fuerit, Conuentus quoque libros, & librum Prouinciæ in quibus si quid repererit, correctione dignum delebit, quibus, & omnibus Inuētariis subscribet cum terminis approbatoriis si fuerint in statu debito. Demum visitabit ipsas cellas fratrum à quibus etiamsi expedire iudicauerit visitationem incipiet nè aliquid necessarium ibi desit, aut aliquid superfluum, aut irreligiosum adsit, si etiam pia fratrum consolatio expedire iudicauerit, singulos priuatim alloquetur, & de cuiusque spiritu, & talento periculum faciet, ac etiam de litterarum progressu, & singularem visis, & auditis necessitatibus se pium omnibus patrem exhibebit.

§. 12.

Ex his autem omnibus supradictis Vicarius generalis statum Conuentus facile perspiciet, & præcipiens ipse, vel habito consilio Assistentium (si secum habuerit;) faciet ordinationes, & formabit sententias quas expedire iudicauerit, easque per secretarium suum scribet, tum in li-

bro Conuentus , tum in libro suo ad hoc deputato à Diffinitorio Capituli generalis suo tempore exhibendas , vt alibi iussum est.

§. 13.

Post hæc Vicarius generalis iterum omnes fratres capitulariter congregabit pro audiendis eorum culpis ; antea tamen breuem aliquem discursum habebit de obseruantia necessitate , & correctionis vtilitate , aut similibus , quo finito faciet publicationem ordinationum quas Conuentui præscribere voluerit , postmodum dicet agamus de culpis , & tunc Prouincialis , Superiores , & officiales generales (si ibi visitentur) surgent alternatim de loco , & in medio Capituli successiuè genuflexi , & prostrati accusabunt se humiliter de defectibus commissis , nec se prius erigent quam ab illo iussi fuerint , & interim totus Conuentus stabit erectus , & visitans corrigit vnumquemlibet , imò , & sententiam legi faciet , si quæ ipsi formata fuerit propter delicta ; si tamen reus inueniretur culpæ notabilis , & diffamatoriæ paucis tantum notæ , coram ipsis tantum de hac peculiari culpa , ante , vel post visitationem corrigitur. Idem sit iudicium de quolibet alio ex grauioribus patribus , pro vitando minorum scandalo , & seruanda eorum bona fama.

§. 14.

Deinde sedentibus supradictis cæteri Sacerdotes ordinatim , & post eos fratres omnes professi dicent publicè culpas suas nemine prorsus exeunte , & si quæ sententia alicui legenda sit , legetur ei dum dixerit culpam suam cum breui aliqua correctione ,

etione , & exhortatione, si sententia sit grauis, vt libentius eam acceptet. Audita verò omnium culpa , absolutio generalis , vt in officiis ordinis continetur fiet , & soluet Capitulum dicendo. *Sit nomen Domini benedictum.*

§. 15.

Præfatus etiam visitandi , & iudicandi modus cum cæteris supradictis de Vicario generali seruetur à Prouinciali , & eorum Commissariis cum proportionem officij, & authoritatis alibi expressæ. Non tamen commissarij huiusmodi in Prouinciis , aut Conuentibus , (vbi Commissarij facti sunt) aggrediantur quidquam, nisi prius commissionis litteras coram omnibus capitulariter perlegi fecerint à Subpriori Conuentus : postquam lectionem Prior , & cæteri omnes successiue cedent eis primum locum, & manum eius dexteram deosculabuntur , & exinde obedient eis iuxta authoritatem in commissione eis traditam, teneatur autem Prior statim ad illorum requisitionem dum ostenderint illi sigillum , & superscriptionem litterarum publicè legendarum fratres congregare capitulariter sub pœna suspensionis ab officio ipso facto incurrendæ , & ex tunc Subprioris erit Conuētum regere, & Capitulum congregare.

§. 16.

Visitator generalis autem ex officialibus generalibus in visitatorem Congregationis à Capitulo generali deputatus, visitationis tempore omnes (præter Vicarium generalem) loco præcedens, cum omni diligentia , maturitate , & æquitate commissum sibi visitationis officium studeat exercere , ac sollicitè caueat , nè alios visitando

quidquam faciat, vel omittat, quod postea in eius congrua animaduersione inueniatur corrigendum. Omnes Conuentus intra sex menses ante celebrationem Capituli generalis, cum Secretario, alterius Prouinciæ à Diffinitorio generali sibi assignato visitabit, & tunc si destinatum esset tempus visitationi Prouincialium, ab ea abstinebunt, & vsque post Capitulum generale different, fratrumque omnium tam Inferiorum quam Superiorum præter Vicarij generalis culpas, & excessus secundum Congregationis statuta audiat, & corrigat, & tam in spiritualibus, quam in temporalibus Congregationem reformare, & ad debitum modum viuendi redigere conetur, eodem prorsus modo, & cum eadem autoritate qua supra de visitatione Vicarij generalis dictum est.

§. 17.

Si quis autem cuiuscumque conditionis, & dignitatis quouis prætextu, aut quæsito colore inobediens ipsius mandatis repertus fuerit poena patiatur, quæ debetur iis qui Vicario generali sunt rebelles.

§. 18.

Quod si Vicarium generalem in aliquo Conuentu inuenerit, non poterit dictus Vicarius generalis eum à visitatione prohibere, nec vltro de visitatione in aliquo se intromittere: ille autem, & si ab vno quoque fratre inquirere in particulari debeat, si fortè sciat aliquid, vel audierit de Vicario generali quod tolerare non deceat: de correctione tamen non se impediat, nec de suis culpis, vel vnum verbum loquatur in Capitulo.

tulo Conuentus , sed eas fideliter. Diffinitorio Capituli generalis præsentet si sibi relatæ fuerint.

§. 19.

Omnia autem per dictum visitatorem statuta, & ordinata tam quoad motum reformationem, quam quoad pœnitentias iniunctas firma , & immobilia permanebunt ; nec Vicarius generalis ea poterit mutare , minuere , vel alterare, idem per visitatorem de præceptis, statutis , & pœnitentiis à Vicario generali iniunctis omninò obseruari volumus , & mandamus.

§. 20.

Deponere tamen vel absolvere Prouinciales, Diffinitores , Priores , aut Vicarios Conuentum ab officiis minimè poterit , sed tantum si expedierit suspendet : cœteros a utem necessitate exigente deponet , vel absoluet.

§. 21.

Nec villo modo patiaturs in aliquo hospitio quantumcumque minimo ceremonias illas , & sanctas institutiones negligi , ac præteriti, quarum obseruantia de multitudine fratrum minimè dependet: vt sunt (verbi gratia) contemplationes, disciplinæ, silentium, ieiunium, Capitulum, Confessio, Communio, & cæteræ huiusmodi, quæ sic à paucis , sicut à multis obseruari possunt. Quoniam autem tempus infra quod debeat necessarias inquisitiones facere, limitare non potest, sufficit, vt cum sollicitudine fratres vocare faciat, atque audiat, imò antè , & post prandium quotidie visitationis officium exerceat , vt quam primum se expediat : quod si in aliquo Conuentu

visitatione facta ultra tres dies moram trahere voluerit ad solitum in Congregatione locum redeat, & semper cum magna reuerentia ab omnibus honoretur.

§. 22.

Reuerendissimus Pater generalis totius ordinis S. P. N. Augustini semel in quolibet sexennio personaliter tantum, & cum interuentu, & consilio Primi Assistentis generalis eiusdem Congregationis, & non alias, nec vlllo alio tempore prædictam Congregationem Discalceatorum visitare, corrigere, & castigare poterit, iuxta tamen eorum Constitutiones, & instituta quibus derogare nullo modo possit, neque ipsis Discalceatis vllam exemptionem, aut libertatem concedere, sed illorum transgressores castigare, ac poenis in eisdem Constitutionibus contentis afficere, extra quam actuaalem visitationem, nec ipse Reuerendissimus Pater generalis recipiatur, nec vllus frater prædictæ Congregationis Discalceatorum ad eum appellationem, vel recursum habeat. In visitatione vtetur Secretario eiusdem Congregationis Discalceatorum & eo absente, vel impedito alius ex eadem Congregatione per Capitulum generale, vel per Diffinitorium dictæ Congregationis per vota secreta eligatur. Ad collectas, seu quasuis expensas tam Reuerendissimi Patris generalis, quam supradicti ordinis prædicta Congregatio propter eius paupertatem minimè teneatur. In visitatione vtetur paupertate, & vltu ordinario eiusdem Congregationis Discalceatorum. Cum reuerendissimus Pater generalis visitaturus accedit statim ac Conuentum ingressus

sus ad signum Campanellæ omnes fratres conuenient, & flexo genu singuli manum deosculando benedictionem ipsius accipiant, quod idem fiat quando Vicarius generalis visitaturus accedit.

C A P V T II.

De culpis, & pœnis in genere.

§. 1.

Cum præcipua pœnas infligentium intentio, debeat esse peccantium emendatio, sint Superiores in suis correctionibus alieni ab ira, & aliquando mitius, aliquando acrius cum fratribus delinquentibus agant, sicut magis in Domino viderint expedire cum dilectione hominum, & odio vitiorum.

§. 2.

Fratres verò correcti pœnitentias, sibi impositas humiliter acceptabunt, & cum emendationis proposito libenter adimplebunt, vbicumque; itaque à Superiore suo reprehensi fuerint, statim genua flectent, & silendo confiteantur humiliter culpam suam, vel saltem in re graui religiosè se excusent, nec indè surgant donec eis iussum fuerit.

§. 3.

Quia autem culpæ sunt leues, mediæ, graues, grauiiores, vel grauiissimæ, quælibet ex his debet habere pœnam sibi proportionatam (vt infra) Prior imponet per se suis subditis pœnam pro

culpa leui, media, & graui: Vicarius generalis, & Prouincialis pro grauiori: solum Diffinitorium pro grauiissima, & prohibetur tùm Priori, tùm Prouinciali, tùm Vicario generali, nè pœnas sibi permissas ad alios deferant.

§. 4.

Nulli imponetur pœna grauis nisi prius dicatur ei causa pro qua imponitur, sub pœna nullitatis cuiuscunque sententiæ secus latae. Nullus etiam sub quocunque prætextu impedire audeat inquisitionem, vel correctionem cuiuscunque Superioris sub eadem pœna quam reus subire debuisset, si de sua culpa conuictus fuisset. Nullus etiam inferior dispensare, vel absoluerè possit à pœnis per Superiores inflictis, neque facillè Superior ab impositis ab inferiore ipso inconsulto.

§. 5.

Nè autem Superiores in corrigendo modum excedant ipsis prohibetur, nè quis audeat à suis subditis veritatem alicuius delicti extorquere per supplicia, & tormenta, quæ periculum personale, & dolorem corporeum inducunt. Secundò nè dum aliquis Superior fuerit notabiliter læsus, siue in honore proprio, siue in persona condemnent eum à quo læsus est, cum non debeat esse iudex in propria causa, & ideo Prior ad Prouincialem, hic ad Vicarium generalem, & iste ad Assistentes recursum habeat, quibus omnes cuiuscunque gradus, & conditionis existant ab iis iuridicè interrogati respondere, & subscribere teneantur sub pœna Superioribus suspensionis ab officio, & cœteris pœnæ grauioris ipso facto in

incurrēdæ. Tertiò ne in rebus saltem grauioribus, vel grauissimis vnquam procedatur, nisi auditis, vel saltem citatis partibus.

§. 6.

Interdicimus etiam nè quis penes quemcumque iuxta, vel extra Congregationem nostram testimonium ferre possit, absque suorum Superiorum expressa licentia. Decernimus insuper quod si quis aliquem fratrem apud alium, quam Superiorem, vel Prælatum ordinis accusauerit ipso facto sit ab omnibus gradibus, & voce vtraque priuatus vsque ad dispensationem Capituli Congregationis. Verùm vt correctio apud nos non tantum fiat cum charitate, sed etiam cum fructu; & humilitate recipiatur; Appellationes à correctione regulari pœnitus prohibemus. Quapropter si quis à processibus, & sententiis, visitationibus & correctionibus indebitè etiamsi ad Superiorem appellauerit ex nunc prout ex tunc sic ineptè appellantem voce priuamus per triennium. Indebitè autem appellare eum dicimus, qui vel pro pœna graui vel pro defectibus legitime probatis pœnam quamlibet taxatam in Regula, vel Constitutionibus subire recusat, sed appellationis verbo vtitur ad prudentis, & timorati viri arbitrium pro subterfugienda, vel differenda pœna. Inhibemus etiam nè quis pro huiusmodi correctionibus recursum habeat ad iuristas, vel quasuis alias personas, quæ non sint nostræ professionis, vt se vel alium à pœna eximat, si quis contrafecerit pœnis supradictis absque dispensatione subiaceat.

Præterea interdiciamus, & hoc per meritum salutaris obedientiæ, & sub pœna excommunicationis, nè quis Religiosus à correctione, vel sententia quacunque à suo Superiore facta, vel faciendâ ad quempiam sæcularem siue extraneum Iudicem appellet, vel appellanti adhæreat, nec non sub pœna priuationis officij, & vtriusque vocis per biennium, nisi appellationi infra tres dies renunciauerit, & ab ea omninò destiterit, eandem pœnam incurrat is qui pro correctione siue faciendâ, siue fugiendâ ad tribunalia secularia recurrerit, super hoc seruetur Bulla fœlicis recordationis Clementis octau.

Vltro etiam præcipimus per meritum salutaris obedientiæ, & sub pœna excommunicationis ipso facto incurrendæ, nè quis fratrem aliquem, vel prælatum falsò coram aliquo Superiore, vel officiali nostri ordinis, seu quouis alio Iudice accuset, vel contra aliquem falsum testimonium reddat, vel falsum testem det seu inducat, & dari faciat, vel falsò iuret, aut iurare faciat in iudicio. Quod si quis de tali malitia, aut temeritate conuictus fuerit vltra excommunicationis censuram, & pœnam impofterum eius testimonium nunquam in iudicio admittatur, pro infami habeatur, & in visitationibus non nisi ad culpam dicendam aduocetur.

CAPUT III.

De Capitulo culparum.

§. 1.

IN omnibus Conuentibus nostris siuè pauci, siuè multi fratres ibi fuerint de familia singulis feriis secundis, quãrtis, & sextis non impeditis festo aliquo, tempore orationis mentalis matutinæ per Priorem, aut si is ægra valetudine, vel simili ineuitabili impedimento detentus fuerit per Subpriorem aliumvè, cui de iure debetur fiet Capitulum de culpis vt sequitur.

§. 2.

Fratres omnes qui his Capitulis culparum interesse debent audito Campanæ signo conuenient ad Capitulum post lectionem meditationis, quæ fiet in fine litaniarum, ibique genuflexi expectabunt Priorem, qui feria secunda, & quarta dicto. *Adiutorium nostrum, &c.* sine alio sermone audiet breuiter, & corriget ordinatim, & alternatim professorum culpas, ordine infra notando, deinde finiet dicens. *Sit nomen Domini benedictum, &c.*

§. 3.

Feria autem sexta, aut sabatho si illa fuerit impedita in qua præcipuum Capitulum haberi debet. Prior surgens dicet. *Adiutorium nostrum, &c.* omnibus assurgentibus & respondentibus qui fecit cælum & terram, deinde leget vnum, vel duo

duo puncta Regulæ , præsentium statutorum, Diffinitionum , ordinationum , & cæremoniarum, præsertim de aliqua materia quâ cognouerit à suis subditis minus quam par est obseruari, vel aliquid de summorum Pontificum, aut Concilij Tridentini decretis ad vocationem nostram pertinentibus, & scitu necessariis, & lecta (si opus fuerit) explicabit, & fratres de necessariis admonere postea dicet. *Agamus de culpis* quo audito Nouitij (si qui fuerint , & qui feria tantum sexta huic Prioris Capitulo aderunt) statim genuflexi se in facies suas alternatim prosternent; ita vt primus Nouitius solus prostratus dicat culpam suam incipiendo ab his verbis. *Benedicite Pater* & à Priore corrigatur, deinde secundus se accuset, postea tertius, & sic de reliquis. Nouitiis egressis idem facient simul Clerici professi, Conuersi, & Commissi, ita vt vnusquisque suo ordine se accuset, deinde illis omnibus simul egressis idem facient singuli Sacerdotes; & hic idem ordo, & modus dicendi culpas suas seruetur etiam in Capitulis feriæ secundæ & quartæ; excepto quod in his duabus non aderunt Nouitij pro quibus sicut, & pro nouis professis seruetur quod dictum est in prima parte capite tertio.

§. 4.

Nè autem (quod absit) in Capitulo contentiones oriantur nullus à Superiore correctus respondere, vel excusare se audeat, nisi venia petita, & obtenta, hisce verbis, *Benedicite Pater*, qui contrafecerit, aut etiam post, vel extra Capitulum culpam suam, aut alterius insolenter, &
pra

protervè defendere ausus fuerit , pœnæ graui sine vlla dispensatione subiaceat , nisi tanta fuisset insolentia , vt ipsa Superiorum iudicio non sufficeret.

§. 5.

Finito Capitulo de culpis Prior dicet *Sit nomen Domini benedictum* reliquis respondentibus *ex hoc nunc & vsque in sæculum* , & si quid vocabulis aut Patribus Consilij habuerit proponendum , nisi res maximè vrgeat post missam Conuentualem , vel ad aliam horam commodiorem differet , ne quod superest orationis , & officij sapius deferatur.

§. 6.

Si quis fratrum propter ineuitabilem aliquam occupationem etiam de Prioris licentia præfato Capitulo de Culpis non adfuerit eodem die in prandio coram Priore , & non longè ab eo genuflexus , & prostratus dicat culpam suam , & si non dixerit indispensabiliter , & grauiter puniatur.

§. 7.

In solemnissimis autem festis , vt potè Natiuitatis , Paschatis , Pentecostes , Assumptionis Beatæ Mariæ , & sancti Patris Augustini feria sexta non agetur de culpis , sed Priori strictè præcipitur , vt per se , vel saltem per alium ad hoc idoneum fratres capitulariter congregatos aliquo sermone præparet ad proximam solemnitatem cum fructu , & veneratione celebrandam , Prior qui tam laudabilem consuetudinem infregerit in visitatione puniatur.

CAPVT IV.

De culpa leui.

§. 1.

Culpa leuis illa dicitur quæ committitur à fratribus ex fragilitate, vel inaduertentia, vt si quis in Missæ Ministerio, aut diuino officio paruum aliquem errorem commiserit, vel ad aliquem communitatis actum tardius venerit, si quis in Choro, Ecclesia, Refectorio, vel alibi aliquam ceremoniam omiserit, aut curiosius circumspexerit, si quis ex inaduertentia aliquid suum dixerit, habitum laceratum, vel maculatum gestauerit, librum deturpauerit, sine expressa licentia biberit, vel modicum quid comederit, si quis aliquod utensilium inopinatè fregerit, vinum, vel oleum fuderit in Dormitorio, vel alijs silentij locis strepitum aliquem fecerit, portam aliquam immodestè clausurit, silentium locale, vel temporale fregerit, verbum otiosum, vel vaniloquium dissolutè protulerit inordinatè & dissolutè riserit, aut vociferatus fuerit, rumores, & vanitates sæculi coram fratribus recitauerit, alios interloquendum interruperit, aut fratri transeunti reuerentiam inclinato capite non præstiterit.

§. 2.

Pro his, & similibus culpis Prior iniunget, vel in ipso statim loco vbi deprehensi fuerint, vel
alibi

alibi recitare genibus flexis vel brachiis extensis quinquies orationem Dominicam, & salutationem Angelicam, vel psalmum *Miserere*, & similia.

§. 3.

Item pœna levis est in principio refectionis intelligibili voce genibus flexis in medio rectorij alicuius culpæ ibidem nominandæ à fratribus veniam postulare, vel ipsorum pedes deosculari, siuè vna pitantia, vel vino in prandio carere, & quid simile.

C A P V T V.

De Culpa media.

§. 1.

Culpa media censetur si quis à Choro, Refectorio, vel alio communis actus abfuerit sine Superioris licentia, vel ab eo sine benedictione Præsidentis exiuerit, si quis cum secularibus sine licentia ex professo, vel de rebus inanibus locutus fuerit, si quis Cellam alterius relicto ostio aperto de die ingressus fuerit, si quis officinam aliquam communem, quales sunt Infirmaria, Culina, vestiarius, & similes sine obedientia intrauerit, si quis in reditu ad Monasterium corrigiam Superioris genibus flexis deosculatus non fuerit, si quis sine licentia notabiliter comederit, simul, & biberit, si quis de victu, & vestitu coram fratribus murmurauerit, si quis fratrem suum petulanter retigerit, vel iocose percusserit, si quis nocte silentium fregerit.

Pro his , & similibus culpis Prior iniunget in terra , vel in mensa erectum , vel genibus flexis in medio Refectorij comedere , & simul vino & pitantia vna carere . Item pœna media est veniam culpæ vt supra petere , & simul singulorum pedes deosculari , & aliæ similes pœne mixtæ, seu simplices duplicatæ.

C A P V T VI.

De Culpa graui,

§. 1.

Culpa grauis incurritur si quis immodestius cum fratre aliquo , vel cum seculari iratus contenderit aut si ipsis opprobrium , vel nomenclaturam , quæ in ipsorum derisum cedat dixerit, aut scripserit , si quis alicui defectum naturalem obiecerit , vel aliam culpam pro qua iam satisfecit , si quis ex deliberatione aliquod mendacium dixisse deprehensus fuerit , inter fratres discordias seminauerit , aut turpem sermonem protulerit , si quis absque necessitate aliquid licet verum cum iuramento affirmauerit , aut negauerit , si quis alicui detraxerit , vel de eo grauitè apud fratres murmurauerit , si quis silentium frangere in consuetudinem duxerit, aut ieiunium Religionis fregerit.

§. 2.

Præterea culpa grauis est si quis cellam alterius

rius per diem sine licentia Prioris absente fratre intrauerit, vel præsentem ostium post se clauferit. Si quis alterius cellam non quidem clauso post se ostio, sed noctu intrauerit, Si quis rem quampiam à cella alterius, vel etiam officina communi sine expressa Superioris licentia asportauerit. Si quis alicuius fratris, vel secularis litteras clausas, vel sigillatas apperuerit, aut malitiosè retardaue- rit, si quis peregrè proficiscens infra tempus sibi à Superiore assignatum culpa sua reuersus non fuerit. Pro his, & similibus culpis Prior iniun- get disciplinam supra scapulas publicè in Refe- ctorio faciendam tempore psalmi *Miserere* à le- ctore recitandi: Item ieiunium in solo pane, & aqua.

§. 3.

Præterea pœna grauis est patientiam portare sine pallio ad instar Nouitiorum, non tamen vl- tra quindecim dies, vel tanto tempore postre- mum locum post omnes fratres suæ conditionis tenere. Item pœna grauis est voce, & loco simul carere, non tamen vltra mensent. Denique pœna grauis est pœnam quamcumque mediam duplica- tam, vel etiam triplicatam sustinere.

§. 4.

Omnes præfatas pœnas Prior poterit per se, & sine alicuius consilio suis subditis imponere, & si uiderit has omnes pœnas hæcenus præfixas non sufficere ad correctionem alicuius, easque sæpius inflictas ab aliquo contemni permittimus ut tali fratri possit Prior leuem culpam mutare in me- diam, & mediam in grauem cum finis legis sit non tam pœnarum inpositio, quam morum emendatio.

CAPVT VII.

De culpa grauiori.

§. 1.

Grauior culpa incurritur, si quis formali præcepto sibi, vel omnibus imposito contrahuerit, si quis post professionem suam diuinum officium recitare neglexerit, Si quis proximum præsentem vel absentem verbo, vel scripto grauius læserit, si ex votis aliquod violauerit, si extra Conuentum sine licentia pernoctauerit, si Superiorum suorum officium vsurpauerit, vel eorum litteras ad inferiores missas, aut ab inferioribus ad ipsos aperuerit, aut ex industria retardauerit, si Superiorum, aut alicuius Communitatis litteras falsificauerit, aut sigillum eorum finxerit, aut adulterauerit, si intra, vel extra Monasterium cum Superiore suo insolenter, & tumultuosè contenderit, aut verbum aliquod contumeliosum dixerit, vel quauis alia via rebellis extiterit, si foliis taxillis, & similibus luserit, si cellam fratris absentis, vel præsentis noctu sine Prioris licentia intrauerit, & ostium post se clauserit. Deniquè si quodcumque peccatum mortale commiserit, pro similibus Culpis Vicarius generalis, aut Prouincialis pœnas subsequentes imponent.

§. 2.

Primò semel apprehendere disciplinam, & vinci

vesci pane , & aqua , ac postea includi in cella per mensem , & interea nullum alloqui, chorum non ingredi , voce carere , & nullo officio fungi.

§. 3.

Secundò pœna grauior est voce , & loco priuari per mensem , & singulis sextis feriis pane solo, & aqua vesci in prandio. Vicarius generalis, & Prouincialis non poterunt priuare voce , & loco nisi per sex menses, non tamen pro eligendo Capituli Prouincialis Discreto,

§. 4.

Tertiò pœna grauior est per mensem morè nouitiorum in Conuentu sine pallio patientiam ferre , & in choro Refectorio , & alibi intra Monasterium postremum tenere locum , post etiam Commissos professos , & interea singulis sextis feriis publicè , vt supra disciplinam sumere.

§. 5.

Deniquè pœna grauior est in carcerem recludi ad spatium quindecim dierum , & interim singulis sextis feriis cum solo pane , & aqua ieiunare : hæ pœnæ pro qualitate delictorum , personarum & circumstantiarum mitius , grauiusque imponentur.

* * *

CAPVT VIII.

De culpa grauissima.

§. 1.

Culpa grauissima censetur si quis aliquod graue peccatum mortale cum magno fratrum, vel secularium scandalo perpetraverit, si quis Superiorem suum percusserit, vel etiam quavis alia notabili iniuria affecerit, si quis Confessionis sigillum violauerit: Denique si quis in Congregatione nostra schisma aliquod, vel quoduis aliud damnum graue molitus fuerit, aut quodlibet aliud crimen commiserit, propter quod leges ciuiles treremium, aut mortis poenam imponant.

§. 2.

Pro his, & similibus delictis Diffinitorium Capituli generalis, aut generale Diffinitorium imponet poenam aliquam ex sequentibus iuxta quantitatem delicti Commissi.

§. 3.

Pœna autem grauissima est carcerem per annum sustinere cum ieiuniis in pane, & aqua singulis septimanis feria secunda, quarta, & sexta. Pœna autem grauissima est duplicatam, vel triplicatam poenam aliquam grauioris culpæ sustinere.

§. 4.

Pœna præterea grauissima est, vt in Capitulo Superior breuem aliquem sermonem habeat de
de

delicto perpetrato, iustitiæ necessitate; & similibus, Reo interim in medio genuflexo, & cum habitu nudatis scapulis ad disciplinam subeundam præparato, fune ad collum cum petra: iuxta Euangelium ligato, exinde Superior sententiam Rei per aliquem ex patribus grauioribus legi faciet, & ex tunc fratrem Reum virgis cedent, singulis infligentibus tres ictus, & sic verberatus in carcerem tradatur quantò tempore à Diffinitorio iudicatum fuerit, ibique solo pane, & aqua vescatur ter in hebdomada ad eiusdem Superioris arbitrium, & licet delictum cum magno sæcularium scandalo commissum fuerit, prædicta tamen Superior coram fratribus tantum executioni mandabit. Nolumus siquidem personas sæculares fratrum nostrorum correctioni interesse.

§. 5.

Denique pœna grauiissima est, ad arbitrium Capituli, aut Diffinitorij generalis ad carcerem perpetuum condemnari, vel pœnis & censuris plecti, & tandem habitu nostræ Congregationis priuari: seruato tamen decreto Urbani octauï.

§. 6.

Si autem (quod Deus auertat) magicis, vel maleficis actibus quis operam dederit nullus è nostris Superioribus præfatis excessibus se intromittat in terris vbi adest Sanctum Inquisitionis officium: ibi si quidem ex Bulla sælicis recollectionis Pauli Papæ quinti, huiusmodi excessuum punitio Superioribus ordinum inhibetur; & Patribus contra prauitatem hereticam Inquisitoribus omninò cognoscendi, puniendi commit-

tantur, ac referuantur, sub pœnis in eodem Bulla contentis.

§. 7.

Si quis verò Alchimia per se, vel per alium operam dederit directè, vel indirectè, grauissimæ pœnæ subiiciatur, & inhabilis ad quæcumque officia indispensabiliter remaneat.

CAPVT IX.

De pœna carceris.

§. 1.

OMnibus Conuētibus nostris prouideāt Pro-
uinciales, vt sit carcer vndique munitus, &
tutus, & qui alteri vsui non applicetur, non sit
tamen adeo in tetro, obscuro, & infimo loco, vt
fratres necentur, vel infirmentur, sed vt charita-
tiuè corrigantur, & tutò seruentur.

§. 2.

Qui propter sua demerita, & per modum
pœnæ in carcerem coniectus fuerit, antequam
primò claudatur, priuetur Capucio, ei non red-
dendo donec è carcere educatur, nisi aliter in
sententia exprimatur, & nisi dum ad celebra-
ndum, vel audiendum sacrum procedet; hoc enim
omnibus quocumque modo incarceratis permitti
volumus diebus festiuis, quo secretius fieri po-
terit, nisi de eorum fuga, vel scandalo valdè
probabiliter timeatur.

§. 3.

§. 3.

Per modum pœnæ nulli Priori licebit fratrem carceri mancipare, vel in compedibus tenere nisi in casu inobedientiæ, vt habetur in prima parte capite de voto obedientiæ paragrapho vltimo, & in aliis casibus contentis præsentibus Constitutionibus; Poterit tamen eis pro re graui vsque ad tres dies cellam sine claue iniungere, non per modum carceris, sed per modum solitudinis. Dum autem Superior alicui iusserit simpliciter, vt ad cellam recedat, termino exitus non expresso, vsque ad primum Communitatis actum intelligatur, nisi expressè ipse aliter iusserit.

§. 4.

Nullus nisi data sententia incarceretur etiam sub prætextu informandi, si tamen dubitaretur de crimine aliquo grauissimo, vel scandaloso, & fuga probabiliter timeretur. Prouincialis si adsit poterit Reum per modum custodiæ incarcerare pendente informatione litis, quem volumus intra octo dies fieri (si possibile est) & ad plus in re grauissima intra quindecim. Si autem in hoc casu Prouincialis abfuerit, & periculum sit in mora, Prior de consensu suorum vocalium habito per vota secreta poterit eum intra cellam claue claudere, quæ si tuta non crederetur, & de fuga valdè timeretur poterit etiam incarcerare, & statim Prouincialem per certum nuntium admonere, ita semper, vt illa custodia ad plus vltra quindecim dies non protrahatur, & qui ita in carcere, vel cella per modum custodiæ detinebitur cum omni charitate à Superiore tractetur.

§. 5.

Qui iussus cellam suam tenere recusauerit, vel postea clausuram cellæ sibi iniunctæ fregerit carceri mancipetur etiam à Priore, seu Superiore, per octo dies ieiunaturus feria sexta in pane, & aqua; qui verò è carcere aufugerit, ac postea captus fuerit pœnis grauioribus subiaceat; si verò per se vltro redierit, cum eo mitius agatur.

§. 6.

Pro certiori autem custodia, & faciliori emendatione, qui in carcere, vel in cella claue clausi sunt, præcipimus per meritum salutaris obedientiæ, omnibus & singulis Religiosis nè fratres incarceratos, vel in cella de mandato Superiorum claue clausos sine eorundem Superiorum expressa licentia visitent, eisvè scribant, aut loquantur, vel quouis modo per se, vel per alios auxilium, consilium, fauorem, instrumentum, vel quod simile ad aufugiendum porrigant, vel porrigi procurent; & si quis hoc fecisse deprehensus fuerit, licet præterea inclusus non aufugerit, ipse per viginti dies carceris, pœnam sustineat in ieiunio quotidiano; si verò ex carcere euaserit, ad eadem vincula, & eandem pœnitentias tandiù condemnatur ad quas, & quovsque fugiens condemnatus fuerat. Idem iudicium fieri volumus de carceris custode à cuius malitia, vel negligentia incarceratum aufugisse constiterit: & huic etiam custodi stricte præcipimus per meritum salutaris obedientiæ nè incarceratis quidquam administret, præter sententiam, & intentionem Superioris qui eos per se, vel per alios aliquando visitare, & consolari poterit, pro vt melius in Domino

mino iudicauerit expedire.

§. 7.

Licet autem colloquentes cum iis quibus cellæ sine clauē per modum tantum solitudinis & pœnitentiæ iniuncta est, supradicto præcepto ligare non sit mentis nostræ, tamen si quis eos alloqui in huiusmodi cella deprehensus fuerit eandem pœnam subire cogatur.

C A P V T X.

*De pœna suspensionis, priuationis officij, vocis,
& loci.*

§. 1.

IN primis præsentī Constitutione declaramus, quod nullus est subjectus pœnis suspensionis, vel priuationis ab officio, voce, & loco etiam ipso facto incurrendis, nisi superuenerit in particulari sententia, vel declaratio Superiorum quamuis notorium facti, vel iuris, aut etiam vtriusque interueniat.

§. 2.

Vicarius generalis poterit quocumque tempore Prouinciales, & quoscumque alios Superiores ab officiis suspendere iustis de causis per quatuor menses; & Prouinciales omnes subalternos per duos, post quos cessabit suspensio, quæ si vltius protrahenda esset, Vicarius generalis

neralis consensu Assistentium indigebit, & Prouinciales Vicarij generalis; si autem priuatio facienda esset seruabuntur alibi dicta; In casu autem suspensionis prouidebunt suspendentes de eo qui tempore suspensionis officium exercere debet, & tunc ita substitutus post suspensum immediatè sedebit; pro suspensione verò, & priuatione officialium vocem non habentium in Capitulis prouincialibus, tum Vicarius generalis, tum Prouincialis alterius consensu non indigebunt, sed soli suspendere, vel priuare poterunt.

§. 3.

Qui per Superiorem ab officio suo actualiter suspensus vltius se illi ingesserit ipso facto perdat omne ius illud vnquam recuperandi, si verò etiam actualiter, & iustè priuatus non acquieuerit ad omne officium cum cura animarum imposterum maneat inhabilis, donec per Capitulum Prouinciale cum eo fuerit dispensatum; suspensi autem semper vtraque voce carebunt donec ab iis ad quos de iure pertinet diffinitiuam sententia interueniat.

§. 4.

Si quis eam culpam commiserit pro qua præsentibus statutis priuationem incurrere debuisset, ipse verò officium non habeat, vel iam antè propter aliquam culpam illo priuatus sit, iniungatur poena æquiualens, Diffinitorium autem generale, vel Capitulum Prouinciale poterit per annum fratrem aliquem conuersum priuare Cappucio; si verò ex obedientia exiuerit e Conuentu Cappucium assumet, & cum Commissis tamē

men locum habeat.

§. 5.

Dum aliquis priuatus est voce passiuā ad nulla omninò eligi possit officia quæ per secreta suffragia dari consueuerunt ; & dum aliquis priuatus est voce actiua , talis similiter suffragium ferre non possit , non solum in electionibus , verum etiam in rebus, & negotiis minoris momenti ; & ideo præcipimus , vt dum in Capitulo aliquid proponendum fuerit voce actiua priuati , cum cæteris vocem non habentibus egrediantur ; qui priuantur voce absolutè, & sine limitatione vtraque priuati censeantur.

§. 6.

Inhibemus autem nè quis voce priuari possit præterquam in Casibus per Constitutiones , aut Definitiones expressis , excepto Vicario generali, & Commissario generali deputato , & Prouinciali, priuatus officio suæ professionis locum assumet : suspensus verò loco gaudeat consueto ; sigillum tamen officij sui resignare teneatur suo substituto sub pœna priuationis officij.

§. 7.

Priuatus loco si fuerit Sacerdos vltimum locum habeat inter Sacerdotes : Clericus inter Clericos professos, & sic de cæteris , nisi aliter hisce statutis aliquando notetur , vbi cumque fratres fuerint Conuentualiter congregati : quod si frater loco priuatus alium quam vltimum , & sibi assignatum locum occupare præsumpserit , & monitus emendare se neglexerit , ex tunc ad recuperandum suum locum sit inhabilis, donec Capitulum generale, vel Prouinciale cum eo dispensauerit.

C A P V T

CAPVT XI.

De pœna percutientium.

§. 1.

FRater qui alteri siuè Religioso , siuè seculari irato animo percussione[m] comminatus fuerit pœna graui puniatur ; si actualiter percusserit grauiori , si percussio fuerit grauis , & excedens , grauissimam pœnam subire cogatur , si interuenerit aliqua membrorum mutilatio , augeatur etiam pœna grauissima iuxta qualitatem mutilationis , vel personæ ; si verò (quod Deus auerrat) ex percussione[h]usmodi mors subsequuta fuerit percutiens carceri perpetuò mancipetur cum ieiunio in pane , & aqua omnibus secundis , quartis , & sextis feriis , iuxta arbitrium Diffinitorij Capituli generalis , sine cuius expresso consensu inde extrahi non poterit.

§. 2.

Si quis secundu[m] percusserit , præfata pœna duplicabitur percutienti , & carebit voce actiua , & passiua per sexennium ; si tertio duplicabitur , & talis voce priuatus erit in perpetuum : si quis Superiorem suum percusserit subiacebit grauissimæ pœnæ , & similiter voce priuatus erit in perpetuum , quam etiam pœnam ad ipsius complices , & fautores extendimus.

§. 3.

Vt autem grauis percussione[h]us occasio
sio

sio præcipimus per meritum salutaris obedientiæ nè quis cuiuscumque gradus , & conditionis existat arma poenes se habeat aut secum ferat.

C A P V T XII.

De pœna infamantium.

§. 1.

Quia iubet scriptura , vt de bono nomine cura maximè habeatur , non tantum nostram sed aliorum famam maximè curare debemus , & ideo præter ea quæ dicta sunt in prima parte capite septimo , caueant fratres nostræ Congregationis quicumque sint nè vlli omninò detrahant siuè sæculari, siuè Religioso , siuè Superiori, siuè inferiori. Quicumque autem de aliquo Prælato , Principe , Religioso , aut seculari, Superiore, vel inferiore verba diffamatoria dixisse deprehensus fuerit, ab eis ad quos pertinet irremissibiliter puniatur iuxta grauitatem personæ : præterea, si falsa, aut secreta dixerit famam restituere cogatur.

§. 2.

Si quis ex fratribus nostris de vitio aliquo, vel crimine notabili fuerit diffamatus, & purificationem petierit, vt famam recuperet, vel vt puniatur: si defecerit , à Superioribus ipsi non denegetur.

§. 3.

Statuimus etiam , & ordinamus , ac omnes,
&

& singulos fratres nostræ Cōgregationis, primò, secundo, & tertio hortamur, & monemus, imò præcipimus per meritum salutaris obedientiæ, nè quis eorum per Rithmos, aut cātilenas, aut quasuis schedulas, vel litteras, sine nomine, vel cognomine proprio, aut libellos, siuè descriptiones in quouis loco, etiam in parietibus designatis aliquem diffamare, vel conuitiis afficere audeat quouis modo; contrauenientes verò ex nunc prout ex tunc excommunicationis vinculo innodamus.

C A P V T XIII.

De Apostatis & fugitiuis.

§. I.

Licet considerata Apostasiæ natura ille tantum Apostata iudicari debeat, qui suæ Religionis habitum temerè reliquit cum animo ad eam vltro non reuertendi: tamen Consilium Tridentinum prohibendo statuit nè quis Regularis à suo Conuentu recedere, etiam pretextu ad Superiores accedendi, nisi ab eis missus, vel vocatus fuerit, & insuper statuit vt si quis Regularis sine prædicto mandato in scriptis obtento reperi- tus fuerit, ab ordinariis locorum tanquam instituti sui desertor puniatur.

§. 2.

Nos verò vt hoc inconueniens euitetur, & nullus sine Superiorum obedientia è Conuentu discedere

discedere præsumat , præter ea quæ dicta sunt in prima parte Capite sexto, & in secunda parte, capite secundo , vbi huiusmodi fugitiuos, & apostatas excommunicatos esse diximus , statuimus præterea vt si aliquis frater à suo Priore licentiam petierit Vicarium generalem , vel Prouincialem adeundi, ei non concedatur, inuetur tamen, vt ad eum scribere , eique rationes suas per litteras aperire possit , quod si tunc vocatus fuerit à Vicario generali, vel Prouinciali , tenebitur Prior eum licentiare & non aliter : Quod si Prouincialis , aut Prior litteras Vicarij generalis in vexatione fratris retardauerit ab officio indispensabiliter priuetur ; quicumque autem à Congregatione nostra impofterum aufugerit , & apostatauerit post reditum maneat inhabilis ad omnia officia cum cura animarum , & Clerici ad sacros ordines non mittantur, donec cum eis per Diffinitorium Capituli generalis dispensatum fuerit.

§. 3.

Dum autem Apostata pœnitentia ductus , vel aliqua via compulsus ad Congregationem redierit, hoc modo recipiatur, primò carceri mancipetur deinde prima die in qua Capitulum fieri debet si venerit in habitu sæculari eo exuatur antequam ingrediatur Capitulum & indutus cuculla apta ad recipiendam disciplinam , prostratusque ad pedes Prioris humiliter culpam suam dicet, erigensque se in genua iussu Prioris ab eo charitatiuè reprehendatur, & confortetur, deinde exigat iuramentum ab eo de seruandis mandatis Ecclesiæ , quo præstito iniungatur ei quod de

cætero talia non committat, tunc Reus vapuletur à Priore, deinde à fratribus mediante psalmo *Miserere mei Deus*, qui recitabitur alternatim per choros; Postea Prior surgat dicens *Pater noster*, &c. & ne nos, &c. & saluum fac seruum tuum, &c. esto ei Domine turris fortitudinis, &c. nihil proficiat inimicus in eo, &c. Domine exaudi, &c. Dominus vobiscum, &c. Oremus. Deus cui proprium est misereri semper, & parcere suscipe deprecationem nostram, & hunc famulum tuum tua miseratione compunctum, quem sententia excommunicationis ligat, misratio tua pietatis clementer absoluat, &c.

§. 4.

Deinde eum absoluens dicat, Dominus noster Iesus Christus, qui beato Petro Apostolo collatis clauibus regni cælorum ligandi, atque soluendi potestatem tradidit absoluat te, & ego eius auctoritate in hac parte mihi concessa in quantum possum, debeo, & valeo, te absoluo à vinculo excommunicationis, suspensionis, & interdicti quod incurristi propter Apostasiam, & retrocessionem.

§. 5.

Deinde imponat ei Capucium, & surgens dicat. Dominus vobiscum, &c. Oremus. Deus misericors, & Clemens, sine quo nihil inchoatur, & nihil boni perficitur, adduc nostris humilitatis precibus tua pietatis aures, & hunc famulum tuum qui perierat, & inuentus est, quem in tuo sancto nomine ad sacra nostra Religionis gremium reuertentem recipimus ab omnibus tentationibus defende, & concede ei, ut in hoc sancto proposito, & prima sua uocatione deuotus persistere, & remissione peccatorum

rum percepta ad electorum tuorum consortium peruenire valeat. per Christum Dominum nostrum. Amen. eadem forma obseruabitur si ab alia quacumque excommunicatione aliquis fuerit publicè absoluendus.

§. 6.

Apostata qui infra mensem ab Apostasia redierint à Superiore locali absoluantur ; si vltra mensem in Apostasia steterint, absolutio ad Prouincialem pertineat : Si vltra quatuor menses ad Vicarium generalem : Absolutus ab Apostasia pro prima vice carceri mancipetur per viginti dies, & voce per annum careat, qui verò etiam habitum dimiserit ; aut cum scandalo magno secularium apostatauerit per quadraginta dies in carcere poenitebit, poterit tamen si talis maxime vltrò ad Congregationem reuersus fuerit, Vicarius generalis vel Capitulum Prouinciale propter magnam illius contritionem, & compunctionem cum eo super prædicta dispensare, vel ea cum alia poenitentia commutare, sicut charitas, & maius bonum delinquentis videbitur expostulare ; ea tamen conditione quod tempus quo in Apostasia steterit ei non proderit ad antiquitatem loci.

§. 7.

Qui secundò Apostatauerit, vel in prima Apostasia vltra annum steterit per sex menses carcerem sustinebit ; & voce carebit per biennium, exinde locum suæ professionis amittat, incipiendo solum à die sui reditus ab Apostasia.

§. 8.

Qui tertio Apostatauerit poenæ grauissimæ præter prædicta sine vlla dispensatione subiaceat.

& in perpetuum inhabilis remaneat ad omnia officia cum cura animarum, qui pluries quam ter Apostatauerit, aut carceri perpetuò tradatur, vel ex Congregatione nostra tamquam incorrigibilis expellatur seruata Bulla, seu decreto Sanctissimi Domini nostri Urbani octauì.

Qui verò non à Congregatione Apostatauerit, sed habitu retento, & animo non retrocedendi, & tramite recto vel ad Superiorem, vel ad alium Conuentum Congregationis fugerit, scapulis tantum nudatis disciplinam vt supra patietur & voce carebit per annum; quod si ille frater Conuersus fuerit, passus vt supra disciplinam Capucio priuabitur quanto tempore Vicario generali vel Diffinitorio visum fuerit.

C A P V T XIV.

De incorrigibilitate.

§. I.

Incorrigibilis ille iudicandus est qui grauiores, vel grauissimas culpas non veretur sæpius committere, & pœnas recusat ferre, vel de cuius emendatione in materia graui non restat spes aliqua, scilicet multis remediis, atque pœnitentiis iam adhibitis nihilominus nec mutatio morum, neque eius voluntas efficax apparet; tunc nè pestifera sua contagione plurimos perdat in aliquo Capitulo generali eiicietur ex nostra
Con

Congregatione , & habitu Religionis priuabitur additis etiam antea si opus est aliis pœnis, vt potè suspensionis, & interdicti , sacrum celebrandi concionandi , & similibus. Antequam autem expulsionis huiusmodi pœna infligatur iuxta decreta sacre Congregationis Consilij Sanctissimi Domini nostri Urbani Papæ octauï iussu edita per annum in carcere teneatur , vbi ieiuniis , & aliis pœnitentiis ad resipiscentiam, & emendationem vitæ reuocari possit. Elapso autem anno , si nihilominus non resipuerit , sed animo indurato in sua peruicacia perseuerauerit nè contagione pestifera plurimos perdat tamquam morbida pecus , ac membrum putrè eiici tandem possit , asseruato illius processu in Archivio Congregationis.

CAPVT VLT.

De censura excommunicationis.

§. I.

EXcommunicatio est gladius quo secatur membrum putre aliquod à Corpore mystico Ecclesiæ , & communione fidelium , & ideo non nisi necessitate maxima urgente , & in scriptis trina Canonica monitione præmissa inferatur : quis autem possit eam inferre videtur in Capitibus quibus agitur de authoritate cuiuslibet Superioris.

§. 2.

Omnis autem excommunicatus excommunicatione maiori qualis est ea quæ præsentibus statutis infertur, ab omnibus euitetur, eique ad Ecclesiam, Refectorium, Capitulum, & alia loca publica præcludatur aditus, nec ad villas electiones & comitia admittatur.

§. 3.

Ab hac autem excommunicationis sententia absoluerè nemo possit, qui ad hoc non habeat iurisdictionem ordinariam, vel delegatam. Ab excommunicationibus verò per præsentis Constitutiones, aut per Capitula latis, Priores locales absoluerè & absolui poterunt, nisi specialiter talis absolutio alicui Superiori per statuta, aut Capitula referueretur: à sententia verò excommunicationis in aliquos nominatim, & specialiter lata, in speciali aliquo casu, vel pro illa sola vice, & causa promulgata, nullus possit absoluerè nisi inferens, aut Superior inferentis sententiam, vel alius Superior de ipsorum commissione, & mandato.

§. 4.

Quæ autem virtute præsentium statutorum omnibus, & singulis nostræ Congregationis fratribus præcipimus sub pœna excommunicationis, peculiariter exponuntur capitibus quibus tractatur de materia in quam incidit censura.

§. 5.

Quamvis autem præfatas pœnas, & alias aliis partibus mixtè expressas ad Congregationis manutentionem iniunximus. Præcamur tamen fratres omnes, & hortamur in Domino, ut
tan

tāquam veri Religiosi obediētes non formidine pœnæ, sed Dei, & virtutis amore quæcumque præsentibus Constitutionibus, mādata sunt, punctim observare conentur; imò, & maiora, quatenus iuvante Christo, & fauente Maria perfectionem Evangelicam viuendo attingere; & Sanctorum gloriam moriendo obtinere mereantur. Amen.

Cū autem sicut eadem pœtitio subiungebat dicta congregatio, plurimum cupiat Constitutiones, & statuta præinserta pro illorum firmiore subsistentia, & observatione inuiolabili nostro, & sedis Apostolicæ munimine roborari. Nobis propterea pro parte dicti Hyacinthi fuit humiliter supplicatum, quatenus Constitutionibus, & statutis præfatis robur Apostolicæ Confirmationis adicere, ac alias in præmissis opportunè providere de benignitate Apostolica dignatemur. Nos igitur qui vt Ecclesiasticus ordo regulari observantia vitæ Sanctimonia, & virtutum claritate nostris potissimum temporibus adeo præfulgeat, vt cum Christi fideles sæculares eorum exemplari vita illuminati, per viam salutis in hoc sæculo gradientes ad cœlestia regna mereantur peruenire; supremis exoptamus affectibus eundem Hyacinthum, & dictæ Congregationis singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à iure vel ab homine quauis occasione, vel causa latis si quibus quomodo-libet innodati existunt ad effectum præsentium duntaxat consequendum harum serie absoluentes, & absolutos fore censentes; huiusmodi sup-

plicationibus inclinati , ex voto Congregationis venerabilium fratrum nostrorum Sanctæ Romanæ Ecclesiæ Cardinalium negotiis Episcoporum , & regularium Præpositorum , cui Constitutiones , & statuta supradicta examinanda commiseramus : statuta , Constitutiones , ordinationes , Decreta , & Capitula præinserta nouissimè , vt præfertur edita , & condita præuia antiquorum statutorum , ac omnium , & singulorum contentorum in eisdem , & litteris Apostolicis præfatis die scilicet vigesima prima Iulij anni millesimi sexcentissimi vigesimi octauæ apud Sanctam Mariam Maiorem , & die vigesima octaua Martij anni millesimi sexcentissimi trigesimi quinti , aliisque omnibus , & singulis si quæ sint præinsertis contrariorum ; cæteris in suo robore permanens , rescissione , & abrogatione Apostolica autoritate tenore præsentium perpetuò approbamus , & confirmamus , ac illis perpetuæ , & inuiolabilis firmitatis robur adiicimus , omnesque , & singulos tam iuris quam facti , & solemnitatum , ac alios quantumvis substantiales defectus si qui forsan in eisdem statutis quomodolibet interuenerint in eisdem supplemus , illaque semper , & perpetuò valida , & efficacia fore , & esse , suosque plenarios , & integros effectus sortiri , & obtinere , & ab eiusdem Regularis Congregationis fratribus Vicario generali , aliisque Superioribus , ac eiusdem singulis Religiosis etiam si ab eorum professione aliqua ex primis statutis immutata , aut ad strictiorem vitæ obseruantiam redacta sint , omnibusque aliis , & singulis quorum interest , intererit ,

aut

aut interesse poterit quomodolibet in futurum, sub pœnis in eis contentis ad vnguem obseruari, & adimpleri debere, & super illorum, omniumque & singulorum in eis contentorum obseruatione à quoquam quauis authoritate fungente, quouis prætextu, occasione, vel causa molestari, inquietari seu quoquomodo perturbari nequaquam posse, nec ab illis vlllo vnquam tempore quouis prætextu, aut alia quauis causa, quantumuis iuridica recedi, seu resiliiri posse. Imò fratres dictæ Regularis Congregationis ad plenariam eorundem Constitutionum obseruantiam cogi, & compelli posse, sub pœnis, & censuris Ecclesiasticis, aliisque in Constitutionibus prædictis contentis pœnis, ipsaque inconsulta sede Apostolica nunquam abrogari, vel rescindi, minusque illis per quoscumque Romanos Pontifices, aut eiusdem sedis, etiam de latere legatos, & nuncios, ac etiam motu proprio, & ex certa scientia, deque Apostolicæ potestatis plenitudine, seu cuiusvis intuitu, & contemplatione derogari, nec derogatum censi posse, nec debere, nisi in litteris desuper conficiendis de Capitulo, & paragrapho cui derogabitur, ac datæ earundem præsentium specialis specifica, & expressa mentio facta sit, & aliter factas derogationes, & inde secuta quæcumque nulla, & inuálida, nulliusque roboris, vel momenti fore, & esse. ac pro nullis haberi, & censi debere authoritate præfata decernimus. Præterea nè quis in Galliis habitum in materia, & forma similem ita vt ex præfatis fratribus discalceatis existimari possit, nisi præfatæ Regularis Congregationis

membrum actualiter existat gestare, siue nomen Discalceatorum reformatorum Sancti Augustini sibi arrogare, aut prædictam Congregationem esse ordinis Eremitarum Sancti Augustini, verbo, vel scripto temerè negare audeat, seu præsumat sub excommunicationis pœna autoritate eadem interdiciamus, & prohibemus. Deniquè quod ipsi fratres Imagines Sanctorum Augustini, Nicolai de Tolentino, & aliorum eiusdem ordinis in habitu reformationis Discalceatorum ad decorem, & vsum in Ecclesiis, Claustris, aut alibi decenter honestè, ac piè depictas, aut impressas conseruare, ac imposterum imprimere, & depingere Religiosè secundum Ecclesiæ, & aliorum ordinum Reformatorum laudabilem cōsuetudinem libere, & licitè valeant licentiam, & facultatem dicta autoritate impartimur. Decernentes easdem præsentis de subreptionis, vel obreptionis, siue nullitatis vitio, aut intentionis nostræ, vel alio quocumque defectu notari, impugnari, inuvalidari, seu in ius, vel controuersiam reuocari, aut aliàs quomodolibet infringi, siue retractari, suspendi, limitari, seu aliàs in contrarium disponi, statui, vel ordinari nunquam posse, sed illas, ac omnia & singula in eis contenta quæcumque semper, & in perpetuum valida, firma, & efficacia existere, & fore suosque plenarios, & integros effectus sortiri, & obtinere, sicquè & non aliter per quoscumque Iudices ordinarios, & delegatos quauis autoritate fungentes etiam causarum Palatii nostri Apostolici auditores ac eiusdem Sanctæ Romanæ Ecclesiæ Cardinales etiam de latere legatos, vicelegatos, & dictæ sedis

dis nuntios iudicari, & definiri debere; nec non irritum, & inane quidquid secus super his à quocumque quavis authoritate scienter, vel ignoranter contigerit attentari. Nonobstantibus litteris nostris prædictis quæ incipiunt. Ex iniuncti nobis Apostolici muneris debito sacrarum Religionum in Ecclesiâ Dei piè, Sanctèque institutarum prosperum statum, foelicemque directionem sinceris desiderantes affectibus, his quæ propterea providè facta fuisse dicuntur, ut firma perpetuo, & illibata persistant libenter cum a nobis petitur Apostolici muniminis adiicimus firmitatē, aliasque desuper eiusdem muneris partes interponimus, &c. prout in dictis litteris plenius continetur sub datum videlicet Romæ. Apud Sanctam Mariam Maiorem sub Annulo Piscatoris die vigesima prima Iulij millesimi sexcentissimi vigesimi octavi, Pontificatus nostri. Anno quinto, illis etiam iteratis vicibus, innouatis, approbatis, & confirmatis, aliisque præmissis, ac quibuscumque aliis nostris Apostolicis, necnon in Synodalibus, Provincialibusque, & vniuersalibus consiliis editis specialibus, vel generalibus constitutionibus, & ordinationibus, atque Regularis Congregationis, & ordinis huiusmodi etiam iuramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque indultis, & litteris Apostolicis illis, & ordinis huiusmodi Priori generali dictæque Congregationis Regularis Vicario generali, aliisque illius Superioribus, & personis sub quibuscumque tenoribus, & formis in genere, vel specie, aut alias quomodolibet etiam per viam con-

con

concordiæ inter prædictum Priorem generalem,
& Congregationem huiusmodi concessis appro-
batis confirmatis, & innouatis. Quibus omnibus,
& singulis etiam si de illis, eorumque totis teno-
ribus specialis, specifica, expressa, & indiuidua,
ac de verbo ad verbum non autem per clausulas
generales idem importantes mentio, seu quæuis
alia expressio habenda, aut aliqua alia exquisita
forma ad hoc seruanda foret, tenores huiusmodi,
ac si de verbo ad verbum nihil prænitus omisso,
& forma in illis tradita obseruata inserti forent,
præsentibus pro plenè, & sufficienter expressis ha-
bentes, illis aliàs in suo robore permanfuris hac
vice duntaxat specialiter & expresse plenitudinis
potestate derogamus: cæterisque contrariis quibuscumque. Quocirca veneralibus fratribus Ar-
chiepiscopis, & episcopis, siuè dilectis filiis eo-
rum officialibus, ac aliis quibuscumque locorum or-
dinariis per Gallias vniuersas sub quorum dioce-
sesibus domus Regulares Congregationis huius-
modi sitæ extiterint per præsentem committimus,
& mandamus; quatenus quilibet eorum in sua
diocesi vbi domus regulares huiusmodi fuerint
per se, vel alium, seu alios presentes nostras lit-
teras, ac præinserta, & in eis contenta quæ-
cumque vbi quando opus fuerit videlicet quoties
pro parte Vicarij generalis Procuratorum, &
Assistentium generalium Congregationis huius-
modi, seu alicuius ex eis, aut alterius eiusdem
Congregatione per Diffinitorium generale ele-
cti, & deputati, fuerint requisiti, solemniter pu-
blicantes, eisque in premissis efficacis defensio-
nis præsidio assistentes faciant dicta auctoritate
nostra

nostra præmissa omnia ab omnibus, & singulis ad quos spectat, & in futurum quomodolibet spectabit firmiter, & inuiolabiliter obseruari, & adimpleri, non permittentes illos desuper à quocumque quauis authoritate quomodolibet indebitè molestari perturbari, aut inquietari. Contradictores quoslibet, & rebelles per sententias, Censuras, & pœnas Ecclesiasticas, aliaque opportuna iuris, & facti remedia appellatione postposita compescendo, legitimisque super his habendis seruatis processibus, sententias, censuras, & pœnas ipsas etiam iteratis vicibus, seruata forma Consilij Tridentini declarandi, aggrauandi, & reagrandi inuocato etiam ad hoc (si opus fuerit) auxilio brachij sæcularis, Volumus autem vt præsentium transumptis etiam impressis, seu typis excussis, manu alicuius Notarij publici subscriptis, & sigillo Procuratoris, aut Vicarij Generalis dictæ Congregationis, seu personæ in dignitate Ecclesiastica constitutæ munitis eadem prorsus fides adhibeatur quæ eisdem præsentibus adhiberetur, si forent exhibitæ, vel ostensæ: Datum Romæ. Apud Sanctam Mariam Maiorem sub Annulo piscatoris. Die decima nona Augusti, Millesimo sexcentesimo quadragesimo primo Pontificatus nostri decimo nono.

Fantinus Rentius.

Loco † annuli Piscatoris.

N. Raynerius.

Extractum exemplum cum proprio suo Originali collatum per me Petrum Dechuyes Regia & Apostolica authoritate Notarium publicum Lugduni subsignatum, die prima mensis Augusti, anno millesimo sexcentesimo quadragesimo secundo. Sic signatum *Dechuyes.*

Supradictum exemplum à suo proprio originali de verbo ad verbum extractum, cumque ipso collatum Nos infra scripti, propriis nostris Chirographis omnibus illud lecturis fidem facimus, atque testamur. Lugduni in Conuentu nostro Sancti Dionisij die quarta Augusti anno sexcentesimo quadragesimo secundo supra millesimum.

F. Gelasius à nomire Jesu fratrum Eremitarum discalceatorum Sancti Augustini per uniuersas Gallias Vicarius generalis.

F. Martialis à sancta Francisca Prouincia Delphinatus Prouincialis.

F. Hieronimus à sancta Paula Procurator generalis, in Curia Francia.

F. Stephanus à sancta Catharina Assistens generalis, pro Prouincia Prouincia.

F. Seraphinus à sancta Maria pro Prouincia Delphinatus Assistens generalis.



I N D E X

O M N I V M C A P I T V L O R V M

P R A E C E D E N T I V M.

E X P R I M A P A R T E.



E Receptione Nouitiorum. Cap. I.

fol. 17

De Educatione Nouitiorum. Cap. II.

fol. 23

De professione & nouis professis. Cap. III. fol. 30

De voto obedientiae. Cap. IV. fol. 32

De voto paupertatis. Cap. V. fol. 35

De voto Castitatis, & de egressuris & Conuentu.

Cap. VI. fol. 40

De humilitate, & ordine praecedentiae, regiminis,

& praesidentiae. Cap. VII. fol. 44

De officio diuino, orationibus, & disciplina. Cap.

VIII. fol. 49

De ieiunio, & abstinentia. Cap. IX. fol. 53

De silentio, conuersatione & exercitiis manua-

libus. Cap. X. fol. 56

De Cellis, solitudine, & clausura. Cap. XI.

fol. 59

EX SECVNDA PARTE.

D E refectione. Cap. I.	fol. 64
De receptione hospitum, & viatorum. Cap. II.	fol. 69
De vestiendis fratribus. Cap. III.	fol. 75
De Cura fratrum infirmorum. Cap. IV.	fol. 81
De cura circa moribundos, & mortuos adhibenda.	
Cap. V.	fol. 85
De correctione fraterna, & offensa remissione. Cap.	
VI.	fol. 89
De studentibus, & litterarum professoribus. Cap.	
VII.	fol. 91
De Sacerdotibus, & ordinibus. Cap. VIII.	
fol. 95	
De confessariis, & confessionibus. Cap. IX.	
fol. 98.	
De concionatoribus. Cap. X.	fol. 104
De libraria. Cap. XI.	fol. 108

EX TERTIA PARTE.

D E Capitulis in genere. Cap. I.	fol. 111
De electionibus in genere. Cap. II.	fol. 113
De apertura Capituli generalis, & eius presidente.	
Cap. III.	fol. 121
De diffinitorio Capituli generalis. Cap. IV.	fol. 125
De electione iudicum causarum, Vicarij gene-	
ralis, & omnium officialium generalium. Cap. V.	
fol. 132.	

De

Capitulorum præcedentium. 257

- De solutione Capituli generalis. Cap. VI. fol. 138*
De officio Vicarij generalis. Cap. VII. fol. 141
De diffinitoria generali, & eius authoritate. Cap. VIII. fol. 146
De officio procuratorum generalium, & Assistentium generalium. Cap. IX. fol. 152
De Capitulo Prouinciali. Cap. X. fol. 155
De electione Prouincialis, & quatuor Diffinitorum. Cap. XI. fol. 158
De diffinitorio Capituli Prouincialis. Cap. XII. fol. 163
De solutione Capituli Prouincialis. Cap. XIII. fol. 166
De officio, & authoritate Prouincialis. Cap. XIV. fol. 169
De Capitulo intermedio. Cap. XV. fol. 174
De officio priorum localium. Cap. XVI. fol. 176
De officio Vicariorum, seu Superiorum localium. Cap. XVII. fol. 183
De officio Subprioris. Cap. XVIII. fol. 184
De officio Secretarij Congregationis, & socio Prouincialis. Cap. XIX. fol. 187
De officio Patrum Consilij, examinerum, & aliorum Vocalium. Cap. XX. fol. 188
De discretis, & aliis qui ad Capitulum generale Congregationis, vel prouinciale deputati sunt. Cap. XXI. fol. 195
De Superiorum sigillis, & litteris. Cap. XXII. fol. 202.

EX QUARTA PARTE.

D E visitationibus. Cap. I.	fol. 205
De culpis, & pœnis in genere. Cap. II.	fol. 217
De Capitulo culparum. Cap. III.	fol. 221
De culpa leui. Cap. IV.	fol. 224
De culpa media. Cap. V.	fol. 225
De culpa grani. Cap. VI.	fol. 226
De culpa grauiori. Cap. VII.	fol. 228
De culpa grauissima. Cap. VIII.	fol. 230
De pœna carceris. Cap. IX.	fol. 232
De pœna suspensionis, priuationis officij, vocis & loci. Cap. X.	fol. 235
De pœna percutientium. Cap. XI.	fol. 238
De pœna infamantium. Cap. XII.	fol. 239
De Apostatis, & fugitiuis. Cap. XIII.	fol. 240
De incorrigibilitate. Cap. XIV.	fol. 244
De censura excommunicationis. Cap. ultimum.	fol. 245.

F I N I S.



BVLLA S. D. N. D. PII,
DIVINA PROVIDENTIA
P A P Æ I V.

Super forma iuramenti professionis fidei.

*Pius Episcopus, servus servorum Dei ad
perpetuam rei memoriam.*

IN I V N C T V M nobis Apostolicæ serui-
tutis officium requirit, vt ea quæ Domi-
nus omnipotens, ad prouidam Ecclesiæ suæ di-
rectionem, sanctis Patribus in nomine suo con-
gregatis diuinitus inspirare dignatus est, ad eius
laudem & gloriam incunctanter exequi propere-
mus. Cùm itaque iuxta Concilij Trident. dispo-
sitionem omnes, quos deinceps Cathedralibus
& superioribus Ecclesiis præfici, vel quibus de
illarum dignitatibus, Cononicatibus, & aliis
quibuscumque beneficiis Ecclesiasticis, curam
animarum habentibus, prouideri continger, pu-
blicam Orthodoxæ fidei professionem facere,
seque in Romanæ Ecclesiæ obedientia perman-
suros spondere & iurare teneantur: Nos volen-
tes, etiam per quoscumque quibus de Monasterijs
conuentibus, domibus, & aliis quibuscumque
locis, Regularium quorumcumque Ordinum,
etiam militiarum, quocumque nomine, vel ti-
tulo prouidebitur, idem seruari, & ad hoc, vt
vnius eiusdem fidei professio vniformiter ab om-

nibus exhibeatur, vnicàque & certa illius forma cunctis innotescat, nostræ sollicitudinis partes in hoc alicui minime desiderari, formam ipsam præsentibus annotatam publicari, & vbique gentium per eos ad quos ex Decretis ipsius Consilij, & alios prædictos spectat, recipi & obseruari, ac sub pœnis per Consilium ipsum in contrauenientes, latis, iuxta hanc & non aliam formam, professionem prædictam solemniter fieri, auctoritate Apostolica tenore præsentium districtè præcipiendo mandamus, huiusmodi sub tenore.

Ego N. firma fide credo & profiteor omnia & singula, qua continentur in Symbolo fidei, quo sancta Romana Ecclesia viitur videlicet: Credo in unum Deum Patrem omnipotentem, factorem cœli & terre, visibilium omnium & invisibilium. Et in unum Dominum Iesum Christum, Filium Dei unigenitum, & ex Patre natum ante omnia sæcula; Deum de Deo, lumen de lumine, Deum verum de Deo vero, Genitum, non factum, consubstantialem Patri, per quem omnia facta sunt: qui propter nos homines & propter nostram salutem descendit de cœlis. Et incarnatus est de Spiritu sancto ex Maria Virgine, & homo factus est. Crucifixus etiam pro nobis sub Pontio Pilato, Passus & sepultus est, & resurrexit tertia die secundum scripturas: & ascendit in cœlum, sedet ad dexteram Patris, & iterum venturus est cum gloria iudicare viuos & mortuos, cuius regni non erit finis. Et in Spiritum sanctum Dominum & viuificantem, qui ex Patre Filioque procedit, qui cum Patre & Filio simul adoratur & conglorificatur, qui loquens est per Prophetas. Et vnā sanctā Catholicā

& Apostolicam Ecclesiam. Confiteor unum Baptis-
 ma in remissionem peccatorum: & expecto resurre-
 ctionem mortuorum, & vitam venturi seculi. Amen.
 Apostolicas & Ecclesiasticas traditiones, reliquas-
 que eiusdem Ecclesie observationes & constitutio-
 nes firmissimè admitto & ampektor. Item sacram
 Scripturam iuxta eum sensum quem tenuit & tenet
 sancta Mater Ecclesia, cuius est indicare de vero
 sensu & interpretatione sacrarum Scripturam, ad-
 mitto, nec eam unquam nisi iuxta unanimum con-
 sensum patrum accipiam & interpretabor. Profiteor
 quoque, septem esse verè & proprie Sacramenta
 nouæ legis à Iesu Christo Domino nostro instituta,
 atque ad salutem humani generis, licet non omnia
 singulis necessaria. scilicet Baptismum Confirma-
 tionem, Eucharistiam, poenitentiam, Extremam
 Vnctionem, Ordinem, & Matrimonium, illaque
 gratiam conferre, & ex his Baptismum, Confir-
 mationem, & Ordinem, sine sacrilegio reiterari
 non posse, Receptos quoque & approbatos Ecclesie
 Catholicæ ritus, in supradictorum omnium Sacra-
 mentorum solemnè administratione recipio & ad-
 mitto. Omnia & singula quæ de peccato originali
 & de iustificatione in Sacrosancta Tridentina Sy-
 nodo diffinita & declarata fuerunt, amplector &
 recipio. Profiteor pariter, in Missa offerri Deo
 verum proprium, & propitiatorium sacrificium,
 pro uiuis & defunctis, atque in sanctissimo Eucha-
 ristia Sacramento esse verè, realiter & substantia-
 liter Corpus & Sanguinem, unà cum anima &
 diuinitate Domini nostri Iesu Christi, fierique
 conuersionem totius substantia panis in Corpus; &
 totius substantia vini in Sanguinem, quam con-

uersionem Catholica Ecclesia Transsubstantiationem appellat. Fateor etiam, sub altera tantum specie, totum atque integrum Christum, verumque Sacramentum sumi, Constantiter teneo Purgatorium esse, Animasque ibi detentas fidelium suffragiis iuuari. Similiter & Sanctos unà cum Christo regnantes, venerandos atque inuocandos esse, eosque orationes Deo pro nobis offerre; atque eorum reliquias esse venerandas. Firmissime assero, imagines Christi, ac Deipara semper Virginis, necnon aliorum Sanctorum, habendas & retinendas esse, atque eis debitum honorem ac venerationem impartiendam Indulgentiarum etiam potestatem à Christo in Ecclesia relictam fuisse illarumque usum Christiano populo maximè salutare esse, affirmo. Sanctam Catholicam & Apostolicam Romanam Ecclesiam, omnium Ecclesiarum matrem & magistram agnosco, Romanòque Pontifici, beati Petri, Apostolorum Principis, successori, ac Iesu Christi Vicario veram obedientiam spondeo ac iuro. Cetera item omnia à sacris Canonibus, & œcumenicis Conciliis ac præcipuè à sacro sancta Tridentina Synodo tradita definita & declarata indubitanter recipio atque profiteor, simulque contra varia omnia, atque hæreses quascumque ab Ecclesia damnatas, & reiectas & anathematizatas. Ego pariter damno, reiicio, & anathematizo. Hanc veram Catholicam fidem, extra quam nemo saluus esse potest quam in presenti spontè profiteor, & vtraciter teneo, eandem integram & inuiolatam, usque ad extremum vitam Spiritum, Constantissimè (Deo adiuuante) retinere, & confiteri, atque à meis subditis, vel illis quorum cura ad me in munere meo spectabit, teneri doceri,

doceri, & predicari, quantum in me erit, curaturum Ego idem N. spondeo, voueo, ac iuro, Sic me Deus adiuuet, & hac sancta Dei Evangelia.

Volumus autem quod præsentes litteræ, in Cancellaria nostra Apostolica, de more legantur: & vt omnibus facilius pateant, in eius Quinterno describantur, ac etiam imprimantur.

Nulli ergo omnino hominum liceat hanc paginam nostræ voluntatis & mandati infringere, vel ei ausu temerario contraire. Si quis autem hoc attétare præsumpserit, indignationem omnipotentis Dei, ac beatorum Petri & Pauli Apostolorum eius, se nouerit incursum. Dat. Romæ, apud sanctum Petrum, Anno incarnationis Dominicæ Millesimo Quingentesimo Sexagesimo-quarto, Idibus Nouembris, Pontificatus nostri Anno Quinto.

Fe. Cardinalis Casui.

Ca. Glorietius.



DECRETVM FEL. REC.
 CLEMENTIS PAPÆ OCTAVI,
 super casuum reſeruatione ab
 omnibus Regularium Superiori-
 bus obſeruandum.

Sanctiſſimus Dominus noſter, qui iam pri-
 dem accuratè perpendit, ac re ipſa compe-
 rit, quod reſeruatione facultatis abſoluendi Reli-
 gioſos poenitentes à peccatis quibuſdam grauio-
 ribus, niſi Superioribus admodum prudenter, ac
 moderatè illa vtantur, nonnullos infirmiores,
 qui interdum Superiori ſuo conſcientiæ maculas
 detegere formidant, adducere poſſet in æternæ
 damnationis periculum, & ſpiritalis remedij
 deſperationem; Ideo, vt huic malo Sanctitas
 Sua opportunè proſpiceret, decreuit, vt nemo
 ex Regularium Superioribus peccatorum abſolu-
 tiones ſibi reſeruet, exceptis iis, quæ ſequuntur,
 aut omnibus, aut eorum aliquod, prout ſub-
 ditorum vtilitati expedire prudenter in Domino
 iudicauerint.

Veneficia, Incantationes, Sortilegia.

Apoſtaſia à Religione, ſiue habitu dimiſſo, ſiue
 retento, quando eo peruenerit, vt extra cepta Mo-
 naſterij, ſeu Conuentus fiat egreſſio. Nocturna, ac
 furtiua è Monafterio, ſeu Conuentu egreſſio etiam
 non animo apoſtatandi facta.

Pro

Proprietas contra votum paupertatis, quæ sit peccatum mortale. Iuramentum falsum in iudicio regulari, seu legitimo.

Procuratio, auxilium, seu consilium ad abortum faciendum post animatum foetum, etiam effectu non sequuto.

Falsificatio manus, aut sigilli Officialium Monasterij, aut Conuentus. Furtum de rebus Monasterij, seu Conuentus in ea quantitate, quæ sit peccatum mortale.

Lapsus carnis voluntarius opere consummatus.

Occisio, aut vulneratio, seu grauis percussio cuiusque personæ.

Malitiosum impedimentum, aut retardatio, aut aperitio litterarum à Superioribus ad inferiores, & ab inferioribus ad Superiores.

Si quod aliquid præterea peccatum graue pro Religionis conseruatione, aut pro conscientiae puritate reseruandum videbitur, id non aliter fiat, quàm Generalis Capituli in toto Ordine, aut Prouincialis in prouincia, matura discussione, & consensu.

Non liceat Superioribus Regularium confessiones subditorum audire, nisi quando peccatum aliquod reseruatum admiserint, aut ipsemet subditus spontè, ac proprio motu id ab iis petierit.

Superiores in singulis domibus deputent duos, tres aut plures Confessarios, pro subditorum numero maiori, vel minori, iique sint docti, prudentes, ac charitate præditi, qui à non reseruatis eos absoluant, & quibus etiam reser-

uatorum absolutio committatur , quando casus occurrerit, in quo eam debere committi ipse in primis Confessarius iudicauerit.

Tam Superiores pro tempore existentes, quam Confessarij, qui ad Superioritatis gradum fuerint promoti , caueant diligentissime , ne ea notitia, quam de aliorum peccatis in confessione habuerunt ad exteriorem gubernationem vtantur.

Licebit tamen Superioribus determinare poenitentias graues quibusdam peccatis, etiam non reseruatis à Confessariis imponendas , quæ subditos ab huiusmodi perpetrandis cohibere possint.

Atque ita per quoscumque Regularium Superiores ; quicumque illi sint , obseruati mandauit. Non obstantibus Constitutionibus, & ordinationibus Apostolicis ; ac cuiusuis Consilij , & etiam generalis Decretis ; nec non consuetudinis , etiam ab immemorabili tempore obseruatis , aut Regulis in generalibus , seu prouincialibus Capitulis editis, statutis , & Constitutionibus etiam Apostolica auctoritate confirmatis ; priuilegiis, indultis , & concessionibus quorumcumque, quorum tenores hic pro expressis haberi uoluit , cæterisque in contrarium facientibus quibuscumque. Dat. Romæ apud Sanctum Petrum die 26. mensis Maij , anno Domini 1593.

Sanctitas sua deinceps declarauit & declarat , vt si huiusmodi Regularium Confessariis casus alicuius reseruati facultatem
per

petentibus superior dare noluerit, possint nihilominus Confessarij illa vice pœnitentes regulares, etiam non obtenta à superiore facultate absoluerè.



B V L L A

CLEMENTIS VIII.

Quæ legi debet ante quascumque electiones.

S V M M A R I V M.

Recurrentes ad fauores seculares priuantur voce actiua & passiua: superiores fauorum intuitu gratias concedentes sunt excommunicati.

CLEMENS PAPA VIII.

Ad perpetuam rei memoriam.

§. I. **Q**uoniam nemo debet sibi assumere honorem, nisi vocatus à Deo tamquam Aaron, & à regularis vitæ instituto valde alienum est, vt Religiosi viri, quos honorum, & dignitatum gradus, sanctitate vitæ, ac aliis religiosis virtutibus potius promereri, quam appetere, eosque gradus, cum ad eos assumuntur, obedienter suscipere, susceptósq; humiliter administrare decet, mendicatis (secularium præsertim personarum) studiis, ad eos sibi adiutum patefacere contendant, vnde magna in Ecclesia

Dei pernicies adferri solet. Nos qui pro nostri muneris debito, in hoc potissimum laborare non desistimus, ut Ecclesiastica regularisque disciplina pristino candori restituatur, huic malo oportuno remedium adhibendum censuimus.

§. 2. Cum itaque (sicut accepimus) quidam in ordine Eremitarum S. Augustini, professionis, & regulæ, quam professi sunt, penitus immemores, nimiaque dignitatum, & Officiorum Ecclesiasticorum in dicta Religione consequendorum ambitione ducti, pro iis consequendis Ecclesiasticorum, & Secularium Principum studia requirant, & à S. R. E. Cardinalibus, aliisque Prælatiis commendatitias litteras, aliosque fauores, & gratias propterea expetant: quibus adiuti, quos ipsi ex se promeruisse minime confidunt, gradus, & dignitates in eadem Religione consequi valeant; sicque eiusdem Religionis quietem, non sine animarum suarum periculo, perturbant.

§. 3. Nos malum hoc ab eodem Ordine, & Religione, cuius prosperum regimen, & incrementum, ad Ecclesiæ sanctæ utilitatem, synceris exoptamus affectibus, pro nostra pastoralis sollicitudine propellere summopere cupientes; motu proprio, & ex certa nostra scientia, ac de Apostolicæ potestatis plenitudine, eos omnes, & singulos fratres dicti Ordinis, & Religionis, cuiuscunque status, gradus, conditionis, præminentiae, qualitatis, & dignitatis existentes, qui de cetero ad prælaturas, gradus, honores, dignitates, administrationes, functiones, & alia officia dicti Ordinis, & Religionis assequenda intenti, ad Principum & Prælatorum, ac aliarum quarumcumque personarum tam Ecclesiasticarum, quam Secularium, de gremio dictæ Religionis non existentium,
etiam

etiam Cardinalatus honore, ac quacumque seculari dignitate, & excellentia, etiam Imperiali, Regali, & Ducali fulgentium, fauores recurrerint, vel etiam pactis, pollicitationibus, aliisque viis directe, vel indirecte, palam, vel occulte, ad prælaturas, gradus, honores, dignitates, administrationes, functiones, & alia prædicta obtinenda aspirauerint, vel aliis minus legitimis, & honestis rationibus ea obtinere quæsiuerint, aut etiam sponte oblati, & minime conquisitis vti fuerint, illorumque complices, & fautores, ad quascumque Prælaturas, dignitates & officia, gradusque, honores, administrationes, & munera in ipsa Religione obtinenda, perpetuo inhabites declaramus, ac obtentis per eos prælaturis, gradibus, honoribus, dignitatibus, administrationibus, functionibus, & officiis huiusmodi eo ipso priuamus, ac priuatos, voce tam actiua, quam passiuam carere decernimus, & declaramus,

§. 4. Atque in virtute sanctæ obedientiæ, ac sub excommunicationis latæ sententiæ pœna omnibus dicti Ordinis, & Religionis fratribus, superioribusque & Prælati, quocumque titulo nuncupatis, etiam Priori generali, præsentibus, & futuris præcipimus, districtèque mandamus, ne quempiam vllò tempore, precibus, literis, vel fauoribus adducti, vel alias ad instantiam, seu requisitionem, vel contemplationem Principum, vel Prælatorum, aut aliorum quorumcumque tam secularium, quam ecclesiasticorum extradictum gremium existentium, etiam Cardinalium, Imperatoris, Regum, Ducum, ad cuiusvis generis prælaturas, gradus, honores, dignitates, administrationes, functiones, & officia prædictæ Religionis promouere, vel pœnas aliquas remittere audeant, vel præsumant. Decernentes, electiones, & promotiones

ad Monasteria, seu Prioratus, vel officia dicti Ordinis, & Religionis contra præsentium dispositionem (quod absit) quodcumque faciendas, & pro tempore obtentas, nullas prorsus, inualidasque fore, & esse, nullisque iuribus subsistere.

§. 5. Ac omnes & singulos in præmissis delinquentes, nulla alia monitione præcedente, & absque processu desuper habendo, sententias, & pœnas præmissas irremissibiliter eo ipso incurrere, & ad illas sententias, & pœnas præmissas damnabiliter incurrisse legitime probandum, & omnino conueniendum, solas præmissarum personarum instantias, preces, & fauores, etiam oretenus porrectas, plenam, indubiam, & sufficientem in iudicio, & extra fidem facere, nec ad id probationis alterius adminiculum requiri. Et ita per quoscumque Iudices, & Commissarios quauis autoritate fungentes, etiam causarum Palatij Apostolici Auditores, & S.R.E. Cardinales, sublata eis, & eorum cuilibet quauis aliter iudicandi, & interpretandi facultate, & auctoritate iudicari, & diffiniri debere, ac irritum quoque, & inane, si secus super his à quoquam, quauis auctoritate, scienter, vel ignoranter contigerit attentari.

§. 6. Non obstantibus quibuscumque Apostolicis, ac in Prouincialibus, & Synodalibus Conciliis editis generalibus, vel specialibus constitutionibus, & ordinationibus, ac Ordinis & Religionis huiusmodi iuramento, confirmatione Apostolica, vel quauis firmitate alia roboratis statutis, & consuetudinibus, priuilegiis quoque, indultis, & litteris Apostolicis in contrarium quomodolibet, concessis, approbatis, & innouatis: Quibus omnibus eorum tenores præsentibus pro expressis habentes, illis alias in suo robore permansuris, hac vice dumtaxat specialiter, & expresse

expresse derogamus, contrariis quibuscumque. Aut si prædictis fratribus, vel quibusvis aliis communiter, vel diuifim ab Apostolica fit sede indultum, quod interdici, suspendi, vel excommunicari non possint per litteras Apostolicas non facientes plenam, & expressam, ac de verbo ad verbum de indulto huiusmodi mentionem.

§. 7. Vt autem harum litterarum notitia ad omnes dicti Ordinis Eremitarum fratres facilius deueniat, volumus, illas etiam in Capitulis Prouincialibus, seu Cógregationibus, & postea in Capitulo Generali publico legi, illásque in dictis Capitulis Prouincialibus, seu Cógregationibus, & Capitulo Generali lectas sic arctare, ac si legitime vnicuique intimatæ fuissent, illarumque exemplis etiam impressis manu scribæ dicti Capituli, vel Notarij publici subscriptis, & sigillo Prioris generalis ipsius Religionis, vel alterius personæ in ecclesiastica dignitate constitutæ obfignatis, eandem prorsus fidem haberi, quæ ptæsentibus haberetur, si eadem exhiberentur.

Datum Romæ apud S. Petrum sub Annulo Piscatoris, die prima Decembris, millesimo sexcentesimo quarto, Pontificatus nostri anno decimo tercio.

Ex Bullario Ordinis Romæ impresso, Constitutione 6. Clementis VIII. pag. 82. col. 2. cum quo concordat Fr. Augustinus à sancta Margarera Vic. Generalis Fratrum Eremitarum Discalceatorum Ordinis S. Augustini Congregationis Galliarum.

Fr. Pacificus à Domina nostra secretarius
Congregationis.



INDEX EORVM OMNIVM

Quæ in Constitutionibus
continentur.

A



ABSOLVTIO generalis quibus diebus debet dari. fol. 101. §. 12.

Absolutio generalis quibus comperat. fol. 102. §. 12.

Absolutionis generalis diebus quis confessor assumi potest. fol. 103. §. 13.

Absoluendi à casibus reservatis facultatem recusante superiore, quid agendum. fol. 103. §. 14.

Abstinencia carnis præcipitur feriis 4. exceptis festis Natiuitatis Domini & S. P. N. Augustini & in itinere. fol. 55. §. 5.

Abstinentiam carnis non seruantes debent esse in tabula separata. fol. 55. §. 6.

Accusantes falso quando puniendi. fol. 220. §. 8.

Accusans aliquem apud alium quam prælatum Ordinis, quid incurrat. fol. 219. §. 6.

Ægrotorum tunicæ forma. fol. 78. §. 9.

Ætas recipiendorum ad habitum. fol. 18. §. 3.

Ætas Magistri nouitiorum. fol. 24. §. 2.

Ætas submagistri nouitiorum. fol. 26. §. 5.

Alchimie operam dantes grauissima pœna plectantur. fol. 232. §. 7.

Apostata

quæ in Constitutionibus continentur.

- Apostata quis, & quibus pœnis subiaceat. f. 240. §. 1. 2
Apostatas recipere quis potest. fol. 243. §. 6
Apostatas recipiendi modus. fol. 241. §. 3
Apostatæ & fugitiui excommunicantur. fol. 72. §. 7
Appellationes à correctione regulari prohibentur.
fol. 219. §. 6
Appellantes indebitè, & ad personas extraneas re-
currentes quando puniendi. fol. 220. §. 7
Appellans ad iudicem secularem vel ei adherens qui-
bus pœnis puniatur. fol. 220. §. 7
Archiiij Prouinciæ claues qui habere debet. f. 133. §. 10
Archiiij Congregationis claues quibus competant.
fol. 144. §. 9
Ab archiuio aliquid extrahere quomodo puniendum.
fol. 191. §. 8
Arma habere & ferre prohibetur sub formali præce-
pto. fol. 238. §. 7
Assistentes generales vocem actiuam habent in vna
sola electione discreti. fol. 196. §. 3
Assistentes generales solius Vic. generalis iurisdic-
tioni & benedictioni subijciuntur. f. 154. §. 7
Assistentes generales omnibus Capitulis interesse
possunt. fol. 154. §. 7
Assistente mortuo vel priuato quid agendum.
fol. 151. §. 12
Assistentes generales pendente visitatione Vicarij
Generalis omnes alios Superiores præcedent exce-
pto Prouinciali. fol. 46. §. 3
Assistentes generales benedictionem dandam in cho-
ro & aspersorium porrigendum soli Vicario Ge-
nerali deferent. fol. 155. §. 7
Authoritatem superiorum protegere debet Vicarius
Generalis ne contemnantur. f. 142. §. 4
Affiliare benefactores cōgregationi quis. f. 145. §. 11

B

- B** Alnea absque licentia interdicuntur. f. 85. §. 8.
Benedictio accipienda à fratribus, egrediendo, &
redeundo & quibus. f. 41. §. 2.
Bona vnus Conuentus ad alium transferri nequeunt,
sed tantum mutuo dari & quando. f. 36. §. 2.
Bonis in emendis & alienandis vltra 30. aureos re-
quiritur duplex ballotatio. f. 189. §. 3.
Benedictus dicendus à fratribus cum aliquid à supe-
riore accipiunt. f. 79. §. 14.
Bulla Pij V. super forma iuramenti professionis fi-
dei, f. 259.
Bulla Clementis VIII. legenda ante electiones con-
tra recurrentes ad fauores sæculares. f. 267.

C

- C** Alceamenta quibus, quando, & à quibus con-
cedi possunt. f. 77. §. 7.
Capitio quando vtendum. f. 79. §. 11.
Capitulum vocalium conuocandum signo solito
campanæ, & absentes vocandi sub pœna nullita-
tis. f. 194. §. 16.
Capitulis interesse renuens, & ex eo temere exiens
quando puniendus. f. 112. §. 2.
Capitulum acta & dicta reuelare prohibetur.
fol. 112. §. 3.
Capituli initio debet legi caput tractans de re agenda.
fol. 112. §. 4.
Capitulum præsidentes ad nulla officia in eis eligi
possunt. f. 113. §. 5.
Capituli generalis locus assignandus, quando.
f. 121. §. 1.

quæ in Constitutionibus continentur.

Ad Capitulum generale accedere non valentes, quid
agere debeant. f. 121. §. f. 1. 222. §. 3

Capitulo prouinciali comparentes sine licentia, in-
carcerentur. f. 156. §. 1

Capitulo prouinciali comparere non valens superior
quid agere debeat. f. 156. §. 2

Capituli prouincialis ordinationes nõ debent publi-
cari nec obseruari ante confirmationẽ. f. 164. §. 3

Capituli intermediij authoritas. f. 174. §. 2

Capitulum intermedium quanto tempore durare
debeat. f. 175. §. 3

Capituli intermediij acta ad Vic. Generalem mittenda
vt confirmentur. f. 175. §. 4

Capitulum Prouincial quando soluendum. f. 166.
§. 1. 2. 3. 4

In Capitulis PP. consilij possunt in grauioribus ne-
gotiis aduocari duo vel 4. PP. vocales. f. 189. §. 2

In Capitulis PP. consilij, vocalium, & de discreto,
qui sint scrutatores. f. 189. §. 2

Capitulo culparum non assistentes, debent dicere
culpam suam in prandio sub pœna graui. f. 223. §. 6

Capituli culparum modus. f. 121. §. 1. 2. 3

Et post visitationes. f. 212. §. 13

In Capitulo culparum respondens vel se excusans
quomodo puniendus ac etiã in eo vel extra suam
vel alterius culpam defendere ausus fuerit. f. 222.

§. 4

Capitulis culparum debent interesse viatores post
hebdomadam. f. 74. §. 10

Carceri mancipati possunt celebrare vel audire sa-
crum. f. 232. §. 2

In Carcere detentos alloqui aut scribere prohibetur.
f. 234. §. 6

Castitatem lædentes quando puniendi. f. 43. §. 9
Cella

Index eorum omnium

Cellarum nostrarum forma eiusque suppellex.

fol. 59. §. 1. 2

Cellam alterius ingredi non licet. f. 60. §. 3

In Cellis tenere esculenta & poculenta prohibetur.

fol. 60. §. 2

Cellas visitare tenetur Prior sæpe, & saltem bis in anno. fol. 60. §. 4

in Cellis nunquam cum sæcularibus comedendum.

fol. 67. §. 9

Cellam fratris intrantes de die vel noctu quomodo puniendi. f. 227. §. 2

Cellam fratris intrantes noctu & ostium post se claudentes quomodo puniendi. f. 128. §. 1

Cellam suam iussus tenere recusans quomodo puniendus. f. 234. §. 5

In Cella inclusos alloquens qua pœna plectatur.

f. 235. §. 7

Claues quascumque consignare Superiori petenti præcipitur. f. 60. §. 4

Claue claudantur cellæ ita vt Prior claue communi eas ingredi possit. f. 59. §. 1

Claudi quando debent portæ Conuentus & Ecclesiæ earumque claues per noctem custodiendæ Priori tradantur. f. 63. §. 9

Clausura Conuentus si negligatur puniatur Prior à Vic. Generali. f. 63. §. 10

Clericus mutandus de familia debet deferre litteras testimoniales. f. 96. §. 3

Clerici ballotandi pro ordinibus & aliis quid agendum, & seruandum sit. f. 95. §. 2

Clericus ad sacerdotium quando promoueri possit.

f. 96. §. 4

In Cœna quæ forma seruanda. f. 68. §. 13

In Collatione quæ forma seruanda. f. 68. §. 14. 15

In

qua in Constitutionibus continentur.

In Collatione poterit parum fractus pani superaddi.
f. 55. §. 4.

Colligantes & conspirantes contra aliquem excommunicantur. f. 34. §. 6

Commissarij nihil aggredi debent nisi prius commissionis litteras legi fecerint. f. 213. §. 15

Commissarij ostendentes sigillum & superscriptionem litterarum Priori, qui tenetur fratres congregare. f. 213. §. 15

Commissi debent vti galero loco capucij, quod eis nullus; nec capitulum generale poterit concedere. f. 78. §. 8

A Communitatis actibus sine licentia praesidentis non recedendum. f. 49. §. 5

Concionatorum qualitates & conditiones. f. 104. §. 1

Concionari per aduentum & quadragesimam, quis potest concedere. f. 105. §. 2

Ad Concionandum mittentes contra formas quomodo puniendi. f. 105. §. 1

Concionari diacono quis concedere potest. f. 105. §. 2

Concionatoribus necessaria concedenda. f. 106. §. 3

Concionari recusantes, erronei, non idonei & irreligiose viuentes quomodo tractandi. f. 107. §. 6

Concionari in Ecclesiis nostris quis extraneis concedere potest. f. 108. §. 8

Conferentiae spirituales post refectionem quomodo agenda. f. 57. §. 3

Confessionis sigillum violantium poena. f. 230. §. 1

Ad Confessiones mulierum qui admittendi. f. 98. §. 2

Confessiones audire sine licentia superioris prohibetur multis poenis. f. 99. §. 3

In Confessionibus audiendis extra monasterium quis modus seruandus. f. 99. §. 4.

Et extra Confessionalia in Ecclesia audire confessiones

Index eorum omnium

- nes prohibetur. f.100.§.7
- Confessarij à munusculis abstineant. f.99.§.6.
- Confessario extra Monasterium confessiones audienti providendum est de fidei socio qui eum semper in prospectu habeat. f.99.§.4
- Confessiones fratrum audire non licet sine licentia Superioris. f.100.§.8
- Confiteri quibus diebus præcipitur. f.100.§.10
- Confessiones audiendi locus quis. f.100.§.9
- Confiteri extraneis non licet nisi in itinere f.101.§.11
- Confessariis nostris approbatis & viatoribus licet diebus quibus datur absolutio generalis absolvere fratres. f.103.§.13
- Confessario conceditur facultas mutandi pœnitentiam publicam ex qua suspicio peccati oriri possit in præiudicium famæ pœnitentis. f.103.§.15
- Consanguinei & affines non possunt simul capitulum ingredi. f.116.§.7
- Conscientiæ casus quibus diebus & à quibus debent proponi. f.103.§.16
- Pœna infligenda ab ea se absentantibus. f.104.§.16
- Conscientiæ casus proponendi modus. f.104.§.17
- Conuentum regere ad quem pertinet, f.49.§.6
lege *Monasterium*.
- Conuentus ad interiora sæculares non ducantur. f.62.§.8
- extra Conuentum pernoctare non licet. f.57.§.4
- Conuentus custodiam negligens Prior puniatur. f.63.§.10
- Conuersis & Commissis litteras addiscere prohibetur. f.53.§.13
- Conuersi quibus officiis adesse debent. f.53.§.13
- Contra Constitutiones nihil potest diffinitorium generale f.150.§.9
- Corrigiæ

qua in Constitutionibus continentur.

- Corrigiæ nostræ beneddicti debent. f.78.§.10
Corrigiæ forma. f.77.§.60
Vbicunque Correcti fratres statim debent genua flectere & culpam suam humiliter cōfiteri. f.217.§.2
In Correctionib⁹ quomodo se gerere debeat Superior, aliquando acrius, aliquādo, mitius, eiusq; præcipua intentio debet esse emendatio peccantiū. f.217.§.1
Correctionem impedire prohibetur. f.218.§.4
Cubare quomodo debent fratres. f.78.§.10
Culpa & pœna levis, quæ. f.224.§.25
Culpa & pœna media, quæ. f.225.& 226
Culpa & pœna grauis, quæ. f.226
Culpa & pœna grauior, quæ. f.228
Culpa & pœna grauissima, quæ. f.230
Culpam committens pro qua priuationem officij incurreret, officium autem non habet quomodo puniendus. f.236.§.4
Cultri conceduntur. f.38.§.6
Custodia in cella non debet protrahi vltra quindecim dies. f.233.§.4
Custodi carceris prohibetur quidquid ministrare præter sententiam iudicis. f.234.§.6
Communio fratrum quibus diebus facienda. f.101. §.10. f.87. §.7.

D

Debita contrahere qui possunt. fol.37. §.5. fol. 100. §.6.

- Decretum fœlicis record. Clementis VIII. supra casuum reservationem. fol.264
Deputatis ad Capitulum generale ante tempus morientibus, quid agendum. fol.195. §.1
Deputati ad Capitulum generale debent ferre litteras patentes. fol.102. §.1
Diffinitorium generale quando congregari debet. fol.146. §.3 Diffini

Index eorum omnium

- Diffinitorij generalis autoritas. fol. 147. §. 4.
- Diffinitorium generale renunciationem cuiuscunque officij acceptare & ad officium vacans alios sufficere potest. fol. 147. §. 4.
- Diffinitorium generale, Capitulum congregationis, & Prouinciale ante tempus conuocare potest. fol. 147. §. 4.
- Diffinitorium generale potest eligere in prouincialem, eosque citare, suspendere & priuare. fol. 147. §. 4.
- Diffinitorium generale poenam vltra grauiorem imponere potest. fol. 148. §. 4.
- Diffinitorium generale potest quidquid Capitulum prouinciale potest. fol. 148. §. 4.
- Diffinitorium generale ad quascunque commissiones patrem senem & infirmum eligere potest. fol. 149. §. 7.
- Ad solum Diffinitorium generale pertinet constitutionum difficultates explicare. fol. 149. §. 8.
- Præter Diffinitorium generale nullus sîmo nec Vicarius Generalis committere potest Procuratoribus generalibus priuilegia, & breuia procurare. f. 148. §. 6.
- Diffinitores solo tempore Capituli prouincialis & intermediij omnes alios præcedent. fol. 160. §. 4.
- Disciplina quomodo facienda. fol. 152. §. 11.
- Diffinitorium generale nihil potest contra determinationes Capituli generalis & constitutiones nostras. f. 150. §. 9.
- Diffinitores correctioni superiorum localium subiunguntur. f. 160. §. 4.
- Disciplinam faciendo debent vti fratres cuculla nigri coloris aperta supra scapulas. f. 78. §. 9.
- Discretus conuentualis quâdo eligendus. f. 198. §. 6. 7.
- In

qua in Constitutionibus continentur.

in Discreti electione qui nam sunt qui vocem habent
& quid agendo dum Capit. anticipatur. f. 197. §. 5
Ante Discreti electionem Bulla Clementis VIII. le-
genda vt habetur f. 167. in fine constitutionum.
f. 118. §. 12

Discreti litteras ad diffinitorium directas quibus
dari debent. f. 162. §. 6

Discreti officium non intelligitur sub nomine offi-
cij habens vorum. f. 118. §. 10

Discretus eligi non potest vbi non sunt tres eligibiles.
f. 196. §. 2

Dispensationem & facultatem habens à Vic. Gene-
rali vel Capitulo ea vti nō debet quin prius Priori
aut Prouinciali significa uerit. f. 144. §. 8

E

Egrediens è Conuentu cum Prouinciali quid age-
re debeat. f. 172. §. 8

Egressis è Connētu prohibetur ad alia loca accedere,
fæcularibus negotiis se immiscere, & pro con-
sanguineis respondere. f. 42. §. 5

Egressuris è conuentu socium ex nomine postulare
& ab eo recedere prohibetur. f. 41. §. 3

Eiectus à Congregatione vt incorrigibilis, seruetur
in archiuo Congregationis eius processus.
f. 244. §. 1.

Electionum incapax quis. f. 116. §. 8

ad Electionem Vicarij Generalis vel Prouincialis
conditiones. f. 117. §. 9

Electus octo mensibus ante Capitulum potest reeligi.
f. 117. §. 10

ante Electiones quascumque legi debet Bulla Cle-
mentis VIII. de fauoribus non procurandis quæ
habetur f. 267. in fine constitutionum. f. 118. §. 12.

ante

Index eorum omnium

- ante Electiones semper iuramentum præstandum.
f.159.§.3.164.§.4.
- Eligere indignum prohibetur sub formali præcepto.
- Eligi vel non amoueri procurare prohibetur. f.159.
§.14
- Eligendi Prouincialem & Diffinitores modus. f.159.
§.1.2.3.4
- Eligendi Vic. Generalem modus. f.135.§.6
- Equitantes quomodo puniendi. f.37.§.4
- Eucharistiam sumere quando tenentur fratres nostri
tam sani, quam infirmi. f.101.§.10.87.§.7
- Examen quoad scientiam quando faciendum.
f.193.§.13
- Examen studentium quando & à quibus faciendum.
f.93.§.8
- Examen sibi & Patribus deputatis reseruare potest
Prouincialis in conuentibus imperfectis. f.192.
§.12
- Egredi è Conuentu diebus festiuis & ad loca infamia
& ad comedias accedere prohibetur. f.42.§.4
- Examinatores eligendi. f.192.§.10
- Examinatorum officium. f.192.§.11
- Excommunicationis effectus. f.245.& f.246
ab Excommunicationibus latis per capitula vel
constitutiones absolvere & absolui possunt Piores
nisi specialiter reseruentur. f.246.§.3
- Exercitium manuale quando faciendum. f.58.§.5
- Exercitia spiritualia suadentur & nouitiis præcipiuntur
ante professionem. f.60.§.5
- Expensæ factæ à Procuratoribus generalibus solui
debent ab eis in quorum fauorem sunt factæ.
f.153.§.4
- de Expensis & sumptibus rationem reddere debet
Priori

que in Constitutionibus continentur.

Prior singulis 1. Feriis sextis cuiuslibet mensis.

f.181. §.11

Exaudiat cantandus post Vesperas pro Rege &
Principe. f.51. §.8

F

Falsò accusantes sic declarati non debent vocari
in visitationibus & vtraque voce priuari.

f.210. §.8

Falsum testimonium ferentes vel ad id inducentes
quibus puniantur. f.220 § 8

Fœminas introducere intra cepta conuentuum,
hospitiorum vel domorum nostrarum prohibetur.

f.61. §.6

Fugiens ad alium conuentum vel recto tramite ad
prouincialem vel superiorem quomodo tractan-
dus. f.244. §.8

Furantes aliquid fratres vel sæculari quomodo pu-
niendi. f.38. §.8

De Familia qui nam censeantur missi in aliquem con-
uentum. f.197. §.5

G

Generalis Ordinis potest visitare congregatio-
nem semel in sexennio, & quomodo. f.216.

§. 22

Generalis recipiendus in conuentibus nostris eodem
modo quo Vic. Generalis. f.217. §.22

Ad Generalem appellare vel concurrere nobis pro-
hibetur. f.216. §.22

Grauamine aliquo læsi debent charitatie recipi à
diffinitorio Generali. f.147. §.4

H

H Abitus nostri materia & forma præscribitur.
f. 76. §. 4. §. 6

Habitus nostri debent benedici. f. 78. §. 10

Hebdomadarius debet semper præ manibus habere
Breuiarium vel Diurnale. f. 50. §. 5

Hebdomadarij est dicere Missam conuent. f. 93. §. 12

Hospites si sint Vic. Generalis Prouinc. Procur. &
assistentes generales quomodo recipiendi à Priore
& pro illis tantum salutandis aduocandi sunt fra-
tres solito campanellæ signo. f. 70 §. 8

Hospitio religiosus alterius Ordinis sine licentia su-
perioris recipi non debet. f. 70 §. 3

Hospitiis quæ officia recitanda & lectio mensæ fa-
cienda. f. 183. §. 1. 2

Hospites quanto tempore possunt à superiore reti-
neri, & qualiter recipiendi, f. 70. §. 4

I

I Anitoris Officium & cui tradendæ sunt clauēs
Conuentus & portæ communis. f. 61. §. 7. 8. 9

Impedimenta canonica legenda recipiendis ad ha-
bitum. f. 19. §. 5

Incorrigibilis quis & quomodo puniendus. f. 244. §. 1

Ieiuniorum tempora in nostra religione, & in his
quibus cibis vtendum qui nam dispensentur.
f. 54. §. 1. 2. 3

Ieiuniorum diebus quæ vespere debent ministrari.
f. 55. §. 4

Infames sic declarati quomodo puniantur. f. 220. §. 8

Infirmi interesse non valentes orationi ferotinae de-
bent in cellis à priore benedici. f. 83. §. 4

Infirmis necessaria prouidere priores negligentes pu-
niendi.

qua in Constitutionibus continentur.

- niendi. f.83. § 5
Infirmi à fratribus visitandi de licentia superiorum.
f.84. § 6
Infirmi medico & infirmario obediant. f.84. § 7
Infirmis balnea iubente medico non sunt deneganda.
f.85. § 8
Infirmarij qualitates. f.81. §. 1
Infirmorum cura Priori commendatur. f.82. §. 1.2.3.4
Innocentia inferiorum protegenda à Vic. Generali,
ne vexentur. f.142. §.4
Inuentoria & omnium conuentus bonorum vacatio-
nem reddere tenetur Prior proficiscens ad capitu-
lum vel quocumque modo cedens officio suo sub
pœna. f.191. §.9
Inuentaria & clauēs conuentus debent resignari ab
officialibus superioribus recognitis. f.168 §.4
Inuentaria Conuentus omnium in libro particulari
debent registrari & omnium copia dari singulis
officialibus. f.181. §. 11
Iudex in propria causa nullus potest esse. f.218. §.5
Iudex causarum in capitulo prouinciali quis eligi
potest. f.158. § 7
In iudiciis nostris non debemus procedere secun-
dum apicem iuris sicut in forensibus sed simpli-
citer, f.210. §.9
Iurare falsò aut iurare facere in iudicio prohibetur
sub pœna excommunicationis. f.220. §.8
Iudicium non debet fieri alicuius rei nisi auditis par-
tibus. f.219. §.5
Inquisitionem cuiuscumque criminis impedire pro-
hibetur. f.218. § 4

Index eorum omnium

L

- L**ectio mensæ coram sæcularibus nunquam dimit-
tenda. f.67.§.9
In hospitiiis quomodo facienda. f.184.§.2
Lectio sacræ Theologiæ & Scripturæ quomodo fa-
cienda ac etiam casuum conscientiæ, quando &
à quibus. f.94.§.10
Lector mensæ, quid legere, quomodo incipere, &
finire debet lectionem. f.65.§.4. f.66.§.6
Lectorum qualitates & officia. f.92.§.4
Lectores sunt examinatores nati. f.192.§.11
Lectoribus necessaria danda, & quæ. f.93.§.5
Legatum nouitij pertinet ad conuentum vnde est
oriundus & si non sit ibi conuentus ad arbitrium
capituli prouincialis vel intermedij est. f.30.§.16
Libri non necessarij quomodo vendi possunt. f.109.
§.5
Libri vnus conuentus alteri possunt commodari de
licentia vocalium. f.109.§.5
Libros sæcularibus commodare quomodo liceat.
f.109.§.3
Librum conuentus ad librariam pertinentem alie-
nare prohibetur sub excommunicatione. f.110.
§.6
Linteaminibus quibuscumque, exceptis metandis, &
sudariolis vti prohibetur. f.78.§.9
Litteras Vic. Generalis & aliorum superiorum ape-
rientes vel retardantes quomodo puniendi. f.213.
§.5
Litteras scribere & recipere sine licentia prohibetur.
f.204.§.6
Litteras alterius inferioris prohibetur inferioribus
& superioribus fratrum non sibi subditorum reti-
nere.

qua in Constitutionibus continentur.

nere.

f. 204. §. 7

Litteræ communes registrandæ in libro conuentus
ad hoc assignato.

f. 181. §. 11

Litteræ testimoniales clericorum debent in libro ad
hoc destinato registrari.

ibidem.

M

M Agicis & maleficis artibus operam dantes
quomodo puniendi.

f. 231. §. 6

Magister nouitiorum ter in septimana eorum culpas
audire debet & nullus eo infcio potest mutare ab
eo ordinata.

f. 25. §. 3

Magister nouitiorum post gratias & quoties per
diem cum illis ad aliquem locum procedit & egre-
diendo è choro debet dicere litanias.

f. 68. §. 13

Malefactores in conuentibus nostris recipere non
licet.

f. 71. §. 5

Mandata tam constitutionum quam superiorum ad
culpam non obligant nisi id exprimatur.

f. 33. §. 2

Matelasium quibus & à quibus concedendum.

f. 78. §. 9

Medicamina sæcularibus ordinare prohibetur.

f. 85.

§. 9

Mensæ primæ non assistentes debent aduocari, &
puniri.

f. 68. §. 12

Missæ conuentuali omnes non Sacerdotes imo Sacer-
dotes nouitij quotidie interesse debent.

f. 53. §. 12

Monasteria extra tempus capituli generalis non ac-
ceptanda nisi de consensu diffinitorij generalis in
scriptis obtento.

f. 131. §. 18. f. 148. §. 4

Monasteria nulla in posterum acceptanda nisi 12. fra-
tres de familia commodè sustentari possint aliter
quam de sola mendicatione campestri sub pœna
priuationis officij & vtriusque vocis.

f. 131. §. 18

T 3

Mori

Index eorum omnium

- Moribundi quæ cura habenda. f.85. §.1.2.3.4
Mortuorum cura habenda tam ante, quam post sepulturam. f.86. §.5. & 87. §.6. & 7
Mulieribus in via & in vrbe se associare prohibetur. f.41. §.6
Munera dare & accipere prohibetur. f.38. §.7

N

- N**egotiis sæcularibus se immiscere & pro consanguineis respondere prohibetur. f.42. §.5
Noui professi & Sacerdotes primo anno culpis Magistris nouitiorum interesse tenentur. f.31. §.2
Noui professi vsque ad triennium debent stare ante pulpitum, feriis sextis disciplinam apprehendere & superiores genibus flexis alloqui. f.32. §.3
Noui professi vsque ad septennium, Sacerdotes vero vsque ad triennium Subprioris iurisdictioni subiunguntur. f.32. §.3
Noui professi à nullo ad studia promoueri possunt nisi completo primo professionis anno. f.32. §.4
Nouis professis Subprior aut Magister nouitiorum potest eis imponere culpas leues & medias. f.31. §.2
Noui professi ad Sacerdotium non possunt promoueri nisi de licentia Vic. Generalis. f.96. §.4
Nouitij recipi & profiteri non possunt contradicentibus Vic. Generali. f.145. §.11. & Prouinciali. f.170. §.3
Nouitiatus superior, & familia illius debent esse de religiosis selectis. f.165. §.5.7
Nouitius anno nouitiatus expleto debet profiteri, vel ad sæculum remitti. f.30. §.1
Nouitius tenetur ante professionem exhibere baptismini fidem. f.20. §.5
Nouitiorum vestes sæculares claue claudantur & eorum

qua in Constitutionibus continentur.

rum pecuniis Prior uti non debet. f.22.§.13

Intra Nouitiorum dormitorium nullus ingrediatur
in scio Priore & eorum Magistro. f.24.§.1

Nouitius à dormitorio sine licentia exire non debet
f.24.§.1

Nouitij singulis sextis feriis super nudas scapulas dis-
ciplinam apprehendere debent præsente Magistro
vel Submagistro eorum. f.25.§.4

Nouitiis litteris incumbere & extra Conuentum
missis, cū sæcularibus loqui interdicitur. f.26.§.7

Nouitios nullus professus potest alloqui sine licentia.
f.27.§.8

Nouitij inter se & cum quocumque professo genibus
flexis loqui debent. f.27.§.8

Nouitiis ter in anno confessarios nominare Prior
tenetur. f.27.§.9

Nouitios inuifere potest Prior, sed semper cum sene
aliquo Patre. f.27.§.10

Nouitiorum culpas singulis sextis feriis audiet Prior,
de quibus notabiliter disponere non poterit in scio
eorum Magistro. f.27.§.10

Nouitij ter in anno debent ballotari. f.28.§.11

Ante Nouitiorum vltimam ballotationem professi
omnes de eorum moribus debent interrogari.
f.28.§.12

Nouitij possunt extra tempora ballotari & quo-
modo. f.29.§.14

O

Obedientiis Vic. Generalis non debet quis uti
quin prius Prouinciali vel Priori significauerit.
f.144.§.8

Sine Obedientia superiorum repertus extra Conuen-
tum potest apprehendi & in loco tuto ser-
uari.

Index eorum omnium

- uari. f. 71. §. 6
- Obedire recusans quomodo tractandus. f. 34. §. 5
- Obedire recusans mandatis Vic. Generalis omni officio & voce per triennium priuetur. f. 141. §. 1
- Obligaciones Missarum perpetuas & annuales non potest recipere Prior vltra sui officij terminum sine licentia Prouincialis. f. 180. §. 8
- Offensam factam venia petita remittere recusans carceri mancipatur. f. 91. §. 8
- Officiales debent superiori electo omnes clauēs & inuentaria resignare. f. 168. §. 4
- Ab Officio se absentantes quomodo puniendi. f. 50. §. 4
- Officio inchoato accedentes genuflexi debent expectare signum præsentis. f. 51. §. 7
- Officium diuinum qua hora & quomodo recitandum. f. 50. §. 3. 5
- Orationi mentali quando & quanto tempore vacandum. f. 52. §. 9
- Ad Ordines mittere contra formam à constitutionibus requisitam non potest Vic. Generalis nec Prouincialis. f. 96. §. 5
- Ostarius nocte imminente clauēs Conuentus & Ecclesiæ Priori deferat. f. 63. §. 9
- Ostarius de noctu non debet portam aperire, nisi cum socio. f. 63. §. 9
- Officia nolens acceptare quomodo puniendus. f. 120. §. 17

P

- P**Allium intra Conuentum interdicitur iis qui ad patientiam sunt condemnati. f. 80. §. 16
- Particularitates pirantiarum prohibentur. f. 66. §. 8
- Patres consilij & examinatores habent semper suum ius

qua in Constitutionibus continentur.

- ius licet præsentibus officialibus generalibus.
f.194.§.16.
- Peccatum alicuius occultum prodiens quomodo puniendus. f.90.§.4
- Pecunias contrectantium & in via deferentium pœnæ. f.36.§.3.4
- Pecuniæ eleemosynariæ in archiuio Conuentus seruari debent, nec inde extrahi præsentibus Priore, Subpriore & primo Patre consilij. f.191.§.8
- Percutientium, & minantium pœnæ. f.238.§.1.2
- Pœna grauis non debet imponi nisi dicatur causa. f.218.§.4
- A Pœnis impositis à superiore non potest inferior dispensare. f.218.§.4
- Pœnis suspensionis vel priuationis nemo subijcitur nisi per sententiam & declarationem. f.235.§.1
- Portæ communis custodia cui iniungenda, & custodis officium. f.61.§.7.8.9.10
- Præcedentia, tam in capitulis, quam extra. f.45.§.3.4
- Præceptum legendum inirio cuiuslibet ballotationis nouitiorum. f.23.§.15
- Præceptum formale contra pecunias, libros, & alia valentia decem solidos penes se vel alios seruantes sine licentia. f.39.§.12
- Præceptum formale toto Conuentui non potest facere Prior sine consensu PP. consilij, nec excommunicationem ferre sine licentia Prouincialis. f.179.§.7
- Præsidens capituli Prouincialis debet esse alterius prouinciæ nisi sit Vic. Generalis. f.144.§.9
- Præsidendum communitatis actibus autoritas. f.48.§.5. f.51.§.7
- Priori de nouo electo in aduentu suo ad Conuentum debent omnes officiales clauēs & inuentaria resignare.

Index eorum omnium

gnare.

f. 168. §. 4

Prior mittens ad sacros ordines sine licentia Vic.

Generalis aut Prouincialis officio priuatur. f. 97. §. 6

Prior potest solus ad minores ordines mittere. f. 95.

§. 1

Prior ægrotus, aut in vrbe in qua est eius Conuentus concionator, non censetur absens. f. 178. §. 4

Prioris absentia quantum durare potest. f. 177. §. 2

Prior petens aliquam licentiam pro se, à PP. consilij per vota secreta fieri debet. f. 177. §. 2

Priore absente vltra quindecim dies potest Prouincialis Vicarium constituere. f. 178 §. 3

Prior non assignans officia sacristæ, quæstoris, &c. Prouincialis erit prouidere. f. 179. §. 6

Prior semel in mense Prouinciali scribere tenetur. f. 179. §. 7

Prior non potest subditos mittere vltra 10. leucas nec vltra quindecim dies nisi de consensu vocalium. f. 179. §. 7

Prior non potest mittere subditos ad loca vbi Conuentum habemus nisi pro processione improuisa. ibidem.

Prior, viridarium, arborem magni momenti euellere, nouam fabricam inchoare aut inchoatam mutare, fundamentum ex quatuor claustri lateribus ponere non potest sine licentia Prouincialis. f. 180.

§. 8

Prior Subpriorem potest suspendere. f. 180. §. 9

Prior tenetur cogere quæstores ad reddendam rationem. f. 181. §. 10

Prior pro quibus defectibus suspendendus vel priuandus sit ab officio. f. 182. §. 12. 13

Prior pro sumptibus ordinariis victus, & vestitus PP. consilij consensum non tenetur habere, non ta-

men

qua in Constitutionibus continentur.

men debet negligere.

f. 190. §. 4

Prior in vno mense non potest expendere ultra tres aureos sine consensu Patrum consilij per vota secreta.

f. 190. §. 4

Prior suis subditis licentiam notabilem nec rem aliquam consideratione dignam mutuo dare vel extra Conuentum deponere, nec extraneorum deposita recipere, viridarium, vineam, & hortum plantare potest sine licentia PP. consilij

f. 190. §. 5

Prior debitum ultra 10 aureos contrahere non potest sine cōsensu PP. cōsilij. pro debito vero 100. aureos excedente requiritur consensus Prouincialis & approbatio diffinitorij generalis.

f. 190. §. 6

Prior habens rem aliquam notabilem in capitulo agitandam debet pridie & paulo ante capitulum admonere Vicarium Generalem & Prouincialem si adsint.

f. 193. §. 15

Prior tenetur conuocare capitulum solito campanæ signo, & absentes vocare.

f. 194. §. 16

Prior non valens ire ad capitulum quid agere debeat.

f. 199. §. 11

Prior quas pœnas potest imponere.

f. 218. §. 3

Prior in solemnissimis festis debet per se vel per alium aliquo sermone præparare fratres ad solemnitatem.

f. 223. §. 7

Prior in quibus casibus potest carceri mancipare fratres.

f. 233. §. 3. 4

Prior iubens alicui vt ad cellam accedat terminum non exprimens, vsque ad primum communitalis actum intelligitur.

f. 233. §. 3

Prior potest cellam sine clauē iniungere per tres dies.

f. 233. §. 3

Prior & Prouincialis in vexatione fratris retardantes litteras Vic. Generalis ab officio priuantur.

f. 241. Prior

Index eorum omnium

- Prior & Prouincialis ad mandatum Vic. Generalis expensas factas à procuratore generali subministrare recusantes officio priuantur. f. 154. §. 4
- Priuationis pœnæ nemo subijcitur nisi post sententiam, & declarationem superioris. f. 235 §. 1
- Priuare capucio quis potest. f. 236. §. 3
- Priuari voce nemo potest nisi in casibus contentis in constitutionibus. f. 237. §. 6
- Priuare voce possunt Vic. Generalis, Commissarius, & Prouincialis. f. 237. §. 6
- Priuare voce & loco quanto tempore possunt Vic. Generalis & Prouincialis. f. 229. §. 3
- Priuationi iustæ non acquiescens qua pœna puniatur. f. 236. §. 3
- Priuatus capucio è Conuentu exiens cum obedientia ipsum assumet. f. 236. §. 4
- Priuatus officio locum professionis assumere debet. f. 237. §. 6.
- Procedendum non est in rebus grauioribus nisi auditis & citatis partibus. f. 219. §. 5
- Processum iudicarium formare non potest Prior sine consensu PP. consilij. In processibus vero magni momenti consensus Prouincialis, imo capituli prouincialis aut intermedij requiritur. f. 191. §. 7
- Procuratores Generales residere obligantur. f. 152. §. 1
- Procuratores Generales nulla priuilegia procurare possunt sine licentia diffin. generalis. f. 153. §. 3
- Procuratores Generales omnibus capitulis interesse debent. f. 154. §. 7
- Procuratores Generales solius Vic. Generalis iurisdictioni, & benedictioni subijciuntur. f. 154. §. 7
- Procuratores Generales in omnibus conuentibus, & si sint per transennam, omnibus capitulis, consiliis, examinibus interesse possunt saluo semper iure

quæ in Constitutionibus continentur.

- iure PP. consilij & examinatorum. f.194. §.16
- Procuratores Generales quando alios superiores præcedere debent. f.46 §.3
- Professus cum impedimento à quibus expellendus est. f.10. §.6
- Propositiones faciendæ PP. consilij vel vocalibus post Missam conuentualem differri debent. f.123. §.5
- Propositionibus factis à superioribus vbi consensus PP. necessarius est, nisi omnes in id ipsum consenserint consultatio fiet per vota secreta. f.189. §.2
- Proprietarius quis & quomodo puniendus. f.38. §.9
- In Proprietate mortuus quomodo tractandus. f.39. §.10
- Prouincialis tenetur electiones & definitiones capituli generalis curare registrari in libro Prouinciæ nec non publicari, & obseruari & registrari per omnes Conuentus, sub pœna priuationis officij. f.140. §.4
- Prouincialis tenetur sub pœna priuationis officij registrare in libro Prouinciæ confirmationem capituli Prouincialis. f.164. §.3
- Prouinciali obedire recusantes quomodo puniendi. f.169. §.1
- Prouincialis nequit apostatas absolvere ultra quatuor menses. f.170. §.2
- Prouincialis potest prouidere de lectore vsque ad capitulum Prouinciale vel intermedium. f.94. §.11
- Prouincialis circa conclusiones vocalium Conuentus nihil poterit nisi in capitulo Prouinciali vel intermedio. 170. §.3
- Prouincialis ad capitulum generale accedere & acta visitationum portare tenetur. f.170. §.4
- Prouin

Index eorum omnium

- Prouincialis toti Prouinciæ nec conuentibus particularibus potest sub pœna excommunicationis aut per meritum salutaris obedientiæ aliquid præcipere nisi de consensu diffin. capit. Prouincialis vel intermedij. f. 171. §. 4
- Prouincialis in quibus casibus potest superiores nominare. f. 171. §. 5
- Prouincialis potest procurare stationes aduentus & quadragesimæ extra suum terminum. f. 171. §. 6
- Prouincialis semel in mense tenetur per litteras certum facere Vic. Generalem de statu suæ Prouinciæ. f. 172. §. 7.
- Prouincialis in casu morbi grauis potest assumere in subsidium pro negotiis quem voluerit ex diffinitoribus. f. 173. §. 11
- Prouinciali mortuo primus diffinitor eius locum & auctoritatem habet sex mensibus circiter ante capit. sin autem à Vic. Generali prouidebitur f. 173. §. 11
- Prouincialis absolutus nec in capitulo in quo absoluitur nec in sequenti potest eligi Prouincialis eiusdem Prouinciæ, bene tamen in altera expleto biennio. f. 174. §. 13
- Prouincialis tenetur significare cōuentibus locum residentię discreti ad cap. generale deputati. f. 195. §. 1.
- Prouincialis quas pœnas potest imponere. f. 218. §. 3
- Prouincialis potest omnes superiores sub alternos suspendere per duos menses. f. 235. §. 2
- Prouincialis potest omnes officiales non habentes vocem in capitulo suspendere & priuare. f. 236. §. 2
- Prouincialis in vexatione fratrum retardans litteras Vic. Generalis ab officio priuatur. f. 241. §. 2
- Prouincialis ad mandatum Vic. Generalis expensas factas à procuratore generali subministrare recusans officio priuatur. f. 154 §. 4

quæ in Constitutionibus continentur.

Ad Prouincialis electionem conditiones requisitæ. f. 117. §. 9

Prouincialis primis sex mensibus sui biennij omnes Prouinciæ suæ Conuentus personaliter visitabit. f. 169. §. 2

Quo in casu potest visitationem differre. f. 214. §. 16

Q

Quætores cogere tenetur Prior ad reddendam rationem singulis mensibus. f. 181. §. 10

R

Recepti ad habitum possunt admitti ad communem nouitiorum exercitationem. f. 22. §. 11

Receptus extra nouitiatum intra mensem, ad illum mitti debet cum vestibus. f. 21. §. 10

Receptus ad habitum debet sibi comparare vestes & alia nisi Prouincialis cum capitulo conuentuali dispenseret. f. 21. §. 9

Recipiendus ad habitum tenetur iureiurando confirmare coram capitularibus se nullo impedimento detineri. f. 20. §. 7

Recipientes vel admittentes ad professionem nouitium cum impedimento quomodo puniendi. f. 20. §. 6

Reclamantes, recurrentes, & appellantes in grauamine de cuiuscumque sententia charitatiue excipere debet diffinitorium generale. f. 147. §. 4

Recreationes quando dandæ, & in his extra Conuentum pernoctare prohibetur. f. 57. §. 4

Recurrentes ad personas extraneas quomodo puniendi. f. 220. §. 7

Redditus annuales & perpetui à quibus & quomodo acceptari possunt. f. 35. §. 1

Reelectiones ad eadem officia prohibentur, & in quo

Index eorum omnium

- quo casu conceduntur. f. 118. §. 11
In Refectorio aliquid negligenter committens quid
agere debeat. f. 67. §. 10
Extra Refectorium non licet comedere sine licen-
tia. f. 68. §. 12
Religiosus alterius ordinis sine licentia superioris
hospitio recipi non debet. f. 70. §. 3
Reliquiaria ex auro vel argento prohibetur. f. 37. §. 6
Reservatio casuum cui. f. 101. §. 12
Romam petentes obedientiam immediate præsen-
tare debent Procuratori generali & eo inscio nihil
possunt procurare nec ab vrbe recedere sine illius
obedientia. f. 154. §. 5
Romam petere, vel extra limites congregationis ne-
mo potest sine licentia Vic. Generalis. f. 143. §. 6

S

- S**acerdotes quotidie debent celebrare iuxta Prioris
intentionem, exceptis 4. anni festiuitatibus
f. 97. §. 7
Scapularia debent benedici. f. 78. §. 10
Schisma in congregatione molientes qua pœna ple-
ctuntur. f. 230. §. 1
Scripta alicuius notabilia dilacerare per se vel per
alios depetdere, surripere, vel derinere prohibetur
sub pœna excommunicationis. f. 110. §. 7
Scripta fratrum superioribus consignata ipsis con-
seruare, & mittere debent. f. 110. §. 8
Scrutatores diffinitorij generalis qui. f. 125. §. 1
Scrutatores qui sunt in consilijs S. PP. consilij, voca-
lium & de discreto. f. 189. §. 2
Secretarius congregationis in vna tantum electione
discreti vocem actiuam habet. f. 196. §. 3
Secretarium congregationis priuare vel alium sumere
non

qua in Constitutionibus continentur.

non potest Vicarius Generalis nisi de consensu maioris partis assistentium. f. 187. §. 1

Secretarius congregationis vocem habet in capitulis generalibus, Prouincialibus, & Conuentualibus f. 187. §. 3

Secretarius congregationis è Conuentu exire non debet sine licentia Vic. generalis de quo nullus potest notabiliter disponere. f. 187. §. 3

Senex supra quinquagesimum potest dispensari ut eligatur procurator vel assistens generalis, vel diffinitor, vel Vicarius hospitij. f. 116. §. 8

Sepelire sæculares in Ecclesiis nostris licet de consensu vocalium & capituli Prouincialis, exire vero extra Monasterium prohibetur. f. 83. §. 8

Sigilla superiorum qualia. f. 202. §. 1. 2

Sigilla quibus conceduntur, eis etiam conceditur litteras scribere & recipere sine licentia. f. 203. §. 4

Sigilla priuata interdiciuntur. f. 203. §. 4

Signa in actibus communibus à quibus facienda. f. 48. §. 5

Signa & benedictionem non habent conuersi professi super nouitios, nec clerici nouitij super conuersos professos. f. 49. §. 5

Signa facienda sub finem & in fine refectionis. f. 67. §. 11

Signaturas recipientes aut procurantes, excommunicantur. f. 34. §. 6

Silentium quibus locis & temporibus seruari debet. f. 56. §. 1

Silentium seruari non curantes superiores puniri debent. f. 56. §. 1

Socius Prouincialis vocem habet in capitulo Prouinciali, secretarij functionem habet, & non debet exire è Conuentu sine licentia Prouincialis, &

Index eorum omnium

- Prior Deo eo disponere nequit, eius est scribere obedientias & alia. f.188.§.4
- Socius Prouincialis potest cum eo suffragari in Conuentu quocumque pro electione discreti & si non fuerint ibi per quatuor menses, sin autem separari & in alio Conuentu ad instar aliorum vocalium debuit ibi mansisse per quatuor menses. f.196.§.3.
- Socium quando & in quo casu potest Prior dare religiosi viatoribus & non à Prouinciali missis de sua familia. f.197.§.5
- Solitarij à quibus exercitiis & communitalis actibus vacare debent. f.60.§.5
- Studentium qualitates & conditiones. f.93.§.6.7
- Studiorum Conuentus Prior debet eligi multum versatus in genere studiorum. f.92.§.2
- Studiorum Conuentus disponendi iuxta numerum studentium. f.91.§.1
- Studiorum Conuentus debet prouideri de religiosi sufficientibus ne studentibus cogantur vti in necessitate. f.92.§.3
- Ad Studia qui admittendi. f.93.§.6
- Studentes in capitulo Prouinciali non electi cui competit eos, & etiam cursu incepto eligere. f.93.§.6
- Studentes quibus officiis interesse debent à quo dispensare possunt, & post matutinum studere cum lampade eis prohibetur sine licentia superiorum. f.91.§.7
- Sudentium examen quando fieri debet. f.94.§.8
- Studentibus, & lectoribus quæstiones superfluz interdiciuntur. f.94.§.9
- Studentes non proficientes amouendi. f.94.§.8
- Subprior in absentia Prioris, aliquid innouare, nec exire

quæ in Constitutionibus continentur.

exire è Conuentu debet. f.186. §.3

Subprior in die absolutionis generalis Priore absente vel ante 24. horas dabit absolutionem. f.186.

§. 4

Subprior moriente Priore sex mensibus ante capitulum Prouinciale erit Vicarius & ad capitulum suffragaturus accedet. f.186. §.5

Subprior præsentem in absentia Prioris ultra 15. dies potest Prouincialis constituere Vicarium. f.178.

§. 3

Subprior potest suspendi à Priore. f.180. § 9

Subprioris officiũ qualitates & conditiones, eius erit curam gerere nouorum professorum. f.184. §.1
f.185. § 2

Subprior erit regulariter Magister nouitiõrum. f.24. §.2

In Conuentibus studiorum poterit nouorum professorum cura dari lectori si ita Prouinciali visum fuerit. f.185. §.2

Suffragari non debent fratres pro quocumque & cæteris quæ per vota secreta fieri mandantur, nisi pro illo quem teste Deo & conscientia ad officia & ad alia nouerint aptiorem & digniorem. f.119.

§.13.14.15.16. f.164. §.4. f.159 §.3

Suffragia facienda pro defuncto fratre. f.87. §.7

Suffragia facienda pro defunctis Vic. Generali, vel Prouinciali, vel nouitio. f.88. §.7

Superioribus præcipitur de necessariis prouidere suis fratribus. f.39. §.11

Superior non excipiens charitatiue hospites quomodo puniendus, f.74. §.13

Superioribus interdicitur veritatem alicuius delicti extorquere per tormenta & supplicia. f.218. §.5

Superiorum percutientium & notabili iniuria afficientium pœna. f.231. §.1

Index eorum omnium

Superior Conuentus à quo exeunt fratres non pro-
uidens eis de necessariis ad itinerandum quo-
modo puniendus. f.74. §.12

Surripere vel detinere prohibetur alicuius scripta &
similia f.110. §.7

Suspensi ab officiis se illis ingerentes perdunt omne
ius illud recuperandi. f.236. §.3

Suspensi semper vtraque voce carent. f.236. §.3

Suspensus ab officio loco consueto gaudet non ta-
men sigillo. f.237. §.6

T

TAlionis poenæ subicitur deficiens in probatio-
nibus. f.209. §.7

Testimonium illorum quorum nullum est. f.210. §.8

Falsum Testimonium reddere prohibetur, sicut &
testem falsum dare, inducere, dari facere, sub ex-
communicatione. f.220 §.8

Testimonium sæcularium contra fratres quando
recipi potest. f.210. §.10

Testimonium nullum ferre potest quis sine superio-
rum licentia. f.219. §.6

Tonsura & corona quo tempore facienda, extra Con-
uentum fieri non debet nisi in itinere. f.81. §.18

V

VAcare ab officio per biennium qui debent.
f.117. §.10

Vestimenta emere, portare, retinere, & distrahere
sine licentia prohibetur. f.75. §.1

Vestimenta vetera fratres purgare tenentur & ad
vestiarium deferre dum noua recipiunt. f.79. §.13

Vestes externas expostulare interdicitur. f.80. §.15

Vestibus priuari religiosi non debent. f.80. §.16

Vestes

qua in Constitutionibus continentur.

Vestes debent lauari ad arbitrium superioris. f.80.

§.16

Vestimenta lanea & lineæ & strophiola personæ particulari lauanda consignare prohibetur. f.80. §.16

Viatores capitulis culparum debent interesse post hebdomadam. f.74. §.10

Viatores nostri quomodo recipiendi, introducendi, & salutandi. f.72. §.8

Viatores extra Conuentum prandentes, pernoctantes, deferentes litteras & falsos rumores quomodo puniendi. f.73. §.9

Viatores PP. post hebdomadam possunt capitulis vocalium interesse, eo excepto in quo discretus eligendus est. f.74. §.10

Viator committens aliquam culpam à Priore potest corrigi. f.74. §.11

Vicariorum hospitiorum authoritas & qualitates, legatur officium de Priore vocem habet, in capitulis Prouincialibus modo sint electi. f.183. §.1

Vicarios nominare Prouincialis erit vsque ad capitulum Prouinciale vel intermedium. f.171. §.5
Modo sint electi vt præcipitur. f.159. §.3

Vicariis Conuentuum tempore capituli Prouincialis interdicitur aliquid noui attentare, & sibi vel aliis nouas vestes & similia emere. f.80. §.17

Vic. Generalis qualitates & conditiones. f.117. §.9

Vic. Generalis authoritas. f.143. §.5.6

Vic. Generalis. residentia. f.142. §.3

Vic. Generali contradicente nullus potest ad habitum recipi, vel profiteri, ad sacros ordines mitti, concionari, & confessiones audire. f.145. §.11

Vic. Generalis propter quæ, quomodo & à quibus priuandus. f.150. §.10.11

Vic. Generali priuato vel defuncto alius eligendus

Index eorum omnium

- & à quibus. f.151. § 11
- Vic Generalis in vna sola electione discreti in vno
Conuentu vocem actiuam habet. f.196. §.3
- Vic. Generalis tempore electionis discreti in eo
Conuentu in quo vult suffragari debet commo-
rari. f.197. §.4
- Vic. Generalis visitandi gratia alicuius Prouinciæ
limites ingrediens prouincialem de aduentu suo
& de Conuentu in quo ipsum visitare desiderat
admonere debet. f.206. §.2
- Vic. Generalis quas pœnas imponere potest. f.213.
§. 3
- Vic. Generalis omnes officiales non habentes vocem
in capitulo potest suspendere & priuare. f.236. §.2
- Vic. Generalis vltra limites congregationis profici-
sci non debet nisi de consensu assistentium. f.143.
§. 5
- Vic. Generalis tempore visitationis in casu criminis
potest obligare sibi subditos, è sua Prouincia in
aliam progredi & commorari, & extra tempus
visitationis de consensu assistentium, aliter non
nisi de ipsorum consensu & non contradicente
Prouinciali Prouinciæ ad quam tendit. f.143. §.6
- Vic. Generalis concedens alicui in aliena Prouincia
remanere, potest, & eius successor eum ad pro-
prium vocare dum libuerit; si vero fuerit cap. ge-
nerale ab illo solo poterit reuocari. f.144 §.7
- Vic. Generalis diffinitorio capituli generalis exhibere
debet librum in quo determinationes & alia no-
tabilia quæ per se aut cum assistentibus tam visi-
tationis tempore quam extra fecerit & hunc li-
brum successor tradere. f.145. §.10
- Vic. Generalis vni tantum ex assistentibus permittere
potest se absentare à diffinitorio generali, aliter
non

quæ in Constitutionibus continentur.

non potest quis abesse sub pœna depositionis.
f. 149. §. 9.

Vic. Generalis executioni mandare tenetur quidquid
à diffinit. generali determinatum fuit. f. 150.
§. 9

Visitationis sententia in proprio ferenda. f. 207. §. 4
In Visitationibus superiorum interrogationes facien-
dæ. f. 207. §. 5

In Visitationis principio ceremoniæ faciendæ. f. 209.
§. 6

Visitanda quæ sunt, & quo ordine. f. 211. §. 11

In Visitationis capitulo Prouinciali, superioribus, &
officialibus generalibus suas culpas dicentibus
totus Conuentus stare debet erectus f. 212. §. 11

Visitator Generalis tempore visitationis omnes præ-
ter Vic. Generalem præcedet. f. 213. §. 16

Si Visitator quo tempore visitat, occurreret tempus
visitationis Prouincialis destinatum ab ea se ab-
sentabit, & differet eam post capitulum generale.
f. 214. §. 16

Visitator Generalis omnium religiosorum culpas
præter Vic. Generalis audiet. f. 214 §. 16

Visitatoris Generalis mandatis non obediens quo-
modo puniendus f. 214. §. 17

Visitatoris Generalis ordinationes nullus nec ipse
Vic. Generalis mutare & alterare poterit. f. 215.
§. 19

Visitator generalis non potest mutare nec alterare
ordinata à Vic. Generali. f. 215. §. 19

Visitator non potest deponere Prouinciales, diffini-
tores & superiores locales sed tantum suspendere.
f. 215. §. 20

Visitor Generalis ultra tres dies post visitationem in
Conuentu remanens ad solitum locum redire de-
bet

Index eorum omnium

bet.

f. 216. §. 21

Vino subditi tales per capitulum declarati priuantur
voce actiua & passiuā, & non debent vocari in
visitationibus.

f. 220. §. 8

Vocales qui sint.

f. 193. §. 14

Vocem actiuam & passiuam nemo potest habere in
electione discreti qui in eodem Conuentu non
fuerit commoratus per quatuor menses.

f. 197. §. 5

Vocem actiuam & passiuam habere contententes
siue sint non triennales, siue clerici, siue conuersi
quomodo puniendi.

f. 115. §. 4

Voci suæ renunciare nemo potest.

f. 116. §. 6

F I N I S.

petentibus Superior dare noluerit, possint
nihilominus Confessarij illa vice
pœnitentes Regulares, etiam
non obtenta à Superiore fa-
cultate, absoluerè.

* *

F I N I S.

ERRA

E R R A T A.

Pagina 4. linea 26. aliquam lege aliqua. *p. 6. l. 10.* & figantur in nullam, *l. figantur in nulla.* *p. 8. l. 12.* non innotescere, *l. innotescere.* *p. 9. l. 20.* fratrem, *l. frater.* *p. 10. l. 18.* præbeantur, *l. præbeatur.* *p. 10. l. 19.* collatum, *l. collatam.* *p. 11. l. 2.* siue, *l. sine.* *p. 13. l. 6.* quanto, *l. quantà.* *p. 16. l. 15.* applica, *l. Apostolica.* *p. 20. l. 14.* ignorantes, *l. ignoranter.* *p. 26. l. 10.* tringinta, *l. triginta.* *p. 27. l. 10.* inter silentium, *l. inter se silentium.* *p. 28. l. 26.* aliquod, *l. aliquid.* *p. 32. l. 20.* Græce Hebraice, *l. Græcæ Hebraicæ.* *p. 34. & 38. l. 19. & 12.* vingenti, *l. viginti.* *p. 44. 91. & 152. l. 16. 17. & 2.* aduertat, *l. auertat.* *p. 45. l. 4.* præsse, *l. præesse.* *p. 46. l. 33.* committantur, *l. comitantur.* *p. 47. l. 21.* terra, *l. tertia.* *p. 51. l. 5.* expleuerit, *l. expleuerint.* *p. 59. l. 14.* ea, opportune, *l. cas, opporrunæ.* *p. 72. l. 15.* conuentum, *l. conuentuum,* *p. 73. l. 13.* cum, *l. aut.* *p. 76. l. 5.* supendatur, *l. suspendatur.* *p. 77. l. 30.* cacemanta, *l. calceamenta.* *p. 80. l. 22.* linneum, *l. lineum.* *p. 81. l. 4.* inferrori, *l. inferiori.* *p. 86. l. 5.* priuetur, *l. priuentur.* *p. 88. l. 16.* ecclesis, *l. Ecelesiis,* *p. 91. l. 2.* offensum, *l. offensus.* *p. 14. & 21.* reficiantur, *l. reficiatur,* *admissis,* *l. admissi.* *p. 114. l. 23.* quod iterum, *l. quod si iterum.* *p. 120. l. 25.* similla, *l. similia.* *p. 147. l. 2.* argenti, *l. vrgenti.* *p. 149. l. 5.* senen, *l. senem.* *ibid. l. 21.* eiusdem se, eiusdem Congregationis. *ibid. l. 22.* illis immisceant, *l. illis se immisceant.* *p. 208. l. 8.* tranctantur, *l. tractantur.* *p. 210. l. 27.* probare, *l. probari.* *p. 211. l. 8.* cætera, *l. cæteras.*